

Namo tassa bhagavato arahato sammāsambuddhassa

# Khuddakanikāye

## Jātakapāḷi

(Dutiyo bhāgo)

### 17. Cattālīsanipāto

#### 521. Tesakuṇajātakam (1)

1. “Vessantaram taṃ pucchāmi, sakuṇa bhaddamatthu te;  
Rajjam kāretukāmena, kiṃ su kiccaṃ kataṃ varam?”.
2. “Cirassaṃ vata maṃ tāto, kaṃso bārāṇasiggaho;  
Pamatto appamattaṃ maṃ, pitā puttaṃ acodayi.
3. “Paṭhameneva vitathaṃ, kodhaṃ hāsaṃ nivāraye;  
Tato kiccāni kāreyya, taṃ vataṃ āhu khattiya.
4. “Yaṃ tvaṃ tāta tapokammaṃ [tape kammaṃ (sī. syā. pī.)], pubbe katamasamsayam;  
Ratto duṭṭho ca yaṃ kayirā, na taṃ kayirā tato puna [punam (pī.)].
5. “Khattiyassa pamattassa, raṭṭhasmiṃ raṭṭhavaḍḍhana;  
Sabbe bhogā vinassanti, rañño taṃ vuccate aghaṃ.
6. “Sirī tāta alakkhī ca [sirī ca tāta lakkhī ca (syā. pī.)], pucchitā etadabravum;  
Uṭṭhāna [uṭṭhāne (syā.)] vīriye pose, ramāhaṃ anusūyake.
7. “Usūyake duhadaye, purise kammadussake;  
Kālakaṇṇī mahārāja, ramati [ramāti (ka.)] cakkabhañjanī.
8. “So tvaṃ sabbesu suhadayo [so tvaṃ sabbesaṃ suhadayo (syā. pī.), so tvaṃ sabbe suhadayo (ka.)], sabbesaṃ rakkhito bhava;  
Alakkhiṃ nuda mahārāja, lakkhyā bhava nivesanaṃ.
9. “Sa lakkhīdhitisampanno, puriso hi mahaggato;  
Amittānaṃ kāsipati, mūlaṃ aggañca chindati.
10. “Sakkopi hi bhūtapati, uṭṭhāne nappamajjati;  
Sa kalyāṇe dhiṭiṃ katvā, uṭṭhāne kurute mano.
11. “Gandhabbā pitaro devā, sājīvā [sañjīvā (pī.)] honti tādino;  
Uṭṭhāhato [uṭṭhahato (syā. pī.)] appamajjato [mappamajjato (ka.)], anutiṭṭhanti devatā.
12. “So appamatto akkuddho [akkuṭṭho (pī.)], tāta kiccāni kāraya;  
Vāyassu ca kicesu, nālaso vindate sukhaṃ.

13. “Tattheva te vattapadā, esāva [esā ca (pī.)] anusāsanī;  
Alaṃ mitte sukhāpetuṃ, amittānaṃ dukhāya [dukkhāya (pī.)] ca”.
14. “Sakkhisi tvam [sakkhī tuvaṃ (sī. syā. pī.)] kuṇḍalini, maññasi khattabandhuni  
[khattiyabandhunī (pī.)];  
Rajjaṃ kāretukāmena, kiṃ su kiccaṃ kataṃ varam”.
15. “Dveva tāta padakāni, yattha [yesu (pī.)] sabbam patitthitam;  
Aladdhassa ca yo lābho, laddhassa cānurakkhaṇā.
16. “Amacce tāta jānāhi, dhīre atthassa kovide;  
Anakkhā kitave tāta, asoṇḍe avināsake.
17. “Yo ca taṃ tāta rakkheyya, dhanam yañceva te siyā;  
Sūtova ratham saṅgaṇhe, so te kiccāni kāraye.
18. “Susaṅgahitantaṃ, sayam vittam avekkhiya;  
Nidhiṇca iṇadānaṇca, na kare parapattiyā.
19. “Sayam āyam vayam [āyavayam (pī.)] jaññā, sayam jaññā katākatam;  
Niggaṇhe niggaḥāraṃ, paggaṇhe paggaḥāraṃ.
20. “Sayam jānapadam attham, anusāsa rathesabha;  
Mā te adhammikā yuttā, dhanam raṭṭhaṇca nāsayam.
21. “Mā ca vegena kiccāni, karosi [kāresi (sī. syā. pī.)] kārayesi vā;  
Vegasā hi kataṃ kammaṃ, mando pacchānutappati.
22. “Mā te adhisare muṇca, subālhamadhikodhitam [kopitam (sī. syā.)];  
Kodhasā hi bahū phītā, kulā akulataṃ gatā.
23. “Mā tāta issaromhīti, anattāya patārayi;  
Itthīnaṃ purisānaṇca, mā te āsi dukhudrayo.
24. “Apetalomahaṃsassa, rañño kāmānusārino;  
Sabbe bhogā vinassanti, rañño taṃ vuccate agham.
25. “Tattheva te vattapadā, esāva anusāsanī;  
Dakkhassudāni puññakaro, asoṇḍo avināsako;  
Sīlavāssu [sīlavāssa (ṭīkā)] mahārāja, dussīlo vinipātiko” [vinipātako (pī.)].
26. “Apucchimha kosiyagottam [apucchimhā kosiyagottam (syā.), apucchamhāpi kosikam (pī.)],  
kuṇḍalinim tattheva ca;  
Tvam dāni vadehi jambuka [jambuka tvam dāni vadehi (syā. pī.)], balānaṃ balamuttamaṃ”.
27. “Balam pañcavidham loke, purisasmim mahaggate;  
Tattha bāhubalam nāma, carimaṃ vuccate balam.
28. “Bhogabalaṇca dīghāvu, dutiyam vuccate balam;  
Amaccabalaṇca dīghāvu, tatiyam vuccate balam.
29. “Abhijaccabalam ceva, taṃ catuttham asaṃsayam;

Yāni cetāni sabbāni, adhigaṇhāti paṇḍito.

30. “Taṃ balānaṃ balaṃ seṭṭhaṃ, aggamaṃ paññābaṃ balaṃ [varam (sī.)];  
Paññābalenupatthaddho, atthaṃ vindati paṇḍito.
31. “Api ce labhati mando, phītaṃ dharaṇimuttamaṃ;  
Akāmassa pasayhaṃ vā, añño taṃ paṭipajjati.
32. “Abhijātopi ce hoti, rajjaṃ laddhāna khattiyo;  
Duppañño hi kāsipati, sabbenapi na jīvati.
33. “Paññāva sutamaṃ vinicchini [paññā sutavinicchini (syā. pī.)], paññā kitti silokavaḍḍhanī  
[vaddhanī (pī.)];  
Paññāsahito naro idha, api dukkhe sukhāni vindati.
34. “Paññañca kho asussūsaṃ, na koci adhigacchati;  
Bahussutaṃ anāgama, dhammaṭṭhaṃ avinibbhujamaṃ.
35. “Yo ca dhammavibhaṅgaññū [yo dhammañca vibhāgaññū (pī.)], kāluṭṭhāyī matandito;  
Anuṭṭhahati kālena, kammaphalaṃ tassa ijjhati [kammaphalaṃ tassijjhati, phalaṃ tassa  
samijjhati (ka.)].
36. “Anāyatana [nā’nāyatana (pī.)] sīlassa, anāyatana [nā’nāyatana (pī.)] sevino;  
Na nibbindiyakārissa, sammadattho vipaccati.
37. “Ajjhattañca payuttassa, tathāyatana sevino;  
Anibbindiyakārissa, sammadattho vipaccati.
38. “Yogappayogasaṅkhātaṃ, sambhatassānurakkhaṇamaṃ;  
Tāni tvaṃ tāta sevassu, mā akammāya randhayi;  
Akammunā hi dummedho, naḷāgāraṃva sīdati”.
39. “Dhammaṃ cara mahārāja, mātāpitūsu khattiya;  
Idha dhammaṃ caritvāna, rāja saggamaṃ gamissasi.
40. “Dhammaṃ cara mahārāja, puttadāresu khattiya;  
Idha dhammaṃ caritvāna, rāja saggamaṃ gamissasi.
41. “Dhammaṃ cara mahārāja, mittāmaccesu khattiya;  
Idha dhammaṃ caritvāna, rāja saggamaṃ gamissasi.
42. “Dhammaṃ cara mahārāja, vāhanesu balesu ca;  
Idha dhammaṃ caritvāna, rāja saggamaṃ gamissasi.
43. “Dhammaṃ cara mahārāja, gāmesu nigamesu ca...pe....
44. “Dhammaṃ cara mahārāja, raṭṭhesu [raṭṭhe (pī.)] janapadesu ca...pe....
45. “Dhammaṃ cara mahārāja, samaṇa [samaṇe (syā. ka.)] brāhmaṇesu ca...pe....
46. “Dhammaṃ cara mahārāja, migapakkhīsu khattiya;  
Idha dhammaṃ caritvāna, rāja saggamaṃ gamissasi.
47. “Dhammaṃ cara mahārāja, dhammo ciṅṅo sukhāvaho [dhammo suciṅṅo sukhāmāvahati  
(ka.)];

Idha dhammaṃ caritvāna, rāja saggaṃ gamissasi.

48. “Dhammaṃ cara mahārāja, saindā [indo (pī.), sindā (ka.)] devā sabrahmakā;  
Suciṇṇena divaṃ pattā, mā dhammaṃ rāja pāmado [pamādo (pī. ka.)].
49. “Tattheva te [vete (pī.)] vattapadā, esāva [esā ca (pī.)] anusāsani;  
Sappaññasevī kalyāṇī, samattaṃ sāma [sāmaṃ (ka.)] taṃ vidū’’ti.

Tesakuṇajātakaṃ paṭhamam.

## 522. Sarabhaṅgajātakaṃ (2)

50. “Alaṅkatā kuṇḍalino suvatthā, veḷuriyamuttātharukhaggabandhā [baddhā (pī.)];  
Rathesabhā tiṭṭhatha ke nu tumhe, kathaṃ vo jānanti manussaloke’’.
51. “Ahamatṭhako bhīmaratho panāyaṃ, kāliṅgarājā pana uggatoyaṃ [uggato ayam (pī.),  
uggatāyaṃ (ka.)];  
Susaññatānaṃ isīnaṃ [susaññatānisīnaṃ (pī.)] dassanāya, idhāgatā pucchitāyemha pañhe’’.
52. “Vehāyasaṃ tiṭṭhasi [tiṭṭhati (pī.)] antalikkhe, pathaddhuno pannaraseva cando;  
Pucchāmi taṃ yakkha mahānubhāva, kathaṃ taṃ jānanti manussaloke’’.
53. “Yamāhu devesu sujampatīti, maghavāti taṃ āhu manussaloke;  
Sa devarājā idamajja patto, susaññatānaṃ isīnaṃ dassanāya’’.
54. “Dūre sutā no isayo samāgatā, mahiddhikā iddhiguṇūpapannā;  
Vandāmi te ayire pasannacitto, ye jīvalokettha manussaseṭṭhā’’.
55. Gandho isīnaṃ ciradikkhitānaṃ [dakkhitānaṃ (syā. pī.)], kāyā cuto gacchati mālutena;  
Ito paṭikkamma sahasanetta, gandho isīnaṃ asuci devarāja’’.
56. “Gandho isīnaṃ ciradikkhitānaṃ, kāyā cuto gacchatu mālutena;  
Vicitrapupphaṃ surabhiṃva mālāṃ, gandhañca etaṃ paṭikaṅkhāma bhante;  
Na hettha devā paṭikkūlasaññino’’.
57. “Purindado bhūtapatī yasassī, devānamindo sakko [idaṃ padaṃ natthi (sī. syā. pī.  
potthakesu)] maghavā sujampati;  
Sa devarājā asuragaṇappamaddano, okāsamākaṅkhati pañha pucchituṃ.
58. “Ko nevimesaṃ idha paṇḍitānaṃ, pañhe puṭṭho nipuṇe byākarissati;  
Tiṇṇaṅca raññaṃ manujādhipānaṃ, devānamindassa ca vāsavassa’’.
59. “Ayaṃ isi [isī (sī. pī.)] sarabhaṅgo tapassī [yasassī (sī.)], yato jāto virato methunasma;  
Āceraputto [ācariyaputto (pī. ka.)] suvinītarūpo, so nesam pañhāni viyākarissati’’.
60. “Koṇḍañña pañhāni viyākarohi, yācanti taṃ isayo sādhurūpā;  
Koṇḍañña eso manujesu dhammo, yaṃ vuddha [vaddha (pī.), buddha (ka.)] māgacchati esa  
bhāro’’.
61. “Katāvākāsā pucchantu bhonto, yaṃ kiñci pañhaṃ manasābhipatthitaṃ;  
Ahañhi taṃ taṃ vo viyākarissaṃ, ñatvā sayam lokamimaṃ parañca’’.

62. “Tato ca maghavā sakko, atthadassī purindado;  
Apucchi paṭhamam pañham, yañcāsi abhipatthitam”.
63. “Kiṃ sū vadhitvā na kadāci socati, kissappahānaṃ isayo vaṇṇayanti;  
Kassīdha vuttaṃ pharusam khametha, akkhāhi me koṇḍañña etamattham”.
64. “Kodham vadhitvā na kadāci socati, makkhappahānaṃ isayo vaṇṇayanti;  
Sabbesam vuttaṃ pharusam khametha, etam khantiṃ uttamamāhu santo”.
65. “Sakkā ubhinnaṃ [hi dvinnaṃ (pī.)] vacanaṃ titikkhituṃ, sadisassa vā seṭṭhatarassa  
[seṭṭhanarassa (pī.)] vāpi;  
Katham nu hīnassa vaco khametha, akkhāhi me koṇḍañña etamattham”.
66. “Bhayā hi seṭṭhassa vaco khametha, sārambhahetū pana sādissassa;  
Yo cidha hīnassa vaco khametha, etam khantiṃ uttamamāhu santo”.
67. “Katham vijañña catupattharūpaṃ [catumaṭṭharūpaṃ (syā. pī.)], seṭṭham sarikkham athavāpi  
hīnam;  
Virūparūpena caranti santo, tasmā hi sabbesam vaco khametha”.
68. “Na hetamattham mahatīpi senā, sarājikā yujjhamānā labhetha;  
Yaṃ khantiṃ sappuriso labhetha, khantī balassūpasamanti verā”.
69. “Subhāsitaṃ te anumodiyāna, aññaṃ taṃ pucchāmi tadiṅgha brūhi;  
Yathā ahuṃ [ahū (sī. syā. pī.)] daṇḍakī nāḷikero [nāḷikīro (sī. syā. pī.)], athajjuno kalābu cāpi  
rājā;  
Tesaṃ gatiṃ brūhi supāpakammaṃ, katthūpapannā isinaṃ viheṭhakā”.
70. “Kisañhi [kisaṃpi (pī.)] vacchaṃ avakiriya daṇḍakī, ucchinnamūlo sajana saraṭṭho;  
Kukkuḷanāme nirayamhi paccati, tassa phuliṅgāni patanti kāye.
71. “Yo saññate pabbajite aheṭhayi [avañcasi (pī.)], dhammaṃ bhaṇante samaṇe adūsake;  
Taṃ nāḷikeraṃ sunakhā parattha, saṅgamma khādanti viphandamaṇaṃ.
72. “Athajjuno niraye sattisūle, avamsiro patito uddhapādo [uddhapādo (syā.), addhapādo (pī.)];  
Aṅgīrasaṃ gotamaṃ heṭhayitvā, khantiṃ tapassaṃ cirabrahmacāriṃ.
73. “Yo khaṇḍaso pabbajitaṃ achedayi, khantiṃ vadantaṃ samaṇaṃ adūsakaṃ;  
Kalābuvīciṃ upapajja paccati, mahāpatāpaṃ [mahābhitāpaṃ (pī.)] kaṭukaṃ bhayānakaṃ.
74. “Etāni sutvā nirayāni paṇḍito, aññāni pāpiṭṭhatarāni cettha;  
Dhammaṃ care samaṇabrāhmaṇesu, evaṅkaro saggamupeti ṭhānaṃ”.
75. “Subhāsitaṃ te anumodiyāna, aññaṃ taṃ pucchāmi tadiṅgha brūhi;  
Kathaṃvidhaṃ sīlavantaṃ vadanti, kathaṃvidhaṃ pañnavantaṃ vadanti;  
Kathaṃvidhaṃ sappurisaṃ vadanti, kathaṃvidhaṃ no siri no jahāti”.
76. “Kāyena vācāya ca yo’ dha [yo ca (pī.)] saññato, manasā ca kiñci na karoti pāpaṃ;  
Na attahetū alikaṃ bhaṇeti [bhaṇāti (sī. syā. pī.)], tathāvidhaṃ sīlavantaṃ vadanti.
77. “Gambhīrapañhaṃ manasābhicintayaṃ [manasā vicintayaṃ (sī.)], nāccāhitaṃ kamma karoti  
luddaṃ;

Kālāgataṃ [kālābhatam (pī.)] atthapadaṃ na riñcati, tathāvidhaṃ paññavantaṃ vadanti.

78. “Yo ve kataññū katavedi dhīro, kalyāṇamitto daḥhabhatti ca hoti;  
Dukhitassa sakkacca karoti kiccaṃ, tathāvidhaṃ sappurisaṃ vadanti.
79. “Etehi sabbehi guṇehupeto, saddho mudū saṃvibhāgī vadaññū;  
Saṅgāhakaṃ sakhilaṃ saṅhavācaṃ, tathāvidhaṃ no siri no jahāti”.
80. “Subhāsitaṃ te anumodiyāna, aññaṃ taṃ pucchāmi tadiṅgha brūhi;  
Sīlaṃ siriñcāpi satañca dhammaṃ, paññañca kaṃ seṭṭhataraṃ vadanti”.
81. “Pañña hi seṭṭhā kusalā vadanti, nakkhattarājāriya tārakānaṃ;  
Sīlaṃ sīrī cāpi satañca dhammo [dhammā (pī.)], anvāyikā paññavato bhavanti”.
82. “Subhāsitaṃ te anumodiyāna, aññaṃ taṃ pucchāmi tadiṅgha brūhi;  
Kathaṃkaro kintikaro kimācaraṃ, kiṃ sevamāno labhatīdha paññaṃ;  
Paññaṃ dānippaṭipapaṃ [dāni paṭipadaṃ (sī. syā. pī.)] vadehi, kathaṃkaro paññavā hoti  
macco”.
83. “Sevetha vuddhe nipuṇe bahussute, uggāhako ca paripucchako siyā;  
Suṇeyya sakkacca subhāsītāni, evaṃkaro paññavā hoti macco.
84. “Paññavā kāmaguṇe avekkhati, aniccato dukkhato rogato ca;  
Evaṃ vipassī pajahāti chandaṃ, dukkhesu kāmesu mahabbhayesu.
85. “Sa vītarāgo pavineyya dosaṃ, mettaṃ [metta (syā. ka.)] cittaṃ bhāvaye [bhāveyya (sī. syā.  
ka.)] appamānaṃ;  
Sabbesu bhūtesu nidhāya daṇḍaṃ, anindito brahmamupeti ṭhānaṃ”.
86. “Mahatthiyaṃ [mahiddhiyaṃ (sī. syā. pī.)] āgamaṃ ahoṣi, tavamaṭṭhakā [maṭṭhaka (sī. syā.  
ka.)] bhīmarathassa cāpi;  
Kālīṅgarājassa ca uggatassa, sabbesa vo kāmarāgo pahīno”.
87. “Evametaṃ paracittavedi, sabbesa no kāmarāgo pahīno;  
Karoḥi okāsamanuggahāya, yathā gatiṃ te abhisambhavema”.
88. “Karoṃi okāsamanuggahāya, tathā hi vo kāmarāgo pahīno;  
Pharātha kāyaṃ vipulāya pītiyā, yathā gatiṃ me abhisambhavetha”.
89. “Sabbam karissāma tavānusāsaniṃ, yaṃ yaṃ tuvaṃ vakkhasi bhūripañña;  
Pharāma kāyaṃ vipulāya pītiyā, yathā gatiṃ te abhisambhavema”.
90. “Katāya [katāyaṃ (sī. pī.)] vacchassa kisassa pūjā, gacchantu bhonto isayo sādhurūpā;  
Jhāne ratā hotha sadā samāhitā, esā ratī pabbajitassa seṭṭhā”.
91. “Sutvāna gāthā paramatthasaṃhitā, subhāsītā isinā paṇḍitena;  
Te vedajātā anumodamānā, pakkāmu [pakkamu (ka.)] devā devapuraṃ yasassino.
92. “Gāthā imā atthavatī subyañjanā, subhāsītā isinā paṇḍitena;  
Yo kocimā aṭṭhikatvā [aṭṭhiṃ katvā (ka.)] suṇeyya, labhetha pubbāpariyaṃ visesaṃ;  
Laddhāna pubbāpariyaṃ visesaṃ, adassanaṃ maccurājassa gacche”.

93. “Sālissaro sārīputto, meṇḍissaro ca kassapo;  
Pabbato anuruddho ca, kaccāyano ca devalo [devilo (syā. ka.)].
94. “Anusisso ca ānando, kisavaccho ca kolito;  
Nārado udāyī thero [nārado puṇṇo mantānīputto (sī.)], parisā buddhāparisā;  
Sarabhaṅgo lokanātho, evaṃ dhāretha jātaka”nti.

Sarabhaṅgajātakam dutiyam.

### 523. Alambusājātakam (3)

95. “Atha bravi brahā indo, vatrabhū jayatam pitā;  
Devakaññaṃ parābhetvā, sudhammāyaṃ alambusam.
96. “Misse devā tam yācanti, tāvatimsā saindakā;  
Isippalobhane [isipalobhike (sī. syā.), isim palobhike (pī.)] gaccha, isisiṅgam alambuse.
97. “Purāyaṃ amhe acceti [nācceti (syā. ka.)], vattavā [vatavā (sī. syā. pī.)] brahmacariyavā;  
Nibbānābhirato vuddho [vaddho (pī.), buddho (syā. ka.)], tassa maggāni āvara”.
98. “Devarāja kimeva tvam, mameva tuvaṃ sikkhasi;  
Isippalobhane [isipalobhike (sī. syā.), isim palobhike (pī.)] gaccha, santi aññāpi accharā.
99. “Mādisiyo pavarā ceva, asoke nandane vane;  
Tāsampi hotu pariyāyo, tāpi yantu palobhanā” [palobhikā (syā. pī.)].
100. “Addhā hi saccam bhaṇasi, santi aññāpi accharā;  
Tādisiyo pavarā ceva, asoke nandane vane.
101. “Na tā evaṃ pajānanti, pāricariyaṃ pumaṃ gatā;  
Yādisaṃ tvam pajānāsī, nāri sabbaṅgasobhane.
102. “Tvameva gaccha kalyāṇi, itthīnaṃ pavarā casi;  
Taveva vaṇṇarūpena, savasamānayissasi” [vasamānāpayissasi (syā.), vasamānāmayissasi (pī.), tam vasamānayissasi (ka.)].
103. “Na vāhaṃ na gamissāmi, devarājena pesitā;  
Vibhemi cetaṃ āsāduṃ, uggatejo hi brāhmaṇo.
104. “Aneke nirayaṃ pattā, isimāsādiyā janā;  
Āpannā mohasaṃsāraṃ, tasmā lomāni haṃsaye”.
105. “Idaṃ vatvāna pakkāmi, accharā kāmavaṇṇinī;  
Missā missitu [missetu (sī. syā. pī.)] micchantī, isisiṅgam alambusā.
106. “Sā ca tam vanamogayha, isisiṅgena rakkhitaṃ;  
Bimbajālakasañchannaṃ, samantā aḍḍhayaḷjanam.
107. “Pātova pātārāsamhi, udaṇhasamayaṃ [udayasamayaṃ (syā.), udantasamayaṃ (ka.)] pati;  
Aggittham parimajjantaṃ, isisiṅgam upāgami”.
108. “Kā nu vijjurivābhāsi, osadhī viya tārakā;

Vicittahatthābharaṇā [vicittavatthābharaṇā (sī.)], āmuttamaṇikuṇḍalā [āmukkamaṇikuṇḍalā (?)].

109. “Ādiccavaṇṇasaṅkāsā, hemaḥandanagandhinī;  
Saṅghātūrū mahāmāyā, kumārī cārudassanā.
110. “Vilaggā [vilākā (sī. syā. pī.)] mudukā suddhā, pādā te suppatiṭṭhitā;  
Gamanā kāmanīyā [kamanā kamanīyā (sī. pī.)] te, harantiyeva me mano.
111. “Anupubbāva te ūrū, nāganāsasamūpamā;  
Vimaṭṭhā tuyhaṃ sussoṇī, akkhassa phalakaṃ yathā.
112. “Uppalasseva kiṅjakkhā, nābhi te sādhu saṅghitā;  
Pūrā kaṇhaṅjanasseva, dūrato paṭidissati.
113. “Duvidhā jātā urajā, avaṇṭā sādhu paccudā;  
Payodharā apatitā [appatitā (sī. syā. pī.)], aḍḍhalābusamā thanā.
114. “Dīghā kambutalābhāsā, gīvā eṇeyyakā yathā;  
Paṇḍarāvaraṇā vaggu, catutthamanasannibhā.
115. “Uddhaggā ca adhaggā ca, dumaggaparimajjitā;  
Duvijā nelasambhūtā, dantā tava sudassanā.
116. “Apaṇḍarā lohitantā, jiṅjūka [jiṅjūka (sī. syā. pī.)] phalasannibhā;  
Āyatā ca visālā ca, nettā tava sudassanā.
117. “Nātidīghā susammaṭṭhā, kanakabyā [kanakaggā (pī.)] samocitā;  
Uttamaṅgaruhā tuyhaṃ, kesā candanagandhikā.
118. “Yāvatā kasigorakkhā, vāṇijānaṃ [vaṇijānaṃ (pī.)] ca yā gati;  
Isīnaṅca parakkantaṃ, saṅghātānaṃ tapassinaṃ.
119. “Na te samasamaṃ passe, asmiṃ pathavi [puthuvi (pī.)] maṇḍale;  
Ko vā tvaṃ kassa vā putto, kathaṃ jānemu taṃ mayaṃ”.
120. “Na pañhakālo bhaddante, kassapevaṃ gate sati;  
Ehi samma ramissāma, ubho asmākamassame;  
Ehi taṃ upagūhissaṃ [upaguyhissaṃ (syā.)], ratīnaṃ kusalo bhava”.
121. “Idaṃ vatvāna pakkāmi, accharā kāmavaṇṇinī;  
Missā missitumicchantī, isisiṅgaṃ alambusā”.
122. “So ca vegena nikkhamma, chetvā dandhaparakkamaṃ [dandhapadakkamaṃ (ka.)];  
Tamuttamāsu veṇīsu, ajjhappatto [ajjhāpatto (pī.)] parāmasi;
123. “Tamudāvatta kalyāṇī, palissaji susobhanā [susobhaṇī (syā. ka.)];  
Cavitamhi [cavi tamhā (syā. ka.)] brahmacariyā, yathā taṃ atha tositā.
124. “Manasā agamā indaṃ, vasantaṃ nandane vane;  
Tassā saṅkappamaññāya, maghavā devakuñjaro.



125. “Pallaṅkaṃ paṇiṅ khippaṃ, sovaṇṇaṃ sopavāhanaṃ;  
Sauttaracchadapaṇṇāsaṃ, saḥassapaṭiyatthataṃ [paṭikatthataṃ (sī.)].
126. “Tameṇaṃ tattha dhāresi, ure katvāna sobhanā;  
Yathā ekamuḥuttaṃva, tīṇi vassāni dhārayi.
127. “Vimado tīhi vassehi, pabujjhivāna brāhmaṇo;  
Addasāsi harita [harī (pī.)] rukkhe, samantā aggiyāyaṇaṃ.
128. “Navapattavanaṃ phullaṃ, kokilaggaṇaghositaṃ;  
Samantā paviloketvā, rudaṃ assūni vattayi.
129. “Na juhe na jape [jappe (ka.)] mante, agghuttaṃ pahāpitaṃ;  
Ko nu me pāricariyāya, pubbe cittaṃ palobhayi.
130. “Arañṇe me viharato, yo me tejā ha sambhutaṃ [sambhataṃ (pī.)];  
Nānāratnaparipūraṃ, nāvaṃva gaṇhi aṇṇave”.
131. “Ahaṃ te pāricariyāya, devarājena pesitā;  
Avadhiṃ [avadhī (syā. pī. ka.)] cittaṃ cittena, pamādo [pamādā (syā. pī.)] tvaṃ na bujjhasi”.
132. “Imāni kira maṃ tāto, kassapo anusāsati;  
Kamalāsadisitthiyo [sarisitthiyo (syā. pī.)], tāyo bujjhesi māṇava.
133. “Ure gaṇḍāyo bujjhesi, tāyo bujjhesi māṇava;  
Iccānusāsī maṃ tāto, yathā maṃ anukampako.
134. “Tassāhaṃ vacanaṃ nākaṃ, pitu vuddhassa sāsanaṃ;  
Arañṇe nimmanussamhi, svajja jhāyāmi [svājjajjhāyāmi (sī. pī.)] ekako.
135. “Sohaṃ tathā karissāmi, dhiratthu jīvitena me;  
Puna vā tādiso hessaṃ, maraṇaṃ me bhavissati”.
136. “Tassa tejaṃ [tejaṅca (sī. pī.)] vīriyaṅca, dhitim [dhitiṅca (pī.)] ñatvā avatṭhitaṃ [suvaḍḍhitaṃ (sī.)];  
Sirasā aggahī pāde, isisiṅgaṃ alambusā.
137. “Mā me kujjha [kujjhi (pī.)] mahāvīra, mā me kujjha [kujjhi (pī.)] mahāise;  
Mahā attho mayā ciṅṅo, tidasānaṃ yasassinaṃ;  
Tayā saṅkampitaṃ āsi, sabbaṃ devapuraṃ tadā”.
138. “Tāvatiṃsā ca ye devā, tidasānaṅca vāsavo;  
Tvaṅca bhadde sukhī hohi, gaccha kaṅṇe yathāsukhaṃ”.
139. “Tassa pāde gahetvāna, katvā ca naṃ padakkhiṇaṃ;  
Añjaliṃ paggahetvāna, tamhā ṭhānā apakkami.
140. “Yo ca tassāsi pallaṅko, sovaṇṇo sopavāhano;  
Sauttaracchadapaṇṇāso, saḥassapaṭiyatthato;  
Tameva pallaṅkamāruya, agā devāna santike.
141. “Tamokkamiva āyantim, jalantim vijjutam yathā;

Patīto sumano vitto, devindo adadā varam’.

142. “Varañce me ado sakka, sabbabhūtānamissara;  
Nisippalobhikā [na isipalobhikā (syā.), na isipalobhiyaṃ (pī.)] gacche, etaṃ sakka varam  
vare’ti.

Alambusājātakaṃ tatiyaṃ.

#### 524. Saṅkhapārajātakaṃ (4)

143. “Ariyāvākāsosi pasannanetto, maññe bhavaṃ pabbajito kulamhā;  
Kathaṃ nu vittāni pahāya bhoge, pabbaji nikkhamma gharā sapañña” [sapañña (syā.),  
sapañña (pī.)].
144. “Sayam vimānaṃ naradeva disvā, mahānubhāvassa mahoragassa;  
Disvāna puñña mahāvīpakaṃ, saddhāyahaṃ pabbajitomi rāja’.
145. “Na kāmakāmā na bhayā na dosā, vācaṃ musā pabbajitā bhaṇanti;  
Akkhāhi me pucchito etamatthaṃ, sutvāna me jāyihitippasādo’.
146. “Vāṇijja [vaṇijja (pī.)] raṭṭhādhipa gacchamāno, pathe addasāsīmhi bhojaputte [milācaputte  
(sī. pī.)];  
Pavaddhakāyaṃ uragaṃ mahantaṃ, ādāya gacchante pamodamāne’.
147. “Sohaṃ samāgamma janinda tehi, pahaṭṭhalomo avacamhi bhīto;  
Kuhim ayaṃ nīyati [niyyati (ka.)] bhīmakāyo, nāgena kiṃ kāhatha bhojaputtā.
148. “Nāgo ayaṃ nīyati bhojanatthā [bhojanatthaṃ (sī. syā. pī.)], pavaddhakāyo urago mahanto;  
Sāduñca thūlañca muduñca maṃsaṃ, na tvaṃ rasaññaṃsi videhaputta.
149. “Ito mayaṃ gantvā sakaṃ nikaṃ [niketaṃ (pī.)], ādāya satthāni vikopayitvā;  
Maṃsāni bhokkhāma [bhakkhāma (syā.)] pamodamānā, mayaṃhi ve sattavo pannagānaṃ.
150. “Sace ayaṃ nīyati bhojanatthā, pavaddhakāyo urago mahanto;  
Dadāmi vo balībaddhāni [balivaddhāni (pī.)] soḷasa, nāgaṃ imaṃ muñcatha bandhanasmā.
151. “Addhā hi no bhakkho ayaṃ manāpo, bahū ca no uragā bhuttapubbā [bahum ca no urago  
bhuttapubbo (ka.)];  
Karoma te taṃ vacanaṃ aḷāra [āḷāra (ka.) evamuparipi], mittañca no hohi videhaputta.
152. “Tadassu te bandhanā mocayimsu, yaṃ natthuto paṭimokkassa pāse;  
Mutto ca so bandhanā nāgarājā, pakkāmi pācīnamukho muhuttaṃ.
153. “Gantvāna pācīnamukho muhuttaṃ, puññehi nettehi palokayī maṃ;  
Tadāssaṃ piṭṭhito anvagacchim, dasaṅgulim añjalim paggahetvā.
154. “Gaccheva kho tvaṃ taramānarūpo, mā taṃ amittā punaraggahesum;  
Dukkho hi luddehi punā samāgamo, adassanaṃ bhojaputtāna gaccha.
155. “Agamāsi so rahadaṃ vipasannaṃ, nīlobhāsaṃ ramaṇīyaṃ sutitthaṃ;  
Samotataṃ [samonataṃ (syā. ka.)] jambuhi vetasāhi, pāvekkhi nittiṇṇabhayo patīto.



173. “Rājā ahoṣiṃ magadhānamissaro, duyyodhano nāma mahānubhāvo;  
So ittarāṃ jīvitāṃ saṃviditvā, asassatāṃ vipariṇāmadhammaṃ.
174. “Annañca pānañca pasannacitto, sakkacca dānaṃ vipulaṃ adāsiṃ [adāsi (pī.)];  
Opānabhūtaṃ me gharaṃ tadāsi, santappitā samaṇabrāhmaṇā ca.
175. [ayaṃ gāthā pī. potthake natthi] “Mālañca gandhañca vilepanañca, padīpiyaṃ [padīpiyaṃ (syā. ka.)] yānamupassayañca;  
Acchādanaṃ seyyamathannapānaṃ, sakkacca dānāni adamha tattha [ayaṃ gāthā pī. potthake natthi].
176. “Taṃ me vataṃ taṃ pana brahmacariyaṃ, tassa suciṇṇassa ayaṃ vipāko;  
Teneva me laddhamidaṃ vimānaṃ, pahūtabhakkhaṃ bahuannapānaṃ”;  
“Nacchehi gītehi cupetarūpaṃ, ciratṭhitikaṃ na ca sassatāyaṃ.
177. “Appānubhāvā taṃ mahānubhāvaṃ, tejassinaṃ hanti atejavanto;  
Kimeva dāthāvudha kiṃ paṭicca, hatthatta [hatthatta (sī. syā. pī.)] māgacchi vanibbakānaṃ [vaṇibbakānaṃ (sī.)].
178. “Bhayaṃ nu te anvagataṃ mahantaṃ, tejo nu te nānvagaṃ dantamūlaṃ;  
Kimeva dāthāvudha kiṃ paṭicca, kilesamāpajji vanibbakānaṃ”.
179. “Na me bhayaṃ anvagataṃ mahantaṃ, tejo na sakkā mama tehi hantuṃ [tebhiantuṃ (syā. ka.)];  
Satañca dhammāni sukittitāni, samuddavelāva duraccayāni.
180. “Cātuddasiṃ pañcadasiṃ aḷāra, uposathaṃ niccamupāvasāmi;  
Athāgamuṃ soḷasa bhojaputtā, rajjuṃ gahetvāna daḷhañca pāsaṃ.
181. “Bhetvāna nāsaṃ atikassa [antakassa (ka.)] rajjuṃ, nayiṃsu maṃ samparigayha luddā;  
Etādisaṃ dukkhamahaṃ titikkhaṃ [titikkhiṃ (pī.)], uposathaṃ appaṭikopayanto”.
182. “Ekāyane taṃ pathe addasaṃsu, balena vaṇṇena cupetarūpaṃ;  
Siriyā paññāya ca bhāvitosi, kiṃ patthayaṃ [kimatthiyaṃ (sī. syā. pī.)] nāga tapo karosi.
183. “Na puttahetū na dhanassa hetu, na āyuno cāpi aḷāra hetu;  
Manussayoniṃ abhipatthayaṇo, tasmā parakkamma tapo karomi”.
184. “Tvaṃ lohitakkho vihatantaraṃso, alaṅkato kappitakesamassu;  
Surosito lohitacandanena, gandhabbarājāva disā pabhāsasi [pabhāsi (ka.)].
185. “Deviddhipattosi mahānubhāvo, sabbehi kāmehi samaṅgibhūto;  
Pucchāmi taṃ nāgarājetamatthaṃ, seyyo ito kena manussaloko”.
186. “Aḷāra nāññatra manussalokā, suddhī va saṃvijjati saṃyamo vā;  
Ahañca laddhāna manussayoniṃ, kāhāmi jātimaraṇassa antaṃ”.
187. “Saṃvaccharo me vasato [vusito (pī.)] tavantike, annena pānena upaṭṭhitosmi;  
Āmantayitvāna palemi nāga, cirappavutṭhosmi [cirappavuttho asmi (pī.)] ahaṃ janinda”.
188. “Puttā ca dārā anujīvino ca [ca’nujīvino (syā. pī.)], niccānusiṭṭhā upatiṭṭhate taṃ;  
Kaccinnu taṃ nābhisapittha [nābhisamsittha (syā. pī.)] koci, piyañhi me dassanaṃ tuyhaṃ

[tuyha (pī.)] aḷāra’’.

189. ‘‘Yathāpi mātū ca pitū agāre, putto piyo paṭivihito vaseyya [seyyo (pī.)];  
Tatopi mayhaṃ idhameva seyyo, cittañhi te nāga mayī pasannaṃ’’.
190. ‘‘Maṇī mamaṃ vijjati lohitaṅko [lohitaṅgo (ka.)], dhanāharo maṇiratanam uḷāram;  
Ādāya tvam [taṃ (pī.)] gaccha sakaṃ nicketaṃ, laddhā dhanam taṃ maṇimossajassu’’.
191. ‘‘Diṭṭhā mayā mānusakāpi kāmā, asassatā vipariṇāmadhammā;  
Ādīnavaṃ kāmagaṇesu disvā, saddhāyahaṃ pabbajitomi rāja.
192. ‘‘Dumapphalānīva patanti māṇavā, daharā ca vuddhā ca sarīrabhedā;  
Etampi disvā pabbajitomi rāja, apanṇakaṃ sāmāññameva seyyo’’.
193. ‘‘Addhā have sevitabbā sapaññā, bahussutā ye bahuṭhānacintino;  
Nāgañca sutvāna tavañcaḷāra, kāhāmi puññāni anappakāni’’.
194. ‘‘Addhā have sevitabbā sapaññā, bahussutā ye bahuṭhānacintino;  
Nāgañca sutvāna mamañca rāja, karohi puññāni anappakāni’’ti.

Saṅkhapāḷajātakaṃ catutthaṃ.

### 525. Cūḷasutasomajātakaṃ (5)

195. ‘‘Āmantayāmi nigamaṃ, mittāmacce parissaje [pārisajje (sī. syā.)];  
Sirasmim palitaṃ jātaṃ, pabbajjaṃ dāni rocahaṃ’’.
196. ‘‘Abhumme kathaṃ nu bhaṇasi, sallaṃ me deva urasi kappesi [kampesi (pī.)];  
Sattasatā te bhariyā, kathaṃ nu te tā bhavissanti’’.
197. ‘‘Paññāyihinti etā, daharā aññampi tā gamissantī;  
Saggañcassa patthayāno, tena ahaṃ pabbajissāmi’’.
198. ‘‘Dulladdhaṃ me āsi sutasoma, yassa te homahaṃ mātā;  
Yaṃ me vilapantiyā, anapekkho pabbajasi deva.
199. ‘‘Dulladdhaṃ me āsi sutasoma, yaṃ taṃ ahaṃ vijjāyissaṃ;  
Yaṃ me vilapantiyā, anapekkho pabbajasi deva’’.
200. ‘‘Ko nāmeso dhammo, sutasoma kā ca nāma pabbajjā;  
Yaṃ no amhe jīṇṇe, anapekkho pabbajasi deva.
201. ‘‘Puttāpi tuyhaṃ bahavo, daharā appattayobbanā;  
Mañjū tepi [te (sī. pī.)] taṃ apassantā, maññe dukkhaṃ nigacchanti’’.
202. ‘‘Puttehi ca me etehi, daharehi appattayobbanehi;  
Mañjūhi sabbehipi tumhehi, cirampi ṭhatvā vināsabhāvo’’ [vinābhāvo (sī. syā. pī.)].
203. ‘‘Chinnaṃ nu tuyhaṃ hadayaṃ, adu te [ādu (sī. pī.), ādū (syā.)] karuṇā ca natthi amhesu;  
Yaṃ no vikandantiyo [vikkandantiyo (sī.)], anapekkho pabbajasi deva’’.

204. “Na ca mayhaṃ chinnaṃ hadayaṃ, atthi karuṇāpi mayhaṃ tumhesu;  
Saggañca patthayāno, tena ahaṃ [tenāhaṃ (sī. syā.), tenamaḥaṃ (pī.)] pabbajissāmi”.
205. “Dulladdhaṃ me āsi, sutasoma yassa te ahaṃ bhariyā;  
Yaṃ me vilapantiyā, anapekkho pabbajasi deva.
206. “Dulladdhaṃ me āsi, sutasoma yassa te ahaṃ bhariyā;  
Yaṃ me kucchipaṭisandhiṃ [maṃ kucchimatim santim (pī.)], anapekkho pabbajasi deva.
207. “Paripakko me gabbho, kucchigato yāva naṃ vijāyāmi;  
Māhaṃ ekā vidhavā, pacchā dukkhāni addakkhim”.
208. “Paripakko te gabbho, kucchigato iṅgha tvaṃ [tva (sī.), naṃ (pī.)] vijāyassu;  
Puttaṃ anomavaṇṇaṃ, taṃ hitvā pabbajissāmi”.
209. “Mā tvaṃ cande rudi, mā soci vanatimiramattakkhi;  
Āroha varapāsādaṃ [ca pāsādaṃ (pī.)], anapekkho ahaṃ gamissāmi”.
210. “Ko taṃ amma kopesi, kiṃ rodasi pekkhasi ca maṃ bālhaṃ;  
Kaṃ avajjhaṃ ghātemi [ghātemi kaṃ avajjhaṃ (pī.), taṃ avajjhaṃ ghātemi (ka.)], ñātīnaṃ  
udikkhamānaṃ”.
211. “Na hi so sakkā hantaṃ, vijitāvī [jīvitāvī (pī.)] yo maṃ tāta kopesi;  
Pitā te maṃ tāta avaca, anapekkho ahaṃ gamissāmi”.
212. “Yohaṃ pubbe niyyāmi, uyyānaṃ mattakuñjare ca yodhemi;  
Sutosome pabbajite, kathaṃ nu dāni karissāmi”.
213. “Mātucca [mātu ca (sī. syā.)] me rudantyā [rudatyā (pī.)], jetṭhassa ca bhātuno akāmassa;  
Hatthepe te gahessaṃ, na hi gacchasi [gañchisi (pī.)] no akāmānaṃ”.
214. “Uṭṭhehi tvaṃ dhāti, imaṃ kumāraṃ ramehi aññattha;  
Mā me paripanthamakāsi [makā (sī. pī.)], saggaṃ mama patthayānassa”.
215. “Yaṃ nūnimaṃ dadeyyaṃ [jaheyyaṃ (pī.)] pabhaṅkaraṃ, ko nu me imināttho [ko nu me  
iminā attho (sī. syā.), ko nu me nattho (pī.)];  
Sutosome pabbajite, kiṃ nu menaṃ karissāmi”.
216. “Koso ca tuyhaṃ vipulo, koṭṭhāgārañca tuyhaṃ paripūraṃ;  
Pathavī ca tuyhaṃ vijitā, ramassu mā pabbaji [pabbajassu (sī.), pabbaja (pī.)] deva”.
217. “Koso ca mayhaṃ vipulo, koṭṭhāgārañca mayhaṃ paripūraṃ;  
Pathavī ca mayhaṃ vijitā, taṃ hitvā pabbajissāmi”.
218. “Mayhampi dhaṇaṃ pahūtaṃ, saṅkhātuṃ [saṅkhyātuṃ (sī.)] nopi deva sakkomi;  
Taṃ te dadāmi sabbampi [taṃ deva te dadāmi sabbampi (sī.), taṃ te dadāmi sabbam (pī.)],  
ramassu mā pabbaji deva”.
219. “Jānāmi [jānāmi te (sī. syā.)] dhaṇaṃ pahūtaṃ, kulavaddhana pūjito tayā casmi;  
Saggañca patthayāno, tena ahaṃ pabbajissāmi”.
220. “Ukkaṇṭhitosmi bālhaṃ, arati maṃ somadatta āvisati [āvīsati (ka.)];

Bahukāpi [bahukā hi (sī. syā.)] me antarāyā, ajjevāhaṃ pabbajissāmi”.

221. “Idaṅca tuyhaṃ rucitaṃ, sutasoma ajjeva dāni tvaṃ pabbaja;  
Ahampi pabbajissāmi, na ussahe tayā vinā ahaṃ ṭhātuṃ”.
222. “Na hi sakkā pabbajituṃ, nagare na hi paccati janapade ca”;  
“Sutasoma pabbajite, kathaṃ nu dāni karissāma”.
223. “Upanīyatidaṃ maññe, parittaṃ udakaṃva caṅkavāramhi;  
Evaṃ superittake jīvite, na ca pamajjituṃ kālo.
224. “Upanīyatidaṃ maññe, parittaṃ udakaṃva caṅkavāramhi;  
Evaṃ superittake jīvite, andhabālā [atha bālā (sī. syā. pī.)] pamajjanti.
225. “Te vaḍḍhayanti nirayaṃ, tiracchānayoṇiṅca pettivisayaṅca;  
Taṅhāya bandhanabaddhā, vaḍḍhenti asurakāyaṃ”.
226. “Ūhaññate rajaggaṃ, avidūre pubbakamhi ca [pupphakamhi ca (sī. pī.)] pāsāde;  
Maññe no kesā chinnā, yasassino dhammarājassa”.
227. “Ayamassa pāsādo, sovaṇṇa [sovaṇṇo (pī.)] pupphamālyavītikiṇṇo;  
Yahi [yamhi (pī.)] manuvicari rājā, parikiṇṇo itthāgārehi.
228. “Ayamassa pāsādo, sovaṇṇapupphamālyavītikiṇṇo;  
Yahimanuvicari rājā, parikiṇṇo ñātisaṅghena.
229. “Idamassa kūṭāgāraṃ, sovaṇṇapupphamālyavītikiṇṇaṃ;  
Yahimanuvicari rājā, parikiṇṇo itthāgārehi.
230. “Idamassa kūṭāgāraṃ, sovaṇṇa [sovaṇṇaṃ (pī.)] pupphamālyavītikiṇṇaṃ;  
Yahimanuvicari rājā, parikiṇṇo ñātisaṅghena.
231. “Ayamassa asokavanikā, supupphitā sabbakālikā rammā;  
Yahimanuvicari rājā, parikiṇṇo itthāgārehi.
232. “Ayamassa asokavanikā, supupphitā sabbakālikā rammā;  
Yahimanuvicari rājā, parikiṇṇo ñātisaṅghena.
233. “Idamassa uyyānaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo itthāgārehi.
234. “Idamassa uyyānaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo ñātisaṅghena.
235. “Idamassa kaṇikāravanaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo itthāgārehi.
236. “Idamassa kaṇikāravanaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo ñātisaṅghena.
237. “Idamassa pāṭalivanaṃ [pāṭalīvanaṃ (sī.)], supupphitaṃ sabbakālikaṃ rammaṃ;  
Yahimanuvicari rājā, parikiṇṇo itthāgārehi.

238. “Idamassa pāṭalivanaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo ñātisaṅghena.
239. “Idamassa ambavanaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo itthāgārehi.
240. “Idamassa ambavanaṃ, supupphitaṃ sabbakālikaṃ rammaṃ;  
Yahimanuvicari rājā, parikiṇṇo ñātisaṅghena.
241. “Ayamassa pokkharāṇī, sañchannā aṇḍajehi vītikiṇṇā;  
Yahimanuvicari rājā, parikiṇṇo itthāgārehi.
242. “Ayamassa pokkharāṇī, sañchannā aṇḍajehi vītikiṇṇā;  
Yahimanuvicari rājā, parikiṇṇo ñātisaṅghena”.
243. “Rājā vo kho [rājā kho (sī. syā. pī.)] pabbajito, sutasomo rajjaṃ imaṃ pahatvāna [pahantvāna (syā. ka.)];  
Kāsāyavatthavasano, nāgo va ekako [ekakova (sī.)] carati”.
244. “Māssu pubbe ratikīḷitāni, hasitāni ca anussarittha [anussarittho (pī.)];  
Mā vo kāmā haniṃsu, rammaṃ hi [surammañhi (syā. ka.)] sudassanaṃ [sudassanaṃ nāma (sī.)] nagaraṃ.
245. “Mettacittaṅca [mettaṅca (pī.)] bhāvettha, appamāṇaṃ divā ca ratta ca;  
Agacchittha [atha gañchittha (sī. syā. pī.)] devapura, āvāsaṃ puññakammaṃ” nti [puññakammānanti (pī.)].

Cūlasutasomajātakaṃ pañcamaṃ.

Cattālīsanipātaṃ niṭṭhitaṃ.

Tassuddānaṃ –

Suvapaṇḍitajambukakuṇḍalino, varakaññamalambusajātakaṅca;  
Pavaruttamasāṅkhasirīvhaṃko, sutasomaarindhamarājavarō.

## 18. Paṇḍāsanipāto

### 526. Niḷinikājātakaṃ (1)

1. “Uddayhate [uḍḍayhate (sī. pī.)] janapado, raṭṭhañcāpi vinassati;  
Ehi niḷinike [niḷike (sī. syā. pī.), evamuparipi] gaccha, taṃ me brāhmaṇamānaya”.
2. “Nāhaṃ dukkhakkhamā rāja, nāhaṃ addhānakovidā;  
Kathaṃ ahaṃ gamissāmi, vanaṃ kuñjarasevitaṃ”.
3. “Phītaṃ janapadaṃ gantvā, hatthinā ca rathena ca;  
Dārusaṅghāṭayānena, evaṃ gaccha niḷinike.
4. “Hatthiassarathe pattī, gacchevādāya khattiye;  
Taveva vaṇṇarūpena, vasaṃ tamānayasasi”.



5. “Kadalīdhajapaññaṇo, ābhujīparivārito;  
Eso padissati rammo, isisingassa assamo.
6. “Eso aggissa saṅkhāto, eso dhūmo padissati;  
Mañña no aggiṃ hāpeti, isisingo mahiddhiko”.
7. “Tañca disvāna āyantim, āmuttamaṇikuṇḍalam;  
Isisingo pāvisi bhīto, assamaṃ paṇṇachādanam.
8. “Assamassa ca sā dvāre, geṇḍukenassa [bheṇḍukenassa (sī. pī.)] kīlati;  
Vidaṃsayantī aṅgāni, guyhaṃ pakāsītāni ca.
9. “Tañca disvāna kīlantim, paṇṇasālagato jaṭī;  
Assamā nikkhamitvāna, idaṃ vacanamabravi.
10. “Ambho ko nāma so rukkho, yassa tevaṃgataṃ phalaṃ;  
Dūrepi khittaṃ pacceṭi, na taṃ ohāya gacchati”.
11. “Assamassa mama [mam (sī.)] brahme, samīpe gandhamādane;  
Bahavo [pabbate (sī.)] tādisā rukkhā, yassa tevaṃgataṃ phalaṃ;  
Dūrepi khittaṃ pacceṭi, na maṃ ohāya gacchati”.
12. “Etū [etu (sī. syā. ka.)] bhavaṃ assamimaṃ adetu, pajjañca bhakkhañca paṭicca dammi;  
Idamāsanam atra bhavaṃ nisīdatu, ito bhavaṃ mūlaphalāni bhuñjatu” [khādatu (sī.)].
13. “Kiṃ te idaṃ ūrūnamantarasmim, supicchitaṃ kaṇharivappakāsati;  
Akkhāhi me pucchito etamattham, kose nu te uttamaṅgam pavitṭham”.
14. “Ahaṃ vane mūlaphalesanam caraṃ, āsādayim [assādayim (ka.)] acchaṃ sughorarūpaṃ;  
So maṃ patitvā sahasājjhapatto, panujja maṃ abbahi [abbuhi (syā. ka.)] uttamaṅgam.
15. “Svāyaṃ vaṇo khajjati kaṇḍuvāyati, sabbañca kālam na labhāmi sātam;  
Paho bhavaṃ kaṇḍumimaṃ vinetuṃ, kurutaṃ bhavaṃ yācīto brāhmaṇattham”.
16. “Gambhīrarūpo te vaṇo salohito, apūtiko vaṇagandho [pakkagandho (sī.), pannagandho (syā. pī.)] mahā ca;  
Karomi te kiñci kasāyayogaṃ, yathā bhavaṃ paramasukhī bhaveyya”.
17. “Na mantayogā na kasāyayogā, na osadhā brahmacāri [brahmacāri (sī. syā. pī.)] kamanti;  
Ghaṭṭe mudukena [yaṃ te mudu tena (sī.), yaṃ te mudū tena (pī.)] vinehi kaṇḍum [kaṇḍukam (pī.)], yathā ahaṃ paramasukhī bhaveyyam”.
18. “Ito nu bhoto katamena assamo, kacci bhavaṃ abhiramasi [abhiramasī (pī.)] arañña;  
Kacci nu te [kacci te (pī.)] mūlaphalam pahūtam, kacci bhavantaṃ na vihiṃsanti vālā”.
19. “Ito ujum uttarāyaṃ disāyaṃ, khemānadī himavatā pabhāvī [pabhāti (sī. pī.)];  
Tassā tīre assamo mayha rammo, aho bhavaṃ assamaṃ mayham passe.
20. “Ambā ca sālā tilakā ca jambuyo, uddālakā pāṭaliyo ca phullā;  
Samantato kimpurisābhigītam, aho bhavaṃ assamaṃ mayham passe.
21. “Tālā ca mūlā ca phalā ca mettha, vaṇṇena gandhena upetarūpaṃ;

Taṃ bhūmibhāgehi upetarūpaṃ, aho bhavaṃ assamaṃ mayhaṃ passe.

21. “Phalā ca mūlā ca pahūtamettha, vaṇṇena gandhena rasenupeṭā;  
Āyanti ca luddakā taṃ padesaṃ, mā me tato mūlaphalaṃ ahāsuṃ”.
23. “Pitā mamaṃ mūlaphalesanaṃ gato, idāni āgacchati sāyakāle;  
Ubhova gacchāmase assamaṃ taṃ, yāva pitā mūlaphalato etu”.
24. “Aññe bahū isayo sādthurūpā, rājīsayo anumagge vasanti;  
Te yeva pucchasi mamassamaṃ taṃ, te taṃ nayissanti mamaṃ sakāse”.
25. “Na te kaṭṭhāni bhinnāni, na te udakamābhatam;  
Aggīpi te na hāpito [hāsito (sī. syā.)], kiṃ nu mandova jhāyasi.
26. “Bhinnāni kaṭṭhāni huto ca aggi, tapanīpi te samitā brahmacārī [brahmacārī (?)];  
Pīṭhañca mayhaṃ udakañca hoti, ramasi tuvaṃ [tvam (sī.)] brahmabhūto puratthā.
27. “Abhinnakaṭṭhosi anābhatodako, ahāpitaaggīsi [ahāpitaaggīpi (ka.)] asiddhabhojano  
[asitṭhabhojano (ka.)];  
Na me tuvaṃ ālapasī mamajja, naṭṭhaṃ nu kiṃ cetasañca dukkhaṃ”.
28. “Idhāgamā jaṭilo brahmacārī, sudassaneyyo sutanū vineti;  
Nevātidīgho na panātirasso, sukaṇṇhakaṇṇhacchadanehi bhoto.
29. “Amassujāto apurāṇavaṇṇī, ādhārarūpañca panassa kaṇṭhe;  
Dve yamā [dve passa (sī.), dvāssa (pī.)] gaṇḍā uresu jātā, suvaṇṇatindukanibhā  
[suvaṇṇapindūpanibhā (sī.), suvaṇṇatindusannibhā (syā.), sovannapiṇḍūpanibhā (pī.)]  
pabhassarā.
30. “Mukhañca tassa bhusadassaneyyaṃ, kaṇṇesu lambanti ca kuñcitagga;  
Te jotare carato māṇavassa, suttañca yaṃ saṃyamaṃ jaṭānaṃ.
31. “Aññā ca tassa saṃyamāni [saṃyamāni (sī. pī.)] catasso, nīlā pītā [nīlāpi tā (pī.)] lohitikā  
[lohitikā (syā. pī. ka.)] ca setā;  
Tā piṃsare [saṃsare (sī. syā.)] carato māṇavassa, tiriṭi [cirīṭi (sī. pī.)] saṅghāriva pāvusamhi.
32. “Na mikhalaṃ muñjamayaṃ dhāreti, na santhare [santace (sī.), santacaṃ (pī.), santare (ka.)]  
no pana pabbajassa;  
Tā jotare jaghanantare [jaghanavare (sī. pī.)] vilaggā, sateratā vijjurivantalikkhe.
33. “Akhīlakāni ca avaṇṭakāni, heṭṭhā nabhyā kaṭṭisamohitāni;  
Aghaṭṭitā niccakīlaṃ karonti, haṃ tāta kiṃrukkhaphalāni tāni.
34. “Jaṭā ca tassa bhusadassaneyyā, parosataṃ vellitagga sugandhā;  
Dvedhā siro sādhu vibhattarūpo, aho nu kho mayha tathā jaṭāssu.
35. “Yadā ca so pakirati tā jaṭāyo, vaṇṇena gandhena upetarūpā;  
Nīluppalaṃ vātasameritaṃva, tatheva saṃvāti panassamo ayaṃ.
36. “Paṅko ca tassa bhusadassaneyyo, netādiso yādiso mayhaṃ kāye [kāyo (sī. syā. pī.)];  
So vāyatī erito mālutena, vanaṃ yathā aggagimhe suphullaṃ.

37. “Nihanti so rukkhaphalaṃ pathabyā, sucittarūpaṃ ruciraṃ dassaneyyaṃ;  
Khittañca tassa punareti hatthaṃ, haṃ tāta kiṃrukkhaphalaṃ nu kho taṃ.
38. “Dantā ca tassa bhusadassaneyyā, suddhā samā saṅkhavarūpapannā;  
Mano pasādenti vivariyamānā, na hi [na ha (sī. pī.)] nūna so sākamakhādi tehi.
39. “Akakkasaṃ aggaḷitaṃ muhuṃ muduṃ, ujuṃ anuddhataṃ acapalamassa bhāsitaṃ;  
Rudaṃ manuññaṃ karavīkasussaraṃ, hadayaṅgamaṃ rañjayateva me mano.
40. “Bindussaro nātivisaṭṭhavākyo [nātivissaṭṭhavākyo (sī. syā. pī.)], na nūna  
sajjhāyatippayutto;  
Icchāmi bho [kho (sī. syā. pī.)] taṃ punadeva daṭṭhuṃ, mitto hi [mittaṃ hi (sī. syā. pī.)] me  
māṇavohu [māṇavāhu (sī. syā.), māṇavāhū (pī.)] puratthā.
41. “Susandhi sabbattha vimaṭṭhimaṃ vaṇaṃ, puthū [puthuṃ (pī.), puthu (ka.)] sujātaṃ  
kharapattasannibhaṃ;  
Teneva maṃ uttariyāna māṇavo, vivaritaṃ ūruṃ jaghanena pīlayi.
42. “Tapanti ābhanti virocara ca, sateratā vijjurivantalikkhe;  
Bāhā mudū añjanalomasādisā, vicitravaṭṭaṅgulikāssa sobhare.
43. “Akakkasaṅgo na ca dīghalomo, nakhāssa dīghā api lohitaḅgā;  
Mudūhi bāhāhi palissajanto, kalyāṇarūpo ramayaṃ [ramayaṃ (ka.)] upaṭṭhahi.
44. “Dumassa tūlūpanibhā pabhassarā, suvaṇṇakambutalavaṭṭasucchavī;  
Hatthā mudū tehi maṃ saṃphusitvā, ito gato tena maṃ dahanti tāta.
45. “Na nūna [na ha nūna (sī. pī.)] so khārividhaṃ ahāsi, na nūna so kaṭṭhāni sayāṃ abhañji;  
Na nūna so hanti dume kuṭṭhāriyā [kuṭṭhāriyā (ka.)], na hissa [na pissa (sī. syā. pī.)] hatthesu  
khilāni atthi.
46. “Accho ca kho tassa vaṇaṃ akāsi, so maṃbravi sukkhitaṃ maṃ karoḅhi;  
Tāhaṃ kariṃ tena mamāsi sokhyaṃ, so cabravi sukhitosmīti brahme.
47. “Ayañca te māluvapaṇṇasanthatā, vikiṇṇarūpāva mayā ca tena ca;  
Kilantarūpā udake ramitvā, punappunaṃ paṇṇakuṭiṃ vajāma.
48. “Na majja mantā paṭibhanti tāta, na aggihuttaṃ napi yaññatantaṃ [yaññatantraṃ (sī.), yaññaṃ  
tatra (pī. ka.), yaññatatra (syā.)];  
Na cāpi te mūlaphalāni bhuñje, yāva na passāmi taṃ brahmacāriṃ.
49. “Addhā pajānāsi tuvampi tāta, yassaṃ disaṃ [disāyaṃ (syā. pī. ka.)] vasate brahmacāri;  
Taṃ maṃ disaṃ pāpaya tāta khippaṃ, mā te ahaṃ amarimassamaṃhi.
50. “Vicitraphullaṃ [vicitrapupphaṃ (sī. pī.)] hi vanaṃ sutāṃ mayā, dijābhigghuṭṭhaṃ  
dijasaṅghasevitaṃ;  
Taṃ maṃ vanaṃ pāpaya tāta khippaṃ, purā te pāṇaṃ vijahāmi assame”.
51. “Imasmāhaṃ jotirase vanamhi, gandhabbadevaccharasaṅghasevite;  
Isīnamāvāse sanantanamhi, netādisaṃ aratiṃ pāpuṇetha.
52. “Bhavanti mittāni atho na honti, ñātīsu mittesu karonti pemaṃ;

Ayañca jamma kissa vā nivīṭṭho, yo neva jānāti kutomhi āgato.

53. “Saṃvāseṇa hi mittāni, sandhiyanti [sandhīyanti (sī. pī.)] punappunaṃ;  
Sveva mitto [sā ca metti (pī.)] asaṃgantu, asaṃvāseṇa jīrati.
54. “Sace tuvaṃ dakkhasi brahmacāriṃ, sace tuvaṃ sallape [sallapi (sī.)] brahmacārinā;  
Sampannasassaṃva mahodakena, tapogaṇaṃ khippamimaṃ pahissasi [pahassasi (sī. syā. pī.)].
55. “Punapi [punappi (pī.)] ce dakkhasi brahmacāriṃ, punapi [punappi (pī.)] ce sallape  
brahmacārinā;  
Sampannasassaṃva mahodakena, usmāgataṃ khippamimaṃ pahissasi.
56. “Bhūtāni hetāni [etāni (pī.)] caranti tāta, virūparūpena manussaloke;  
Na tāni sevetha nara sapañño, āsajja naṃ nassati brahmacārī”’ti.

Nilīnikājātakam [naḷinījātakam (sī.), naḷinijātakam (pī.)] paṭhamam.

### 527. Ummānantījātakam (2)

57. “Nivesanaṃ kassa nudaṃ sunanda, pākāreṇa paṇḍumayena guttaṃ;  
Kā dissati aggisikhāva dūre, vehāyasaṃ [vehāsayam (sī. pī.)] pabbataggeva acci.
58. “Dhītā nvayaṃ [nayaṃ (sī. pī.), nvāyamaṃ (syā.)] kassa sunanda hoti, suṇisā nvayaṃ [nayaṃ  
(sī. pī.), nvāyamaṃ (syā.)] kassa athopi bhariyā;  
Akkhāhi me khippamidheva puṭṭho, avāvaṭā yadi vā atthi bhattā”’.
59. “Ahañhi jānāmi janinda etaṃ, matyā ca petyā ca athopi assā;  
Taveva so puriso bhūmipāla, rattindivaṃ appamatto tavatthe.
60. “Iddho ca phīto ca suvaḍḍhito [subāḷhiko (pī.)] ca, amacco ca te aññataro janinda;  
Tassesā bhariyābhīpārakassa [ahīpārakassa (sī. pī.), abhīpādakassa (ka.)], ummānantī  
[ummānantīti (ka.)] nāmadheyyena rāja”’.
61. “Ambho ambho nāmamidaṃ imissā, matyā ca petyā ca kataṃ susādhu;  
Tadā [tathā (sī. syā. pī.)] hi mayhaṃ avalokayantī, ummattakaṃ ummānantī akāsi”’.
62. “Yā puṇṇamāse [puṇṇamāye (ka.)] migamandalocanā, upāvisi puṇḍarīkattacaṅgī;  
Dve puṇṇamāyo tadahū amaññaṃ, disvāna pārāvatarattavāsiniṃ.
63. “Aḷārapamhehi subhehi vaggubhi, palobhayantī maṃ yadā udikkhati;  
Vijambhānā harateva me mano, jātā vane kimpurīsīva pabbate.
64. “Tadā hi brahatī sāmā, āmuttamaṇikuṇḍalā;  
Ekaccavasanā nārī, migī bhantāvudikkhati.
65. “Kadāssu maṃ tambanakhā sulomā, bāhāmudū candanasāralittā;  
Vaṭṭaṅgulī sannatadhīrakuttīyā, nārī upaṇṇissati sīsato subhā.
66. “Kadāssu maṃ kañcanaḷuracchadā, dhītā tirīṭṭissa vilaggamajjhā;  
Mudūhi bāhāhi palissajissati, brahāvane jātadumaṃva māluvā.

67. “Kadāssu [kadāssu maṃ (syā. ka.)] lākhārasarattasucchavī, bindutthanī puṇḍarīkattacaṅgī;  
Mukhaṃ mukhena upanāmayissati, soṇḍova soṇḍassa surāya thālaṃ.
68. “Yadāddasaṃ [yathāddasaṃ (pī.)] taṃ tiṭṭhantiṃ, sabbabhaddaṃ [sabbagattaṃ (sī. syā. pī.)]  
manoramaṃ;  
Tato sakassa cittaṃ, nāvabodhāmi kañcinaṃ [kiñcinaṃ (ka.), kiñcanaṃ (pī.)].
69. “Ummātantimahaṃ datṭhā [diṭṭhā (sī. syā. pī. ka.)], āmuttamaṇikuṇḍalaṃ;  
Na supāmi divārattiṃ, sahassaṃva parājito.
70. “Sakko ce [ca (sī. pī.)] me varaṃ dajjā, so ca labbhettha me varo;  
Ekarattaṃ dvirattaṃ [dirattaṃ (pī.)] vā, bhavyeṃyaṃ abhipāraḥko;  
Ummādantyā ramitvāna, sivrājā tato siyaṃ” [siyā (syā. pī.)].
71. “Bhūtāni me bhūtapatī namassato, āgamaṃ yakkho idametadabravi;  
Rañño mano ummadantyā nivīṭṭho, dadāmi te taṃ paricārayassu”.
72. “Puññā vidhaṃse amaro na camhi, jano ca me pāpamidañca [pāpamidanti (sī. pī.)] jaññā;  
Bhuso ca tyassa manaso vighāto, datvā piyaṃ ummadantiṃ adaṭṭhā”.
73. “Janinda nāññatra tayā mayā vā, sabbāpi kammaṃ katassa jaññā;  
Yaṃ te mayā ummadantī padinnā, bhusehi rājā vanathaṃ saajāhi”.
74. “Yo pāpakaṃ kamma karaṃ manusso, so maññati māyida [māyidha (ka.)] maññiṃsu aññe;  
Passanti bhūtāni karontametaṃ, yuttā ca ye honti narā pathabyā.
75. “Añño nu te koci [kodha (pī.)] naro pathabyā, saddheyya [saddaheyya (sī.)] lokasmi na me  
piyāti;  
Bhuso ca tyassa manaso vighāto, datvā piyaṃ ummadantiṃ adaṭṭhā”.
76. “Addhā piyā mayha janinda esā, na sā mamaṃ appiyā bhūmipāla;  
Gaccheva tvaṃ ummadantiṃ bhadante, sīhova selassa guhaṃ upeti”.
77. “Na pīlītā attadukkhena dhīrā, sukhapphalaṃ kamma pariccajanti;  
Sammohitā vāpi sukhena mattā, na pāpakammañca [pāpakaṃ kamma (pī.)] samācaranti”.
78. “Tuvañhi mātā ca pitā ca mayhaṃ, bhattā patī posako devatā ca;  
Dāso ahaṃ tuyha saputtadāro, yathāsukhaṃ sāmī [sibba (sī.), sīvi (syā.)] karohi kāmaṃ”.
79. “Yo issaromhīti karoti pāpaṃ, katvā ca so nuttasate [nuttapate (pī.)] paresaṃ;  
Na tena so jīvati dīghamāyu [dīghamāyumu (sī. syā.)], devāpi pāpena samekkhare naṃ.
80. “Aññātakam sāmikehī padinnaṃ, dhamme ṭhitā ye paṭicchanti dānaṃ;  
Paṭicchakā dāyakā cāpi tattha, sukhapphalaññeva karonti kammaṃ”.
81. “Añño nu te koci naro pathabyā, saddheyya lokasmi na me piyāti;  
Bhuso ca tyassa manaso vighāto, datvā piyaṃ ummadantiṃ adaṭṭhā”.
82. “Addhā piyā mayha janinda esā, na sā mamaṃ appiyā bhūmipāla;  
Yaṃ te mayā ummadantī padinnā, bhusehi rājā vanathaṃ saajāhi”.
83. “Yo attadukkhena parassa dukkhaṃ, sukhena vā attasukhaṃ dahāti;

Yathevidam mayha tathā paresam, yo [so (pī.)] evam jānāti [pajānāti (ka.)] sa vedi dhammam.

84. “Añño nu te koci naro pathabyā, saddheyya lokasmi na me piyāti;  
Bhuso ca tyassa manaso vighāto, datvā piyam ummadantiṃ adaṭṭhā”.
85. “Janinda jānāsi piyā mamesā, na sā mamaṃ appiyā bhūmipāla;  
Piyena te dammi piyam janinda, piyadāyino deva piyam labhanti”.
86. “So nūnāhaṃ vadhissāmi, attānaṃ kāmahetukaṃ;  
Na hi dhammaṃ adhammena, ahaṃ vadhitumussahe”.
87. “Sace tuvaṃ mayha satim [santi (ka.)] janinda, na kāmāyāsi naravīra seṭṭha;  
Cajāmi naṃ sabbajanassa sibbyā [sibba (sī. pī.), majjhe (syā.)], mayā pamuttaṃ tato avhayesi  
[avhayāsi (ka.)] naṃ”.
88. “Adūsiyaṃ ce abhipāraka tvam, cajāsi katte ahitāya tyassa;  
Mahā ca te upavādopi assa, na cāpi tyassa nagaramhi pakkho”.
89. “Ahaṃ sahissaṃ upavādametaṃ, nindaṃ pasaṃsaṃ garahañca sabbam;  
Mametamāgacchatu bhūmipāla, yathāsukhaṃ sivi [sibba (sī. pī.)] karoḥi kāmam”.
90. “Yo neva nindaṃ na panappasaṃsaṃ, ādiyati garaḥaṃ nopi pūjam;  
Sirī ca lakkhī ca apeti tamhā, āpo suvuṭṭhīva yathā thalamhā”.
91. “Yaṃ kiñci dukkhañca sukhañca etto, dhammātisārañca manovighātaṃ;  
Urasā ahaṃ paccuttarissāmi [paṭicchissāmi (sī. syā.), paccupadissāmi (pī.)] sabbam, pathavī  
yathā thāvarānaṃ tasānaṃ”.
92. “Dhammātisārañca manovighātaṃ, dukkhañca nicchāmi ahaṃ paresam;  
Ekovimaṃ hārayissāmi bhāraṃ, dhamme ṭhito kiñci ahāpayanto”.
93. “Saggūpagaṃ puññakammaṃ janinda, mā me tuvaṃ antarāyaṃ akāsi;  
Dadāmi te ummadantiṃ pasanno, rājāva yaññe dhanam brāhmaṇānaṃ”.
94. “Addhā tuvaṃ katte hitesi mayhaṃ, sakhā mamaṃ ummadantī tuvañca;  
Nindeyyu devā pitaro ca sabbe, pāpañca passaṃ abhisamparāyaṃ”.
95. “Na hetadhammaṃ sivrāja vajjuṃ, sanegamā jānapadā ca sabbe;  
Yaṃ te mayā ummadantī padinnā, bhusehi rājā vanathaṃ sajāhi”.
96. “Addhā tuvaṃ katte hitesi mayhaṃ, sakhā mamaṃ ummadantī tuvañca;  
Satañca dhammāni sukittitāni, samuddavelāva duraccayāni”.
97. “Āhuneyyo mesi hitānukampī, dhātā vidhātā casi kāmāpālo;  
Tayī hutā rāja mahapphalā hi [mahapphalā hi me (pī.)], kāmēna me ummadantiṃ paṭicca”.
98. “Addhā hi sabbam abhipāraka tvam, dhammaṃ acārī mama kattuputta;  
Añño nu te ko idha sotthikattā, dvīpado naro aruṇe jīvaloke”.
99. “Tuvaṃ nu seṭṭho tvamanuttarosi, tvam dhammagū [dhammagutto (sī.)] dhammavidū  
sumedho;  
So dhammagutto cirameva jīva, dhammañca me desaya dhammapāla”.

100. “Tadiṅgha abhipāraka, suṇohi vacanaṃ mama;  
Dhammaṃ te desayissāmi, sataṃ āseviṃ ahaṃ.
101. “Sādhu dhammaruci rājā, sādhu paññāṇavā nara;  
Sādhu mittānamaddubbho, pāpassākaraṇaṃ sukhaṃ.
102. “Akkodhanassa vijite, t̥hitadhammassa rājino;  
Sukhaṃ manussā āsetha, sītacchāyāya saṅghare.
103. “Na cāhametaṃ abhirocayāmi, kammaṃ asamekkhakataṃ asādhu;  
Ye vāpi ñatvāna sayāṃ karonti, upamā imā mayhaṃ tuvaṃ suṇohi.
104. “Gavaṃ ce taramānānaṃ, jimhaṃ gacchati puṅgavo;  
Sabbā tā jimhaṃ gacchanti, nette jimhaṃ gate sati.
105. “Evameva [evamevaṃ (pī.)] manussesu, yo hoti seṭṭhasammato;  
So ce adhammaṃ carati, pageva itarā pajā;  
Sabbhaṃ raṭṭhaṃ dukhaṃ seti, rājā ce hoti adhammiko.
106. “Gavaṃ ce taramānānaṃ, ujuṃ gacchati puṅgavo;  
Sabbā gāvī ujuṃ yanti, nette ujuṃ gate sati.
107. “Evameva manussesu, yo hoti seṭṭhasammato;  
So sace dhammaṃ carati, pageva itarā pajā;  
Sabbhaṃ raṭṭhaṃ sukhaṃ seti, rājā ce hoti dhammiko.
108. “Na cāpāhaṃ adhammena, amarattamabhipatthaye;  
Imaṃ vā pathaviṃ sabbhaṃ, vijetuṃ abhipāraka.
109. “Yañhi kiñci manussesu, ratanaṃ idha vijjati;  
Gāvo dāso hiraññaṅca, vatthiyaṃ haricandanaṃ.
110. “Assitthiyo [assitthiyo ca (sī.)] ratanaṃ mañikaṅca, yañcāpi me candasūriyā abhipālayanti;  
Na tassa hetu visamaṃ careyyaṃ, majjhe sivīnaṃ usabhomhi jāto.
111. “Netā hitā [netābhi tā (sī.)] uggato raṭṭhapālo, dhammaṃ sivīnaṃ apacāyamāno;  
So dhammamevānuvicintayanto, tasmā sake cittavase na vatto”.
112. “Addhā tuvaṃ mahārāja, niccaṃ abyasanaṃ sivaṃ;  
Karissasi ciraṃ rajjaṃ, paññā hi tava tādisī.
113. “Etaṃ te anumodāma, yaṃ dhammaṃ nappamajjasi;  
Dhammaṃ pamajja khattiyo, raṭṭhā [t̥hānā (sī.)] cavati issaro.
114. “Dhammaṃ cara mahārāja, mātāpitūsu khattiya;  
Idha dhammaṃ caritvāna, rāja saggamaṃ gamissasi.
115. “Dhammaṃ cara mahārāja, puttadāresu khattiya...pe....
116. “Dhammaṃ cara mahārāja, mittāmaccesu khattiya...pe....
117. “Dhammaṃ cara mahārāja, vāhanesu balesu ca...pe....
118. “Dhammaṃ cara mahārāja, gāmesu nigamesu ca...pe....
119. “Dhammaṃ cara mahārāja, raṭṭhesu janapadesu ca...pe....

120. “Dhammaṃ cara mahārāja, samaṇabrāhmaṇesu ca...pe....  
 121. “Dhammaṃ cara mahārāja, migapakkhīsu khattiya...pe....  
 122. “Dhammaṃ cara mahārāja, dhammo ciṅṅo sukhāvaho;  
 Idha dhammaṃ caritvāna, rāja saggamaṃ gamissasi.  
 123. “Dhammaṃ cara mahārāja, saindā devā sabrahmakā;  
 Suciṅṅena divamaṃ pattā, mā dhammaṃ rāja pāmado”ti.

Ummānantījātakaṃ dutiyaṃ.

### 528. Mahābodhijātakaṃ (3)

124. “Kiṃ nu daṇḍamaṃ kimajinaṃ, kiṃ chattaṃ kimupāhanaṃ;  
 Kimaṅkusaṅca pattaṅca, saṅghāṭiṅcāpi brāhmaṇa;  
 Taramānarūpohāsi [gaṇhāsi (sī. syā. pī.)], kiṃ nu patthayase disaṃ”.
125. “Dvādasetaṇi vassāni, vusitāni tavantike;  
 Nābhijānāmi soṅena, piṅgalenābhikūjitaṃ.
126. “Svāyamaṃ dittova nadati, sukkadāṭṭhaṃ viddamaṃ;  
 Tava sutvā sabhariyassa, vītasaddhassa maṃ pati”.
127. “Ahu esa kato doso, yathā bhāsasi brāhmaṇa;  
 Esa bhīyyo pasīdāmi, vasa brāhmaṇa māgamā”.
128. “Sabbaseto pure āsi, tatopi sabalo ahu;  
 Sabbalohitako dāni, kālo pakkamituṃ mama.
129. “Abbhantaram pure āsi, tato majjhe tato bahi;  
 Purā niddhamanā hoti, sayameva vajāmahaṃ.
130. “Vītasaddhaṃ na seveyya, udapānaṃvanodakaṃ;  
 Sacepi naṃ anukhaṇe, vāri kaddamagandhikaṃ.
131. “Pasannameva seveyya, appasannaṃ vivajjaye;  
 Pasannaṃ payirupāseyya, rahadaṃ vudakatthiko.
132. “Bhaje bhajantaṃ purisaṃ, abhajantaṃ na bhajjaye [bhājaye (pī.)];  
 Asappurisadhammo so, yo bhajantaṃ na bhajjati [bhājati (pī.)].
133. “Yo bhajantaṃ na bhajati, sevamānaṃ na sevati;  
 Sa ve manussapāpiṭṭho, migo sākhasito yathā.
134. “Accābhikkhaṇasaṃsaggā, asamosaraṇena ca;  
 Etena mittā jīranti, akāle yācanāya ca.
135. “Tasmā nābhikkhaṇaṃ gacche, na ca gacche cirāciraṃ;  
 Kālena yācaṃ yāceyya, evaṃ mittā na jīyare [jīrare (syā. pī.)].
136. “Aticiraṃ nivāsena, piyo bhavati appiyo;  
 Āmanta kho taṃ gacchāma, purā te homa appiyā”.



137. “Evaṃ ce yācamānānaṃ, añjalim nāvabujjhasi;  
Paricārakānaṃ satam [paricārikānaṃ sattānaṃ (sī. syā. pī.)], vacanaṃ na karosi no;  
Evaṃ taṃ abhiyācāma, puna kayirāsi pariyāyaṃ”.
138. “Evaṃ ce no viharataṃ, antarāyo na hessati;  
Tuyhaṃ vāpi [tumhañcāpi (sī.), tuyhañcāpi (pī.)] mahārāja, mayhaṃ vā [amhaṃ vā (sī.),  
mayhañca (pī.)] raṭṭhavaddhana;  
Appeva nāma passema, ahorattānamaccaye”.
139. “Udīraṇā ce saṃgatyā, bhāvāya manuvattati;  
Akāmā akaraṇīyaṃ vā, karaṇīyaṃ vāpi kubbatī;  
Ākāmākaraṇīyaṃhi, kvīdha pāpena lippati [limpati (syā. ka.)].
140. “So ce attho ca dhammo ca, kalyāṇo na ca pāpako;  
Bhoto ce vacanaṃ saccaṃ, suhato vānaro mayā.
141. “Attano ce hi vādassa, aparādhaṃ vijāniyā [vijāniya (sī. syā. pī.)];  
Na maṃ tvaṃ garaheyyāsi, bhoto vādo hi tādiso”.
142. “Issaro sabbalokassa, sace kappeti jīvitam;  
Iddhim [iddhi (pī. ka.)] byasanabhāvañca, kammaṃ kalyāṇapāpakaṃ;  
Niddesakārī puriso, issaro tena lippati.
143. “So ce attho ca dhammo ca, kalyāṇo na ca pāpako;  
Bhoto ce vacanaṃ saccaṃ, suhato vānaro mayā.
144. “Attano ce hi vādassa, aparādhaṃ vijāniyā;  
Na maṃ tvaṃ garaheyyāsi, bhoto vādo hi tādiso”.
145. “Sace pubbekatahetu, sukhadukkhaṃ nigacchati;  
Porāṇakaṃ kataṃ pāpaṃ, tameso muccate [muñcate (sī. syā.)] iṇaṃ;  
Porāṇakaiṇamokkha, kvīdha pāpena lippati.
146. “So ce attho ca dhammo ca, kalyāṇo na ca pāpako;  
Bhoto ce vacanaṃ saccaṃ, suhato vānaro mayā.
147. “Attano ce hi vādassa, aparādhaṃ vijāniyā;  
Na maṃ tvaṃ garaheyyāsi, bhoto vādo hi tādiso”.
148. “Catunnaṃyevupādāya, rūpaṃ sambhoti pāṇinaṃ;  
Yato ca rūpaṃ sambhoti, tatthevānupagacchati;  
Idheva jīvati jīvo, pecca pecca vinassati.
149. Ucchijjati ayaṃ loko, ye bālā ye ca paṇḍitā;  
Ucchijjamāne lokasmiṃ, kvīdha pāpena lippati.
150. “So ce attho ca dhammo ca, kalyāṇo na ca pāpako;  
Bhoto ce vacanaṃ saccaṃ, suhato vānaro mayā.
151. “Attano ce hi vādassa, aparādhaṃ vijāniyā;  
Na maṃ tvaṃ garaheyyāsi, bhoto vādo hi tādiso”.

152. “Āhu khattavidā [khattavidhā (sī. syā. pī.)] loke, bālā paṇḍitamānino.  
Mātaraṃ pitaraṃ haññe, atho jeṭṭhampi bhātaraṃ;  
Haneyya putta [putte ca (pī.)] dāre ca, attho ce tādiso siyā.
153. “Yassa rukkhasa chāyāya, nisīdeyya sayeyya vā;  
Na tassa sākhaṃ bhañjeyya, mittadubbho [mittadūbhī (pī.)] hi pāpako.
154. “Atha atthe samuppanne, samūlamapi abbahe [abbhahe (syā. ka.)];  
Attho me sambalenāpi, suhato vānaro mayā.
155. [ayaṃ gāthā sīhaḷapotthake natthi] “So ce attho ca dhammo ca, kalyāṇo na ca pāpako;  
Bhoto ce vacanaṃ saccaṃ, suhato vānaro mayā [ayaṃ gāthā sīhaḷapotthake natthi].
156. “Attano ce hi vādassa, aparādhaṃ vijāniyā;  
Na maṃ tvaṃ garaheyyāsi, bhoto vādo hi tādiso.
157. “Ahetuvādo puriso, yo ca issarakuttiko;  
Pubbekatī ca ucchedī, yo ca khattavido naro.
158. “Ete asappurisā loke, bālā paṇḍitamānino;  
Kareyya tādiso pāpaṃ, atho aññampi kāraye;  
Asappurisasamsaggo, dukkhanto [dukkaṭo (sī.)] kaṭukudrayo.
159. “Urabbharūpena vakassu [bakāsu (sī. syā.), vakāsu (pī.)] pubbe, asaṃkito ajayūthaṃ upeti;  
Hantvā uraṇiṃ ajikaṃ [ajiyam (sī. syā. pī.)] ajañca, utrāsavitvā [citrāsavitvā (sī. pī.)] yena  
kāmaṃ paleti.
160. “Tathāvidheke samaṇabrāhmaṇāse, chadanaṃ katvā vañcayanti manusse;  
Anāsakā thaṇḍilaseyyakā ca, rajojallaṃ ukkuṭikappadhānaṃ;  
Pariyāyabhattañca apānakattā, pāpācārā arahanto vadānā.
161. “Ete asappurisā loke, bālā paṇḍitamānino;  
Kareyya tādiso pāpaṃ, atho aññampi kāraye;  
Asappurisasamsaggo, dukkhanto kaṭukudrayo.
162. “Yamāhu natthi vīriyanti, ahetuñca pavadanti [hetuñca apavadanti (sī. syā. pī.)] ye;  
Parakāraṃ attakārañca, ye tucchaṃ samavaṇṇayum.
163. “Ete asappurisā loke, bālā paṇḍitamānino;  
Kareyya tādiso pāpaṃ, atho aññampi kāraye;  
Asappurisasamsaggo, dukkhanto kaṭukudrayo.
164. “Sace hi vīriyaṃ nāssa, kammaṃ kalyāṇapāpakaṃ;  
Na bhare vaḍḍhakiṃ rājā, napi yantāni kāraye.
165. “Yasmā ca vīriyaṃ atthi, kammaṃ kalyāṇapāpakaṃ;  
Tasmā yantāni kāreti, rājā bhārati vaḍḍhakiṃ.
166. “Yadi vassasataṃ devo, na vasse na himaṃ pate;  
Ucchijjeyya ayaṃ loko, vinasseyya ayaṃ pajā.
167. “Yasmā ca vassatī devo, himañcānuphusāyati;

Tasmā sassāni paccanti, raṭṭhañca pālite [pallate (sī. pī.), polayate (syā.)] ciraṃ.

168. “Gavaṃ ce taramānānaṃ, jimhaṃ gacchati puṅgavo;  
Sabbā tā jimhaṃ gacchanti, nette jimhaṃ [jimha (pī.)] gate sati.
169. “Evameva [evamevaṃ (pī.)] manussesu, yo hoti seṭṭhasammato;  
So ce adhammaṃ carati, pageva itarā pajā;  
Sabbhaṃ raṭṭhaṃ dukhaṃ seti, rājā ce hoti adhammiko.
170. “Gavaṃ ce taramānānaṃ, ujuṃ gacchati puṅgavo;  
Sabbā gāvī ujuṃ yanti, nette ujuṃ [ujū (pī.)] gate sati.
171. “Evameva manussesu, yo hoti seṭṭhasammato;  
So sace [ceva (sī.), cepi (ka.)] dhammaṃ carati, pageva itarā pajā;  
Sabbhaṃ raṭṭhaṃ sukhaṃ seti, rājā ce hoti dhammiko.
172. “Mahārukkhassa phalino, āmaṃ chindati yo phalaṃ;  
Rasañcassa na jānāti, bījañcassa vinassati.
173. “Mahārukkhūpamaṃ raṭṭhaṃ, adhammena pasāsati;  
Rasañcassa na jānāti, raṭṭhañcassa vinassati.
174. “Mahārukkhassa phalino, pakkaṃ chindati yo phalaṃ;  
Rasañcassa vijānāti, bījañcassa na nassati.
175. “Mahārukkhūpamaṃ raṭṭhaṃ, dhammena yo pasāsati;  
Rasañcassa vijānāti, raṭṭhañcassa na nassati.
176. “Yo ca rājā janapadaṃ, adhammena pasāsati;  
Sabbosadhīhi so rājā, viruddho hoti khattiyo.
177. “Tatheva negame hiṃsaṃ, ye yuttā kayavikkaye;  
Ojadānabalīkāre, sa kosena virujjhati.
178. “Pahāravarakhettaññū, saṅgāme katanissame [kataniyame (ka.)];  
Ussite hiṃsayamaṃ rājā, sa balena virujjhati.
179. “Tatheva isayo hiṃsaṃ, saññate [saṃyame (syā. ka.)] brahmacāriyo [brahmacāriṇo (sī.)];  
Adhammacārī khattiyo, so saggena virujjhati.
180. “Yo ca rājā adhammaṭṭho, bhariyaṃ hanti adūsikaṃ;  
Luddaṃ pasavate ṭhānaṃ [pāpaṃ (sī.)], puttehi ca virujjhati.
181. “Dhammaṃ care jānapade, negamesu [nigamesu (sī.)] balesu ca;  
Isayo ca na hiṃseyya, puttadāre samaṃ care.
182. “Sa tādiso bhūmipati, raṭṭhapālo akodhano;  
Sapatte [sāmante (sī. syā. pī.)] sampakampeti, indova asurādhipo”ti.

Mahābodhiajātakamaṃ tatiyaṃ.

Paṇṇāsanipātaṃ niṭṭhitaṃ.

Tassuddānaṃ –

Saniḷīnikamavhayano paṭhamo, dutiyo pana saummadantivaro;  
Tatiyo pana bodhisirīvhayano, kathitā pana tīṇi jinena subhāti.

## 19. Saṭṭhinipāto

### 529. Soṇakajātakam (1)

1. “Tassa sutvā satam dammi, sahasam diṭṭha [daṭṭhu (sī. pī.)] soṇakam;  
Ko me soṇakamakkhāti, sahāyaṃ paṃsukīḷitam”.
2. “Athabravī māṇavako, daharo pañcacūḷako;  
Mayham sutvā satam dehi, sahasam diṭṭha [daṭṭhu (sī. pī.)] soṇakam;  
Aham te soṇakakkhissam [aham soṇakamakkhissam (sī. pī.), aham te soṇakamakkhissam (syā.)], sahāyaṃ paṃsukīḷitam”.
3. “Katamasmim [katarasmim (sī. syā. pī.)] so janapade, raṭṭhesu nigamesu ca;  
Kattha soṇakamaddakkhi [kattha te soṇako diṭṭho (sī. pī.)], tam me akkhāhi pucchito”.
4. “Taveva deva vijite, tavevuyyānabhūmiyā;  
Ujuvaṃsā mahāsālā, nīlobhāsā manoramā.
5. “Tiṭṭhanti meghasamānā, rammā aññoññanissitā;  
Tesaṃ mūlamhi [mūlasmim (sī. pī.), mūlasmi (syā.)] soṇako, jhāyatī anupādano [anupādino (syā.), anupādano (pī.)];  
Upādānesu lokesu, ḍayhamānesu nibbuto.
6. “Tato ca rājā pāyāsi, senāya caturaṅgiyā;  
Kārāpetvā samaṃ maggaṃ, agamā yena soṇako.
7. “Uyyānabhūmim gantvāna, vicaranto brahāvane;  
Āsīnaṃ soṇakam dakkhi, ḍayhamānesu nibbutam”.
8. “Kapaṇo vatayaṃ bhikkhu, muṇḍo saṅghāṭipāruto;  
Amātiko apitiko, rukkhāmūlasmi jhāyati”.
9. “Imaṃ vākyam nisāmetvā, soṇako etadabravi;  
‘Na rāja kapaṇo hoti, dhammaṃ kāyena phassayaṃ [phusayaṃ (ka.)].
10. ‘Yo ca [yodha (sī. syā.)] dhammaṃ niraṃkatvā [nirākatvā (?)], adhammamanuvattati;  
Sa rāja kapaṇo hoti, pāpo pāparāyano”.
11. “Arindamoti me nāmaṃ, kāsirājāti maṃ vidū;  
Kacci bhoto sukhasseyyā [sukhā seyyā (pī.), sukhasseyyo (ka.)], idha pattassa soṇaka”.
12. “Sadāpi bhadramadhanassa, anāgārassa bhikkhuno;  
Na tesam koṭṭhe openti, na kumbhim na khaḷopiyaṃ [na kumbhe na kaḷopiyā (syā. pī.)];  
Paraniṭṭhitamesānā, tena yāpentī subbatā.
13. “Dutiyaṃpi bhadramadhanassa, anāgārassa bhikkhuno;

Anavajjapiṇḍo [anavajjo piṇḍā (pī.)] bhottabbo, na ca kocūparodhati.

14. “Tatīyampi bhādrāmadhanassa, anāgārassa bhikkhuno;  
Nibbuto piṇḍo bhottabbo, na ca kocūparodhati.
15. “Catutthampi [catuttham (pī.)] bhādrāmadhanassa, anāgārassa bhikkhuno;  
Muttassa raṭṭhe carato, saṅgo yassa na vijjati.
16. “Pañcamampi [pañcamam (pī.)] bhādrāmadhanassa, anāgārassa bhikkhuno;  
Nagaramhi ḍayhamānamhi, nāssa kiñci aḍayhatha.
17. “Chaṭṭhampi [chaṭṭham (pī.)] bhādrāmadhanassa, anāgārassa bhikkhuno;  
Raṭṭhe vilumpamānamhi [viluppamānamhi (ka.)], nāssa kiñci ahīratha [ahāratha (sī. syā.)].
18. “Sattamampi [sattamam (pī.)] bhādrāmadhanassa, anāgārassa bhikkhuno;  
Corehi rakkhitam maggam, ye caññe paripanthikā;  
Pattacīvaramādāya, sotthim gacchati subbato.
19. “Aṭṭhamampi [aṭṭhamam (pī.)] bhādrāmadhanassa, anāgārassa bhikkhuno;  
Yaṃ yaṃ disaṃ pakkamati, anapekkhova gacchati”.
20. “Bahūpi bhadrā [bahūni samaṇabhadrāni (sī.), bahūpi bhadrakā ete (pī.)] etesaṃ, yo tvaṃ  
bhikkhu pasamsasi;  
Ahañca giddho kāmesu, katham kāhāmi soṇaka.
21. “Piyā me mānusa kāmā, atho dibyāpi me piyā;  
Atha kena nu vaṇṇena, ubho loke labhāmase”.
22. “Kāme giddhā [kāmesu giddhā (sī. pī.)] kāmaratā, kāmesu adhimucchitā;  
Narā pāpāni katvāna, upapajjanti duggatiṃ.
23. “Ye ca kāme pahantvāna [pahatvāna (sī. pī.)], nikkhantā akutobhayā;  
Ekodibhāvādhigatā, na te gacchanti duggatiṃ.
24. “Upamaṃ te karissāmi, taṃ suṇohi arindama;  
Upamāya midhekacce [pidhekacce (sī. pī.)], attham jānanti paṇḍitā.
25. “Gaṅgāya kuṇapaṃ disvā, vuyhamānaṃ mahaṇṇave;  
Vāyaso samacintesi, appapañño acetaso.
26. “Yānañca vatidaṃ laddham, bhakkho cāyaṃ anappako’;  
Tattha rattiṃ tattha divā, tattheva nirato mano.
27. “Khādaṃ nāgassa maṃsāni, pivam bhāgīrathodakam [bhāgirasodakam (sī. syā. pī. ka.)];  
Sampassaṃ vanacetyāni, na palettha [paletvā (ka.)] vihaṅgamo.
28. “Tañca [taṃva (pī.)] otaraṇī gaṅgā, pamattaṃ kuṇape rataṃ;  
Samuddaṃ ajjhagāhāsi [ajjhagāhayi (pī.)], agatī yattha pakkhinaṃ.
29. “So ca bhakkhaparikkhīṇo, udapatvā [uppatitvā (sī. syā.), udāpatvā (pī.)] vihaṅgamo.  
Na pacchato na purato, nuttaraṃ nopi dakkhinaṃ.

30. “Dīpaṃ so najjhagāgañchi [na ajjhagañchi (sī.), na ajjhagacchi (pī.)], agatī yattha pakkhinam;  
So ca tattheva pāpattha, yathā dubbalako tathā.
31. “Tañca sāmuddikā macchā, kumbhīlā makarā susū;  
Pasayhakārā khādīṃsu, phandamānaṃ vipakkhakaṃ [vipakkhinam (sī. pī.), vipakkhikaṃ (syā.)].
32. “Evameva tuvaṃ rāja, ye caññe kāmabhogino;  
Giddhā ce na vamiṣanti, kākapaññāva [kākapaññāya (sī. syā. pī.)] te vidū.
33. “Esā te upamā rāja, atthasandassanī katā;  
Tvañca paññāyase tena, yadī kāhasi vā na vā.
34. “Ekavācampi dvivācaṃ, bhaṇeyya anukampako;  
Tatuttariṃ na bhāseyya, dāsovayyassa [dāso ayyassa (sī.), dāso ayirassa (pī.)] santike”.
35. “Idaṃ vatvāna pakkāmi, soṇako amitabuddhimā [soṇako’mitabuddhimā (?)];  
Vehāse antalikkhasmiṃ, anusāsivāna khattiyam”.
36. “Ko nume rājakattāro, suddā veyyattamāgatā [sūtā veyyattimāgatā (sī. syā. pī.)];  
Rajjam niyyādayissāmi, nāham rajjena matthiko.
37. “Ajjeva pabbajissāmi, ko jaññā maraṇaṃ suve;  
Māham kākova dummedho, kāmānaṃ vasamanvagaṃ” [vasamannagā (pī.)].
38. “Atthi te daharo putto, dīghāvu raṭṭhavaḍḍhano;  
Taṃ rajje abhisiñcassu, so no rājā bhavissati”.
39. “Khippaṃ kumāramānetha, dīghāvum raṭṭhavaḍḍhanaṃ;  
Taṃ rajje abhisiñcissaṃ, so vo rājā bhavissati”.
40. “Tato kumāramānesum, dīghāvum raṭṭhavaḍḍhanaṃ;  
Taṃ disvā ālapī rājā, ekaputtaṃ manoramaṃ.
41. “Saṭṭhi gāmasahassāni, paripuṇṇāni sabbaso;  
Te putta paṭipajjassu, rajjam niyyādayāmi te.
42. “Ajjeva pabbajissāmi, ko jaññā maraṇaṃ suve;  
Māham kākova dummedho, kāmānaṃ vasamanvagaṃ [vasamannagā (pī.)].
43. “Saṭṭhi nāgasahassāni, sabbālaṅkārabhūsitā;  
Suvaṇṇakacchā mātaṅgā, hemakappanavāsasā.
44. “Ārūlhā gāmaṇīyehi, tomaraṅkusapāṇibhi;  
Te putta paṭipajjassu, rajjam niyyādayāmi te.
45. “Ajjeva pabbajissāmi, ko jaññā maraṇaṃ suve;  
Māham kākova dummedho, kāmānaṃ vasamanvagaṃ.
46. “Saṭṭhi assasahassāni, sabbālaṅkārabhūsitā;  
Ājānīyāva jātiyā, sindhavā sīghavāhino.

47. “Ārūḷhā gāmaṇīyehi, illiyācāpadhāribhi [[indiyācāpadhāribhi \(ka.\)](#)];  
Te putta paṭipajjassu, rajjaṃ niyyādayāmi te.
48. “Ajjeva pabbajissāmi, ko jaññā maraṇaṃ suve;  
Māhaṃ kākova dummedho, kāmānaṃ vasamanvagaṃ.
49. “Saṭṭhi rathasahassāni, sannaddhā ussitaddhajā;  
Dīpā athopi veyyagghā, sabbālaṅkārahūsitā.
50. “Ārūḷhā gāmaṇīyehi, cāpahatthehi vammibhi;  
Te putta paṭipajjassu, rajjaṃ niyyādayāmi te.
51. “Ajjeva pabbajissāmi, ko jaññā maraṇaṃ suve;  
Māhaṃ kākova dummedho, kāmānaṃ vasamanvagaṃ.
52. “Saṭṭhi dhenusahassāni, rohaññā puṅgavūsabhā;  
Tā putta paṭipajjassu, rajjaṃ niyyādayāmi te.
53. “Ajjeva pabbajissāmi, ko jaññā maraṇaṃ suve;  
Māhaṃ kākova dummedho, kāmānaṃ vasamanvagaṃ.
54. “Soḷasitthisahassāni, sabbālaṅkārahūsitā;  
Vicitravatthābharaṇā, āmuttamaṇikuṇḍalā;  
Tā putta paṭipajjassu, rajjaṃ niyyādayāmi te.
55. “Ajjeva pabbajissāmi, ko jaññā maraṇaṃ suve;  
Māhaṃ kākova dummedho, kāmānaṃ vasamanvagaṃ”.
56. “Daharasseva me tāta, mātā matāti me sutam;  
Tayā vinā ahaṃ tāta, jīvitumpi na ussahe.
57. “Yathā āraññaṅkaṃ nāgaṃ, poto anveti pacchato;  
Jessantaṃ giriduggesu, samesu visamesu ca.
58. “Evaṃ taṃ anugacchāmi, puttamādāya [[pattamādāya \(pī.\)](#)] pacchato;  
Subharo te bhavissāmi, na te hessāmi dubbharo”.
59. “Yathā sāmuddikaṃ nāvaṃ, vāṇijānaṃ dhanesinaṃ;  
Vohāro tattha gaṇheyya, vāṇijā byasanī [[byasanaṃ \(ka.\)](#)] siyā.
60. “Evamevāyaṃ puttakali [[puttaka \(syā.\)](#)], antarāyakaro mama [[mamam \(pī.\)](#)];  
Imaṃ kumāraṃ pāpetha, pāsādaṃ rativaḍḍhanaṃ.
61. “Tattha kambusahatthāyo, yathā sakkamva accharā;  
Tā naṃ tattha ramessanti [[ramissanti \(syā. ka.\)](#)], tāhi ceso [[meso \(pī.\)](#)] ramissati.
62. “Tato kumāraṃ pāpesuṃ, pāsādaṃ rativaḍḍhanaṃ;  
Taṃ disvā avacuṃ kaññā, dīghāvuṃ raṭṭhavaḍḍhanaṃ.
63. “Devatā nusi gandhabbo, adu [[ādu \(sī. pī.\)](#)] sakko purindado;  
Ko vā tvaṃ kassa vā putto, kathaṃ jānemu taṃ mayam”.

64. “Namhi devo na gandhabbo, nāpi [namhi (ka.)] sakko purindado;  
Kāsirañño ahaṃ putto, dīghāvu raṭṭhavaḍḍhano;  
Mamaṃ [mama (pī.)] bharatha bhaddaṃ vo [bhaddante (ka.)], ahaṃ bhattā bhavāmi vo”.
65. “Taṃ tattha avacumaṃ kaññā, dīghāvumaṃ raṭṭhavaḍḍhanaṃ;  
‘Kuhimaṃ rājā anupatto, ito rājā kuhimaṃ gato’”.
66. “Paṅkaṃ rājā atikkanto, thale rājā patiṭṭhito;  
Akaṇṭakaṃ agahanaṃ, paṭipanno mahāpathaṃ.
67. “Ahañca paṭipannosmi, maggaṃ duggatigāminaṃ;  
Sakaṇṭakaṃ sagahanaṃ, yena gacchanti duggatiṃ”.
68. “Tassa te svāgataṃ rāja, sīhasseva giribbajaṃ;  
Anusāsa mahārāja, tvaṃ no sabbāsamissaro”’ti.

Soṇakajātaṃ paṭhamamaṃ.

### 530. Saṃkicējātaṃ (2)

69. “Disvā nisinnaṃ rājānaṃ, brahmadattaṃ rathesabhaṃ;  
Athassa paṭivedesi, yassāsi anukampako.
70. “Saṃkiccāyaṃ anupatto, isīnaṃ sādhusammato;  
Taramānarūpo niyyāhi, khippaṃ passa mahesinaṃ.
71. “Tato ca rājā taramāno, yuttamāruyha sandanaṃ;  
Mittāmaccapariyūlho [paribbūlho (sī. pī.)], agamāsi rathesabho.
72. “Nikkhippa pañca kakudhāni, kāsīnaṃ raṭṭhavaḍḍhano;  
Vālabījani [vā lavījanī (sī. pī.)] muṇhīsaṃ, khaggaṃ chattañcupāhanaṃ;
73. “Oruyha rājā yānamhā, ṭhapayitvā paṭicchadaṃ;  
Āsīnaṃ dāyapassasmiṃ, saṃkiccamaupasānkami.
74. “Upasaṅkamtivā so rājā, sammodi isinā saha;  
Taṃ kathaṃ vītisāretvā, ekamantaṃ upāvīsi.
75. “Ekamantaṃ nisinnova, atha kālaṃ amaññatha;  
Tato pāpāni kammāni, pucchitumaṃ paṭipajjatha.
76. “Isiṃ pucchāma [pucchāmi (sī. pī.)] saṃkiccaṃ, isīnaṃ sādhusammataṃ;  
Āsīnaṃ dāyapassasmiṃ, isisaṅghapurakkhataṃ [purakkhitaṃ (ka.)].
77. “Kaṃ gatiṃ pecca gacchanti, narā dhammāticārino;  
Aticiṅṇo mayā dhammo, taṃ me akkhāhi pucchito.
78. “Isī avaca saṃkicco, kāsīnaṃ raṭṭhavaḍḍhanaṃ;  
Āsīnaṃ dāyapassasmiṃ, mahārāja suṇohi me.
79. “Uppathena vajantassa, yo maggamanusāsati;  
Tassa ce vacanaṃ kayirā, nāssa maggeyya kaṇṭako.



80. “Adhammaṃ paṭipannassa, yo dhammamanusāsati;  
Tassa ce vacanaṃ kayirā, na so gaccheyya duggatiṃ.
81. “Dhammo patho mahārāja, adhammo pana uppatho;  
Adhammo nirayaṃ neti, dhammo pāpeti suggatiṃ.
82. “Adhammacārino rāja, narā visamajīvino;  
Yaṃ gatiṃ pecca gacchanti, niraye te suṇohi me.
83. “Sañjīvo kālasutto ca, saṅghāto [saṅkhāto (syā. ka.)] dve ca roruvā;  
Athāparo mahāvīci, tāpano [tapano (sī. pī.)] ca patāpano.
84. “Iccete aṭṭha nirayā, akkhātā duratikkamā;  
Ākiṇṇā luddakammehi, paccekā soḷasussadā.
85. “Kadariyatāpanā [kadariyatapanā (sī. pī.)] ghorā, accimanto [accimantā (pī.)] mahabbhayā;  
Lomahaṃsanarūpā ca, bhesmā paṭibhayā dukhā.
86. “Catukkaṇṇā catudvārā, vibhattā bhāgasō mitā;  
Ayopākārapariyantā, ayasā paṭikujjitā.
87. “Tesaṃ ayomayā bhūmi, jalitā tejasā yutā;  
Samantā yojanasataṃ, phuṭā [pharivā (a. ni. 3.36; pe. va. 71)] tiṭṭhanti sabbadā.
88. “Ete patanti niraye, uddhampādā avamsirā;  
Isīnaṃ ativattāro, saññātānaṃ tapassinaṃ.
89. “Te bhūnahuno paccanti, macchā bilakatā yathā;  
Saṃvacchare asaṅkheyye, narā kibbisakārino.
90. “Ḍayhamānena gattena, niccaṃ santarabāhiraṃ;  
Nirayā nādhigacchanti, dvāraṃ nikkhamanesino.
91. “Puratthimena dhāvanti, tato dhāvanti pacchato;  
Uttarenapi dhāvanti, tato dhāvanti dakkhiṇaṃ;  
Yaṃ yañhi dvāraṃ gacchanti, taṃ tadeva pidhīyare [pithiyyati (sī.), pithiyyare (syā.), pithīyare (pī.)].
92. “Bahūni vassasahassāni, janā nirayagāmino;  
Bāhā paggayha kandanti, patvā dukkhaṃ anappakaṃ.
93. “Āsīvisamaṃva kupitaṃ, tejasṣiṃ duratikkamaṃ;  
Na sādhurūpe āsīde, saññātānaṃ tapassinaṃ.
94. “Atikāyo mahissāso, ajjuno kekakādhipo;  
Sahassabāhu ucchinno, isimāsajja gotamaṃ.
95. “Arajaṃ rajasā vacchaṃ, kisaṃ avakiriya daṇḍakī;  
Tālova mūlato [samūlo (ka.)] chinno, sa rājā vibhavaṅgato.
96. “Upahacca manaṃ majjho [mejjo (ka.)], mātaṅgasmim yasassine;  
Sapārisajjo ucchinno, majjhāraññaṃ tadā ahu.

97. “Kaṇhadīpāyanāsajja, isim andhakaveṇḍayo [veṇhuyo (sī. pī.), pinhayo (?)];  
Aññoññaṃ [aññamaññaṃ (sī. pī.)] musalā [musale (sī. syā. pī.)] hantvā, sampattā  
yamasādanam [yamasādanam (pī.)].
98. “Athāyaṃ isinā satto, antalikkhacaro pure;  
Pāvekkhi pathaviṃ [paṭhaviṃ (sī. syā. pī.)] cecco, hīnatto pattapariyāyaṃ.
99. “Tasmā hi chandāgamanam, nappasamsanti paṇḍitā;  
Aduṭṭhacitto bhāseyya, giram saccūpasamhitam.
100. “Manasā ce paduṭṭhena, yo naro pekkhate munim;  
Vijjācaraṇasampannam, gantā so nirayaṃ adho.
101. “Ye vuḍḍhe [vaddhe (ka.)] paribhāsanti, pharusūpakkamā janā;  
Anapaccā adāyādā, tālavatthu [tālavatthū (syā.), tālavatthu (pī.)] bhavanti te.
102. “Yo ca pabbajitam hanti, katakiccam mahesinam;  
Sa kālasutte niraye, cirarattāya paccati.
103. “Yo ca rājā adhammatṭho, raṭṭhaviddhamasano mago [cuto (sī.)];  
Tāpayitvā janapadam, tāpane pecca paccati.
104. “So ca vassasahassāni [vassasahassānam (sī. syā.)], satam dibbāni paccati;  
Accisaṅghapareto so, dukkham vedeti vedanam.
105. “Tassa aggisikhā kāyā, niccharanti pabhassarā;  
Tejobhakkhassa gattāni, lomhehi ca [lomagehi ca (sī. syā. pī.)] nakhehi ca.
106. “Ḍayhamānena gattena, niccam santarabāhiram;  
Dukkhabhitunno nadati, nāgo tutaṭṭito [tuttaddito (sī.)] yathā.
107. “Yo lobhā pitaram hanti, dosā vā purisādhamo;  
Sa kālasutte niraye, cirarattāya paccati.
108. “Sa tādiso paccati lohakumbhiyam, pakkañca sattīhi hananti nittacam;  
Andham karitvā muttakarīsabhakkham, khāre nimujjanti tathāvidham naram.
109. “Tattam pakkuthitamayogulañca [pakkudhitamayogulañca (ka.)], dīghe ca phāle  
cirarattatāpīte;  
Vikkhambhamādāya vibandha [vibaddha (sī.), vibhajja (syā. pī.)] rajjubhi, vivaṭe mukhe  
sompavisanti [samcavanti (sī. syā. pī.)] rakkhasā.
110. “Sāmā ca soṇā sabalā ca gijjhā, kākoḷasaṅghā ca dijā ayomukhā;  
Saṅgamma khādanti vipphandamānam, jivham vibhajja vighāsam salohitam.
111. “Tam daḍḍhatālam paribhinnagattam, nipbothayantā anuvaranti rakkhasā;  
Ratī hi nesam dukhino panītare, etādisasmim niraye vasanti;  
Ye keci loke idha pettighātino.
112. “Putto ca mātaram hantvā, ito gantvā yamakkhayam;  
Bhusamāpajjate dukkham, attakammaphalūpago.

113. “Amanussā atibalā, hantāraṃ janayantiyā;  
Ayomayehi vālehi [phālehi (pī.)], pīlayanti punappunaṃ.
114. “Tamassavaṃ [taṃ passavaṃ (sī. syā.), taṃ passutaṃ (pī.)] sakā gattā, ruhiraṃ [rudhiraṃ (sī. syā.)] attasambhavaṃ;  
Tambalohavilīnaṃva, tattaṃ pāyenti mattighaṃ [mattiyaṃ (sī.).]
115. “Jigucchaṃ kuṇapaṃ pūtiṃ, duggandhaṃ gūthakaddamaṃ;  
Pubbalohitasāṅkāsaṃ, rahadamogayha [rahadoggayha (ka.)] tiṭṭhati.
116. “Tameṇaṃ kimayo tattha, atikāyā ayomukhā;  
Chaviṃ bhettvāna [chetvāna (sī. pī.)] khādanti, saṃgiddhā [pagiddhā (sī. syā. pī.)] maṃsalohite.
117. “So ca taṃ nirayaṃ patto, nimuggo sataporisaṃ;  
Pūtikaṃ kuṇapaṃ vāti, samantā satayojanaṃ.
118. “Cakkhumāpi hi cakkhūhi, tena gandhena jīyati;  
Etādisaṃ brahmadatta, mātugho labhate dukhaṃ.
119. “Khuradhāraṃmanukkamma, tikkhaṃ durabhisambhavaṃ;  
Patanti gabbhapātiyo [gabbhapātiniyo (sī. syā. pī.)], duggaṃ veteraṇiṃ [vettaraṇiṃ (syā. ka.)] nadiṃ.
120. “Ayomayā simbaliyo, soḷasaṅgulakaṇṭakā;  
Ubhato abhilambanti, duggaṃ veteraṇiṃ [vettaraṇiṃ (syā. ka.)] nadiṃ.
121. “Te accimanto tiṭṭhanti, aggikkhandhāva ārakā;  
Ādittā jātavedena, uddhaṃ yojanamuggatā.
122. “Ete vajanti [sajanti (sī. pī.), pajjanti (syā.)] niraye, tatte tikhiṇakaṇṭake;  
Nāriyo ca aticārā [aticāriniyo (sī. syā. pī.)], narā ca paraḍāragū.
123. “Te patanti adhokkhandhā, vivattā vihatā puthū;  
Sayanti vinividdhaṅgā, dīghaṃ jagganti sabbadā [saṃvarim (sī. pī.).]
124. “Tato ratyā vivasāne [vivasane (sī. syā. pī.)], mahatiṃ pabbatūpamaṃ;  
Lohakumbhiṃ pavajjanti, tattaṃ aggisamūdakaṃ.
125. “Evaṃ divā ca ratto ca, dussīlā mohapārutā;  
Anubhonti sakaṃ kammaṃ, pubbe dukkaṭamattano.
126. “Yā ca bhariyā dhanakkītā, sāmikaṃ atimaññati;  
Sassaṃ vā sasuraṃ vāpi, jeṭṭhaṃ vāpi nanandaraṃ [nanandanaṃ (syā. ka.).]
127. “Tassā vaṅkena jivhaggaṃ, nibbahanti sabandhanaṃ;  
Sa byāmaṃmattaṃ kiminaṃ, jivhaṃ passati attani [attano (sī. syā.)];  
Viññāpetuṃ na sakkoti, tāpane pecca paccati.
128. “Orabbhikā sūkarikā, macchikā migabandhakā;  
Corā goghātakā luddā, avaṇṇe vaṇṇakārakā.

129. “Sattīhi lohakūṭehi, nettiṃsehi usūhi ca;  
Haññamānā khāranadiṃ, papatanti [sampatanti (ka.)] avam̐sirā.
130. “Sāyaṃ pāto kūṭakārī, ayokūṭehi haññati;  
Tato vantaṃ durattānaṃ, paresaṃ bhuñjare [bhuñjate (sī. syā. pī.)] sadā.
131. “Dhaṅkā bheraṇḍakā [bhedaṇḍakā (ka.)] giṃjhā, kākoḷā ca ayomukhā;  
Vipphandaṃmānaṃ khādanti, naraṃ kibbisakāraṃ [kibbisakāriṇaṃ (pī.)].
132. “Ye migena migam̐ hanti, pakkhiṃ vā pana pakkhinā;  
Asanto rajasā channā, gantā [gatā (ka.)] te nirayussadaṃ [nirayaṃ adho (pī.)].
133. “Santo ca [santova (syā.)] uddhaṃ gacchanti, suciṇṇenidha kammaṇā;  
Suciṇṇassa phalaṃ passa, saindā [sahindā (sī.)] devā sabrahmakā.
134. “Taṃ taṃ brūmi mahārāja, dhammaṃ raṭṭhapaṭi cara;  
Tathā [tathā tathā (sī. syā. pī.)] rāja carāhi dhammaṃ, yathā taṃ suciṇṇaṃ nānutappeyya  
pacchā”ti.

Sam̐kiccajātaṃ dutiyaṃ.

Saṭṭhinipātaṃ niṭṭhitaṃ.

Tassuddānaṃ –

Atha saṭṭhinipātam̐hi, suṇātha mama bhāsitaṃ;  
Jātakasavhayaṇo pavaro, soṇakaarindamasavhayaṇo;  
Tathā vuttarathesabhakiccavaroti.

## 20. Sattatinipāto

### 531. Kusajātaṃ (1)

1. “Idaṃ te raṭṭhaṃ sadhanaṃ sayoggaṃ, sakāyuraṃ sabbakāmūpapannaṃ;  
Idaṃ te rajjaṃ [raṭṭhaṃ (ka.)] anusāsa amma, gacchāmaṃ yattha piyā pabhāvatī”.
2. “Anujjubhūtena haraṃ mahantaṃ, divā ca ratto ca nisīthakāle [nisīda kāle (ka.)];  
Paṭigaccha tvaṃ khippaṃ kusāvatiṃ kusa [kusāvatiṃ (syā. ka.)], nicchāmi dubbaṇṇamaṃ  
vasantaṃ”.
3. “Nāhaṃ gamissāmi ito kusāvatiṃ, pabhāvatī vaṇṇapalobhito tava;  
Raṃāmi maddassa nicketaramme, hitvāna raṭṭhaṃ tava dassane rato.
4. “Pabhāvatī vaṇṇapalobhito tava, sammūlharūpo vicarāmi mediniṃ [medaniṃ (syā. ka.)];  
Disaṃ na jānāmi kutom̐hi āgato, tayam̐hi matto migam̐andalocane.
5. “Suvaṇṇacīravasane, jātarūpasumekhale;  
Sussoṇi tava kāmā hi [kāmehi (sī. syā. pī.)], nāhaṃ rajjena matthiko”.
6. “Abbhūti [abbhū hi (sī.), abhūti (syā.), abbhū hi (pī.)] tassa bho hoti, yo anicchantamicchati;  
Akāmaṃ rāja kāmehi [kāmehi (sī. pī.)], akantaṃ kantu [akanto kanta (sī. syā. pī.)] micchasi”.

7. “Akāmaṃ vā sakāmaṃ vā, yo naro labhate piyaṃ;  
Lābhamettha pasamsāma, alābho tattha pāpako”.
8. “Pāsānasāraṃ khaṇasi, kaṇikārassa dārunā;  
Vātaṃ jālena bādhesi, yo anicchantamicchasi”.
9. “Pāsāṇo nūna te hadaye, ohito mudulakkhaṇe;  
Yo te sātamaṃ na vindāmi, tirojanapadāgato.
10. “Yadā maṃ bhakuṭiṃ [bhūkuṭiṃ (sī. pī.)] katvā, rājaputtī udikkhati [rājaputti udikkhasi (sī. pī.)];  
Āḷāriko tadā homi, rañño maddassantepure [maddassa thīpure (sī. pī.) evamuparipi].
11. “Yadā umhayamānā maṃ, rājaputtī udikkhati [rājaputti udikkhasi (sī. pī.)];  
Nāḷāriko tadā homi, rājā homi tadā kuso”.
12. “Sace hi vacanaṃ saccaṃ, nemittānaṃ bhavissati;  
Neva me tvaṃ patī assa, kāmaṃ chindantu sattadhā”.
13. “Sace hi vacanaṃ saccaṃ, aññesaṃ yadi vā mamaṃ;  
Neva tuyhaṃ patī atthi, añño sīhassarā kusā”.
14. “Nekkhaṃ gīvaṃ te kāressaṃ, patvā khujje kusāvatiṃ;  
Sace maṃ nāganāsūrū, olokeyya pabhāvati.
15. “Nekkhaṃ gīvaṃ te kāressaṃ, patvā khujje kusāvatiṃ;  
Sace maṃ nāganāsūrū, ālapeyya pabhāvati.
16. “Nekkhaṃ gīvaṃ te kāressaṃ, patvā khujje kusāvatiṃ;  
Sace maṃ nāganāsūrū, umhāyeyya pabhāvati.
17. “Nekkhaṃ gīvaṃ te kāressaṃ, patvā khujje kusāvatiṃ;  
Sace maṃ nāganāsūrū, pamhāyeyya pabhāvati.
18. “Nekkhaṃ gīvaṃ te kāressaṃ, patvā khujje kusāvatiṃ;  
Sace me nāganāsūrū, pāṇīhi upasamphuse”.
19. “Na hi nūnāyaṃ rājaputtī, kuse sātampi vindati;  
Āḷārike bhate pose, vetanena anattthike”.
20. “Na hi nūnāyaṃ sā [nūna ayaṃ (sī. syā.)] khujjā, labhati jivhāya chedanamaṃ;  
Sunisitena satthena, evaṃ dubbhāsitaṃ bhaṇamaṃ”.
21. “Mā naṃ rūpena pāmesi, ārohena pabhāvati;  
Mahāyasoti katvāna, karassu rucire piyaṃ.
22. “Mā naṃ rūpena pāmesi, ārohena pabhāvati;  
Mahaddhanoti katvāna, karassu rucire piyaṃ.
23. “Mā naṃ rūpena pāmesi, ārohena pabhāvati;  
Mahabbaloti katvāna, karassu rucire piyaṃ.

24. “Mā naṃ rūpena pāmesi, ārohena pabhāvati;  
Mahāraṭṭhoti katvāna, karassu rucire piyaṃ.
25. “Mā naṃ rūpena pāmesi, ārohena pabhāvati;  
Mahārājāti katvāna, karassu rucire piyaṃ.
26. “Mā naṃ rūpena pāmesi, ārohena pabhāvati;  
Sīhassaroti katvāna, karassu rucire piyaṃ.
27. “Mā naṃ rūpena pāmesi, ārohena pabhāvati;  
Vaggussaroti katvāna, karassu rucire piyaṃ.
28. “Mā naṃ rūpena pāmesi, ārohena pabhāvati;  
Bindussaroti katvāna, karassu rucire piyaṃ.
29. “Mā naṃ rūpena pāmesi, ārohena pabhāvati;  
Mañjussaroti katvāna, karassu rucire piyaṃ.
30. “Mā naṃ rūpena pāmesi, ārohena pabhāvati;  
Madhussaroti [madhurassaroti (sī.)] katvāna, karassu rucire piyaṃ.
31. “Mā naṃ rūpena pāmesi, ārohena pabhāvati;  
Satasippoti katvāna, karassu rucire piyaṃ.
32. “Mā naṃ rūpena pāmesi, ārohena pabhāvati;  
Khattiyotipi katvāna [karitvāna (sī.)], karassu rucire piyaṃ.
33. “Mā naṃ rūpena pāmesi, ārohena pabhāvati;  
Kusarājāti katvāna, karassu rucire piyaṃ”.
34. “Ete nāgā upatthaddhā, sabbe tiṭṭhanti vammitā [yammikā (syā.)];  
Purā maddanti pākāraṃ, ānentetaṃ pabhāvatiṃ”.
35. “Satta bile [khaṇḍe (sī. pī.)] karitvāna, ahametaṃ pabhāvatiṃ;  
Khattiyānaṃ padassāmi, ye maṃ hantuṃ idhāgatā”.
36. “Avuṭṭhahi rājaputtī, sāmā koseyyavāsini;  
Assupuṇṇehi nettehi, dāsīgaṇapurakkhatā”.
37. “Taṃ nūna kakkūpanisevitaṃ mukhaṃ, ādāsadantātharupaccavekkhitaṃ;  
Subhaṃ sunettaṃ virajaṃ anaṅgaṃ, chuddhaṃ vane ṭhassati khattiyehi.
38. “Te nūna me asite vellitagge, kese mudū candanasāralitte;  
Samākule sīvathikāya majjhe, pādehi giṃjhā parikaḍḍhissanti [parikaḍḍhayanti (sī. syā. pī.)].
39. “Tā nūna me tambanakhā sulomā, bāhā mudū candanasāralittā;  
Chinnā vane ujjhitaṃ khattiyehi, gayha dhaṅko [vako (pī.)] gacchati yena kāmaṃ.
40. “Te nūna tālūpanibhe alambe, nisevite kāsikacandanena;  
Thanesu me lambissati [lambahīti (pī.)] siṅgālo [sigālo (sī. syā. pī.)], mātūva putto taruṇo  
tanūjo.

41. “Taṃ nūna soṇiṃ puthulaṃ sukotṭitaṃ, nisevitaṃ kañcanaṃmekhalāhi;  
Chinnaṃ vane khattiyehī avatthaṃ, siṅgālasaṅghā parikaḍḍhissanti [gayhā vako gacchati  
yenakāmaṃ (pī.)].
42. “Soṇā dhankā [vakā (pī.)] siṅgālā ca, ye caññe santi dāṭhino;  
Ajarā nūna hessanti, bhakkhayitvā pabhāvatiṃ.
43. “Sace maṃsāni hariṃsu, khattiyā dūragāmino;  
Aṭṭhīni amma yācitvā, anupathe dahātha naṃ.
44. “Khettāni amma kāretvā, kaṇikārettha ropaya [ropaye (ka.)];  
Yadā te pupphitā assu, hemantānaṃ himaccaye;  
Sareyyātha mamaṃ [mama (pī.)] amma, evaṃvaṇṇā pabhāvati’”.
45. “Tassā mātā udaṭṭhāsi, khattiyā devavaṇṇinī;  
Disvā asiñca sūnañca, rañño maddasantepure’”.
46. “Iminā nūna asinā, susaññaṃ tanumajjhimaṃ;  
Dhītaraṃ madda [mama (sī.), maddo (pī.)] hantvāna, khattiyānaṃ padassasi’” [padassati (pī.  
ka.)].
47. “Na me akāsi vacanaṃ, atthakāmāya puttike;  
Sājja lohitasañchannā, gacchasi [gañchisi (sī. pī.)] yamasādhanam.
48. “Evamāpajjati poso, pāpiyañca nigacchati;  
Yo ve hitānaṃ vacanaṃ, na karoti [na karaṃ (sī.)] atthadassinaṃ.
49. “Sace ca ajja [tvam amma (sī.)] dhāresi [vāresi (pī.)], kumāraṃ cārudassanaṃ;  
Kusena jātaṃ khattiyam, suvaṇṇamaṇimekhalam;  
Pūjitaṃ [pūjitā (pī.)] ñātisaṅghehi, na gacchasi [gañchisi (sī. pī.)] yamakkhayaṃ.
50. “Yatthassu bherī nadati, kuñjaro ca nikuñjati [nikuñjati (pī.)];  
Khattiyānaṃ kule bhadde, kiṃ nu sukhataraṃ tato.
51. “Asso ca sisati [asso hasisati (sī.), asso hasiyati (syā.), asso ca siṃsati (pī.)] dvāre, kumāro  
uparodati;  
Khattiyānaṃ kule bhadde, kiṃ nu sukhataraṃ tato.
52. “Mayūraḥcābhirude, kokilābhīnikūjite;  
Khattiyānaṃ kule bhadde, kiṃ nu sukhataraṃ tato’”.
53. “Kahaṃ nu so sattumaddano, pararaṭṭhappamaddano;  
Kuso soḷārapaññaṃ, yo no dukkhā pamocaye’”.
54. “Idheva so sattumaddano, pararaṭṭhappamaddano;  
Kuso soḷārapaññaṃ, yo te sabbe vadhissati’” [yo no dukkhā pamocaye (sī.), so no sabbe  
vadhissati (pī.)].
55. “Ummattikā nu bhaṇasi, andhabālā pabhāsasi [ādu bālāva bhāsasi (sī. pī.)];  
Kuso ce āgato assa, kiṃ na [kinnu (syā. ka.)] jānemu taṃ mayam’”.
56. “Eso āḷāriko poso, kumārīpuramantare;

Dalham katvāna samvellim, kumbhim dhovati onato”.

57. “Venī tvamasi caṇḍālī, adūsi kulagandhinī;  
Katham maddakule jātā, dāsam kayirāsi kāmukaṃ”.
58. “Namhi venī na caṇḍālī, na camhi kulagandhinī;  
Okkākaputto bhaddante, tvaṃ nu dāsoti maññasi”.
59. “Yo brāhmaṇasahassāni, sadā bhojeti vīsatiṃ;  
Okkākaputto bhaddante, tvaṃ nu dāsoti maññasi”.
60. “Yassa nāgasahassāni, sadā yojenti vīsatiṃ;  
Okkākaputto bhaddante, tvaṃ nu dāsoti maññasi.
61. “Yassa assasahassāni, sadā yojenti vīsatiṃ;  
Okkākaputto bhaddante, tvaṃ nu dāsoti maññasi.
62. “Yassa rathasahassāni, sadā yojenti vīsatiṃ;  
Okkākaputto bhaddante, tvaṃ nu dāsoti maññasi.
- [() ayam gāthā sī. pī. potthakesuyeva dissati] (“Yassa usabhasahassāni, sadā yojenti vīsatiṃ;  
Okkākaputto bhaddante, tvaṃ nu dāsoti maññasi) [() ayam gāthā sī. pī. potthakesuyeva  
dissati].
63. “Yassa dhenusahassāni, sadā duhanti vīsatiṃ [duyhanti vīsati (sī. pī.)];  
Okkākaputto bhaddante, tvaṃ nu dāsoti maññasi”.
64. “Taggha te dukkaṭaṃ bāle, yaṃ khattiyaṃ mahabbalaṃ;  
Nāgaṃ maṇḍūkavaṇṇena, na naṃ [na taṃ (sī. pī.)] akkhāsīdhāgataṃ” [akkhāsi āgataṃ (sī.)].
65. “Aparādhaṃ mahārāja, tvaṃ no khama rathesabha;  
Yaṃ taṃ aññāta vesena, nāññāsimhā idhāgataṃ”.
66. “Mādisassa na taṃ channaṃ, yohaṃ ālāriko bhava;  
Tvaññeva me paṣīdassu, natthi te deva dukkaṭaṃ”.
67. “Gaccha bāle khamāpehi, kusarājaṃ mahabbalaṃ;  
Khamāpito kuso rājā [kusarājā (sabbattha)], so te dassati jīvitam”.
68. “Pitussa vacanaṃ sutvā, devavaṇṇī pabhāvati;  
Sirasā aggahī pāde, kusarājaṃ mahabbalaṃ”.
69. “Yāmā ratyo atikkantā, tāmā deva tayā vinā;  
Vande te sirasā pāde, mā me kujjhaṃ rathesabha.
70. “Sabbam [saccam (sī. syā. pī.)] te paṭijānāmi, mahārāja suṇohi me;  
Na cāpi appiyaṃ tuyhaṃ, kareyyāmi ahaṃ puna.
71. “Evaṃ ce yācamānāya, vacanaṃ me na kāhasi;  
Idāni maṃ tāto hantvā, khattiyānaṃ padassati”.
72. “Evaṃ te yācamānāya, kiṃ na kāhāmi te vaco;



Vikuddho tyasmi kalyāṇi, mā tvaṃ bhāyi pabhāvati.

73. “Sabbam te paṭijānāmi, rājaṇi suṇohi me;  
Na cāpi appiyaṃ tuyhaṃ, kareyyāmi ahaṃ puna.
74. “Tava kāmā hi sussoṇi, pahu [bahu (syā.), bahū (pī.), bahum (ka.)] dukkham titikkhisam  
[titikkhissam (sī. pī.)];  
Bahum maddakulam hantvā, nayitum taṃ pabhāvati”.
75. “Yojayantu rathe asse, nānācitte samāhite;  
Atha dakkhatha me vegaṃ, vidhamantassa [vidhamentassa (sabbattha)] sattavo”.
76. “Taṅca tattha udikkhimsu, raṅṅo maddasantepure;  
Vijambhamānaṃ sīhaṃva, phoṭentaṃ diguṇaṃ bhujam.
77. “Hatthikkhandhaṅca āruya, āropetvā pabhavatim;  
Saṅgāmaṃ otarivāna, sīhanādaṃ nadī kuso.
78. “Tassa taṃ nadato sutvā, sīhassevitare migā;  
Khattiyā vipalāyimsu, kusasaddabhayaṭṭhitā [kusasaddabhayaṭṭhitā (pī.)].
79. “Hatthārohā anīkaṭṭhā, rathikā pattikāraṅkā;  
Aṅṅamaṅṅassa chindanti, kusasaddabhayaṭṭhitā.
80. “Tasmiṃ saṅgāmasāsasmiṃ, passitvā haṭṭha [tuṭṭha (sī.)] mānaso;  
Kusassa raṅṅo devindo, adā verocanaṃ maṇim.
81. “So taṃ vijitvā saṅgāmaṃ, laddhā verocanaṃ maṇim;  
Hatthikkhandhagato rājā, pāvekkhi nagaraṃ puraṃ.
82. “Jīvaggāhaṃ [jīvaggāhaṃ (sī. pī.)] gahetvāna, bandhitvā satta khattiye;  
Sasurassupanāmesi, ime te deva sattavo.
83. “Sabbeva te vasaṃ gatā, amittā vihatā tava;  
Kāmaṃ karohi te tayā, muṅca vā te hanassu vā”.
84. “Tuyheva sattavo ete, na hi te mayha sattavo;  
Tvaṅṅeva no mahārāja, muṅca vā te hanassu vā”.
85. “Imā te dhītaro satta, devakaṅṅūpamā subhā;  
Dadāhi nesaṃ ekekaṃ, hontu jāmātaro tava”.
86. “Amhākaṅceva tāsāṅca, tvaṃ no sabbesamissaro;  
Tvaṅṅeva no mahārāja, dehi nesaṃ yadicchasi”.
87. “Ekamekassa ekekaṃ, adā sīhassaro kuso;  
Khattiyānaṃ tadā tesam, raṅṅo maddassa dhītaro.
88. “Pīṇitā tena lābhena, tuṭṭhā sīhassare kuse;  
Sakaraṭṭhāni pāyimsu, khattiyā satta tāvade.
89. “Pabhāvatiṅca ādāya, maṇim verocanaṃ subham [tadā (pī.)];

Kusāvatiṃ kuso rājā, agamāsi mahabbalo.

90. “Tyassu ekarathe yantā, pavisantā kusāvatiṃ;  
Samānā vaṇṇarūpena, nāññamaññātirocisuṃ [nāññamaññātirocayuṃ (sī.)].
91. “Mātā puttana saṅgacchi [saṅgañchi (sī. syā. pī.)], ubhayo ca jayampatī;  
Samaggā te tadā āsuṃ, phītaṃ dharaṇimāvasu’nti.

Kusajātakam paṭhamam.

### 532. Soṇanandajātakam (2)

92. “Devatā nusi gandhabbo, adu [ādu (sī. syā.)] sakko purindado;  
Manussabhūto iddhimā, katham jānemu taṃ mayam’”.
93. “Nāpi devo na gandhabbo, nāpi sakko purindado;  
Manussabhūto iddhimā, evaṃ jānāhi bhāradha’ [bhārabha (ka.)].
94. “Katarūpamidaṃ bhoto [bhoto (sī. pī.)], veyyāvaccam anappakam;  
Devamhi vassamānamhi, anovassam bhavam akā.
95. “Tato vātātape ghore, sītaccāyam bhavam akā;  
Tato amittamajjhesu [amittamajjhe ca (sī.)], saratāṇam bhavam akā.
96. “Tato phītāni raṭṭhāni, vasino te bhavam akā;  
Tato ekasatam khatye, anuyante [anuyutte (pī.)] bhavam akā.
97. “Patītāssu mayam bhoto, vada taṃ [vara taṃ (sī. syā. pī.)] bhañja [bhañña (sī. pī.), bhuñja (syā. ka.)] micchasi;  
Hatthiyānam assaratham, nāriyo ca alaṅkatā;  
Nīvesanāni rammāni, mayam bhoto dadāmase.
98. “Atha vaṅge [atha vā saṅge (sī. pī.)] vā magadhe, mayam bhoto dadāmase;  
Atha vā assakāvanti [assakāvantiṃ (sī. syā. pī.)], sumanā damma te mayam.
99. “Upaḍḍham vāpi rajjassa, mayam bhoto dadāmase;  
Sace te attho rajjena, anusāsa yadicchasi’”.
100. “Na me atthopi rajjena, nagarena dhanena vā;  
Athopi janapadena, attho mayham na vijjati.
101. “Bhotova raṭṭhe vijite, araññe atthi assamo;  
Pitā mayham janettī ca, ubho sammanti assame.
102. “Tesāham [tesvham (ka.)] pubbācariyesu, puññam na labhāmi kātave;  
Bhavantaṃ ajjhāvaram katvā, soṇam [sonam (pī.)] yācemu saṃvaram’”.
103. “Karomi te taṃ vacanam, yaṃ maṃ bhaṇasi brāhmaṇa;  
Etañca kho no akkhāhi, kīvanto hontu yācakā’”.
104. “Parosataṃ jānapadā, mahāsālā ca brāhmaṇā;  
Ime ca khattiyā sabbe, abhijātā yasassino;

Bhavañca rājā manojo, alaṃ hessanti yācakā”.

105. “Hatthī asse ca yojentu, rathaṃ sannayha sārathi [naṃ rathi (pī.)];  
Ābandhanāni gaṇhātha, pādāsussārayaddhaje [pādesussārayaṃ dhaje (sī.), pādāsussārayaṃ  
dhaje (pī.)];  
Assamaṃ taṃ gamissāmi, yattha sammati kosiyo”.
106. “Tato ca rājā pāyāsi, senāya caturaṅginī;  
Agamā assamaṃ rammaṃ, yattha sammati kosiyo”.
107. “Kassa kādambayo [kassa kādambamayo (ka.)] kājo, vehāsaṃ caturaṅgulaṃ;  
Aṃsaṃ asamphusaṃ eti, udahārāya [udahārassa (sī. syā. pī.)] gacchato”.
108. “Ahaṃ soṇo mahārāja, tāpaso sahitabbato [sahitaṃ vato (pī.)];  
Bharāmi mātāpitaro, rattindivamatandito.
109. “Vane phalañca mūlañca, āharitvā disampati;  
Posemi mātāpitaro, pubbe katamanussaraṃ”.
110. “Icchāma assamaṃ gantuṃ, yattha sammati kosiyo;  
Maggamaṃ no soṇa akkhāhi, yena gacchemu [gacchāma (sī.)] assamaṃ”.
111. “Ayaṃ ekapadī rāja, yenetamaṃ [yena taṃ (ka.)] meghasannibhaṃ;  
Koviḷārehi sañchannaṃ, ettha sammati kosiyo”.
112. “Idaṃ vatvāna pakkāmi, taramāno mahāisi;  
Vehāse antalikkhasmiṃ, anusāsivāna khattiye.
113. “Assamaṃ parimajjitvā, paññapetvāna [paññapetvāna (sī. syā.)] āsanaṃ;  
Paṇṇasālaṃ pavisitvā, pitaraṃ paṭibodhayi.
114. “Ime āyanti rājāno, abhijātā yasassino;  
Assamā nikkhamitvāna, nisīda tvaṃ [nisīdāhi (sī.)] mahāise.
115. “Tassa taṃ vacanaṃ sutvā, taramāno mahāisi;  
Assamā nikkhamitvāna, sadvāramhi upāvisi”.
116. “Tañca disvāna āyantaṃ, jalantaṃriva tejasā;  
Khatyasaṅghaparibyūḷhaṃ, kosiyo etadabravi.
117. “Kassa bherī mudiṅgā ca [mudiṅgā ca (pī.)], saṅkhā paṇavadindimā [deṇḍimā (sī. pī.)];  
Purato paṭipannāni, hāsayantā rathesabhaṃ.
118. “Kassa kañcanapaṭṭena, puthunā vijjuvaṇṇinā;  
Yuvā kalāpasannaddho, ko eti siriyā jalaṃ.
119. “Ukkāmukhapahaṭṭhaṃva, khadirāṅgārasannibhaṃ;  
Mukhañca rucirā bhāti, ko eti siriyā jalaṃ.
120. “Kassa pagghitaṃ chattaṃ, sasalākaṃ manoramaṃ;  
Ādiccamaṃsāvaraṇaṃ, ko eti siriyā jalaṃ.

121. “Kassa aṅgaṃ pariggayha, vāḷabījanimuttamaṃ;  
Caranti varapuññaṃsa [varapuññaṃsa (sī. pī.)], hatthikkhandhena āyato.
122. “Kassa setāni chattāni, ājānīyā ca vammītā;  
Samantā parikirenti [parikiranti (sī. syā. pī.)], ko eti siriyā jalaṃ.
123. “Kassa ekasataṃ khatyā, anuyantā [anuyuttā (pī.)] yasassino;  
Samantānupariyanti, ko eti siriyā jalaṃ.
124. “Hatthi assaratha patti [hatthī assā rathā pattī (sī.)], senā ca caturaṅginī;  
Samantānupariyanti [samantā anupariyāti (pī.)], ko eti siriyā jalaṃ.
125. “Kassesā mahatī senā, piṭṭhito anuvattati;  
Akkhobhaṇī [akkhābhanī (sī.), akkhobhinī (syā.)] apariyantā, sāgarasseva ūmiyo”.
126. “Rājābhīrājā [rājādhīrājā (ka.)] manojo, indova jayataṃ pati;  
Nandassajjhāvaraṃ eti, assamaṃ brahmacāriṇaṃ.
127. “Tassesā mahatī senā, piṭṭhito anuvattati;  
Akkhobhaṇī apariyantā, sāgarasseva ūmiyo”.
128. “Anulittā candanena, kāsikuttamadhārino [kāsikavattadhārino (pī.)];  
Sabbe pañjalikā hutvā, isīnaṃ ajjhupāgamuṃ”.
129. “Kacci nu bhoto kusalaṃ, kacci bhoto anāmayamaṃ;  
Kacci uñchena yāpetha, kacci mūlaphalā bahū.
130. “Kacci ḍaṃsā makasā ca, appameva sarīsapā [sirīṃsapā (sī. syā. pī.)];  
Vane vāḷamigākiṇṇe, kacci hiṃsā na vijjati”.
131. “Kusalañceva no rāja, atho rāja anāmayamaṃ;  
Atho uñchena yāpema, atho mūlaphalā bahū.
132. “Atho ḍaṃsā makasā ca [ḍaṃsā ca makasā (sī.), ḍaṃsā ca makasā ca (pī.)], appameva  
sarīsapā [sirīṃsapā (sī. syā. pī.)];  
Vane vāḷamigākiṇṇe, hiṃsā mayhaṃ [a mhaṃ (sī. pī.)] na vijjati.
133. “Bahūni vassapūgāni, assame sammataṃ [vasato (sī.)] idha;  
Nābhijānāmi uppannaṃ, ābādhaṃ amanoramaṃ.
134. “Svāgataṃ te mahārāja, atho te adurāgataṃ;  
Issarosi anupatto, yaṃ idhatthi pavedaya.
135. “Tindukāni piyālāni, madhuke kāsumāriyo [kāsamāriyo (sī. syā.)];  
Phalāni khuddakappāni, bhūñja rāja varaṃ varaṃ.
136. “Idampi pānīyaṃ sītaṃ, ābhataṃ girigabbharā;  
Tato pīva mahārāja, sace tvaṃ abhikaṅkhasi”.
137. “Paṭiggahitaṃ yaṃ dinnaṃ, sabbassa agghiyaṃ kataṃ;  
Nandassāpi nisāmetha, vacanaṃ so [yaṃ (sī.), yaṃ so (pī.)] pavakkhati.

138. “Ajjhāvaramhā nandassa, bhoto santikamāgatā;  
Suṇātu [suṇātu me (sī. syā.)] bhavaṃ vacanaṃ, nandassa parisāya ca”.
139. “Parosataṃ jānapadā [janapadā (pī.)], mahāsālā ca brāhmaṇā;  
Ime ca khattiyā sabbe, abhijātā yasassino;  
Bhavañca rājā manojo, anumaññantu me vaco.
140. “Ye ca santi [ye vasanti (sī.), ye hi santi (pī.)] samītāro, yakkhāni idha massame;  
Araññe bhūtabhabyāni, suṇantu vacanaṃ mama.
141. “Namo katvāna bhūtānaṃ, isiṃ vakkhāmi subbataṃ;  
So tyāhaṃ dakkhiṇā bāhu, tava kosiya sammato.
142. “Pitaraṃ me janettiṇca, bhattukāmassa me sato;  
Vīra puññamidaṃ ṭhānaṃ, mā maṃ kosiya vārāya.
143. “Sabbhi hetāṃ upaññātāṃ, mametaṃ upanissaja;  
Uṭṭhānapāricariyāya, dīgharattaṃ tayā kataṃ;  
Mātāpitūsu puññāni, mama lokadado bhava.
144. “Tatheva santi manujā, dhamme dhammapadaṃ vidū;  
Maggo saggassa lokassa, yathā jānāsi tvaṃ ise.
145. “Uṭṭhānapāricariyāya, mātāpitusukhāvahaṃ;  
Taṃ maṃ puññā nivāreti, ariyamaggāvaro naro”.
146. “Suṇantu bhonto vacanaṃ, bhāturajjhāvarā mama;  
Kulavaṃsaṃ mahārāja, porāṇaṃ parihāpayaṃ;  
Adhammacārī jeṭṭhesu [yo jeṭṭho (sī.)], nirayaṃ sopapajjati [so upapajjati (sī. syā. pī.)].
147. “Ye ca dhammassa kusalā, porāṇassa disampati;  
Cārittena ca sampannā, na te gacchanti duggatiṃ.
148. “Mātāpitā ca bhātā ca, bhaginī nātibandhavā;  
Sabbe jeṭṭhassa te bhārā, evaṃ jānāhi bhāradha [bhāratha (syā.)].
149. “Ādiyitvā garuṃ bhāraṃ, nāviko viya ussahe;  
Dhammañca nappamajjāmi, jeṭṭho casmi rathesabha”.
150. “Adhigamā [adhigatamhā (sī.), adhigamhā (syā.), adhigatamha (pī.)] tame ñāṇaṃ, jālaṃva  
jātavedato;  
Evameva no bhavaṃ dhammaṃ, kosiyo pavidaṃsayi.
151. “Yathā udayamādicco, vāsudevo pabhaṅkaro;  
Pāṇīnaṃ pavidaṃseti, rūpaṃ kalyāṇapāpakāṃ;  
Evameva no bhavaṃ dhammaṃ, kosiyo pavidaṃsayi”.
152. “Evaṃ me yācamānassa, añjaliṃ nāvabujjhatha;  
Tava paddhacaro [tava paṭṭhacaro (syā.), tava baddhañcaro (pī.), tavupaṭṭhacaro (ka.)] hessaṃ,  
vuṭṭhito paricārako”.
153. “Addhā nanda vijānāsi [pajānāsi (sī.)], saddhammaṃ sabbhi desitaṃ;

- Ariyo ariyasamācāro, bālham tvam mama ruccasi.
154. “Bhavantaṃ vadāmi bhotiñca, suñātha vacanaṃ mama;  
Nāyaṃ bhāro bhāramato [bhāramatto (sī. syā.)], ahu mayhaṃ kudācanaṃ.
155. “Taṃ maṃ upaṭṭhitaṃ santaṃ, mātāpitusukhāvahaṃ;  
Nando ajjhāvaram katvā, upaṭṭhānāya yācati.
156. “Yo ve icchati kāmena, santānaṃ brahmacāriṇaṃ;  
Nandaṃ vo varatha eko [nandaṃ vadatha eke (pī.)], kaṃ nando upatiṭṭhatu”.
157. “Tayā tāta anuññātā, soṇa taṃ nissitā mayam;  
Upaghātum [upaghāyitum (sī.)] labhe nandaṃ, muddhani brahmacāriṇaṃ”.
158. “Assatthasseva taruṇaṃ, pavālaṃ māluteritaṃ;  
Cirassaṃ nandaṃ disvāna, hadayaṃ me pavedhati.
159. “Yadā suttāpi supine [suppante (syā. pī.)], nandaṃ passāmi āgataṃ;  
Udaggā sumanā homi, nando no āgato ayam.
160. “Yadā ca paṭibujjhivā, nandaṃ passāmi nāgataṃ;  
Bhiyyo āvisatī soko, domanassañcanappaṃkaṃ.
161. “Sāhaṃ ajja cirassampi, nandaṃ passāmi āgataṃ;  
Bhattucca [bhattuñca (ka.)] mayhañca piyo, nando no pāvisī gharaṃ.
162. “Pitupi nando suppiyo, yaṃ nando nappavase [pāvisī (pī.)] gharā [gharaṃ (syā. pī. ka.)];  
Labhatū tāta nando taṃ, maṃ nando upatiṭṭhatu”.
163. “Anukampikā patiṭṭhā ca, pubbe rasadadī ca no;  
Maggo saggassa lokassa, mātā taṃ varate ise.
164. “Pubbe rasadadī gottī, mātā puññūpasamhitā;  
Maggo saggassa lokassa, mātā taṃ varate ise”.
165. “Ākañkhamānā puttaphalaṃ, devatāya namassati;  
Nakkhattāni ca pucchati, utusamvaccharāni ca.
166. “Tassā utumhi nhātāya [utusinātāya (pī.)], hoti gabbhassa vakkamo [gabbhassa’vakkamo (sī. syā. pī.)];  
Tena dohaḷinī hoti, suhadā tena vuccati.
167. “Samvaccharaṃ vā ūnaṃ vā, pariharitvā vijāyati;  
Tena sā janayanatīti, janetti [janettī (sī. syā. pī.)] tena vuccati.
168. “Thanakhīrena [thanakkhīrena (sī.)] gītena, aṅgapāvuraṇena [aṅgapāvuraṇena (pī.)] ca;  
Rodantaṃ puttaṃ [eva (pī.)] toseti, tosentī tena vuccati.
169. “Tato vātātape ghore, mamaṃ katvā udikkhati;  
Dārakaṃ appajānantaṃ, posentī tena vuccati.
170. “Yañca mātudhanaṃ hoti, yañca hoti pituddhanaṃ;

Ubhayampetassa gopeti, api puttassa no siyā.

171. “Evaṃ putta aduṃ putta, iti mātā vihaññati;  
Pamattaṃ paradāresu, nisīthe pattayobbane;  
Sāyaṃ puttaṃ anāyantaṃ, iti mātā vihaññati.
172. “Evaṃ kicchā bhato poso, mātu aparicārako;  
Mātari micchā caritvāna, nirayaṃ sopapajjati.
173. “Evaṃ kicchā bhato poso, pitu aparicārako;  
Pitari micchā caritvāna, nirayaṃ sopapajjati.
174. “Dhanāpi dhanakāmānaṃ, nassati iti me suttaṃ;  
Mātaraṃ aparicaritvāna, kiccaṃ vā so nigacchati.
175. “Dhanāpi dhanakāmānaṃ, nassati iti me suttaṃ;  
Pitaraṃ aparicaritvāna, kiccaṃ vā so nigacchati.
176. “Ānando ca pamodo ca, sadā hasitakīlitaṃ;  
Mātaraṃ paricaritvāna, labbhametaṃ vijānato.
177. “Ānando ca pamodo ca, sadā hasitakīlitaṃ;  
Pitaraṃ paricaritvāna, labbhametaṃ vijānato.
178. “Dānañca peyyavajjañca [piyavācā ca (sī. syā. ka.)], atthacariyā ca yā idha;  
Samānattatā [samānattā (pī.)] ca dhammesu, tattha tattha yathārahaṃ;  
Ete kho saṅgahā loke, rathassāñīva yāyato.
179. Ete ca saṅgahā nāssu, na mātā puttakāraṇā;  
Labhetha mānaṃ pūjaṃ vā [pūjañca (pī.)], pitā vā puttakāraṇā.
180. “Yasmā ca saṅgahā [saṅgahe (dī. ni. 3.273; a. ni. 4.32) tadaṭṭhakathāyo oloketabbā] ete,  
sammapekkhanti [samavekkhanti (sī. syā. pī.) a. ni. 4.32] paṇḍitā;  
Tasmā mahattaṃ papponti, pāsamsā ca bhavanti te.
181. “Brahmāti [brahmā hi (pī.)] mātāpitāro, pubbācariyāti vuccare;  
Āhuneyyā ca puttānaṃ, pajāya anukampakā.
182. “Tasmā hi ne namasseyya, sakkareyya ca paṇḍito;  
Annena atho [matho (pī.), atha (a. ni. 4.63; itivu. 106)] pānena, vatthena sayanena ca;  
Ucchādanena nhāpanena [nahāpanena (sī. pī.)], pādānaṃ dhovanena ca.
183. “Tāya naṃ pāricariyāya [paricariyāya (pī.)], mātāpitūsu paṇḍitā;  
Idheva naṃ pasamsanti, pecca sagge pamodatī’ ti.

Soṇanandajātakaṃ dutiyaṃ.

Sattatinipātaṃ niṭṭhitaṃ.

Tassuddānaṃ –

Atha sattatimamhi nipātavare, sabhāvantu kusāvatirājavaro;  
Atha soṇasunandavaro ca puna, abhivāsitasattatimamhi suteti.

## 21. Asītinipāto

### 533. Cūlahamaṣajātakaṃ (1)

1. “Sumukha anupacinantā, pakkamanti vihaṅgamā;  
Gaccha tuvampi mā kaṅkhi, natthi baddhe [bandhe (syā. ka.)] sahāyatā”.
2. “Gacche vāhaṃ na vā gacche, na tena amaro siyaṃ;  
Sukhitaṃ taṃ upāsivā, dukkhitaṃ taṃ kathaṃ jahe.
3. “Maraṇaṃ vā tayā saddhiṃ, jīvitaṃ vā tayā vinā;  
Tadeva maraṇaṃ seyyo, yañce jīve tayā vinā.
4. “Nesa dhammo mahārāja, yaṃ taṃ evaṃ gataṃ jahe;  
Yā gati tuyhaṃ sā mayhaṃ, ruccate vihagādhipa.
5. “Kā nu pāsena baddhassa [bandhassa (syā. ka.)], gati aññā mahānasā;  
Sā kathaṃ cetayānassa, muttassa tava ruccati.
6. “Kaṃ vā tvaṃ passase atthaṃ, mama tuyhañca pakkhima;  
Ñātīnaṃ vāvasiṭṭhānaṃ, ubhinnaṃ jīvitakkhaye.
7. “Yaṃ na kañcanadepiñcha [depiccha (sī. pī.), dvepiccha (syā.)], andhena tamasā gataṃ;  
Tādise sañcajaṃ paṇaṃ, kamatthamabhijotaye”.
8. “Kathaṃ nu patataṃ seṭṭha, dhamme atthaṃ na bujjhasi [bujjhase (sī.)];  
Dhammo apacito santo, atthaṃ dasseti pāṇinaṃ.
9. “Sohaṃ dhammaṃ apekkhāno, dhammā catthaṃ samuṭṭhitaṃ;  
Bhattiñca tayi sampassaṃ, nāvakaṅkhāmi jīvitaṃ”.
10. “Addhā eso sataṃ dhammo, yo mitto mittamāpade;  
Na caje jīvitassāpi, hetudhammamanussaraṃ.
11. “Svāyaṃ dhammo ca te ciṅṇo, bhatti ca viditā mayi;  
Kāmaṃ karassu mayhetā, gacchevānumato mayā”.
12. “Api tvevaṃ gate kāle, yaṃ khaṇḍaṃ [baddhaṃ (sī.), bandhaṃ (pī.)] ñātīnaṃ mayā;  
Tayā taṃ buddhisampannaṃ [buddhisampanna (sī. syā. pī.)], assa paramasaṃvutaṃ.
13. “Icceaṃ [icceva (sī. pī.)] mantayantānaṃ, ariyānaṃ ariyavuttinaṃ;  
Paccadissatha nesādo, āturānamivantako.
14. “Te sattumabhisañcikkha, dīgharattaṃ hitā dijā;  
Tuṅhīmāsittha ubhaya, na sañcalesumāsana [na ca sañcesu’ māsanā (sī. pī.)].
15. “Dhataratṭhe ca disvāna, samuḍḍente tato tato;  
Abhikkamatha vegena, dijasattu dijādhipa.



16. “So ca vegeṇabhikkamma, āsajja parame diḅe;  
Paccakamittha [paccakampittha (sī. syā. pī.)] nesādo, baddhā iti vicintayaṃ.
17. “Ekaṃva baddhamāsīnaṃ, abaddhañca punāparaṃ;  
Āsajja baddhamāsīnaṃ, pekkhamānamadīnaṃ.
18. “Tato so vimatoyeva, paṇḍare ajjhabhāsatha;  
Pavaḍḍhakāye āsīne, dijasanḅhagaṇādhipe.
19. “Yaṃ nu pāsena mahatā, baddho na kurute disaṃ;  
Atha kasmā abaddho tvaṃ, balī pakkhi na gacchasi.
20. “Kinnu tyāyaṃ [tā’yaṃ (sī. pī. ka.)] diḅo hoti, mutto baddhaṃ upāsasi;  
Ohāya sakuṇā yanti, kiṃ eko avahīyasi”.
21. “Rājā me so dijāmitta, sakhā pāṇasamo ca me;  
Neva naṃ vijahissāmi, yāva kālassa pariyāyaṃ.
22. “Kathaṃ paṇāyaṃ vihaṅgo, nāddasa pāsamoḍḍitaṃ;  
Padañhettaṃ mahantānaṃ, boddhumarahanti āpadaṃ.
23. “Yadā parābhavo hoti, poso jīvitasaṅkhaye;  
Atha jālañca pāsāñca, āsajjāpi na bujjhati.
24. “Api tveva mahāpañña, pāsā bahuvidhā tatā [tatā (syā. ka.)];  
Guyhamāsajja [gūḷhamāsajja (sī. pī.)] bajjhanti, athevaṃ jīvitakkhaye”.
25. “Api nāyaṃ tayā saddhiṃ, saṃvāsassa [sambhāsassa (sī. pī.)] sukhudrayo;  
Api no anumaññāsi, api no jīvitaṃ dade”.
26. “Na ceva me tvaṃ baddhosi, napi icchāmi te vadhaṃ;  
Kāmaṃ khippamito gantvā, jīva tvaṃ anigho ciraṃ”.
27. “Nevāhametamicchāmi, aññatretassa jīvitā;  
Sace ekena tuṭṭhosi, muñcetaṃ mañca bhakkhaya.
28. “Ārohapariṇāhena, tulyāsmā [tulyāmhā (ka.)] vayasā ubho;  
Na te lābhena jīvatthi [jīnatthi (sī. syā. pī.)], etena niminā tuvaṃ.
29. “Tadiṅgha samapekkhassu [samavekkhasu (sī. pī.)], hotu giddhi tavamhasu [tavamasu (sī. syā.)];  
Maṃ pubbe bandha pāsena, pacchā muñca dijādhipaṃ.
30. “Tāvadeva ca te lābho, katāssa [katassā (sī. pī.)] yācanāya ca;  
Mitti ca dhataratṭhehi, yāvajīvāya te siyā”.
31. “Passantu no mahāsaṅghā, tayā muttaṃ ito gataṃ;  
Mittāmaccā ca bhaccā ca, puttadārā ca bandhavā.
32. “Na ca te tādisā mittā, bahūnaṃ [bahunnaṃ (sī. pī.)] idha vijjati;  
Yathā tvaṃ dhataratṭhassa, pāṇasādhāraṇo sakhā.

33. “So te saḥāyaṃ muñcāmi, hotu rājā tavānugo;  
Kāmaṃ khippamito gantvā, ñātimajjhe virocatha”.
34. “So paṭīto pamuttēna, bhattunā [bhattuno (syā.)] bhattugāraḥavo;  
Ajḡhabhāsatha vakkaṅgo [vaṅkaṅgo (syā.)], vācaṃ kaṅṅasukhaṃ bhaṅgaṃ.
35. “Evaṃ luddaka nandassu, saha sabbehi ñātibhi;  
Yathāhamajja nandāmi, muttaṃ disvā dijādhipaṃ”.
36. “Ehi taṃ anusikkhāmi, yathā tvamapi lacchase;  
Lābhaṃ tavāyaṃ [yathāyaṃ (sī. pī.)] dhataratṭho, pāpaṃ kiñci [kañci (sī.)] na dakkhati.
37. “Khippamantepuraṃ netvā [gantvā (syā. ka.)], rañño dassēhi no ubho;  
Abaddhe pakatibhūte, kāje [kāce (pī.)] ubhayato ṭhite.
38. “Dhataratṭhā mahārāja, haṃsādhipatino ime;  
Ayañhi rājā haṃsānaṃ, ayaṃ senāpatītaro.
39. “Asaṃsayāṃ imaṃ disvā, haṃsarājaṃ narādhipo;  
Paṭīto sumano vitto [citto (ka.)], bahuṃ dassati te dhanāṃ”.
40. “Tassa taṃ vacanaṃ sutvā, kammaṇā upapādayi;  
Khippamantepuraṃ gantvā, rañño haṃse adassayi;  
Abaddhe pakatibhūte, kāje ubhayato ṭhite.
41. “Dhataratṭhā mahārāja, haṃsādhipatino ime;  
Ayañhi rājā haṃsānaṃ, ayaṃ senāpatītaro”.
42. “Kathaṃ panime vihaṅgā [vihagā (sī. pī.)], tava hatthattamāgatā [hatthattha’ māgatā (sī. syā. pī.)];  
Kathaṃ luddo mahantānaṃ, issare idha ajjhagā”.
43. “Vihitā santime pāsā, pallalesu janādhipa;  
Yaṃ yadāyatanāṃ maññe, dijānaṃ pānarodhanaṃ.
44. “Tādissaṃ pāsamāsajja, haṃsarājā abajjhatha;  
Taṃ abaddho upāsīno, mamāyaṃ ajḡhabhāsatha.
45. “Sudukkaraṃ anariyehi, dahate bhāvamuttamaṃ;  
Bhatturatthe parakkanto, dhammayutto [dhamme yutto (sī. pī.)] vihaṅgamo.
46. “Attanāyaṃ [attano yaṃ (syā.)] cajitvāna, jīvitāṃ jīvitāraho;  
Anutthunanto āsīno, bhattu yācīttha jīvitāṃ.
47. “Tassa taṃ vacanaṃ sutvā, pasādamahamajjhagā;  
Tato naṃ pāmuciṃ [pāmuñciṃ (pī. ka.)] pāsā, anuññāsīṃ sukkena ca.
48. “So paṭīto pamuttēna, bhattunā bhattugāraḥavo;  
Ajḡhabhāsatha vakkaṅgo, vācaṃ kaṅṅasukhaṃ bhaṅgaṃ.
49. “Evaṃ luddaka nandassu, saha sabbehi ñātibhi;  
Yathāhamajja nandāmi, muttaṃ disvā dijādhipaṃ.

50. “Ehi taṃ anusikkhāmi, yathā tvamapi lacchase;  
Lābhaṃ tavāyaṃ dhatarattho, pāpaṃ kiñci na dakkhati.
51. “Khippamantepuraṃ netvā [\[gantvā \(sabbattha\)\]](#), rañño dassehi no ubho;  
Abaddhe pakatibhūte, kāje ubhayato ñhite.
52. “Dhataratthā mahārāja, haṃsādhipatino ime;  
Ayañhi rājā haṃsānaṃ, ayaṃ senāpatītaro.
53. “Asaṃsayaṃ imaṃ disvā, haṃsarājaṃ narādhipo;  
Paṭīto sumano vitto, bahuṃ dassati te dhanam’.
54. “Evametassa vacanā, ānītāme ubho mayā;  
Ettheva hi ime āsuṃ [\[assu \(sī. syā. pī.\)\]](#), ubho anumatā mayā.
55. “Soyaṃ evaṃ gato pakkhī, dijo paramadhammiko;  
Mādisassa hi luddassa, janayeyyātha maddavaṃ.
56. “Upāyanañca te deva, nāññaṃ passāmi edisaṃ;  
Sabbasākuṇikāgāme, taṃ passa manujādhipa’.
57. “Disvā nisinnaṃ rājānaṃ, pīthe sovaṇṇaye subhe;  
Ajhabhāsatha vakkāṅgo, vācaṃ kaṇṇasukhaṃ bhaṇaṃ.
58. “Kaccinno bhoto kusalaṃ, kacci bhoto anāmayam;  
Kacci ratthamidaṃ phītaṃ, dhammena manusāsasi’.
59. “Kusalañceva me haṃsa, atho haṃsa anāmayam;  
Atho ratthamidaṃ phītaṃ, dhammena manusāsahaṃ” [\[manusissati \(sī. pī.\)\]](#).
60. “Kacci bhoto amaccesu, doso koci na vijjati;  
Kacci ca [\[kaccinno \(sī. pī.\)\]](#) te tavatthesu, nāvakaṅkhanti jīvitam’.
61. “Athopi me amaccesu, doso koci na vijjati;  
Athopi te [\[athopime \(sī. pī.\)\]](#) mamatthesu, nāvakaṅkhanti jīvitam’.
62. “Kacci te sādīsī bhariyā, assavā piyabhāṇinī;  
Puttarūpayasūpetā, tava chandavasānugā’.
63. “Atho me sādīsī bhariyā, assavā piyabhāṇinī;  
Puttarūpayasūpetā, mama chandavasānugā’.
64. “Bhavantaṃ [\[bhavaṃ tu \(sī. pī.\)\]](#), [bhavannu \(syā.\)](#) kacci nu mahā-sattuhattatataṃ  
[\[hattatthataṃ \(sī. syā. pī.\)\]](#) gato;  
Dukkhamāpajji vipulaṃ, tasmim paṭhamamāpade.
65. “Kacci yantāpatitvāna, daṇḍena samapothayi;  
Evametesaṃ jammānaṃ, pātikaṃ [\[pākatikaṃ \(sī. pī.\)\]](#) bhavati tāvade’.
66. “Khemamāsi mahārāja, evamāpadiyā sati [\[evamāpadi saṃsati \(sī. pī.\)\]](#);  
Na cāyaṃ kiñci rasmāsu, sattūva samapajjatha.

67. “Paccagamittha nesādo, pubbeva ajjhabhāsatha;  
Tadāyaṃ sumukhoyeva, paṇḍito paccabhāsatha.
68. “Tassa taṃ vacanaṃ sutvā, pasādamayamajjhagā;  
Tato maṃ pāmucī pāsā, anuññāsi sukkena ca.
69. “Idaṅca sumukheneva, etadatthāya cintitaṃ;  
Bhoto sakāsegamanaṃ [sakāse + āgamaṇaṃ], etassa dhanamicchatā”.
70. “Svāgatañcevidaṃ bhavataṃ, patīto casmi dassanā;  
Eso cāpi bahuṃ vittaṃ, labhataṃ yāvadicchati” [yāvaticchati (sī. pī.)].
71. “Santappayitvā nesādaṃ, bhogehi manujādhipo;  
Ajjhabhāsatha vakkaṅgaṃ, vācaṃ kaṇṇasukhaṃ bhaṇaṃ”.
72. “Yaṃ khalu dhammamādhīnaṃ, vaso vattati kiñcanaṃ;  
Sabbatthissariyaṃ tava [sabbatthissariyaṃ bhavataṃ (sī. syā. pī.), sabbissariyaṃ bhavataṃ (syā. ka.)], taṃ pasāsa [pasāsatha (sī. syā. pī.)] yadicchatha.
73. “Dānatthaṃ upabhottuṃ vā, yaṃ caññaṃ upakappati;  
Etaṃ dadāmi vo vittaṃ, issariyaṃ [isseraṃ (sī.), issaraṃ (pī.)] vissajāmi vo”.
74. “Yathā ca myāyaṃ sumukho, ajjhabhāseyya paṇḍito;  
Kāmasā buddhisampanno, taṃ myāssa paramappiyaṃ”.
75. “Ahaṃ khalu mahārāja, nāgarājārivantaraṃ;  
Paṭivattuṃ na sakkomi, na me so vinayo siyā.
76. “Amhākañceva so [yo (sī. pī.)] seṭṭho, tvaṅca uttamasattavo;  
Bhūmipālo manussindo, pūjā bahūhi hetuhi.
77. “Tesaṃ ubhinnaṃ bhaṇataṃ, vattamāne vinicchaye;  
Nantaraṃ [nāntaraṃ (sī. pī.)] paṭivattabbaṃ, pessena [pesena (ka.)] manujādhipa”.
78. “Dhammena kira nesādo, paṇḍito aṇḍajo iti;  
Na heva akatattassa, nayo etādiso siyā.
79. “Evaṃ aggapakatimā, evaṃ uttamasattavo;  
Yāvatatthi mayā diṭṭhā, nāññaṃ passāmi edisaṃ.
80. “Tuṭṭhosmi vo pakatiyā, vākyena madhurena ca;  
Eso cāpi mamacchando, ciraṃ passeyya vo ubho”.
81. “Yaṃ kiccaṃ [yaṃkiñci (pī.)] parame mitte, katamasmāsu [rasmāsu (sī. pī.)] taṃ tayā;  
Pattā nissaṃsayaṃ tyāmhā [tyāmhā (pī.)], bhattirasmāsu yā tava.
82. “Aduṅca nūna sumahā, ñātisaṅghassa mantaraṃ;  
Adassanena asmākaṃ [amhākaṃ (sī. pī.)], dukkhaṃ bahūsu pakkhisu.
83. “Tesaṃ sokaviḅhātāya, tayā anumatā mayaṃ;  
Taṃ padakkhiṇato katvā, ñātiṃ [ñātī (sī. syā. pī.)] passemurindama [passemarindama (sī. pī.)].

84. “Addhāmaṃ vipulaṃ pītiṃ, bhavataṃ vindāmi dassanā;  
Eso cāpi mahā attho, ñātivissāsānā siyā”.
85. “Idaṃ vatvā dhatarattho [dhataratthā (sī.)], haṃsarājā narādhipaṃ;  
Uttamaṃ javamanvāya [uttamajavamattāya (sī. pī.)], ñātisaṅghaṃ upāgamuṃ.
86. “Te aroge anuppatte, disvāna parame dije;  
Kekāti makaruṃ haṃsā, puthusaddo ajāyatha.
87. “Te paṭīā pamuttena, bhattunā bhattugāravā;  
Samantā parikirimsu [parikarimsu (sī. syā. pī.)], aṇḍajā laddhapaccayā”.
88. “Evaṃ mittavataṃ atthā, sabbe honti padakkhiṇā;  
Haṃsā yathā dhataratthā, ñātisaṅghaṃ upāgamu”nti.

Cūḷa [culla (sī. syā. pī.)] haṃsajātakaṃ paṭhamam.

### 534. Mahāhaṃsajātakaṃ (2)

89. “Ete haṃsā pakkamanti, vakkaṅgā bhayameritā;  
Harittaca hemavaṇṇa, kāmaṃ sumukha pakkama.
90. “Ohāya maṃ ñātigaṇā, ekaṃ pāsavasam gatam;  
Anapekkhamānā gacchanti, kiṃ eko avahīyasi.
91. “Pateva patataṃ seṭṭha, natthi baddhe sahāyatā;  
Mā anīghāya hāpesi, kāmaṃ sumukha pakkama”.
92. “Nāhaṃ dukkhaparetopi [dukkhapareto”ti (jā. 1.15.136) aṭṭhakathāyo oloketabbā],  
dhataratthā tuvaṃ [tavaṃ (sī. pī.)] jahe;  
Jivitaṃ maraṇaṃ vā me, tayā saddhiṃ bhavissati.
93. “Nāhaṃ dukkhaparetopi, dhataratthā tuvaṃ jahe;  
Na maṃ anariyasamyutte, kamme yojetumarahasi.
94. “Sakumāro sakhā tyasmi, sacitte casmi te [samite (pī.), tyasmi te (ka.)] ṭhito;  
Ñāto senāpati tyāhaṃ, haṃsānaṃ pavaruttama.
95. “Kathaṃ ahaṃ vikatthissaṃ [vikattissaṃ (pī.)], ñātimajjhe ito gato;  
Taṃ hitvā patataṃ seṭṭha, kiṃ te vakkhāmito gato;  
Idha pāṇaṃ cajjissāmi, nānariyaṃ [na anariyaṃ (pī.)] kattumussahe”.
96. “Eso hi dhammo sumukha, yaṃ tvaṃ ariyapathe ṭhito;  
Yo bhattāraṃ sakhāraṃ maṃ, na pariccattumussahe.
97. “Taṅhi me pekkhamānassa, bhayaṃ natveva jāyati;  
Adhigacchasi tvaṃ mayhaṃ, evaṃ bhūtassa jivitaṃ”.
98. “Icevaṃ [iceva (sī. pī.)] mantayantānaṃ, ariyānaṃ ariyavuttinaṃ;  
Daṇḍamādāya nesādo, āpatī [āpadī (ka.)] turito bhusaṃ.
99. “Tamāpatantaṃ disvāna, sumukho atibrūhayi [aparibrūhayi (sī. pī.)];

Atthāsi purato rañño, haṃso vissāsayaṃ byadhaṃ [byathaṃ (sī. syā. pī.)].

100. “Mā bhāyi patataṃ seṭṭha, na hi bhāyanti tādisā;  
Ahaṃ yogaṃ payuñjissaṃ, yuttaṃ dhammūpasamhitam;  
Tena pariyāpadānena [pariyādānena (ka.)], khippaṃ pāsā pamokkhasi”.
101. “Tassa taṃ vacanaṃ sutvā, sumukhassa subhāsitaṃ;  
Pahaṭṭhalomo nesādo, añjalissa paṇāmayi.
102. “Na me sutam vā diṭṭhaṃ vā, bhāsanto mānusiṃ dijo;  
Ariyaṃ bruvāno [brūhanto (syā. ka.)] vakkaṅgo, cajanto mānusiṃ giram.
103. “Kinna tāyaṃ dijo hoti, mutto baddhaṃ upāsasi;  
Ohāya sakuṇā yanti, kiṃ eko avahīyasi”.
104. “Rājā me so dijāmitta, senāpaccassa kārayiṃ;  
Tamāpade pariccattum, nussahe vihaḡādhipaṃ.
105. “Mahāgaṇāya bhattā me, mā eko byasanaṃ agā;  
Tathā taṃ samma nesāda, bhattāyaṃ abhito rame”.
106. “Ariyavattasi vakkaṅga, yo piṇḡama pacāyasi;  
Cajāmi te taṃ bhattāraṃ, gacchathūbho [gacchatu bho (pī.)] yathāsukhaṃ”.
107. “Sace attappayogena, ohito haṃsapakkhinaṃ;  
Paṭiḡaṇhāma te samma, etaṃ abhayadakkhiṇaṃ.
108. “No ce attappayogena, ohito haṃsapakkhinaṃ;  
Anissaro muñcamamhe, theyyaṃ kayirāsi luddaka”.
109. “Yassa tvam bhatako [bhaṭako (ka.)] rañño, kāmaṃ tasseva pāpaya;  
Tattha saṃyamano [saṃyamāno (pī.)] rājā, yathābhiññaṃ karissati”.
110. “Icceaṃ vutto nesādo, hemavaṇṇe harittace;  
Ubho hatthehi saṅgayha [paggayha (syā. ka.)], pañjare ajjhavodahi.
111. “Te pañjaragate pakkhī, ubho bhassaravaṇṇine;  
Sumukhaṃ dhataratṭhañca, luddo ādāya pakkami”.
112. “Harīyamāno dhataratṭho, sumukhaṃ etadabravi;  
Bālhaṃ bhāyāmi sumukha, sāmāya lakkhaṇūruyā;  
Asmākaṃ vadhamaññāya, athattānaṃ vadhissati.
113. “Pākahaṃsā ca sumukha, suhemā hema sutta cā;  
Koñcī samuddatīreva, kapaṇā nūna rucchati”.
114. “Evaṃ mahanto lokassa, appameyyo mahāgaṇī;  
Ekitthimanusoceyya, nayidaṃ paññavatāmiva.
115. “Vātova gandhamādeti, ubhayaṃ chekapāpakaṃ;  
Bālo āmakapakkaṃva, lolo andhova āmisaṃ.

116. “Avinicchayaññu atthesu, mandova paṭibhāsi [paṭibhāti (ka.)] maṃ;  
Kiccākiccaṃ na jānāsi, sampatto kālariyāyaṃ.
117. “Aḍḍhummatto udīresi, yo seyyā maññasitthiyo;  
Bahusādhāraṇā hetā, soṇḍānaṃva surāgharaṃ.
118. “Māyā cesā marīcī ca, soko rogo cupaddavo;  
Kharā ca bandhanā cetā, maccupāsā guhāsaya [paccupāso guhāsayo (sī. pī.)];  
Tāsu yo vissase poso, so naresu narādhamo”.
119. “Yaṃ vuddhehi upaññātaṃ, ko taṃ ninditumarahati;  
Mahābhūtittthiyo nāma, lokasmiṃ udapajjisuṃ.
120. “Khiḍḍā paṇihitā tyāsu, rati tyāsu patittthitā;  
Bījāni tyāsu rūhanti, yadidaṃ sattā pajāyare;  
Tāsu ko nibbide [nibbije (ka.)] poso, pāṇamāsajja pāṇibhi [pāṇahi (sī.)].
121. “Tvameva nañño sumukha, thīnaṃ atthesu yuñjasi;  
Tassa tyajja bhaye jāte, bhītena jāyate mati.
122. “Sabbo hi saṃsayāṃ patto, bhayaṃ bhīru titikkhati;  
Paṇḍitā ca mahantāno [mahattāno (sī.)], atthe yuñjanti duiyuje.
123. “Etadatthāya rājāno, sūramicchanti mantinaṃ;  
Paṭibāhati yaṃ sūro, āpadaṃ attapariyāyaṃ.
124. “Mā no ajja vikantiṃsu, rañño sūdā mahānase;  
Tathā hi vaṇṇo pattānaṃ, phalaṃ veḷuṃva taṃ vadhi.
125. “Muttopi na icchi [nicchasi (ka.)] uḍḍetuṃ [oḍḍetuṃ (sī.)], sayāṃ bandhaṃ upāgami;  
Sopajja saṃsayāṃ patto, atthaṃ gaṇhāhi mā mukhaṃ”.
126. “So taṃ [tvaṃ (syā. pī.)] yogaṃ payuñjassu, yuttaṃ dhammūpasamhitāṃ  
[dhammopasañhitaṃ (ka.)];  
Tava pariyāpadānena, mama pāṇesanaṃ cara”.
127. “Mā bhāyi patataṃ seṭṭha, na hi bhāyanti tādisā;  
Ahaṃ yogaṃ payuñjissaṃ, yuttaṃ dhammūpasamhitāṃ [dhammopasañhitaṃ (ka.)];  
Mama pariyāpadānena, khippaṃ pāsā pamokkhasi”.
128. “So [sa (sī.)] luddo haṃsakājena [haṃsakācena (pī.)], rājadvāraṃ upāgami;  
Paṭivedetha maṃ rañño, dhataratthāyamāgato”.
129. “Te disvā puññasamkāse, ubho lakkhaṇasammate [lakkhaññāsammate (sī. pī.)];  
Khalu saṃyamano rājā, amacce ajjhabhāsatha.
130. “Detha luddassa vatthāni, annaṃ pānañca bhojanaṃ;  
Kāmaṃ karo hiraññassa, yāvanto esa icchati”.
131. “Disvā luddaṃ pasannattaṃ, kāsirājā tadabravi;  
Yadyāyaṃ [yadāyaṃ (sī. syā. pī.)] samma khemaka, puṇṇā haṃsehi tiṭṭhati.

132. “Kathaṃ rucimajjhagataṃ, pāsahatto upāgami;  
Okīṇṇaṃ ñātisaṅghehi, nimmajjhimaṃ [nimajjhimaṃ (sī. pī. ka.)] kathaṃ gahi”.
133. “Ajja me sattamā ratti, adanāni [ādānāni (syā. pī. ka.)] upāsato [upāgato (ka.)];  
Padametassa anvesaṃ, appamatto ghaṭassito.
134. “Athassa padamaddakkhiṃ, carato adanesanaṃ;  
Tatthāhaṃ odahiṃ pāsamaṃ, evaṃ taṃ [evetaṃ (sī. pī.)] dijamaggahiṃ”.
135. “Ludda dve ime sakuṇā, atha ekoti bhāsasi;  
Cittaṃ nu te vipariyattaṃ [vipariyatthaṃ (pī.)], adu kinnu jigīsasi” [jigīmsasi (sī. pī.)].
136. “Yassa lohitakā tālā, tapanīyanibhā subhā;  
Uraṃ saṃhacca tiṭṭhanti, so me bandhaṃ upāgami.
137. “Athāyaṃ bhassaro pakkhī, abaddho baddhamāturaṃ;  
Ariyaṃ bruvāno aṭṭhāsi, cājanto mānusiṃ giraṃ”.
138. “Atha kiṃ [atha kinnu (sī. pī.), kathaṃ nu (syā.)] dāni sumukha, hanuṃ saṃhacca tiṭṭhasi;  
Adu me parisamaṃ patto, bhayā bhīto na bhāsasi”.
139. “Nāhaṃ kāsipati bhīto, ogayha parisamaṃ tava;  
Nāhaṃ bhayā na bhāsissaṃ, vākyaṃ atthamhi tādise”.
140. “Na te abhisaraṃ passe, na rathe napi pattike;  
Nāssa cammaṃ va kīṭaṃ vā, vammaite ca dhanuggahe.
141. “Na hiraññaṃ suvaṇṇaṃ vā, nagaraṃ vā sumāpitaṃ;  
Okīṇṇaparikhaṃ duggaṃ, daḷhamatṭālakoṭṭhakaṃ;  
Yattha pavitṭho sumukha, bhāyitabbaṃ na bhāyasi”.
142. “Na me abhisarenatto, nagarena dhanena vā;  
Apathena pathaṃ yāma, antalikkhecarā mayaṃ.
143. “Sutā ca paṇḍitā tyamhā, nipuṇā atthacintakā [catthacintakā (ka.)];  
Bhāsematthavatiṃ vācaṃ, sacce cassa patiṭṭhito.
144. “Kiñca tuyhaṃ asaccassa, anariyassa karissati;  
Musāvādissa luddassa, bhaṇitampi subhāsitaṃ”.
145. “Taṃ brāhmaṇānaṃ vacanā, imaṃ khemamakārayi [khemikārayi (sī. pī.)];  
Abhayañca tayā ghuṭṭhaṃ, imāyo dasadhā disā.
146. “Ogayha te pokkharaniṃ, vippasannodakaṃ suciṃ;  
Pahūtaṃ cādanaṃ tattha, ahimsā cettha pakkhinaṃ.
147. “Idaṃ sutvāna nigghosaṃ, āgataṃha tavantike;  
Te te bandhasma pāsena, etaṃ te bhāsitaṃ musā.
148. “Musāvādaṃ purakkhatvā, icchālobhañca pāpakaṃ;  
Ubho sandhimatikkamma, asātaṃ upapajjati”.



149. “Nāparajjhāma sumukha, napi lobhāva maggahim;  
Sutā ca paṇḍitāyattha, nipuṇā atthacintakā.
150. “Appavatthavatiṃ vācam, byāhareyyuṃ [byākareyyuṃ (sī. pī.)] idhāgatā;  
Tathā taṃ samma nesādo, vutto sumukha maggahi”.
151. “Neva bhītā [bhūtā (syā. ka.)] kāsipati, upanītasmi jīvite;  
Bhāsematthavatiṃ vācam, sampattā kālariyāyaṃ.
152. “Yo migena migam hanti, pakkhim vā pana pakkhinā;  
Sutena vā sutam kiṇyā [kiṇe (sī. pī.)], kiṃ anariyataram tato.
153. “Yo cāriyarudam [ca ariyarudam (sī. pī.)] bhāse, anariyadhammavassito  
[anariyadhammavassito (sī.)];  
Ubho so dhamṣate lokā, idha ceva parattha ca.
154. “Na majjetha yasaṃ patto, na byādhe [byathe (sī. pī.)] pattasaṃsayam;  
Vāyametheva kiccesu, saṃvare vivarāni ca.
155. “Ye vuddhā abbhaticcantā [nābbhacikkhantā (ka.)], sampattā kālariyāyaṃ;  
Idha dhammam caritvāna, evaṃte [evete (sī. pī.)] tidivam gatā.
156. “Idam sutvā kāsipati, dhammamattani pālaya;  
Dhataratthañca muñcāhi, haṃsānam pavaruttamam”.
157. “Āharantudakam pajjam, āsanañca mahārahamaṃ;  
Pañjarato pamokkhāmi, dhatarattham yasassinam.
158. “Tañca senāpatiṃ dhīram, nipuṇam atthacintakam;  
Yo sukhe sukhito raññe [rañño (sī. syā. pī. ka.)], dukkhite hoti dukkhito.
159. “Ediso kho arahati, piṇḍamasnātu bhattuno;  
Yathāyaṃ sumukho rañño, pāṇasādhāraṇo sakhā”.
160. “Piṭhañca sabbasovaṇṇam, atthapādam manoramam;  
Mattham kāsikamatthannam [kāsikapatthiṇṇam (sī.), kāsikavatthinam (syā. pī.)], dhatarattho  
upāvisi.
161. “Kocchañca sabbasovaṇṇam, veyyagghaparisibbitam;  
Sumukho ajjhupāvekkhi, dhataratthassanantarā [anantaram (sī.)].
162. “Tesaṃ kañcanapattehi, puthū ādāya kāsīyo;  
Haṃsānam abhihāresuṃ, aggarañño pavāsitam”.
163. “Disvā abhihaṭam aggam, kāsirājena pesitam;  
Kusalo khattadhammānam, tato pucchi anantarā.
164. “Kaccinno bhoto kusalam, kacci bhoto anāmayam;  
Kacci ratthamidam phitam, dhammena manusāsasi”.
165. “Kusalañceva me haṃsa, atho haṃsa anāmayam;  
Atho ratthamidam phitam, dhammenam manusāsaham.

166. “Kacci bhoto amaccesu, doso koci na vijjati;  
Kacci ca te tavatthesu, nāvakañkhanti jīvitam”.
167. “Athopi me amaccesu, doso koci na vijjati;  
Athopi te mamatthesu, nāvakañkhanti jīvitam”.
168. “Kacci te sādīsī bhariyā, assavā piyabhāṇinī;  
Puttarūpayasūpetā, tava chandavasānugā”.
169. “Atho me sādīsī bhariyā, assavā piyabhāṇinī;  
Puttarūpayasūpetā, mama chandavasānugā”.
170. “Kacci raṭṭhaṃ anuppīlaṃ, akutociupaddavaṃ;  
Asāhasena dhammena, samena manusāsasi”.
171. “Atho raṭṭhaṃ anuppīlaṃ, akutociupaddavaṃ;  
Asāhasena dhammena, samena manusāsahaṃ”.
172. “Kacci santo apacitā, asanto parivajjitā;  
No ce [ca (syā. ka.)] dhammaṃ niraṃkatvā, adhammamanuvattasi”.
173. “Santo ca me apacitā, asanto parivajjitā;  
Dhammamevānuvattāmi, adhammo me niraṃkato”.
174. “Kacci nānāgataṃ [kacci nunāgataṃ (syā. ka.)] dīghaṃ, samavekkhasi khattiya;  
Kacci matto [na matto (sī.)] madaniye, paralokaṃ na santasi”.
175. “Nāhaṃ anāgataṃ [ahaṃ anāgataṃ (syā.)] dīghaṃ, samavekkhāmi pakkhima;  
Ṭhito dasasu dhammesu, paralokaṃ na santase [santasim (syā.)].
176. “Dānaṃ sīlaṃ pariccāgaṃ, ajjavaṃ maddavaṃ tapam;  
Akkodhaṃ avihimsaṅca, khantiṅca [khantī ca (ka.)] avirodhaṃ.
177. “Iccete kusale dhamme, ṭhite passāmi attani;  
Tato me jāyate pīti, somanassaṅcanappakaṃ.
178. “Sumukho ca acintevā, visajji [vissaji (sī. pī.)] pharusam giram;  
Bhāvadosamanaññāya, asmākāyaṃ vihaṅgamo.
179. “So kuddho pharusam vācam, nicchāresi ayoniso;  
Yānasmāsu [yānasmāsu (sī. syā pī.)] na vijjanti, nayidaṃ [na idaṃ (sī. pī.)] paññavatāmiva”.
180. “Atthi me taṃ atisāraṃ, vegena manujādhipa;  
Dhataratṭhe ca baddhasmiṃ, dukkhaṃ me vipulaṃ ahu.
181. “Tvaṃ no pitāva puttānaṃ, bhūtānaṃ dharaṇīriya;  
Asmākaṃ adhipannānaṃ, khamassu rājakuñjara”.
182. “Etaṃ [evaṃ (syā. ka.)] te anumodāma, yaṃ bhāvaṃ na nigūhasi;  
Khilaṃ pabhindasi pakkhi, ujukosi vihaṅgama”.
183. “Yaṃ kiñci ratanaṃ atthi, kāsirāja nivesane;

Rajatam jātarūpañca, muttā veḷuriyā bahū.

184. “Maṇayo saṅkhamuttañca, vatthakaṃ haricandaṇaṃ;  
Ajiṇaṃ dantabaṇḍaṇca, lohaṃ kāḷāyasaṃ bahuṃ;  
Etaṃ dadāmi vo vittaṃ, issariyaṃ [isseraṃ (sī.), issaraṃ (syā. pī. ka.)] vissajāmi vo”.
185. “Addhā apacitā tyamhā, sakkatā ca rathesabha;  
Dhammesu vattamānānaṃ, tvaṃ no ācariyo bhava.
186. “Ācariya samanūññātā, tayā anumatā mayam;  
Taṃ padakkhiṇato katvā, ñātiṃ [ñātī (sī. syā. pī.)] passemurindama” [passemarindama (sī. pī.)].
187. “Sabbarattiṃ cintayitvā, mantayitvā yathātathaṃ;  
Kāsirājā anuññāsi, haṃsānaṃ pavaruttamaṃ”.
188. “Tato ratyā vivasāne, sūriyuggamaṇaṃ [suriyassuggamaṇaṃ (sī. syā.), suriyuggamaṇaṃ (pī.)]  
pati;  
Pekkhato kāsirājassa, bhavanā te [bhavanato (syā. ka.)] vigāhisuṃ”.
189. “Te aroge anuppatte, disvāna parame dije;  
Kekāti makaruṃ haṃsā, puthusaddo ajāyatha.
190. “Te patītā pamuttēna, bhattunā bhattugāravā;  
Samantā parikirimsu, aṇḍajā laddhapaccayā”.
191. “Evaṃ mittavataṃ atthā, sabbe honti padakkhiṇā;  
Haṃsā yathā dhataṛaṭṭhā, ñātisaṅghaṃ upāgamu”’nti.

Mahāhaṃsajātakaṃ dutiyaṃ.

### 535. Sudhābhojanajātakaṃ (3)

192. “Neva kiṇāmi napi vikkiṇāmi, na cāpi me sannicayo ca atthi [idhatthi (syā.)];  
Sukiccharūpaṃ vatidaṃ parittaṃ, patthodano nālamayaṃ duvinnaṃ”.
193. “Appamhā appakaṃ dajjā, anumajjhato majjhakaṃ;  
Bahumhā bahukaṃ dajjā, adānaṃ nupapajjati [na upapajjati (sī. pī.)].
194. “Taṃ taṃ vadāmi kosiya, dehi dānāni bhuñja ca;  
Ariyamaggaṃ samārūha [ariyaṃ maggaṃ samārūha (sī. pī.)], nekāsī labhate sukhaṃ”.
195. “Moghañcassa hutam hoti, moghañcāpi samīhitaṃ;  
Atithismiṃ yo nisinnasmiṃ, eko bhuñjati bhojanaṃ.
196. “Taṃ taṃ vadāmi kosiya, dehi dānāni bhuñja ca;  
Ariyamaggaṃ samārūha, nekāsī labhate sukhaṃ”.
197. “Saccañcassa hutam hoti, saccañcāpi samīhitaṃ;  
Atithismiṃ yo nisinnasmiṃ, neko bhuñjati bhojanaṃ.

198. “Taṃ taṃ vadāmi kosiya, dehi dānāni bhuñja ca;  
Ariyamaggaṃ samārūha, nekāsī labhate sukhaṃ”.
199. “Sarañca juhati poso, bahukāya gayāya ca;  
Doṇe timbarutitthasmiṃ, sīghasote mahāvahe.
200. “Atra cassa hutam hoti, atra cassa samīhitam;  
Atithismiṃ yo nisinnasmiṃ, neko bhuñjati bhojanam.
201. “Taṃ taṃ vadāmi kosiya, dehi dānāni bhuñja ca;  
Ariyamaggaṃ samārūha, nekāsī labhate sukhaṃ”.
202. “Baḷisañhi so nigilati [niggilati (sī. pī.)], dīghasuttam sabandhanam;  
Atithismiṃ yo nisinnasmiṃ, eko bhuñjati bhojanam.
203. “Taṃ taṃ vadāmi kosiya, dehi dānāni bhuñja ca;  
Ariyamaggaṃ samārūha, nekāsī labhate sukhaṃ”.
204. “Uḷāravaṇṇā vata brāhmaṇā ime, ayañca vo sunakho kissa hetu;  
Uccāvacaṃ vaṇṇanibham vikubbati, akkhātha no brāhmaṇā ke nu tumhe”.
205. “Cando ca sūriyo ca [sūriyo ca (ka.)] ubho idhāgatā, ayam pana mātali devasārathi;  
Sakkohamasmi tidasānamindo, eso ca kho pañcasikhoti vuccati.
206. “Pāṇissarā mudingā ca [mutingā ca (sī. syā. pī.)], murajālambarāni ca;  
Suttamenam pabodhenti, paṭibuddho ca nandati”.
207. “Ye kecime maccharino kadariyā, paribhāsakā samaṇabrāhmaṇānam;  
Idheva nikkhippa sarīradeham, kāyassa bhedaṃ nirayam vajanti”.
208. “Ye kecime suggatimāsamānā [suggatimāsasānā (sī. pī.), suggatāsisamānā (ka.)], dhamme  
ṭhitā saṃyame saṃvibhāge;  
Idheva nikkhippa sarīradeham, kāyassa bhedaṃ sugatim vajanti”.
209. “Tvam nosi ñāti purimāsu jātisu, so maccharī rosako [kosiyo (syā. ka.)] pāpadhammo;  
Taveva atthāya idhāgatamhā, mā pāpadhammo nirayam gamittha” [apattha (ka. sī. syā. pī.)].
210. “Addhā hi maṃ vo hitakāmā, yaṃ maṃ samanūsāsatha;  
Sohaṃ tathā karissāmi, sabbam vuttam hitesibhi.
211. “Esāhamajjeva upāramāmi, na cāpiham [na cāpahaṃ (sī. pī.)] kiñci kareyya pāpaṃ;  
Na cāpi me kiñci adeyyamatthi, na cāpidatvā udakaṃ pivāmi [udakampahaṃ pībe (sī.)].
212. “Evañca me dadato sabbakālam [sabbakāle (ka.)], bhogaṃ ime vāsava khīyissanti;  
Tato aham pabbajissāmi sakka, hitvāna kāmāni yathodhikāni”.
213. “Naguttame girivare gandhamādane, modanti tā devavarābhipālītā;  
Athagamā isivaro sabbalokagū, supupphitam dumavarasākhamaḍiya.
214. “Suciṃ sugandham tidasehi sakkatam, pupphuttamam amaravarehi sevitam;  
Aladdha maccehi va dānavehi vā, aññatra devehi tadāraham hidam [hitam (syā.)].

215. “Tato catasso kanakattacūpamā, uṭṭhāya nāriyo pamadādhipā munim;  
Āsā ca saddhā ca sirī tato hirī, iccabravuṃ nāradadeva brāhmaṇaṃ.
216. “Sace anuddiṭṭhaṃ tayā mahāmuni, pupphaṃ imaṃ pārichattassa brahme;  
Dadāhi no sabbā gati te ijhātu, tuvampi no hohi yatheva vāsavo.
217. “Taṃ yācamānābhisamekkha nārado, iccabravī saṃkalahaṃ udīrayi;  
Na mayhamatthatti imehi koci naṃ, yāyeva vo seyyasi sā piḷandhatha” [piḷayhatha (sī. pī.)].
218. “Tvam nōttamevābhisamekkha nārada, yassicchasi tassā anuppavecchasu;  
Yassā hi no nārada tvam padassasi, sāyeva no hehiti seṭṭhasammata”.
219. “Akallametaṃ vacanaṃ sugatte, ko brāhmaṇo saṃkalahaṃ udīraye;  
Gantvāna bhūtādhipameva pucchatha, sace na jānātha idhuttamādhamam”.
220. “Tā nāradena paramappakopitā, udīritā vaṇṇamadena mattā;  
Sakāse [sakāsaṃ (ka.)] gantvāna saḥassacakkhuno, pucchiṃsu bhūtādhipaṃ kā nu seyyasi”.
221. “Tā disvā āyattamaṇā purindado, iccabravī devavaro katañjali;  
Sabbāva vo hotha sugatte sādīsī, ko neva bhadde kalahaṃ udīrayi”.
222. “Yo sabbalokaccarito [sabbalokaṃ carako (sī. syā. pī.)] mahāmuni, dhamme ṭhito nārado  
[nārada (syā.)] saccanikkamo;  
So nobravī [bravī (sī. syā. pī.)] girivare gandhamādane, gantvāna bhūtādhipameva pucchatha;  
Sace na jānātha idhuttamādhamam”.
223. “Asu [asū (syā.)] brahāraññacarō mahāmuni, nādatvā bhattaṃ varagatte bhuñjati;  
Viceyya dānāni dadāti kosiyo, yassā hi so dassati sāva seyyasi”.
224. “Asū hi yo sammati dakkhiṇaṃ disaṃ, gaṅgāya tīre himavantapassani [himavantapasmani (sī.  
pī. ka.)];  
Sa kosiyo dullabhapānabhojano, tassa sudhaṃ pāpaya devasārathi”.
225. “Sa [so (syā.)] mātālī devavarena pesito, saḥassayuttaṃ abhiruyha sandanaṃ;  
Sukhippameva [sa khippameva (sī. pī.)] upagamma assamaṃ, adissamāno munino sudhaṃ  
adā”.
226. “Udaggihuttaṃ upatiṭṭhato hi me, pabhaṅkaraṃ lokatamonuduttamaṃ;  
Sabbāni bhūtāni adhicca [aticca (sī. pī.)] vāsavo, ko neva me pāṇisu kiṃ sudhodahi.
227. “Saṅkhūpamaṃ setamatulyadassanaṃ, suciṃ sugandhaṃ piyarūpamabbhutaṃ;  
Adiṭṭhapubbaṃ mama jātu cakkhubhi [jātacakkhubhi (sī. pī.)], kā devatā pāṇisu kiṃ  
sudhodahi”.
228. “Ahaṃ mahindena mahesi pesito, sudhābhīhāsiṃ turito mahāmuni;  
Jānāsi maṃ mātālī devasārathi, bhuñjassu bhattuttama mābhivārayi [mā vicārayi (sī. pī.)].
229. “Bhuttā ca sā dvādasa hanti pāpake, khudaṃ pipāsaṃ aratiṃ daraklamaṃ [darathaṃ kilam  
(syā.), darathakkhamaṃ (ka.)];  
Kodhūpanāhañca vivādapesuṇaṃ, sītuṇhatandiñca rasuttamaṃ idaṃ”.
230. “Na kappatī mātālī mayha bhuñjituṃ, pubbe adatvā iti me vatuttamaṃ;

Na cāpi ekāsnamarīyapūjitaṃ [ekāsanam ariyapūjitaṃ (sī. pī.)], asaṃvibhāgī ca sukhaṃ na vindati”.

231. “Thīghātakā ye cime pārādārikā, mittadduno ye ca sapanti subbate;  
Sabbe ca te maccharipañcamādhamā, tasmā adatvā udakampi nāsniye [nāsmiye (sī. pī.)].
232. “So hitthiyā vā purisassa vā pana, dassāmi dānaṃ vidusampavaṇṇitaṃ;  
Saddhā vadaññū idha vītamaccharā, bhavanti hete sucisaccasammata” [sammasammata (sī.)].
233. “Ato matā [mutā (sī. pī.)] devavarena pesitā, kaññā catasso kanakattacūpamā;  
Āsā ca saddhā ca sirī tato hirī [sirī hirī tato (pī.)], taṃ assamaṃ āgamu [āgamuṃ (sī. pī. ka.)]  
yattha kosiyo.
234. “Tā disvā sabbo paramappamodito [sabbā paramappamoditā (syā.)], subhena vaṇṇena  
sikhārivaggino;  
Kaññā catasso caturu catuddisā, iccabravī mātalino ca sammukhā.
235. “Purimaṃ disaṃ kā tvaṃ pabhāsi devate, alaṅkatā tāravarāva osadhī;  
Pucchāmi taṃ kañcanavelliviggahe, ācikkha me tvaṃ katamāsi devatā.
236. “Sirāha devīmanujebhi [manujesu (sī. syā. pī.)] pūjita, apāpasattūpanisevinī sadā;  
Sudhāvivādena tavantimāgatā, taṃ maṃ sudhāya varapañña bhājaya.
237. “Yassāhamicchāmi sudhaṃ [sukhaṃ (pī.)] mahāmuni, so [sa (sī. pī.)] sabbakāmehi naro  
pamodati;  
Sirīti maṃ jānahi jūhatuttama, taṃ maṃ sudhāya varapañña bhājaya”.
238. “Sippena vijjācaraṇena buddhiyā, narā upetā paguṇā sakammunā [sakammanā (sī. pī.)];  
Tayā vihīnā na labhanti kiñcanaṃ [kiñcinam (ka.)], tayidaṃ na sādhu yadidaṃ tayā kataṃ.
239. “Passāmi posaṃ alasaṃ mahagghasaṃ, sudukkulīnampi arūpimaṃ naraṃ;  
Tayānugutto siri jātimāmapī [jātimam api (sī.)], peseti dāsaṃ viya bhogavā sukhī.
240. “Taṃ taṃ asaccaṃ avibhajjaseviniṃ, jānāmi mūlhaṃ vidurānupātiniṃ;  
Na tādisī arahati āsanūdakaṃ, kuto sudhā gaccha na mayha ruccasi”.
241. “Kā sukkadāṭhā paṭimukkakuṇḍalā, cittaṅgadā kambuvimaṭṭhadhārinī;  
Osittavaṇṇaṃ paridayha sobhasi, kusaggirattaṃ apiḷayha mañjariṃ.
242. “Migīva bhantā saracāpadhārinā, virādhitā mandamiva udikkhasi;  
Ko te dutīyo idha mandalocane, na bhāyasi ekikā kānane vane”.
243. “Na me dutīyo idha matthi kosiya, masakkasārappabhavamhi devatā;  
Āsā sudhāsāya tavantimāgatā, taṃ maṃ sudhāya varapañña bhājaya”.
244. “Āsāya yanti vāñijā dhanesino, nāvaṃ samāruya parenti aṇṇave;  
Te tattha sīdanti athopi ekadā, jīnādhanaṃ enti vinaṭṭhapābhatā.
245. “Āsāya khattāni kasanti kassakā, vapanti bījāni karontupāyaso;  
Ītūnipātena avuṭṭhitāya [avuṭṭhikāya (sī. pī.)] vā, na kiñci vindanti tato phalāgamaṃ.
246. “Athattakārāni karonti bhattusu, āsaṃ purakkhatvā narā sukhesino;

Te bhatturatthā atigāḥhitā puna, disā panassanti aladdha kiñcanaṃ.

247. “Hitvāna [jahitva (sī. syā. pī.)] dhaññañca dhanañca ñātake, āsāya saggādhimanā sukhesino; Tapanti lūkhampi tapaṃ cirantaraṃ, kumaggamāruyha [kummaggamāruyha (sī. syā. pī.)] parenti duggatiṃ.
248. “Āsā viṣaṃvādikasammaṭṭā ime, āse sudhāsaṃ [sudhāya (syā pī. ka.)] vinayassu attani; Na tādisī arahati āsanūdakaṃ, kuto sudhā gaccha na mayha ruccasi”.
249. “Daddallamānā yasaṃ yasassinī, jighaññanāmavhayaṃ disaṃ pati; Pucchāmi taṃ kañcanavelliviggahe, ācikkha me tvaṃ katamāsi devatā”.
250. “Saddhāha devīmanujehi [devīmanujesu (sī. syā. pī.)] pūjitā, apāpasattūpanisevinī sadā; Sudhāvivādena tavantimāgatā, taṃ maṃ sudhāya varapañña bhājaya”.
251. “Dānaṃ damaṃ cāgamathopi saṃyamaṃ, ādāya saddhāya karonti hekadā; Theyyaṃ musā kūṭamathopi pesuṃ, karonti heke puna viccutā tayā.
252. “Bhariyāsu poso sadisīsu pekkhavā [pekkhavā (pī.)], sīlūpapannāsu patibbatāsūpi; Vinetvāna [vīnetvā (sī. syā. pī.)] chandaṃ kulitthiyāsūpi [kuladhītiyāsūpi (sī. pī.)], karoti saddhaṃ puna [pana (sī. pī.)] kumbhadāsīyā.
253. “Tvameva saddhe paradārasevinī, pāpaṃ karosi kusalampi riñcasi; Na tādisī arahati āsanūdakaṃ, kuto sudhā gaccha na mayha ruccasi”.
254. “Jighaññarattiṃ aruṇasmimūhate, yā dissati uttamarūpavaṇṇinī; Tathūpamā maṃ paṭibhāsi devate, ācikkha me tvaṃ katamāsi accharā.
255. “Kālā nidāgheriva aggijāriva [aggajātiva (sī.), aggijātiva (pī.)], anileritā lohitapattamālinī; Kā tiṭṭhasi mandamigāvalokayaṃ [mandamivāvalokayaṃ (sī. pī.)], bhāsesamānāva giramaṃ na muñcasi”.
256. “Hirāha devīmanujehi pūjitā, apāpasattūpanisevinī sadā; Sudhāvivādena tavantimāgatā, sāhaṃ na sakkomi sudhampi yācituṃ; Kopīnarūpā viya yācanitthiyā”.
257. “Dhammena ñāyena sugatte lacchasi, eso hi dhammo na hi yācanā sudhā; Taṃ taṃ ayācantimahaṃ nimantaye, sudhāya yañcicchasi tampi dammi te.
258. “Sā tvaṃ mayā ajja sakamhi assame, nimantitā kañcanavelliviggahe; Tuvañhi me sabbarasehi pūjīyā, taṃ pūjayitvāna sudhampi asniye”.
259. “Sā kosiyeṇānumatā jutīmatā, addhā hiri rammaṃ pāvisi yassamaṃ; Udakavantaṃ [udaññavantaṃ (sī. pī.)] phalamariyapūjitaṃ, apāpasattūpanisevitaṃ sadā.
260. “Rukkhaggahānā bahukettha pupphitā, ambā piyālā panasā ca kiṃsukā; Sobhañjanā loddamathopi padmakā, kekā ca bhaṅgā tilakā supupphitā.
261. “Sālā karerī bahukettha jambuyo, assatthanigrodhamadhukavetasā [vedisā (ka.)]; Uddālakā pāṭali sinduvārakā [sinduvārītā (bahūsu)], manuññagandhā mucalindaketakā.
262. “Hareṇukā veḷukā keṇu [veṇu (sī. pī.)] tindukā, sāmākanivāramathopi cīnakā;



Mocā kadalī bahukettha sāliyo, pavīhayo ābhūjino ca [ābhujinopi (sī. syā.)] taṇḍulā.

263. “Tassevuttarapassena [tassa ca uttare passe (sī. pī.), tassa ca uttarapassena (syā.)], jātā pokkharāṇī sivā;  
Akakkasā apabbhārā, sādhu appaṭigandhikā.
264. “Tattha macchā sanniratā, khemino bahubhojanā;  
Siṅgū savāṅkā saṃkulā [sakulā (sī. syā. pī.)], satavaṅkā ca rohitā;  
Āḷigagarakākiṇṇā, pāṭhīnā kākamacchakā.
265. “Tattha pakkhī sanniratā, khemino bahubhojanā;  
Haṃsā koṅcā mayūrā ca, cakkavākā ca kukkuhā;  
Kuṇālakā bahū citrā, sikhaṇḍī jīvajīvākā.
266. “Tattha pānāya māyanti, nānā migagaṇā bahū;  
Sīhā byagghā varāhā ca, acchakokataracchayo.
267. “Palāsādā gavaṅjā ca, mahimsā [mahisā (sī. syā. pī.)] rohitā rurū;  
Eṇeyyā ca varāhā ca, gaṇino nīkasūkarā;  
Kadalimigā bahukettha, biḷārā sasakaṇṇikā [sasakaṇṇakā (sī.)].
268. “Chamāgirī pupphavicitrasanthatā, dijābhighuṭṭhā dijasaṅghasevitā”.
269. “Sā suttacā nīladumābhilambitā, vijju mahāmegharivānupajjatha;  
Tassā susambandhasiraṃ kusāmayam, suciṃ sugandham ajiṇūpasevitam;  
Atricca [atriccha (sī. syā. pī.)] koccham hirimetadabravi, ‘nisīda kalyāṇi sukhayidamāsanam’.
270. “Tassā tadā kocchagatāya kosiyo, yadicchamānāya jaṭājinandharo [jaṭājutindharo (syā. ka.)];  
Navehi pattehi sayam saḥūdakam, sudhābhīhāsī turito mahāmuni.
271. “Sā tam paṭiggayha ubhoḥi pāṇibhi, iccabravi attamanā jaṭādharam;  
‘Handāham etarahi pūjitā tayā, gaccheyyam brahme tidivam jītāvinī”.
272. “Sā kosiyeṇānumatā jutimatā, udīritā [udīrayi (ka.)] vaṇṇamadena mattā;  
Sakāse gantvāna saḥassacakkhuno, ayam sudhā vāsava dehi me jayam.
273. “Tamena [tamenam (syā. ka.)] sakkopi tadā apūjayi, sahindadevā [sahindā ca devā (sī. pī.)]  
surakaṇṇāmuttamam;  
Sā pañjalī devamanussapūjitā, navamhi kocchamhi yadā upāvisi”.
274. “Tameva saṃsī [tameva asaṃsī (syā.)] punadeva mātaliṃ, saḥsanetto tidasānamindo;  
Gantvāna vākyam mama brūhi kosiyaṃ, āsāya saddhā [saddha (pī.)] siriya ca kosiya;  
Hirī sudham kena malattha hetunā.
275. “Tam su vattham udatārayī ratham, daddallamānam upakāriyasādisam [upakiriyasādisam (sī. syā. pī.)].  
Jambonadīsam tapaneyyasannibham [santikam (sī. pī.)], alaṅkatam kañcanacittasannibham.
276. “Suvaṇṇacandetta bahū nipātītā, hatthī gavassā kikibyagghadīpiyo [kimpurisabyagghadīpiyo (ka.)];  
Eṇeyyakā laṅghamayetta pakkhino [pakkhiyo (sī. pī.)], migetta veḷuriyamayā yudhā yutā.
277. “Tatthassarājaharayo ayojayum, dasatāni susunāgasādise;



Alaṅkate kañcanajāluracchade, āveḷine saddagame asaṅgite.

278. “Taṃ yānasetṭhaṃ abhiruyha mātali, disā imāyo [dasa disā imā (sī. syā. pī.)] abhinādayittha; Nabhañca selañca vanappatiñca [vanaspatīni ca (sī. pī.), vanappatiñca (syā. ka.)], sasāgaram pabyadhayittha [pabyāthayittha (sī. pī.)] mediniṃ.
279. “Sa khippameva upagamma assamaṃ, pāvāramekamsakato katañjalī; Bahussutaṃ vuddhaṃ vinītavantaṃ, iccabravī mātali devabrāhmaṇaṃ.
280. “Indassa vākyam nisāmehi kosiya, dūto ahaṃ pucchati taṃ purindado; Āsāya saddhā siriya ca kosiya, hirī sudhaṃ kena malattha hetunā”.
281. “Andhā sirī maṃ paṭibhāti mātali, saddhā aniccā pana devasārathi; Āsā visaṃvādikasammata hi me, hirī ca ariyamhi guṇe paṭiṭṭhitā”.
282. “Kumāriyo yācimā gottarakkhitā, jīṇṇā ca yā yā ca sabhattuitthiyo; Tā chandarāgaṃ purisesu uggataṃ, hiriya nivārenti sacittamattano.
283. “Saṅgāmasīse sarasattisaṃyute, parājītānaṃ patataṃ palāyinaṃ; Hiriya nivattanti jahitva [jahitvāna (syā. ka.)] jīvitaṃ, te sampaṭicchanti punā hirīmanā.
284. “Velā yathā sāgaravegavārinī, hirāya hi pāpajanaṃ nivārinī; Taṃ sabbaloke hirimariyapūjitaṃ, indassa taṃ vedaya devasārathi”.
285. “Ko te imaṃ kosiya diṭṭhimodahi, brahmā mahindo atha vā pajāpati; Hirāya devesu hi seṭṭhasammata, dhītā mahindassa mahesi jāyatha”.
286. “Handehi dāni tidivaṃ apakkama [samakkama (sī. pī.)], rathaṃ samāruyha mamāyitaṃ imaṃ [idaṃ (syā. ka.)]; Indo ca taṃ indasagotta kaṅkhati, ajjeva tvam indasahabyataṃ vāja”.
287. “Evaṃ visujjhanti [samijjhanti (sī. pī.)] apāpakammīno, atho suciṇṇassa phalaṃ na nassati; Ye keci maddakkhu sudhāya bhojanaṃ, sabbeva te indasahabyataṃ gatā”.
288. “Hirī uppalavaṇṇasi, kosiyo dānapati bhikkhu; Anuruddho pañcasikho, ānando āsi mātali.
289. “Sūriyo kassapo bhikkhu, moggallānosi candimā; Nārado sārīputtosi, sambuddho āsi vāsavo”ti.

Sudhābhojanajātakaṃ tatiyaṃ.

### 536. Kuṇāljātakaṃ (4)

Evamakkhāyati, evamanusūyati [suyyati (ka.)]. Sabbosadhadharaṇidhare nekapupphamālyavitate gaja-gavaja mahiṃsa-ruru-camara-pasada-khagga-gokaṇṇa-sīha-byaggha-dīpi-accha-koka-taraccha-uddāra-kadalimiga- biḷāra-sasa-kaṇṇikānucariteākīṇṇanelamaṇḍalamahāvarāhanāgakulakareṇu [kaṇeru (sī. pī.)] -saṅghādhivutṭhe [vutthe (sī. pī.)] issamiga- sākhamiga-sarabhamiga-eṇimiga-vātamiga-pasadamiga-purisālu [purisallu (sī. pī.)] -kimpurisa-yakkha-rakkhasanisevite amajjavamañjarīdhara-pahaṭṭha [brahaṭṭha (sī. pī.)] -pupphaphusitaggā [pupphitagga (sī. pī.)] nekapādapagaṇavittekurara-cakora-vāraṇa-mayūra-parabhata- jīvañjīvaka-celāvaka-bhīnkāra-karavīkamattavihaṅgagaṇa-satata

[[vihan̄gasata \(sī. pī.\)](#)] sampaghuṭṭheañjana-manosilā-haritāla- hiṅgulakahema- rajatakanakānekadhātusatavinaddhapaṭimaṇḍitappadesa evarūpe khalu, bho, ramme vanasaṇḍe **kuṇālo** nāma sakuṇo paṭivasati ativiya citto ativiya cittapattacchadano.

Tasseva khalu, bho, kuṇālassa sakuṇassa aḍḍhuḍḍhāni itthisahassāni paricārikā dijakaññāyo. Atha khalu, bho, dve dijakaññāyo kaṭṭhaṃ mukhena ḍamsitvā [[ḍasitvā \(sī. pī.\) evamuparipi](#)] taṃ kuṇālaṃ sakuṇaṃ majjhe nisīdāpetvā uḍḍenti [[ḍenti \(sī. pī.\) evamuparipi](#)] – “mā naṃ kuṇālaṃ sakuṇaṃ addhānapariyāyapathe kilamatho ubbāhetthā”ti [[ubbāhetthā \(syā. ka.\)](#)].

Pañcasatā [[pañcasata \(pī.\)](#)] dijakaññāyo heṭṭhato heṭṭhato uḍḍenti – [[ḍenti \(sī. pī.\) evamuparipi](#)] “sacāyaṃ kuṇālo sakuṇo āsanā paripatissati, mayaṃ taṃ pakkhehi paṭiggahessāmāti.

Pañcasatā dijakaññāyo uparūpari uḍḍenti – [[ḍenti \(sī. pī.\) evamuparipi](#)] “mā naṃ kuṇālaṃ sakuṇaṃ ātapo paritāpesī”ti [[parikāpīti \(sī. pī.\)](#)].

Pañcasatā pañcasatā [[sī. pī. potthakesu “pañcasatā”ti sakideva āgatam](#)] dijakaññāyo ubhatopassena uḍḍenti – [[ḍenti \(sī. pī.\) evamuparipi](#)] “mā naṃ kuṇālaṃ sakuṇaṃ sītaṃ vā uṇhaṃ vā tiṇaṃ vā rajo vā vāto vā ussāvo vā upaphusī”ti.

Pañcasatā dijakaññāyo purato purato uḍḍenti – “mā naṃ kuṇālaṃ sakuṇaṃ gopālakā vā pasupālakā vā tiṇahārakā vā kaṭṭhahārakā vā vanakammikā vā kaṭṭhena vā kaṭṭhalena vā [[kathalāya vā \(ka.\)](#)] pāṇinā vā ( ) [[\(pāsāṇena vā\) \(syā.\)](#)] leḍḍunā vā daṇḍena vā satthena vā sakkharāhi vā [[sakkharāya vā \(sī.\)](#)] pahāraṃ adaṃsu. Māyaṃ kuṇālo sakuṇo gacchehi vā latāhi vā rukkhehi vā sākḥāhi vā [[idam padadvayaṃ sī. pī. potthakesu natthi](#)] thambhehi vā pāsāṇehi vā balavantehi vā pakkḥīhi saṅgameṣī”ti [[saṅgameṣīti \(sī. pī.\)](#)].

Pañcasatā dijakaññāyo pacchato pacchato uḍḍenti saṇḥāhi sakhilāhi mañjūhi madhurāhi vācāhi samudācarantiyo – “māyaṃ kuṇālo sakuṇo āsane pariyukkaṇṭhī”ti.

Pañcasatā dijakaññāyo disodisaṃ uḍḍenti anekarukkhaividhavikatiphalamāharantiyo – “māyaṃ kuṇālo sakuṇo khudāya parikilamitthā”ti.

Atha khalu, bho, tā [[natthi sī. pī. potthakesu](#)] dijakaññāyo taṃ kuṇālaṃ sakuṇaṃ ārāmeneva ārāmaṃ uyyāneneva uyyānaṃ nadītitheneva nadītithaṃ pabbatasikhareneva pabbatasikharaṃ ambavaneneva ambavanaṃ jambuvaneneva jambuvanaṃ labujavaneneva labujavanaṃ nālīkeraṣaṇcāriyeneva [[sañjādiyeneva \(pī.\)](#)] nālīkeraṣaṇcāriyaṃ khippameva abhisambhonti ratitthāya [[ratatthāya \(sī. pī.\)](#)].

Atha khalu, bho, kuṇālo sakuṇo tāhi dijakaññāhi divasaṃ paribyūḷho evaṃ apasādeti – “nassatha tumhe vasaliyo, vinassatha tumhe vasaliyo, coriyo dhuttiyo asatiyo lahucittāyo katassa appaṭikārikāyo anilo viya yenaḥkāmaṃgamāyo”ti.

Tasseva khalu, bho, himavato pabbatarājassa puratthimadisābhāge susukhumasunipuṇagirippabhava [[ppabhavā \(sī. pī.\)](#)] – haritupayantiyo.

Uppala paduma kumuda naḷina satapatta sogandhika mandālaka [[mandālava \(sī. pī.\)](#)], [mandārava \(ka.\)](#)] sampativirūḷhasucigandha manuññamāvakappadesa [[pāvakappadesa \(sī. pī.\)](#)].

Kuravaka-mucalinda-ketaka-vedisa-vañjula [[vetasamañjula \(sī.\)](#)] -punnāgabakula-tilaka-piyaka- hasanasāla-saḷalacampaka asoka-nāgarukkha-tirīṭi-bhujapatta-lodda-candanoghavanekāḷāgaru-padma- piyaṅgu-devadārukacocagahane kakudhakuṭajaṅkola-kaccikāra [[kacchikāra \(ka.\)](#)] -kaṇikāra-kaṇṇikāra-

kanavera-koraṇḍaka-koviḷāra-kiṃsuka-yodhika vanamallika [navamallika (sī. pī.)] -manaṅgaṇa-manavajja-bhaṇḍi-surucira-bhaginimālāmalyadhare jātisumanamadhugandhika- [madhukabandhuka (ka.)] dhanutakkāri [dhanukāri (sī.), dhanukārika (pī.)] tālīsa-tagaramusīrakoṭṭha-kacchavitate atimuttakasamkusumitalatāvitatapaṭimaṇḍitappadese haṃsa-pilava-kādamba-kāraṇḍavābhinadite vijjādhara-siddha [sindhava (sī. pī.)] -samaṇa-tāpasagaṇādhivutṭhe varadeva-yakkha-rakkhasa-dānava-gandhabba-kinnaramahoragānucinnaṇṇappadese evarūpe khalu, bho, ramme vanasaṇḍe **puṇṇamukho** nāma phussakokilo paṭivasati ativiya madhuragiro vilāsitanayano mattakkho [savilāsitanayanamattakkho (ka.)].

Tasseva khalu, bho, puṇṇamukhassa phussakokilassa aḍḍhuḍḍhāni itthisatāni paricārikā dijakaññāyo. Atha khalu, bho, dve dijakaññāyo kaṭṭhaṃ mukhena daṃsitvā taṃ puṇṇamukhaṃ phussakokilaṃ majjhe nisīdāpetvā uḍḍenti – “mā naṃ puṇṇamukhaṃ phussakokilaṃ addhānapariyāyapathe kilamatho ubbāhetthā”ti.

Paññāsa dijakaññāyo heṭṭhato heṭṭhato uḍḍenti – “sacāyaṃ puṇṇamukho phussakokilo āsanā paripatissati, mayāṃ taṃ pakkhehi paṭiggahessāmā”ti.

Paññāsa dijakaññāyo uparūpari uḍḍenti – “mā naṃ puṇṇamukhaṃ phussakokilaṃ ātapo paritāpesī”ti.

Paññāsa paññāsa dijakaññāyo ubhatopassena uḍḍenti – “mā naṃ puṇṇamukhaṃ phussakokilaṃ sītaṃ vā uṇhaṃ vā tiṇaṃ vā rajo vā vāto vā ussāvo vā upapphusī”ti.

Paññāsa dijakaññāyo purato purato uḍḍenti – “mā naṃ puṇṇamukhaṃ phussakokilaṃ gopālakā vā pasupālakā vā tiṇahārakā vā kaṭṭhahārakā vā vanakammikā vā kaṭṭhena vā kathalāya vā pāṇinā vā leḍḍunā vā daṇḍena vā satthena vā sakkharāhi vā pahāraṃ adaṃsu. Māyaṃ puṇṇamukho phussakokilo gacchehi vā latāhi vā rukkhehi vā sākhāhi vā thambhehi vā pāsāṇehi vā balavantehi vā pakkhīhi saṅgāmesī”ti.

Paññāsa dijakaññāyo pacchato pacchato uḍḍenti saṅhāhi sakhilāhi mañjūhi madhurāhi vācāhi samudācarantiyo – “māyaṃ puṇṇamukho phussakokilo āsane pariyukkaṇṭhī”ti.

Paññāsa dijakaññāyo disodisaṃ uḍḍenti anekarukkhaividhaviṭatiphalamāharantiyo – “māyaṃ puṇṇamukho phussakokilo khudāya parikilamitthā”ti.

Atha khalu, bho, tā dijakaññāyo taṃ puṇṇamukhaṃ phussakokilaṃ ārāmeneva ārāmaṃ uyyāneneva uyyānaṃ nadītitteneva nadītittahaṃ pabbatasikhareneva pabbatasikharaṃ ambavaneneva ambavanaṃ jambuvaneneva jambuvanaṃ labujavaneneva labujavanaṃ nāḷikerasañcāriyeneva nāḷikerasañcāriyaṃ khippameva abhisambhonti ratitthāya.

Atha khalu, bho, puṇṇamukho phussakokilo tāhi dijakaññāhi divasaṃ paribyūḷho evaṃ pasaṃsati – “sādhu, sādhu, bhaginiyo, etaṃ kho, bhaginiyo, tumhākaṃ patirūpaṃ kuladhītānaṃ, yaṃ tumhe bhattāraṃ paricareyyāthā”ti.

Atha khalu, bho, puṇṇamukho phussakokilo yena kuṇālo sakuṇo tenupasaṅkami. Addasaṃsu kho kuṇālassa sakuṇassa paricārikā dijakaññāyo taṃ puṇṇamukhaṃ phussakokilaṃ dūratova āgacchantāṃ; disvāna yena puṇṇamukho phussakokilo tenupasaṅkamiṃsu; upasaṅkamitvā taṃ puṇṇamukhaṃ phussakokilaṃ etadavocum – “ayaṃ, samma puṇṇamukha, kuṇālo sakuṇo ativiya pharusō ativiya pharusavāco, appevanāma tavampi āgamma piyavācaṃ labheyyāmā”ti. “Appevanāma, bhaginiyo”ti vatvā yena kuṇālo sakuṇo tenupasaṅkami; upasaṅkamitvā kuṇālena sakuṇena saddhiṃ paṭisammoditvā ekamantaṃ nisīdi. Ekamantaṃ nisinna kho puṇṇamukho phussakokilo taṃ kuṇālaṃ sakuṇaṃ etadavoca

– “kissa tvam, samma kuṇāla, itthīnaṃ sujātānaṃ kuladhītānaṃ sammāpaṭipannānaṃ micchāpaṭipanno” si [paṭipanno (sī. pī.)]? Amanāpabhāṇīnaṃpi kira, samma kuṇāla, itthīnaṃ manāpabhāṇīnā bhavitabbaṃ, kimaṅga pana manāpabhāṇīna” nti!

Evam vutte, kuṇālo sakuṇo taṃ puṇṇamukhaṃ phussakokilaṃ evaṃ apasādesi – “nassa tvam, samma jamma vasala, vinassa tvam, samma jamma vasala, ko nu tayā viyatto jāyājīnena” ti. Evaṃ apasādito ca pana puṇṇamukho phussakokilo tatoyeva [tato heva (sī. pī.)] paṭinivatti.

Atha khalu, bho, puṇṇamukhassa phussakokilassa aparena samayena nacirasseva [acirasseva accayena (ka.)] kharo ābādhō uppajji lohitapakhandikā. Bāḷhā vedanā vattanti māraṇantikā [maraṇantikā (syā.)]. Atha khalu, bho, puṇṇamukhassa phussakokilassa paricārikānaṃ dijakaññānaṃ etadahosi – “ābādhiko kho ayaṃ puṇṇamukho phussakokilo, appevanāma imamahā ābādhā vuṭṭhaheyyā” ti ekaṃ adutiyaṃ ohāya yena kuṇālo sakuṇo tenupasaṅkamimsu. Addasā kho kuṇālo sakuṇo tā dijakaññāyo dūratova āgacchantiyo, disvāna tā dijakaññāyo etadavoca – “kahaṃ pana tumhaṃ vasaliyo bhata” ti? “Ābādhiko kho, samma kuṇāla, puṇṇamukho phussakokilo appevanāma tamhā ābādhā vuṭṭhaheyyā” ti. Evaṃ vutte, kuṇālo sakuṇo tā dijakaññāyo evaṃ apasādesi – “nassatha tumhe vasaliyo, vinassatha tumhe vasaliyo, coriyo dhuttiyo asatiyo lahucittāyo katassa appaṭikārikāyo anilo viya yena kāmāṃgamāyo” ti; vatvā yena puṇṇamukho phussakokilo tenupasaṅkami; upasaṅkamitvā taṃ puṇṇamukhaṃ phussakokilaṃ etadavoca – “haṃ, samma, puṇṇamukhā” ti. “Haṃ, samma, kuṇālā” ti.

Atha khalu, bho kuṇālo sakuṇo taṃ puṇṇamukhaṃ phussakokilaṃ pakkhehi ca mukhatuṇḍakena ca pariggahetvā vuṭṭhāpetvā nānābhēsajjāni pāyāpesi. Atha khalu, bho, puṇṇamukhassa phussakokilassa so ābādhō paṭippassambhīti. Atha khalu, bho, kuṇālo sakuṇo taṃ puṇṇamukhaṃ phussakokilaṃ gilānavuṭṭhitam [gilānavuṭṭhitam (sī. syā. pī.)] aciravuṭṭhitam gelaññā etadavoca –

“Diṭṭhā mayā, samma puṇṇamukha, kaṇhā dveṭṭikā pañcapatikāya chaṭṭhe purise cittaṃ paṭibandhantiyā, yadidaṃ kabandhe [kavandhe (sī. pī.)] pīṭhasappimhīti. Bhavati ca panuttarettha [punuttacettha (ka.) evamuparipi] vākyam –

**290.** “Athajjuno nakulo bhīmaseno [bhimmaseno (sī. syā. pī.)], yudhiṭṭhilo sahadevo [sīhadevo (ka.)] ca rājā;  
Ete paṭi pañca matticca nārī, akāsi khujjavāmanakena [khujjavāmanena (pī.)] pāpa” nti.

“Diṭṭhā mayā, samma puṇṇamukha, saccatāpāpī [saccatāpāvī (sī. pī.), pañcatāpāvī (syā.)] nāma samaṇī susānamajjhe vasantī catutthabhataṃ pariṇāmayamānā surādhuttakena [tulāputtakena (sī. pī.), sā surādhuttakena (ka.)] pāpamakāsi.

“Diṭṭhā mayā, samma puṇṇamukha, kākavatī [kākātī (sī.), kākāti (pī.)] nāma devī samuddamajjhe vasantī bhariyā venateyyassa naṭakuverena pāpamakāsi.

Diṭṭhā mayā, samma puṇṇamukha, kuraṅgadevī [kuraṅgavī (sī. pī.)] nāma lomasuddarī [lomasundarī (sī. syā. pī.)] eḷikakumāraṃ [eḷamāraṃ (sī.), eḷakakumāraṃ (syā.), eḷakamāraṃ (pī.)] kāmāyamaṇā chaḷaṅgakumārādhānāntevāsīnā pāpamakāsi.

Evañhetam mayā ñātam, brahmadattassa mātaraṃ [mātukā (syā.)] ohāya kosalarājam pañcālacaṇḍena pāpamakāsi.

**291.** “Etā ca aññā ca akāṃsu pāpaṃ, tasmāhamitthīnaṃ na vissase nappasaṃse;  
Mahī yathā jagatī samānarattā, vasundharā itarītarāpatiṭṭhā [itarītarānaṃ patiṭṭhā (syā.), itarītarāpatiṭṭhā (?)];

Sabbasahā aphananā akuppā, tathitthiyo tāyo na vissase naro.

292. “Sīho yathā lohitamaṃsabhojano, vālamigo pañcāvudho [pañcahattho (sī. pī.)] suruddho; Pasayhakhādī parahimsane rato, tathitthiyo tāyo na vissase naro.

“Na khalu [na khalu bho (syā. ka.)], samma puṇṇamukha, vesiyō nāriyo gamaniyo, na hetā bandhakiyo nāma, vadhikāyo nāma etāyo, yadidaṃ vesiyō nāriyo gamaniyo”’ti.

“Coro [corā (sī. syā. pī.)] viya veṇikatā, madirāva [madirā viya (sī. syā.), madiriva (pī.)] diddhā [diṭṭhā (ka.), visaduṭṭhā (syā.)] vāṇijo [vāṇijā (pī.)] viya vācāsanthutiyo, issasiṅghamiva viparivattāyo [parivattāyo (pī.), viparivattāro (ka.)], uragāṃmiva dujivhāyo, sobbhamiva paṭicchannā, pātālamiva duppurā rakkhasī viya duttosā, yamovekantahāriyo, sikhīriva sabbabhakkhā, nadīriva sabbavāhī, anilo viya yenakāmaṃcarā, neru viya avisesakarā, visarukkho viya niccaphalitāyo”’ti. Bhavati ca panuttarettha vākyam –

293. “Yathā coro yathā diddho, vāṇijova vikatthanī; Issasiṅghamiva parivattā [mivāvattō (sī.), mivāvattā (pī.)], dujivhā [dujjivha (pī.)] urago viya.

294. “Sobbhamiva paṭicchannā, pātālamiva duppurā; Rakkhasī viya duttosā, yamovekantahāriyo.

295. [yathā sikhī nadīvāho, anilo kāmacāravā;ṣnerūva avisesā ca, visarukkho viya niccaphalā;ṣnāsayinganti ghare bhogaṃ, ratanānantakaritthi yoti; (sī. syā.)]

“Yathā sikhī nadī vāto, nerunāva samāgatā.

Visarukkho viya niccaphalā, nāsayinganti ghare bhogaṃ; Ratanantakaritthiyo”’ti [yathā sikhī nadīvāho, anilo kāmacāravā;ṣnerūva avisesā ca, visarukkho viya niccaphalā;ṣnāsayinganti ghare bhogaṃ, ratanānantakaritthi yoti; (sī. syā.)].

“Cattārimāni, samma puṇṇamukha, yāni (vatthūni kicce jāte anattacarāni bhavanti; tāni) [( ) sī. syā. potthakesu na dissati] parakule na vāsetabbāni – goṇaṃ dhenuṃ yānaṃ bhariyā. Cattāri etāni paṇḍito dhanāni [yāni (sī. syā. pī.)] gharā na vippavāsaye.

296. ‘Goṇaṃ dhenuṃca yānaṃca, bhariyaṃ ṇātikule na vāsaye; Bhaṅjanti rathaṃ ayānakā, ativāhena hananti puṅgavaṃ; Dohena hananti vacchakaṃ, bhariyā ṇātikule padussati”’ti.

“Cha imāni, samma puṇṇamukha, yāni (vatthūni) [( ) sī. pī. potthakesu nu dissati] kicce jāte anattacarāni bhavanti –

297. ‘Aguṇaṃ dhanu ṇātikule ca bhariyā, pāraṃ nāvā akkhabhaggaṃca yānaṃ; Dūre mitto pāpasahāyako ca, kicce jāte anattacarāni bhava”’nti.

“Aṭṭhahi khalu, samma puṇṇamukha, ṭhānehi itthī sāmikaṃ avajānāti. Daliddatā, āturatā, jīṇṇatā, surāsoṇḍatā, muddhatā, pamattatā, sabbakiccesu anuvattanatā, sabbadhanaanuppādānena – imehi khalu, samma puṇṇamukha, aṭṭhahi ṭhānehi itthī sāmikaṃ avajānāti. Bhavati ca panuttarettha vākyam –

298. ‘Daliddaṃ āturaṅcāpi, jīṇṇakaṃ surasoṇḍakaṃ; Pamattaṃ muddhapattaṅca, sabbakiccesu [rattaṃ kiccesu (sī. pī.)] hāpanaṃ; Sabbakāmapādānena [sabbakāmapaṇidhānena (syā)], avajānāti [avajānanti (sī. pī.)] sāmika”’nti.

“Navahi khalu, samma puṇṇamukha, ṭhānehi itthī padosamāharati. Ārāmagamanasīlā ca hoti, uyyānagamanasīlā ca hoti, nadītitthagamanasīlā ca hoti, ñātikulagamanasīlā ca hoti, parakulagamanasīlā ca hoti, ādāsadussamaṇḍanānuyogamanuyuttasīlā ca hoti, majjapāyinī ca hoti, nillokanasīlā ca hoti, sadvāraṭṭhāyinī [padvāraṭṭhāyinī (sī. syā. pī.)] ca hoti – imehi khalu, samma puṇṇamukha, navahi ṭhānehi itthī padosamāharatīti. Bhavati ca panuttarettha vākyam –

299. ‘Ārāmasīlā ca [ārāmasīlā (sī. pī.)] uyyānam, nadī ñāti parakulam;  
Ādāsadussamaṇḍanamanuyuttā, yā cithī majjapāyinī.

300. ‘Yā ca nillokanasīlā, yā ca sadvāraṭṭhāyinī;  
Navahetehi ṭhānehi, padosamāharanti itthiyo’’ti.

“Cattālīsāya [cattālīsāyi (pī. ka.)] khalu, samma puṇṇamukha, ṭhānehi itthī purisaṃ accācarati [accāvadati (sī. syā. pī.)]. Vijambhati, vinamati, vilasati, vilajjati, nakhena nakham ghaṭṭeti, pādena pādam akkamati, kaṭṭhena pathaviṃ vilikhati [likhati (sī. pī.)], dāraḥkaṃ ullaṅghati ullaṅghāpeti [dāraḥkaṃ ullaṅgheti olaṅgheti (sī. pī.)], kīḷati kīḷāpeti, cumbati cumbāpeti, bhuñjati bhuñjāpeti, dadāti, yācati, katamanukaroti, uccaṃ bhāsati, nīcaṃ bhāsati, aviccaṃ bhāsati, viviccaṃ bhāsati, naccena gītena vādītena rodanena [rodītena (sī. pī.)] vilasītena vibhūsitena jagghati, pekkhati, kaṭṭim cāleti, guyhabhaṇḍakaṃ sañcāleti, ūruṃ vivarati, ūruṃ pidahati, thanaṃ dasseti, kacchaṃ dasseti, nābhīṃ dasseti, akkhiṃ nikhanati, bhamukaṃ ukkhipati, oṭṭhaṃ upalikhati [oṭṭhaṃ palikhati jivhaṃ palikhati (sī. pī.)], jivhaṃ nillāleti, dussaṃ muñcati, dussaṃ paṭibandhati, sirasaṃ muñcati, sirasaṃ bandhati – imehi khalu, samma puṇṇamukha, cattālīsāya ṭhānehi itthī purisaṃ accācarati.

“Pañcavīsāya [pañcavīsāhi (pī. ka.)] khalu, samma puṇṇamukha, ṭhānehi itthī paduṭṭhā vedītabbā bhavati. Sāmīkassa pavāsaṃ vaṇṇeti, pavuṭṭhaṃ na sarati, āgataṃ nābhīnandati, avaṇṇaṃ tassa bhaṇati, vaṇṇaṃ tassa na bhaṇati, anattaṃ tassa carati, atthaṃ tassa na carati, akiccaṃ tassa karoti, kiccaṃ tassa na karoti, paridahitvā sayati, parammukhī nipajjati, parivattakajātā kho pana hoti kunkumiyajātā, dīghaṃ assasati, dukkhaṃ vedayati, uccārapassāvāṃ abhiṇhaṃ gacchati, vilomamācarati, parapurisasaddaṃ sutvā kaṇṇasotaṃ vivaramodahati [vivarati kamodahati (pī.)], nihatabhogā kho pana hoti, paṭivissakehi santhavaṃ karoti, nikkhantapādā kho pana hoti, visikhānucārīnī aticārīnī kho pana hoti, niccaṃ [natthi sī. syā. pī. potthakesu] sāmīke agāravā paduṭṭhamanasaṅkappā, abhiṇhaṃ dvāre tiṭṭhati, kacchāni aṅgāni thanāni dasseti, disodisaṃ gantvā pekkhati – imehi khalu, samma puṇṇamukha, pañcavīsāya [pañcavīsāhi (ka.)] ṭhānehi itthī paduṭṭhā vedītabbā bhavati. Bhavati ca panuttarettha vākyam –

301. ‘Pavāsaṃ tassa vaṇṇeti, gataṃ tassa na socati [pavāsa’massa vaṇṇeti gatim nānusocati (sī. pī.)];

Disvāna patimāgataṃ [disvāpatim āgataṃ (sī. pī.)] nābhīnandati;  
Bhattāraṇṇaṃ na kadāci bhāsati, ete paduṭṭhāya bhavanti lakkhaṇā.

302. ‘Anattaṃ tassa carati asaṅgātā, atthaṅca hāpeti akiccaḥkarīnī;  
Paridahitvā sayati parammukhī, ete paduṭṭhāya bhavanti lakkhaṇā.

303. ‘Parivattajātā ca [parāvattakajātā ca (sī.)] bhavati kunkumī, dīghaṅca assasati dukkhavedīnī;  
Uccārapassāvāṃ abhiṇhaṃ gacchati, ete paduṭṭhāya bhavanti lakkhaṇā.

304. ‘Vilomamācarati akiccaḥkarīnī, saddaṃ nisāmeti parassa bhāsato;  
Nihatabhogā ca karoti santhavaṃ, ete paduṭṭhāya bhavanti lakkhaṇā.

305. ‘Kicchena laddhaṃ kasirābhatam [kasirenābhatam (sī.)] dhanam, vittam vināseti dukkhena sambhatam;  
Paṭivissakehi ca karoti santhavaṃ, ete paduṭṭhāya bhavanti lakkhaṇā.



306. ‘Nikkhantapādā visikhānucārinī, niccañca sāmimhi [niccaṃ sasāmimhi (pī. ka.)] paduṭṭhamānasā;  
Aticārinī hoti apetaḡaravā [tatheva’gāravā (sī. pī.)], ete paduṭṭhāya bhavanti lakkhaṇā.
307. ‘Abhikkhaṇaṃ tiṭṭhati dvāramūle, thanāni kacchāni ca dassayantī;  
Disodisaṃ pekkhati bhantacittā, ete paduṭṭhāya bhavanti lakkhaṇā.
308. ‘Sabbā nadī vaṅkagatī [vaṅkanadī (ka.)], sabbe kaṭṭhamayā vanā;  
Sabbitthiyo kare pāpaṃ, labhamāne nivātake.
309. ‘Sace labhetha khaṇaṃ vā raho vā, nivātakamaṃ vāpi labhetha tādisaṃ;  
Sabbāva itthī kayirumaṃ nu [kareyyu no (sī.), kareyyumaṃ no (pī.)] pāpaṃ, aññaṃ alattha [aladdhā (syā. pī. ka.)] pīṭhasappināpi saddhim.
310. ‘‘Narānamārāmakarāsu nārisu, anekacittāsu aniggahāsu ca;  
Sabbattha nāpītikarāpi [sabba’ttanā’pītikārāpi (sī. syā.)] ce siyā [siyumaṃ (syā.)], na vissase  
tiṭṭhasamā hi nāriyo’’ti.
311. ‘Yaṃ ve [yañca (syā. ka.)] disvā kaṇḍarīkinnarānaṃ [kinnarakinnarīnaṃ (syā.),  
kinnarīkinnarānaṃ (ka.)], sabbitthiyo na ramanti agāre;  
Taṃ tādisaṃ maccaṃ caḡitvā bhariyā, aññaṃ disvā purisaṃ pīṭhasappim.
312. ‘Bakassa ca bāvarikassa [pāvārikassa (sī.), bāvāriyassa (syā.)] rañño, accantakāmānugatassa  
bhariyā;  
Avācarī [accācari (syā.), anācari (ka.)] paṭṭhavasānugassa [baddhavasānugassa (sī. syā.),  
pattavasānugatassa (ka.)], kaṃ vāpi itthī nāticare tadaññaṃ.
313. ‘Piṅgiyānī sabbalokissarassa, rañño piyā brahmadattassa bhariyā;  
Avācarī paṭṭhavasānugassa, taṃ vāpi sā nājjhagā kāmakāminī.
314. ‘Luddhānaṃ [khuddānaṃ (sī. syā. pī.)] lahucittānaṃ, akataññūna dubbhinaṃ;  
Nādevasatto puriso, thīnaṃ saddhātumarahati.
315. ‘Na tā pajānanti kataṃ na kiccaṃ, na mātaraṃ pitaraṃ bhātaraṃ vā;  
Anariyā samatikkantadhammā, sasseva cittassa vasaṃ vajanti.
316. ‘Cirānuvutṭhampi [cirānuvutṭhampi (sī. pī.)] piyaṃ manāpaṃ, anukampakaṃ pāṇasamampi  
bhattumaṃ [santamaṃ (sī. syā. pī.)];  
Āvāsu kicesu ca naṃ jahanti, tasmāhamitthīnaṃ na vissasāmi.
317. ‘Thīnañhi cittaṃ yathā vānarassa, kannappaḡannaṃ yathā rukkhachāyā;  
Calācalaṃ hadayamitthiyānaṃ, cakkassa nemi viya parivattati.
318. ‘Yadā tā passanti samekkhamānā, ādeyyarūpaṃ purisassa vittaṃ;  
Saṇhāhi vācāhi nayanti menaṃ, kambojakā jalajeneva assaṃ.
319. ‘Yadā na passanti samekkhamānā, ādeyyarūpaṃ purisassa vittaṃ;  
Samantato naṃ parivajjayanti, tiṅṅo nadīpāragatova kullaṃ.
320. ‘Silesūpamaṃ sikhiriva sabbabhakkhā, tikkhamāyā nadīriva sīghasotā;  
Sevanti hetā piyamappiyañca, nāvā yathā orakūlaṃ [orakulaṃ (sī.) evamuparipi] parañca.

321. ‘Na tā ekassa na dvinnam, āpaṇova pasārito;  
Yo tā mayhanti maññeyya, vātaṃ jālena bādhaye [bandhaye (syā. ka.)].
322. ‘Yathā nadī ca pantho ca, pānāgāraṃ sabhā papā;  
Evaṃ lokitthiyo nāma, velā tāsam na vijjati [kesuci potthakesu imissā gāthāya  
pubbaddhāparaddham vipariyāyena dissati].
323. ‘Ghatāsanāsamā etā, kaṇhasappasirūpamā;  
Gāvo bahitiṇasseva, omasanti varam varam.
324. ‘Ghatāsanam kuñjaram kaṇhasappam, muddhābhisittam pamadā ca sabbā;  
Ete naro [etena so (pī.)] niccayato [niccayatto (sī. pī.)] bhajetha, tesam have dubbidu  
sabbabhāvo [saccabhāvo (syā.)].
325. ‘Naccantavaṇṇā na bahūnam kantā, na dakkhiṇā pamadā sevitabbā;  
Na parassa bhariyā na dhanassa hetu, etitthiyo pañca na sevitabbā’’.

Atha khalu, bho, ānando gijjharājā kuṇālassa sakuṇassa ādimajjhakathāpariyosānam  
[ādimajjhagāthāpariyosānam (syā. ka.)] viditvā tāyam velāyam imā gāthāyo abhāsi –

326. ‘‘Puṇṇampi cemaṃ pathaviṃ dhanena, dajjitthiyā puriso sammatāya;  
Laddhā khaṇam atimaññeyya tampi, tāsam vasaṃ asatīnam na gacche.
327. ‘‘Uṭṭhāhakaṃ cepi alīnavuttiṃ, komārabhattāraṃ piyaṃ manāpaṃ;  
Āvāsu kicesu ca nam jahanti, tasmāhamitthīnam [tasmā hi itthīnam (sī. pī.)] na vissasāmi.
328. ‘‘Na vissase icchatī mantī poso, na vissase rodātī me sakāse;  
Sevanti hetā piyamappiyañca, nāvā yathā orakūlam parañca.
329. ‘‘Na vissase sākhaṇurāṇasanthataṃ, na vissase mittapurāṇacoram;  
Na vissase rājānam sakhā [rājā sakhā (sī. pī.)] mamantī, na vissase itthi dasanna mātaram.
330. ‘‘Na vissase rāmakarāsu nārisu, accantasīlāsu asaṇṇatāsu;  
Accantapemānugatassa bhariyā, na vissase titthasamā hi nāriyo.
331. ‘‘Haneyyumaṃ chindeyyumaṃ chedāpeyyumpi [haneyyu chindeyyumaṃ chadayeyyumaṃ (sī. pī.),  
haneyyumaṃ chindeyyumaṃ chedāpeyyumaṃ (syā.)], kaṇṭhepi [kaṇṭhampi (sī. syā.)] chetvā  
rudhiraṃ piveyyumaṃ;  
Mā dīnakāmāsu asaṇṇatāsu, bhāvaṃ kare gaṅgatiṭṭhūpamāsu.
332. ‘‘Musā tāsam yathā saccam, saccam tāsam yathā musā;  
Gāvo bahitiṇasseva, omasanti varam varam.
333. ‘‘Gatenetā palobhenti, pekkhitena mhitena ca;  
Athopi dunnivatthena, mañjunā bhaṇitena ca.
334. ‘‘Coriyo kathinā [kaṭhinā (sī. syā. pī.)] hetā, vāḷa ca lapasakkharā;  
Na tā kiñci na jānantī, yaṃ manussesu vañcanaṃ.
335. ‘‘Asā lokitthiyo nāma, velā tāsam na vijjati;  
Sārattā ca pagabbhā ca, sikhī sabbaghaso yathā.



336. “Natthithīnaṃ piyo nāma, appiyopi na vijjati;  
Sevanti hetā piyamappiyañca, nāvā yathā orakūlaṃ parañca.
337. “Natthithīnaṃ piyo nāma, appiyopi na vijjati;  
Dhanattā [dhanatthā (syā.)] paṭivallanti, latāva dumanissitā.
338. “Hatthibandhaṃ assabandhaṃ, gopurisañca maṇḍalaṃ [caṇḍalaṃ (sī. syā. pī.)];  
Chavaḍāhakaṃ pupphachaḍḍakaṃ, sadhanamanupatanti nāriyo.
339. “Kulaputtampi jahanti akiñcanaṃ, chavakasamasadisampi [chavakasamaṃ (syā. pī.)];  
Anugacchanti [gacchanti (pī.)] anupatanti, dhanahetu hi nāriyo’’ti [dhanahetu ca nāriyo (syā.),  
dhanahetu nāriyo (pī.)].

Atha khalu, bho, nārado devabrāhmaṇo ānandassa gijjharājassa ādimajjhakathāpariyosānaṃ veditvā  
tāyaṃ velāyaṃ imā gāthāyo abhāsi –

340. “Cattārome na pūrenti, te me suṇātha bhāsato;  
Samuddo brāhmaṇo rājā, itthī cāpi dijjampati.
341. “Saritā sāgaraṃ yanti, yā kāci pathavissitā;  
Tā samuddaṃ na pūrenti, ūnattā hi na pūrati.
342. “Brāhmaṇo ca adhīyāna, vedamakkhānapañcamāṃ;  
Bhiyyopi sutamiccheyya, ūnattā hi na pūrati.
343. “Rājā ca pathaviṃ sabbāṃ, sasamuddaṃ sapabbataṃ;  
Ajjhāvasaṃ vijjinitvā, anantaratanocitaṃ;  
Pāraṃ samuddaṃ pattheti, ūnattā hi na pūrati.
344. “Ekamekāya itthiyā, aṭṭhaṭṭha patino siyā;  
Sūrā ca balavanto ca, sabbakāmarasāharā;  
Kareyya navame chandaṃ, ūnattā hi na pūrati.
345. “Sabbitthiyo sikkhiraṃ sabbabhakkhā, sabbitthiyo nadīriṃ sabbavāhī;  
Sabbitthiyo kaṇṭakānaṃva sākḥā, sabbitthiyo dhanahetu vajanti.
346. “Vātañca jālena naro parāmase, osiñcaye [osañciyā (sī. pī.)] sāgaramekapāṇinā;  
Sakena hatthena kareyya ghosaṃ [sakena kālena haneyya ghosanaṃ (pī.)], yo sabbabhāvaṃ  
pamadāsu osaje.
347. “Corīnaṃ bahubuddhīnaṃ, yāsu saccaṃ sudullabhaṃ;  
Thīnaṃ bhāvo durājāno, macchassevodake gataṃ.
348. “Analā mudusambhāsā, duppūrā tā nadīsamā;  
Sīdanti naṃ veditvāna, ārakā parivajjaye.
349. “Āvaṭṭanī mahāmāyā, brahmacariyavikopānā;  
Sīdanti naṃ veditvāna, ārakā parivajjaye.
350. “Yaṃ etā [yañcetā (syā.)] upasevanti, chandasā vā dhanena vā;  
Jātavedova saṅṭhānaṃ, khippaṃ anudahanti na’’nti.

Atha khalu, bho, kuṇālo sakuṇo nāradassa devabrāhmaṇassa ādimajjhakathāpariyosānaṃ viditvā tāyaṃ velāyaṃ imā gāthāyo abhāsi –

351. “Sallape nisitakhaggapāṇinā, paṇḍito api pisācadosinā;  
Uggatejamuragampi āside, eko ekāya pamadāya nālape [eko ekapamadaṃ hi nālape (pī.) eko ekapamādāya nālape (?)].
352. “Lokacittamathanā hi nāriyo, naccagītabhaṇitamhitāvudhā;  
Bādhayanti anupaṭṭhitassatiṃ [anupaṭṭhitāsati (pī.)], dīpe rakkhasigaṇova [dīparakkhasigaṇāva (sī.)] vāṇije.
353. “Natthi tāsāṃ vinayo na saṃvaro, majjamaṃsaniratā [majjamaṃsābhiratā (ka.)] asaṅṅatā;  
Tā gilanti purisassa pābhatāṃ, sāgareva makaraṃ timiṅgalo [timiṅgilo (sī. pī.)].
354. “Pañcakāmaguṇasātagocarā, uddhatā aniyatā asaṅṅatā;  
Osaranti pamadā pamādināṃ, loṇatoyavatiyaṃva āpakā.
355. “Yaṃ naraṃ upalapenti [uparamanti (sī. pī.), palāpenti (ka.)] nāriyo, chandasā va ratiyā dhanena vā;  
Jātavedasadisampi tādisaṃ, rāgadosavadhīyo [rāgadosavatiyo (sī. pī.)] dahanti naṃ.
356. “Aḍḍhaṃ ṅatvā purisaṃ mahaddhanaṃ, osaranti sadhanā sahattanā;  
Rattacittamativēṭhayanti naṃ, sāla māluvalatāva kānane.
357. “Tā upenti vividhena chandasā, citrabimbamukhiyo alaṅkatā;  
Uhasanti [ūhasanti (sī. pī.), ohasanti (syā.)] pahasanti nāriyo, sambarova [saṃvarova (syā. pī. ka.)] satamāyakovidā.
358. “Jātarūpamaṇimuttabhūsitā, sakkatā patikulesu nāriyo;  
Rakkhitā aticaranti sāmikaṃ, dānavaṃva hadayantarassitā [hadayantanissitā (ka.), hadayantaranissitā (syā.)].
359. “Tejavāpi hi naro vicakkhaṇo, sakkato bahujaṇassa pūjito;  
Nāriṇaṃ vasagato na bhāsati, rāhunā upahatova candimā.
360. “Yaṃ kareyya kupito diso disaṃ, duṭṭhacitto vasamāgataṃ ariṃ [ari (sī. pī.)];  
Tena bhiyyo byasaṇaṃ nigacchati, nāriṇaṃ vasagato apekkhavā.
361. “Kesaḷūnanakhachinnatajjitā, pādapāṇikasadaṇḍatāḷitā;  
Hīnamevupagatā hi nāriyo, tā ramanti kuṇapeva makkhikā.
362. “Tā kulesu visikhantaresu vā, rājadhāninigamesu vā puna [vā pana (syā.)];  
Oḍḍitaṃ namucipāsavākaraṃ [vāguraṃ (syā.)], cakkhumā parivajje sukhatthiko.
363. “Ossajitva kusalaṃ tapoguṇaṃ, yo anariyacaritāni mācari;  
Devatāhi nirayaṃ nimissati, chedagāmimaṇiyaṃva vāṇijo.
364. “So idha garahito parattha ca, dummatī upahato [upagato (sī. pī.)] sakammunā;  
Gacchati aniyato gaḷāgaḷaṃ, duṭṭhagadrabharathova uppathe.
365. “So upeti nirayaṃ patāpanaṃ, sattisimbaliwanaṅga āyasaṃ;  
Āvasitvā tiracchānayaṇiyaṃ, petarājavisayaṃ na muṅcati [muccati (ka.)].

366. “Dibyakhiḍḍaratiyoṃ ca nandane, cakkavatticaritañca mānuse;  
Nāsayanti pamadā pamādinam, duggatiñca paṭipādayanti nam.
367. “Dibyakhiḍḍaratiyo na dullabhā, cakkavatticaritañca mānuse;  
Soṇṇabyamhanilayā [suvaṇṇabyamhanilayā (syā. ka.), sovaṇṇabyamhanilayā (pī.)] ca accharā,  
ye caranti pamadāhanatthikā.
368. “Kāmadhātusamatikkamā gati, rūpadhātuyā bhāvo [rūpadhātuyā bhavo (sī.),  
rūpadhātusambhavo (syā.)] na dullabho;  
Vītarāgavisayūpapattiyā, ye caranti pamadāhanatthikā.
369. “Sabbadukkkhasamatikkamaṃ sivaṃ, accantamacalitaṃ asaṅkhatam;  
Nibbuthehi sucihī na dullabham, ye caranti pamadāhanatthikā’’ti.
370. “Kuṇāloham tadā āsiṃ, udāyī phussakokilo;  
Ānando gijjharājāsī, sārīputto ca nārado;  
Parisā buddhāparisā, evaṃ dhāretha jātaka’’nti.

Kuṇāljātakaṃ catuttham.

### 537. Mahāsutasomajātakaṃ (5)

371. “Kasmā tuvaṃ rasaka edisāni, karosi kammāni sudāruṇāni;  
Hanāsi itthī purise ca mūlho, maṃsassa hetu adu [ādu (sī. syā.)] dhanassa kāraṇā’’.
372. “Naṃ attahetū na dhanassa kāraṇā, na puttadārassa sahāyañātinaṃ;  
Bhattā ca me bhagavā bhūmipālo, so khādāti maṃsam bhadantedisaṃ’’.
373. “Sace tuvaṃ bhatturatthe payutto, karosi kammāni sudāruṇāni;  
Pātova antepuraṃ pāpuṇivā, lapeyyāsī me rājino sammukhe taṃ’’.
374. “Tathā karissāmi aham bhadante, yathā tuvaṃ [yameva tvam (sī.)] bhāsasi kāḷahatthi;  
Pātova antepuraṃ pāpuṇivā, vakkhāmi te rājino sammukhe taṃ’’.
375. Tato ratyā vivasāne [vivasane (sī. syā. pī.)], sūriyuggamaṃ pati;  
Kāḷo rasakamādāya, rājānaṃ upasaṅkami;  
Upasaṅkamma [upasaṅkamitvā (sī. syā. pī.)] rājānaṃ, idaṃ vacanamabravi.
376. “Saccaṃ kira mahārāja, rasako pesito tayā;  
Hanati itthipurise, tuvaṃ maṃsāni khādasi’’.
377. “Evameva tathā kāḷa, rasako pesito mayā;  
Mama attham karontassa, kimetaṃ paribhāsasi’’.
378. “Ānando sabbamacchānaṃ, khāditvā rasagiddhimā;  
Parikkhīṇāya parisāya, attānaṃ khādiyā mato.
379. “Evaṃ pamatto rasagārave ratto [rato (sī. syā. pī.)], bālo yadī āyati nāvabujjhati;  
Vidhamma putte caji [cajivā (ka.)] ñātaka ca, parivattiya attānaññeva [attānameva (sī. pī.)]  
khādāti.
380. “Idaṃ te sutvāna vigetu [vihetu (sī. pī.)] chando, mā bhakkhayī [mā bhakkhasī (sī. pī.)] rāja

manussamaṃsaṃ;

Mā tvam̐ imaṃ kevalaṃ vārijoṃ, dvipadādhipa [dīpadādīpa (sī. pī.) evamuparipi] suññaṃakāsi raṭṭhaṃ”.

381. “Sujāto nāma nāmena, oraso tassa atrajo [tassa orasa atrajo (sī.), tassa atraja oraso (pī.)]; Jambupesimaladdhāna, mato so tassa saṅkhaye.
382. “Evameva ahaṃ kāḷa, bhutvā bhakkhaṃ rasuttamaṃ; Aladdhā mānusaṃ maṃsaṃ, maññe hissāmi [hessāmi (sī. syā.), hassāmi (pī.)] jīvitaṃ”.
383. “Māṇava abhirūposi, kule jātosī sotthiye; Na tvam̐ arahasi tāta, abhakkhaṃ bhakkhayeṭave”.
384. “Rasānaṃ aññataraṃ etaṃ, kasmā [yasmā (sī. pī.)] maṃ tvam̐ nivāraye; Sohaṃ tattha gamissāmi, yattha lacchāmi edisaṃ.
385. “Sovāhaṃ nippatissāmi, na te vacchāmi santike; Yassa me dassanena tvam̐, nābhinandasi brāhmaṇa”.
386. “Addhā aññepi dāyāde, putte lacchāma māṇava; Tvañca jamma vinassassu, yattha pattaṃ na taṃ suṇe”.
387. “Evameva tuvaṃ rāja, dvipadinda suṇohi me; Pabbājessanti taṃ raṭṭhā, soṇḍaṃ māṇavakaṃ yathā”.
388. “Sujāto nāma nāmena, bhāvitattāna sāvako; Accharaṃ kāmayantova, na so bhūñji na so pivi.
389. “Kusaggenudakamādāya [kusagge udakamādāya (sī. pī.)], samudde udakaṃ mine; Evaṃ mānusakā kāmā, dibbakāmāna santike.
390. “Evameva ahaṃ kāḷa, bhutvā bhakkhaṃ rasuttamaṃ; Aladdhā mānusaṃ maṃsaṃ, maññe hissāmi jīvitaṃ”.
391. “Yathāpi te dhataratṭhā, haṃsā vehāyasaṅgamā; Abhuttaparibhogena [avuttiparibhogena (sī. pī.), ayuttaparibhogena (syā.)], sabbe abbatthataṃ gatā.
392. “Evameva tuvaṃ rāja, dvipadinda suṇohi me; Abhakkhaṃ rāja bhakkhesi, tasmā pabbājayanti taṃ”.
393. “Tiṭṭhāhīti mayā vutto, so tvam̐ gacchasi pammukho [pāmukho (ka.)]; Aṭṭhito tvam̐ ṭhitomhīti, lapasi brahmacārini; Idaṃ te samaṇāyuttaṃ, asiñca me maññasi kaṅkapattaṃ” [kaṅkhapattaṃ (syā. ka.)].
394. “Ṭhitohamaṃsā sadhammesu rāja, na nāmagottaṃ parivattayāmi; Coraṅca loke aṭṭhitaṃ vadanti, āpāyikaṃ nerayikaṃ ito cutaṃ.
395. “Sace tvam̐ saddahasi [sacepi sahasi (sī. pī.)] rāja, sutam̐ gaṇhāhi khattiya [khattiyam̐ (syā.)]; Tena yaññaṃ yajitvāna, evaṃ saggam̐ gamissasi”.
396. “Kismiṃ nu raṭṭhe tava jātibhūmi [jātabhūmi (sī.)], atha kena atthena idhānupatto;

Akkhāhi me brāhmaṇa etamatthaṃ, kimicchāsī demi tayajja patthitaṃ’.

397. ‘‘Gāthā catasso dharaṇīmahissara, sugambhiratthā varasāgarūpamā;  
Taveva atthāya idhāgatossī, suṇohi gāthā paramatthasamhitā’.
398. ‘‘Na ve rudanti matimanto sapañña, bahussutā ye bahuṭṭhānacintino;  
Dīpañhi etaṃ paramaṃ narānaṃ, yaṃ paṇḍitā sokanudā bhavanti.
399. ‘‘Attānaṃ ñātī udāhu [uda (sī. pī.)] puttadāraṃ, dhaññaṃ dhanaṃ rajataṃ jātarūpaṃ;  
Kimeva tvam [kimo nu tvam (sī. pī.)] sutasomānutappe, korabyasetṭha vacanaṃ suṇoma  
tetaṃ’.
400. ‘‘Nevāhamattānamanutthunāmi, na puttadāraṃ na dhanaṃ na raṭṭhaṃ;  
Satañca dhammo carito purāṇo, taṃ saṅkaraṃ [saṅgaram (sī. syā. pī.) evamuparipi]  
brāhmaṇassānutappe.
401. ‘‘Kato mayā saṅkaro brāhmaṇena, raṭṭhe sake issariye ṭhitena;  
Taṃ saṅkaraṃ brāhmaṇasappadāya, saccānurakkhī punarāvajissaṃ’.
402. ‘‘Nevāhametaṃ abhisaddahāmi, sukhī naro maccumukhā pamutto;  
Amittahatthaṃ punarāvajeyya, korabyasetṭha na hi maṃ upesi.
403. ‘‘Mutto tuvaṃ porisādassa hatthā, gantvā sakaṃ mandiraṃ kāmakāmī;  
Madhuraṃ piyaṃ jīvitaṃ laddha rāja, kuto tuvaṃ ehisi me sakāsaṃ’.
404. ‘‘Mataṃ vareyya parisuddhasīlo, na jīvitaṃ [na hi jīvitaṃ (sī.)] garahito pāpadhammo;  
Na hi taṃ naraṃ tāyati [tāyate (sī. syā. pī. ka.)] duggatīhi, yassāpi hetu alikaṃ bhaṇeyya.
405. ‘‘Sacepi vāto girimāvaheyya, cando ca sūriyo ca chamā pateyyuṃ;  
Sabbā ca najjo paṭisotaṃ vajeyyuṃ, na tvevahaṃ rāja musā bhaṇeyyaṃ.
406. [ayaṃ gāthā sī. pī. potthakesu na dissati] ‘‘Nabhaṃ phaleyya udadhīpi susse, saṃvaṭṭaye  
bhūṭadharā vasundharā;  
Siluccayo meru samūlamuppate, na tvevahaṃ rāja musā bhaṇeyyaṃ’’ [ayaṃ gāthā sī. pī.  
potthakesu na dissati].
407. ‘‘Asiñca sattiñca parāmasāmi, sapaṭhampi te samma ahaṃ karomi;  
Tayā pamutto anaṇo bhavitvā, saccānurakkhī punarāvajissaṃ’.
408. ‘‘Yo te kato saṅkaro brāhmaṇena, raṭṭhe sake issariye ṭhitena;  
Taṃ saṅkaraṃ brāhmaṇasappadāya, saccānurakkhī punarāvajassu’.
409. ‘‘Yo me kato saṅkaro brāhmaṇena, raṭṭhe sake issariye ṭhitena;  
Taṃ saṅkaraṃ brāhmaṇasappadāya, saccānurakkhī punarāvajissaṃ’.
410. ‘‘Mutto ca so porisādassa hatthā, gantvāna taṃ brāhmaṇaṃ etadavoca;  
Suṇoma [suṇomi (sī. syā.)] gāthāyo satārahāyo, yā me sutā assu hitāya brahme’.
411. ‘‘Sakideva sutasoma, sabbhi hoti [hotu (pī.)] samāgamo;  
Sā naṃ saṅgati pāleti, nāsabbhi bahusaṅgamo.
412. ‘‘Sabbhireva samāsetha, sabbhi kubbetha santhavaṃ;

Sataṃ saddhammamaññāya, seyyo hoti na pāpiyo.

413. “Jīranti ve rājarathā sucittā, atho sarīrampi jaraṃ upeti;  
Satañca dhammo na jaraṃ upeti, santo have sabbhi pavedayanti.
414. “Nabhañcaṃ dūre pathavī ca dūre, pāraṃ samuddassa tadāhu dūre;  
Tato have dūratarāṃ vadanti, satañca dhammo [dhammaṃ (sī. pī.)] asatañca rāja”.
415. “Sahassiyā [sahassiyō (sī. pī.)] imā gāthā, nahimā [na imā, (sī. pī.) nayimā (syā.)] gāthā  
satārahā;  
Cattāri tvaṃ sahasāni, khippaṃ gaṇhāhi brāhmaṇa”.
416. “Āsītiyā nāvutiyā [asītiyā navutiyā (pī.)] ca gāthā, satārahā cāpi bhavēyya [bhavēyyu (sī. syā.  
pī.)] gāthā;  
Paccattameva sutasoma jānāhi, sahasiyā nāma kā atthi [sahassiyō nāma idhatthi (sī.)] gāthā”.
417. “Icchāmi voḥaṃ sutavuddhimattano, santoti maṃ [santo mamaṃ (syā.), santo ca maṃ (sī. pī.  
ka.)] sappurisā bhajeyyumaṃ;  
Ahaṃ savantīhi mahodadhīva, na hi tāta tappāmi subhāsitena.
418. “Aggi yathā tiṇakaṭṭhaṃ dahanto, na tappaṭī sāgarova [sāgaro vā (sī. pī.)] nadīhi;  
Evampi te paṇḍitā rājasēṭṭha, sutvā na tappanti subhāsitena.
419. “Sakassa dāsassa yadā suṇomi, gāthaṃ ahaṃ atthavatiṃ [gāthā ahaṃ atthavati (sī. pī.)]  
janinda;  
Tameva sakkacca nisāmayāmi, na hi tāta dhammesu mamatthi titti”.
420. “Idaṃ te raṭṭhaṃ sadhanaṃ sayoggaṃ, sakāyuraṃ sabbakāmūpapannaṃ;  
Kiṃ kāmāhetu paribhāsasimaṃ [bhāsase maṃ (sī. syā. pī.)], gacchāmaḥ porisādassa  
ñatte” [porisādassa kante (sī. pī.), porisādassupante (ka.)].
421. “Attānurakkhāya bhavanti hete, hatthārohā rathikā pattikā ca;  
Assāruhā [assārohā (syā. pī.)] ye ca dhanuggahāse, senaṃ payuñjāma hanāma sattaṃ”.
422. “Sudukkaraṃ porisādo akāsi, jīvaṃ gahetvāna avassajī maṃ;  
Taṃ tādīsaṃ pubbakiccaṃ saranto, dubbhe ahaṃ tassa kathaṃ janinda”.
423. “Vanditvā so pitaraṃ mātarañca, anusāsetvā negamañca balañca;  
Saccavādī saccānurakkhamāno, agamāsi so yattha porisādo”.
424. “Kato mayā saṅkaro brāhmaṇena, raṭṭhe sake issariye ṭhitena;  
Taṃ saṅkaraṃ brāhmaṇasappadāya, saccānurakkhī punarāgatosmi;  
Yajassu yaññaṃ khāda maṃ porisāda”.
425. “Na hāyate khāditaṃ [khāditaṃ (sī. syā. pī.)] mayhaṃ pacchā, citakā ayaṃ tāva sadhūmikāva  
[sadhūmakā ca (syā.)];  
Niddhūmake pacitaṃ sādhuṃpaccaṃ, suṇoma [suṇomi (sī.), suṇāma (pī.)] gāthāyo satārahāyo”.
426. “Adhammiko tvaṃ porisādakāsi [porisādamakāsi (ka.)], raṭṭhā ca bhaṭṭho udarassa hetu;  
Dhammañcimā abhivadanti gāthā, dhammo ca adhammo ca kuhiṃ sameti.
427. “Adhammikassa luddassa, niccaṃ lohitapāṇino;

Natthi saccam kuto dhammo, kiṃ sutena karissasi’’.

428. ‘‘Yo maṃsahetu migavaṃ careyya, yo vā hane purisamattahetu;  
Ubhopi te pecca samā bhavanti, kasmā no [kasmā nu (ka.)] adhammikaṃ brūsi maṃ tvam’’.
429. ‘‘Pañca pañcanakhā bhakkhā, khattiyena pajānatā;  
Abhakkhaṃ rāja bhakkhesi, tasmā adhammiko tuvaṃ’’.
430. ‘‘Mutto tuvaṃ porisādassa hatthā, gantvā sakaṃ mandiraṃ kāmakāmī;  
Amittahatthaṃ punarāgatosi, na khattadhamme kusalosi rāja’’.
431. ‘‘Ye khattadhamme kusalā bhavanti, pāyena te nerayikā bhavanti;  
Tasmā ahaṃ khattadhammaṃ pahāya, saccānurakkhī punarāgatosmi;  
Yajassu yaññaṃ khāda maṃ porisāda’’.
432. ‘‘Pāsādavāsā pathavīgavassā, kāmitthiyo kāsikacandanañca;  
Sabbhaṃ tahiṃ labhasi [labbhati (pī.)] sāmitāya, saccena kiṃ passasi ānisaṃsaṃ’’.
433. ‘‘Ye kecime atthi rasā pathabyā, saccam tesam sādhitaram rasānaṃ;  
Sacce t̥hitā samaṇabrāhmaṇā ca, taranti jātimaraṇassa pāraṃ’’.
434. ‘‘Mutto tuvaṃ porisādassa hatthā, gantvā sakaṃ mandiraṃ kāmakāmī;  
Amittahatthaṃ punarāgatosi, na hi nūna te maraṇabhayaṃ janinda;  
Alīnacitto asi [ca’si (sī. syā. pī.)] saccavādī’’.
435. ‘‘Katā me kalyāṇā anekarūpā, yañña yit̥thā ye vipulā pasatthā;  
Visodhito paralokassa maggo, dhamme t̥hito ko maraṇassa bhāye.
436. ‘‘Katā me kalyāṇā anekarūpā, yañña yit̥thā ye vipulā pasatthā;  
Anānutappaṃ paralokaṃ gamissaṃ, yajassu yaññaṃ ada [khāda (sī. syā. pī.)] maṃ porisāda.
437. ‘‘Pitā ca mātā ca upat̥thitā me, dhammena me issariyaṃ pasatthaṃ;  
Visodhito paralokassa maggo, dhamme t̥hito ko maraṇassa bhāye.
438. ‘‘Pitā ca mātā ca upat̥thitā me, dhammena me issariyaṃ pasatthaṃ;  
Anānutappaṃ paralokaṃ gamissaṃ, yajassu yaññaṃ ada maṃ porisāda.
439. ‘‘Ñātīsu mittesu katā me kārā [katūpakāro (syā. ka.)], dhammena me issariyaṃ pasatthaṃ;  
Visodhito paralokassa maggo, dhamme t̥hito ko maraṇassa bhāye.
440. ‘‘Ñātīsu mittesu katā me kārā, dhammena me issariyaṃ pasatthaṃ;  
Anānutappaṃ paralokaṃ gamissaṃ, yajassu yaññaṃ ada maṃ porisāda.
441. ‘‘Dinnaṃ me dānaṃ bahudhā bahūnaṃ, santappitā samaṇabrāhmaṇā ca;  
Visodhito paralokassa maggo, dhamme t̥hito ko maraṇassa bhāye.
442. ‘‘Dinnaṃ me dānaṃ bahudhā bahūnaṃ, santappitā samaṇabrāhmaṇā ca;  
Anānutappaṃ paralokaṃ gamissaṃ, yajassu yaññaṃ ada maṃ porisāda’’.
443. ‘‘Visaṃ pajānaṃ puriso adeyya, āsīvisaṃ jalitamuggatejaṃ;  
Muddhāpi tassa vipahaleyya [vipateyya (sī. pī.)] sattadhā, yo tādissaṃ saccavādiṃ adeyya’’.



444. “Sutvā dhammaṃ vijānanti, narā kalyāṇapāpakam;  
Api gāthā suṇitvāna, dhamme me ramate [ramatī (sī. pī.)] mano”.
445. “Sakideva mahārāja [sutasoma (sī. pī.)], sabbhi hoti samāgamo;  
Sā naṃ saṅgati pāleti, nāsabbhi bahusaṅgamo.
446. “Sabbhireva samāsetha, sabbhi kubbetha santhavaṃ;  
Sataṃ saddhammamaññāya, seyyo hoti na pāpiyo.
447. “Jīranti ve rājarathā sucittā, atho sarīrampi jaraṃ upeti;  
Satañca dhammo na jaraṃ upeti, santo have sabbhi pavedayanti.
448. “Nabhañcaṃ dūre pathavī ca dūre, pāraṃ samuddassa tadāhu dūre;  
Tato have dūratarāṃ vadanti, satañca dhammo [dhammaṃ (sī. pī.)] asatañca rāja”.
449. “Gāthā imā atthavatī subyañjanā, subhāsītā tuyha janinda sutvā;  
Ānandi vitto sumano patīto, cattāri te samma vare dadāmi”.
450. “Yo nattano maraṇaṃ bujjhasi tuvaṃ [bujjhase tvam (sī. pī.), bujjhase tvam (syā.)],  
hitāhitam vinipātañca saggam;  
Giddho rase duccharite nivīṭṭho, kiṃ tvam varaṃ dassasi pāpadhamma.
451. “Ahañca taṃ dehi varanti vajjam, tvañcāpi datvāna avākareyya;  
Sandiṭṭhikaṃ kalahamimaṃ vivādam, ko paṇḍito jānamupabbajeyya”.
452. “Na taṃ varaṃ arahati jantu dātum, yaṃ vāpi datvāna avākareyya;  
Varassu samma avikampamāno, pāṇaṃ cajitvānapi dassameva”.
453. “Ariyassa ariyena sameti sakhyaṃ [sakkhi (sī. syā. pī.)], paññassa paññāṇavatā sameti;  
Passeyya taṃ vassasataṃ arogaṃ [ārogyam (ka.)], etaṃ varānaṃ paṭhamam varāmi”.
454. “Ariyassa ariyena sameti sakhyaṃ, paññassa paññāṇavatā sameti;  
Passāsī maṃ vassasataṃ arogaṃ, etaṃ varānaṃ paṭhamam dadāmi”.
455. “Ye khattiyāse idha bhūmipālā, muddhābhisittā katanāmadheyyā;  
Na tādise bhūmipatī adesi, etaṃ varānaṃ dutiyaṃ varāmi”.
456. “Ye khattiyāse idha bhūmipālā, muddhābhisittā katanāmadheyyā;  
Na tādise bhūmipatī ademi, etaṃ varānaṃ dutiyaṃ dadāmi”.
457. “Parosataṃ khattiyā te gahitā, talāvutā assumukhā rudantā;  
Sake te raṭṭhe paṭipādayāhi, etaṃ varānaṃ tatiyaṃ varāmi”.
458. “Parosataṃ khattiyā me gahitā, talāvutā assumukhā rudantā;  
Sake te raṭṭhe paṭipādayāmi [sakena raṭṭhena paṭipādayāmi te (sī.)], etaṃ varānaṃ tatiyaṃ  
dadāmi”.
459. “Chiddam te raṭṭham byathitā [byathitam (sī.), byādhitam (pī.)] bhayā hi, puthū narā  
leṇamanuppaviṭṭhā;  
Manussamaṃsaṃ viramehi [viramāhi (syā.)] rāja, etaṃ varānaṃ catuttham varāmi”.
460. “Addhā hi so bhakkho mama [mamaṃ (sī. syā. pī.)] manāpo, etassa hetumhi [hetumpi (pī.)]



vanam pavitt̃ho;  
Soham katham etto upārameyyam, aññam varānam catuttham varassu’.

461. “Nam ve piyam meti janinda tādiso, attam niramkacca [niramkatvā (sī. syā. pī.)] piyāni sevati; Attāva seyyo paramā ca [paramāva (bahūsu) jā. 1.6.81 sam sandetabham] seyyo, labbhā piyā ocitatthena [ocitattena (ka.)] pacchā’.
462. “Piyam me mānusaṃ maṃsaṃ, sutasoma vijānahi; Namhi sakkā [namhi sakko (sī. pī.)] nivāretuṃ, aññam [aññam tuvaṃ (sī. syā. pī.)] varam samma varassu’.
463. “Yo ve piyam meti piyānurakkhī [piyānukañkhī (sī. pī.)], attam niramkacca piyāni sevati; Soṇḍova pitvā visamissapānam [pitvana visassa thālam (sī. pī.), pitvā visamissathālam (syā. ka.)], teneva so hoti dukkhī parattha.
464. “Yo cīdha sañkhāya piyāni hitvā, kicchenapi sevati ariyadhamme [ariyadhammaṃ (sī. pī.)]; Dukkhitova pitvāna yathosadhāni, teneva so hoti sukhī parattha’.
465. “Ohāyahaṃ pitaraṃ mātarāñca, manāpiye kāmaguṇe ca [kāmaguṇepi (syā. ka.)] pañca; Etassa hetumhi vanam pavitt̃ho, tam te varam kinti maham dadāmi’.
466. “Na paṇḍitā diguṇamāhu vākyam, saccappaṭiññāva bhavanti santo; Varassu samma iti maṃ avoca, iccabravī tvaṃ na hi te sameti’.
467. “Apuññalābham ayasaṃ akittim, pāpaṃ bahum duccharitam kilesam; Manussamaṃsassa kate [bhavo (syā. ka.)] upāgā, tam te varam kinti maham dadeyyam.
468. “Nam tam varam arahati jantu dātum, yaṃ vāpi datvāna avākareyya; Varassu samma avikampamāno, paṇam cajitvānapi dassameva’.
469. “Paṇam cajanti santo nāpi dhammaṃ, saccappaṭiññāva bhavanti santo; Datvā varam khippamavākarohi, etena sampajja surājasettha.
470. “Caje dhanam [dhanam caje (sī.)] aṅgavarassa hetu [yo pana aṅgahetu (sī. pī.)], aṅgam caje jīvitam rakkhamāno; Aṅgam dhanam jīvitañcāpi sabbam, caje nara dhammanussaranto’.
471. “Yasmā hi dhammaṃ puriso vijaññā, ye cassa kaṅkham vinayanti santo; Tam hissa dīpañca parāyaṇaṅca, na tena mittim jirayetha [jarayetha (sī. pī.)] pañño.
472. “Addhā hi so bhakkho mama manāpo, etassa hetumhi vanam pavitt̃ho; Sace ca maṃ yācasi etamattham, etampi te samma varam dadāmi.
473. “Sathā ca me hosi sakhā ca mesi, vacanampi te samma aham akāsim; Tuvampi [tvampi (syā. ka.)] me samma karohi vākyam, ubhopi gantvāna pamocayāma’.
474. “Sathā ca te homi sakhā ca tyamhi, vacanampi me samma tuvaṃ akāsi; Ahampi te samma karomi vākyam, ubhopi gantvāna pamocayāma’.
475. “Kammāsapādenam viheṭhitattha [viheṭhitamhā (syā. ka.)], talāvutā assumukhā rudantā; Na jātu dubbhetha imassa rañño, saccappaṭiññam me paṭissuṇātha’.

476. “Kammāsapādena viheṭṭhitamhā, talāvutā assumukhā rudantā;  
Na jātu dubbhema imassa rañño, saccappaṭiññaṃ te paṭissuṇāma”.
477. “Yathā pitā vā atha vāpi mātā, anukampakā atthakāmā pajānaṃ;  
Evameva vo [evameva (sī.), evampi vo (syā.)] hotu ayañca rājā, tumhe ca vo hotha yatheva  
puttā”.
478. “Yathā pitā vā atha vāpi mātā, anukampakā atthakāmā pajānaṃ;  
Evameva no hotu [evampi no (syā.)] ayañca rājā, mayampi hessāma yatheva [tatheva (pī.)]  
puttā”.
479. “Catuppadaṃ sakuṇaṅcāpi maṃsaṃ, sūdehi randhaṃ sukataṃ suniṭṭhitaṃ;  
Sudhaṃva indo paribhuñjīyāna, hitvā katheko ramaṣī araññe.
480. “Tā khattiyā vallivilākamajjhā, alaṅkatā samparivārayitvā;  
Indaṃva devesu pamodayiṃsu, hitvā katheko ramaṣī araññe.
481. “Tambūpadhāne bahugoṇakamhi, subhamhi [sucimhi (sī. pī.)] sabbassayanamhi saṅge  
[saññate (sī. pī.), laṅgate (syā.)];  
Seyyassa [sayanassa (sī. syā. pī. ka.)] majjhamhi sukhaṃ sayitvā, hitvā katheko ramaṣī araññe.
482. “Pāṇissaraṃ kumbhathūṇaṃ nisīthe, athopi ve nippurisampi tūriyaṃ;  
Bahaṃ sugītañca suvāditañca, hitvā katheko ramaṣī araññe.
483. “Uyyānasampannaṃ pahūtamālyaṃ, migājinūpetapuraṃ [migācirūpetapuraṃ (sī. pī.)]  
surammaṃ;  
Hayehi nāgehi rathehupetaṃ, hitvā katheko ramaṣī araññe”.
484. “Kāḷapakkhe yathā cando, hāyateva suve suve;  
Kāḷapakkhūpamo rāja, asataṃ hoti samāgamo.
485. “Yathāhaṃ [yathā (sī.)] rasakamāgama, sūdaṃ kāpurisādhammaṃ [sūdakaṃ purisādhammaṃ  
(sī. pī.)];  
Akāsiṃ pāpakaṃ kammaṃ, yena gacchāmi duggatiṃ.
486. “Sukkapakkhe yathā cando, vaḍḍhateva suve suve;  
Sukkapakkhūpamo rāja, sataṃ hoti samāgamo.
487. “Yathāhaṃ tuvamāgama, sutasoma vijānahi;  
Kāhāmi kusalaṃ kammaṃ, yena gacchāmi suggatiṃ.
488. “Thale yathā vāri janinda vuṭṭhaṃ [vaṭṭhaṃ (sī. pī.)], anaddhaneyyaṃ na ciraṭṭhitikaṃ;  
Evampi hoti asataṃ samāgamo, anaddhaneyyo udakaṃ thaleva.
489. “Sare yathā vāri janinda vuṭṭhaṃ, ciraṭṭhitikaṃ naravīraseṭṭha [naravīraseṭṭha (sī. pī.)];  
Evampi ve [evampi me (syā.), evampi ce (pī. ka.)] hoti sataṃ samāgamo, ciraṭṭhitiko  
[ciraṭṭhitikaṃ (ka.)] udakaṃ sareva.
490. “Abyāyiko hoti sataṃ samāgamo, yāvampi tiṭṭheyya tatheva hoti;  
Khippañhi veti asataṃ samāgamo, tasmā sataṃ dhammo asabbhi ārakā”.
491. “Na so rājā yo [rājā na so yo (ka.)] ajeyyaṃ jināti, na so sakhā yo sakhāraṃ jināti;

Na sã bhariyã yã patino na vibheti, na te puttã [puttã na te (ka.)] ye na bharanti jinnãṃ.

492. “Na sã sabhã yattha na santi santo, na te santo [santo na te (ka.)] ye na bhaṇanti dhammaṃ; Rãgañca dosañca pahãya mohaṃ, dhammaṃ bhaṇantãva bhavanti santo.
493. “Nãbhãsamãnaṃ jãnanti, missaṃ bãlehi paṇḍitaṃ; Bhãsamãnañca jãnanti, desentaṃ amataṃ padaṃ.
494. “Bhãsaye jotaye dhammaṃ, paggañhe isinaṃ dhajaṃ; Subhãsitaddhajã isayo, dhammo hi isinaṃ dhajo”ti.

Mahãsutasomajãtakaṃ pañcamaṃ.

Asĩtinipãtaṃ niṭṭhitaṃ.

Tassuddãnaṃ –

Sumukho pana hamsavaro ca mahã, sudhabhojaniko ca paro pavaro;  
Sakuṇãladijãdhipativhayano, sutasomavaruttamasavhayanoti.

## 22. Mahãnipãto

### 538. Mũgapakkhajãtakaṃ (1)

1. “Mã paṇḍiccayaṃ [paṇḍitiyaṃ (sĩ.), paṇḍicciyaṃ (pĩ.)] vibhãvaya, bãlamato bhava sabbapãñinaṃ; Sabbo taṃ jano ocinãyatu, evaṃ tava attho bhavissati”.
2. “Karomi te taṃ vacanaṃ, yaṃ maṃ bhaṇasi devate; Atthakãmasi me amma, hitakãmasi devate”.
3. “Kiṃ nu santaramãnova, kãsuṃ khaṇasi sãrathi; Puṭṭho me samma akkhãhi, kiṃ kãsuyã karissasi”.
4. “Rañño mũgo ca pakkho ca, putto jãto acetaso; Somhi raññã samajjhittṭho, puttaṃ me nikhaṇaṃ vane”.
5. “Na badhiro na mũgosmi, na pakkho na ca vĩkalo [napi paṅgulo (sĩ. pĩ.), na ca piṅgalo (syã.)]; Adhammaṃ sãrathi kayirã, maṃ ce tvaṃ nikhaṇaṃ vane”.
6. “Ūrũ bãhuṃ [bãhũ (sĩ. ka.)] ca me passa, bhãsitãñca suṇohi me; Adhammaṃ sãrathi kayirã, maṃ ce tvaṃ nikhaṇaṃ vane”.
7. “Devatã nusi gandhabbo, adu [ãdu (sĩ.), ãdũ (syã.)] sakko purindado; Ko vã tvaṃ kassa vã putto, kathaṃ jãnemu taṃ mayaṃ”.
8. “Namhi devo na gandhabbo, nãpi sakko purindado; Kãsirañño ahaṃ putto, yaṃ kãsuyã nikhaññasi [nighaññasi (sĩ. pĩ.), nikhañchasi (?)].
9. “Tassa rañño ahaṃ putto, yaṃ tvaṃ sammũpajĩvasi [samupajĩvasi (sĩ. pĩ.)]; Adhammaṃ sãrathi kayirã, maṃ ce tvaṃ nikhaṇaṃ vane.

10. “Yassa rukkhassa chāyāya, nisīdeyya sayeyya vā;  
Na tassa sākhaṃ bhañjeyya, mittadubbho [mittadūbho (sī. pī.)] hi pāpako.
11. “Yathā rukkho tathā rājā, yathā sākha tathā ahaṃ;  
Yathā chāyūpago poso, evaṃ tvamasi sārathi;  
Adhammaṃ sārathi kayirā, maṃ ce tvaṃ nikhaṇaṃ vane.
12. “Pahūtabhakkho [bahuttabhakkho (ka.)] bhavati, vippavuttho [vippavuttho (sī. pī.),  
vippamutto (ka.)] sakaṃ [sakā (sī. pī.)] gharā;  
Bahū naṃ upajīvanti, yo mittānaṃ na dubbhati.
13. “Yaṃ yaṃ janapadaṃ yāti, nigame rājadhāniyo;  
Sabbattha pūjito hoti, yo mittānaṃ na dubbhati.
14. “Nāssa corā pasāhanti [pasahanti (sī. syā. pī.)], nātimaññanti khattiyā [nātimaññeti khattiyō  
(sī. syā. pī.)];  
Sabbe amitte tarati, yo mittānaṃ na dubbhati.
15. “Akkuddho sagharaṃ eti, sabhāyaṃ [sabhāya (sī. syā. pī.)] paṭinandito;  
Ñātīnaṃ uttamo hoti, yo mittānaṃ na dubbhati.
16. “Sakkatvā sakkato hoti, garu hoti sagāravo [garuko hoti gāravo (ka.)];  
Vaṇṇakittibhato hoti, yo mittānaṃ na dubbhati.
17. “Pūjako labhate pūjaṃ, vandako paṭivandanaṃ;  
Yaso kittiṇca pappoti, yo mittānaṃ na dubbhati.
18. “Aggi yathā pajjalati, devatāva virocati;  
Siriyā ajahito hoti, yo mittānaṃ na dubbhati.
19. “Gāvo tassa pajāyanti, khetto vuttaṃ virūhati;  
Vuttānaṃ phalamasnāti, yo mittānaṃ na dubbhati.
20. “Darito pabbatāto vā, rukkhato patito naro;  
Cuto patiṭṭhaṃ labhati, yo mittānaṃ na dubbhati.
21. “Virūḷhamūlasantānaṃ, nigrodhamiva māluto;  
Amittā nappasāhanti, yo mittānaṃ na dubbhati”.
22. “Ehi taṃ paṭinessāmi, rājaputta sakaṃ gharaṃ;  
Rajjaṃ kārehi bhaddante, kiṃ araññe karissasi”.
23. “Alaṃ me tena rajjena, nātakehi [nātakena (syā. ka.)] dhanena vā;  
Yaṃ me adhammacariyāya, rajjaṃ labbhettha sārathi”.
24. “Puṇṇapattaṃ maṃ lābhehi [palābhehi (sī. pī.)], rājaputta ito gato;  
Piṭā mātā ca me dajjuṃ, rājaputta tayī gate.
25. “Orodhā ca kumārā ca, vesiyānā ca brāhmaṇā;  
Tepi attamanā dajjuṃ, rājaputta tayī gate.
26. “Hatthārohā [hatthārūhā (sī. pī.)] evamuparipi anīkaṭṭhā, rathikā pattikārakā;

Tepi attamanā dajjuṃ [tepi dajjuṃ patītāme (sī. pī.)], rājaputta tayī gate.

27. “Bahudhañña jānapadā [bahū jānapadā caññe (sī.), bahū janapadā caññe (pī.)], negamā ca samāgatā;  
Upāyanāni me dajjuṃ, rājaputta tayī gate”.
28. “Pitu mātu cahaṃ catto, raṭṭhassa nigamassa ca;  
Atho sabbakumārānaṃ, natthi mayhaṃ sakaṃ gharaṃ.
29. “Anuññāto ahaṃ matyā, sañcatto pitarā mahaṃ;  
Ekoraññe pabbajito, na kāme abhipatthaye.
30. “Api ataramānānaṃ, phalāsāva samijjhati;  
Vipakkabrahmacariyosmi, evaṃ jānāhi sārathi.
31. “Api ataramānānaṃ, sammadattho vipaccati;  
Vipakkabrahmacariyosmi, nikkhanto akutobhayo”.
32. “Evaṃ vaggukatho santo, visaṭṭhavacano casi [ca so (syā. ka.)];  
Kasmā pitu ca mātucca, santike na bhaṇī tadā”.
33. “Nāhaṃ asandhitā [asatthitā (sī.)] pakkho, na badhiro asotatā;  
Nāhaṃ ajivhatā mūgo, mā maṃ mūgamadhārayi [mūgo adhārayi (sī.)].
34. “Purimaṃ sarāmaṃ jātiṃ, yattha rajjamakārayiṃ;  
Kārayitvā tahiṃ rajjaṃ, pāpatthaṃ nirayaṃ bhusaṃ.
35. “Vīsatiñceva vassāni, tahiṃ rajjamakārayiṃ;  
Asītivassasahassāni, nirayamhi apaccisaṃ [apaccasiṃ (syā.), apaccayiṃ (pī.)].
36. “Tassa rajjassahaṃ bhīto, mā maṃ rajjābhiseccayūṃ [rajjebhiseccayūṃ (syā. ka.)];  
Tasmā pitu ca mātucca, santike na bhaṇiṃ tadā.
37. “Ucchaṅge maṃ nisādetvā, pitā atthānusāsati;  
Ekaṃ hanatha bandhatha, ekaṃ khārāpatacchikaṃ [kharāpaticchakaṃ (syā.),  
kharāpaticchakaṃ (ka.)];  
Ekaṃ sūlasmiṃ uppetha [appetha (sī.), ubbetha (syā.), accetha (pī.)], iccassa manusāsati.
38. “Tāyāhaṃ [tassāhaṃ (sī. pī.)] pharusaṃ sutvā, vācāyo samudīritā;  
Amūgo mūgavaṇṇena, apakkho pakkhasammato;  
Sake muttakarīsasmīṃ, acchāhaṃ samparipluto.
39. “Kasirañca parittañca, tañca dukkhena saṃyutaṃ;  
Komaṃ [ko taṃ (sī. pī.)] jīvitamāgamma, veraṃ kayirātha kenaci.
40. “Paññāya ca alābhena, dhammassa ca adassanā;  
Komaṃ [ko taṃ (sī. pī.)] jīvitamāgamma, veraṃ kayirātha kenaci.
41. “Api ataramānānaṃ, phalāsāva samijjhati;  
Vipakkabrahmacariyosmi, evaṃ jānāhi sārathi.
42. “Api ataramānānaṃ, sammadattho vipaccati;

Vipakkabrahmacariyosmi, nikkhanto akutobhayo”.

43. “Ahampi pabbajissāmi, rājaputta tavantike;  
Avhāyassu [avhayassu (sī. pī.)] maṃ bhaddante, pabbajjā mama ruccati”.
44. “Rathaṃ niyyādayitvāna, anaṇo ehi sārathi;  
Anaṇassa hi pabbajjā, etaṃ isīhi vaṇṇitaṃ”.
45. “Yadeva tyāhaṃ vacanaṃ, akaraṃ bhaddamatthu te;  
Tadeva me tvaṃ vacanaṃ, yācito kattumarahasi.
46. “Idheva tāva acchassu, yāva rājānamānaye;  
Apeva te pitā disvā, patīto sumano siyā”.
47. “Karomi tetāṃ vacanaṃ, yaṃ maṃ bhaṇasi sārathi;  
Ahampi daṭṭhukāmosmi, pitaraṃ me idhāgataṃ.
48. “Ehi samma nivattassu, kusalaṃ vajjāsi ñātināṃ;  
Mātaraṃ pitaraṃ mayhaṃ, vutto vajjāsi vandanaṃ”.
49. Tassa pāde gahetvāna, katvā ca naṃ padakkhiṇaṃ;  
Sārathi rathamāruyha, rājadvāraṃ upāgami.
50. “Suññaṃ mātā rathaṃ disvā, ekaṃ sārathimāgataṃ;  
Assupuññehi nettehi, rodantī naṃ udikkhati.
51. “Ayaṃ so sārathi eti, nihantvā mama atrajaṃ;  
Nihato nūna me putto, pathabyā bhūmivaḍḍhano.
52. “Amittā nūna nandanti, patītā nūna verino;  
Āgataṃ sārathim disvā, nihantvā mama atrajaṃ.
53. “Suññaṃ mātā rathaṃ disvā, ekaṃ sārathimāgataṃ;  
Assupuññehi nettehi, rodantī paripucchi naṃ [rodantī paripucchati (sī. pī.), rodantī naṃ paripucchati (syā.)].
54. “Kinnu mūgo kiṃ nu pakkho, kinnu so vilapī tadā;  
Nihaññaṃāno bhūmiyā, taṃ me akkhāhi sārathi.
55. “Kathaṃ hatthehi pādehi, mūgapakkho vivajjayi;  
Nihaññaṃāno bhūmiyā, taṃ me akkhāhi pucchito”.
56. “Akkheyyaṃ [akkhissaṃ (sī. pī.)] te ahaṃ ayye, dajjāsi abhayaṃ mama;  
Yaṃ me sutāṃ vā diṭṭhaṃ vā, rājaputtassa santike”.
57. “Abhayaṃ samma te dammi, abhīto bhaṇa sārathi;  
Yaṃ te sutāṃ vā diṭṭhaṃ vā, rājaputtassa santike”.
58. “Na so mūgo na so pakkho, visaṭṭhavacono ca so;  
Rajjassa kira so bhīto, akarā [akarī (sī. pī.)] ālaye bahū.
59. “Purimaṃ sarati so jātiṃ, yattha rajjamakārayi;

Kārayitvā tahiṃ rajjaṃ, pāpattha nirayaṃ bhusaṃ.

60. “Vīsatiñceva vassāni, tahiṃ rajjamakārayi;  
Asītivassasahassāni, nirayamhi apacci so.
61. “Tassa rajjassa so bhīto, mā maṃ rajjābhisecayum;  
Tasmā pitu ca mātucca, santike na bhaṇī tadā.
62. “Aṅgapaccaṅgasampanno, ārohapariṇāhavā;  
Visatṭhavacano pañño, magge saggassa tiṭṭhati.
63. “Sace tvaṃ daṭṭhukāmāsi, rājaputtaṃ [rājaputti (sī.)] tavatrajaṃ;  
Ehi taṃ pāpayissāmi, yattha sammati temiyo”.
64. “Yojayantu rathe asse, kacchaṃ nāgāna [nāgāni (syā. ka.)] bandhatha;  
Udīrayantu saṅkhapaṇavā, vādantu [vadantu (sī.), nadantu (syā. ka.), vadantaṃ (pī.)]  
ekapokkharā.
65. “Vādantu [nadantu (sī. syā. pī.)] bherī sannaddhā, vaggū vādantu dundubhī;  
Negamā ca maṃ anventu, gacchaṃ puttānivedako [nivādako (syā. ka.)].
66. “Orodhā ca kumārā ca, vesiyānā ca brāhmaṇā;  
Khippaṃ yānāni yojentu, gacchaṃ puttānivedako [nivādako (syā. ka.)].
67. “Hatthārohā anīkaṭṭhā, rathikā pattikārakā;  
Khippaṃ yānāni yojentu, gacchaṃ puttānivedako [nivādako (syā. ka.)].
68. “Samāgatā jānapadā, negamā ca samāgatā;  
Khippaṃ yānāni yojentu, gacchaṃ puttānivedako” [nivādako (syā. ka.)].
69. “Asse ca sārathī yutte, sindhave sīghavāhane;  
Rājadvāraṃ upāgacchuṃ, yuttā deva ime hayā”.
70. “Thūlā javena hāyanti, kisā hāyanti thāmunā;  
Kise thūle vivajjetvā, saṃsaṭṭhā yojitā hayā”.
71. “Tato rājā taramāno, yuttamāruya sandanaṃ;  
Itthāgāraṃ ajjhabhāsi [abhāsatha (ka.)], sabbāva anuyātha maṃ.
72. “Vālabījanimuṇhīsāṃ, khaggaṃ chattañca paṇḍaraṃ;  
Upādhi rathamāruya [upādirathamāruya (sī.), upādhi rathamāruya (syā.)], suvaṇṇehi  
alaṅkatā.
73. “Tato sa [ca (sī. syā. pī.)] rājā pāyāsi, purakkhatvāna sārathim;  
Khippameva upāgacchi, yattha sammati temiyo.
74. “Tañca disvāna āyantaṃ, jalantamiva tejasā;  
Khattasaṅghaparibūḷhaṃ [paribbūḷhaṃ (sī.)], temiyo etadabravi”.
75. “Kacci nu tāta kusalaṃ, kacci tāta anāmayam;  
Sabbā ca [kaccinnu (sī. pī.)] rājakaññāyo, arogā mayha mātaro”.

76. “Kusalañceva me putta, atho putta anāmayam;  
Sabbā ca rājakaññāyo, arogā tuyha mātaro”.
77. “Kacci amajjapo [kaccissa’majjapo (sī. pī.)] tāta, kacci te suramappiyam;  
Kacci sacce ca dhamme ca, dāne te ramate mano”.
78. “Amajjapo aham putta, atho me suramappiyam;  
Atho sacce ca dhamme ca, dāne me ramate mano”.
79. “Kacci arogam yoggam te, kacci vahati vāhanam;  
Kacci te byādhayo natthi, sarīrassupatāpanā”.
80. “Atho arogam yoggam me, atho vahati vāhanam;  
Atho me byādhayo natthi, sarīrassupatāpanā” [sarīrassupatāpiyā (syā. ka.)].
81. “Kacci antā ca te phītā, majjhe ca bahalā tava;  
Koṭṭhāgārañca kosañca, kacci te paṭisanthatam” [paṭisaṅṭhitam (syā. ka.)].
82. “Atho antā ca me phītā, majjhe ca bahalā mama;  
Koṭṭhāgārañca kosañca, sabbam me paṭisanthatam”.
83. “Svāgataṃ te mahārāja, atho te adurāgataṃ;  
Patiṭṭhapentu [patiṭṭhāpentu (sī. syā. pī.)] pallaṅkam, yattha rājā nisakkati”.
84. “Idheva te nisīdassu [nisinnassa (sī. syā. pī.), nisinnassu (ka.)], niyate paṇṇasanthare;  
Etto udakamādāya, pāde pakkhālayassu [pakkhālayantu (sī.), pakkhālayanti (pī.)] te”.
85. “Idampi paṇṇakam mayham, randham rāja aloṇakam;  
Paribhuñja mahārāja, pāhuno mesidhāgato” [āgato (sī. syā.)].
86. “Na cāham [na vāham (ka.)] paṇṇam bhuñjāmi, na hetam mayha bhojanam;  
Sālīnam odanam bhuñje, sucim maṃsūpasecanam”.
87. “Accherakam maṃ paṭibhāti, ekakampi rahogataṃ;  
Edisam bhuñjamānānam, kena vaṇṇo pasīdati”.
88. “Eko rāja nipajjāmi, niyate paṇṇasanthare;  
Tāya me ekaseyyāya, rāja vaṇṇo pasīdati.
89. “Na ca nettiṃsabandhā [nettiṃsabaddhā (sī. pī.)] me, rājarakkhā upaṭṭhitā;  
Tāya me sukhasēyyāya, rāja vaṇṇo pasīdati.
90. “Atītam nānusoṇāmi, nappajappāmināgataṃ [nappajappāma’ nāgataṃ (sī. syā. pī.)];  
Paccuppanna yāpemi, tena vaṇṇo pasīdati.
91. “Anāgatappajappāya, atītasānusoṇā;  
Etena bālā sussanti, naḷova harito luto”.
92. “Hatthānīkam rathānīkam, asse pattī ca vammīno;  
Nivesanāni rammāni, aham putta dadāmi te.
93. “Itthāgārampi te dammi, sabbālaṅkārahūsitam;



- Tā putta paṭipajjassu [tāsu putte paṭipajja (ka.)], tvaṃ no rājā bhavissasi.
94. “Kusalā naccagītassa, sikkhitā cāturitthiyo [caturitthiyo (sī. pī.)];  
Kāme taṃ ramayissanti, kiṃ araṇṇe karissasi.
95. “Paṭirājūhi te kaṇṇā, ānayissaṃ alaṅkatā;  
Tāsu putte janetvāna, atha pacchā pabbajissasi.
96. “Yuvā ca daharo cāsi [cāpi (syā. ka.)], paṭhamuppattiko [paṭhamuppattito (sī. pī.)] susu;  
Rajjaṃ kārehi bhaddante, kiṃ araṇṇe karissasi”.
97. “Yuvā care brahmacariyaṃ, brahmacārī yuvā siyā;  
Daharassa hi pabbajjā, etaṃ isihi vaṇṇitaṃ.
98. “Yuvā care brahmacariyaṃ, brahmacārī yuvā siyā;  
Brahmacariyaṃ carissāmi, nāhaṃ rajjena matthiko.
99. “Passāmi vohaṃ daharaṃ, amma tāta vadantaraṃ [vadaṃ naraṃ (sī.)];  
Kicchāladdhaṃ piyaṃ puttaṃ, appatvāva jaraṃ mataṃ.
100. “Passāmi vohaṃ dahariṃ, kumāriṃ cārudassaniṃ;  
Navavaṃsakaḷīraṃva, paluggaṃ jīvitakkhayaṃ [jīvitakkhaye (sī. pī.)].
101. “Daharāpi hi miyyanti, narā ca atha nāriyo;  
Tattha ko vissase poso, daharomhīti jīvite.
102. “Yassa ratyā vivasāne, āyu appataraṃ siyā;  
Appodakeva macchānaṃ, kiṃ nu komāraṃ [komārataṃ (ka.)] tahiṃ.
103. “Niccamaḃbhāhato loko, niccaṇca parivārito;  
Amoghāsu vajantīsu, kiṃ maṃ rajjebhisiṅcasi” [rajjena siṅcasi (sī. pī.)].
104. “Kena mabbhāhato loko, kena ca parivārito;  
Kāyo amoghā gacchanti, taṃ me akkhāhi pucchito”.
105. “Maccunābbhāhato loko, jarāya parivārito;  
Ratyo amoghā gacchanti, evaṃ jānāhi khattiya.
106. “Yathāpi tante vitate [vitante (syā. ka.)], yaṃ yadevūpaviyyati [yaṃ yaṃ devūpaviyyati (sī. pī.)];  
Appakaṃ hoti vetabbaṃ, evaṃ maccāna jīvitaṃ.
107. “Yathā vārivaho pūro, gacchaṃ nupanivattati [na parivattati (syā.), nuparivattati (ka.)];  
Evamaṃyu manussānaṃ, gacchaṃ nupanivattati.
108. “Yathā vārivaho pūro, vahe rukkhepakūlaje;  
Evaṃ jarāmaraṇena, vuyhante sabbapāṇino”.
109. “Hatthānīkaṃ rathānīkaṃ, asse pattī ca vammīno;  
Nivesanāni rammāni, ahaṃ putta dadāmi te.
110. “Itthāgārampi te dammi, sabbālaṅkārahūsitaṃ;

Tā putta paṭipajjassu, tvaṃ no rājā bhavissasi.

111. “Kusalā naccagītassa, sikkhitā cāturitthiyo;  
Kāme taṃ ramayissanti, kiṃ araññe karissasi.
112. “Paṭirājūhi te kaññā, ānayissaṃ alaṅkatā;  
Tāsu putte janetvāna, atha pacchā pabbajissasi.
113. “Yuvā ca daharo cāsi, paṭhamuppattiko susu;  
Rajjaṃ kārehi bhaddante, kiṃ araññe karissasi.
114. “Koṭṭhāgārañca kosañca, vāhanāni balāni ca;  
Nivesanāni rammāni, ahaṃ putta dadāmi te.
115. “Gomaṇḍalaparibyūḷho, dāsisanḅhapurakkhato;  
Rajjaṃ kārehi bhaddante, kiṃ araññe karissasi”.
116. “Kiṃ dhanena yaṃ khīyetha [kiṃ dhanena yaṃ jīyetha (sī.), kiṃ maṃ dhanena kīyetha (syā. ka.)], kiṃ bhariyāya marissati;  
Kiṃ yobbanena jiṇṇena [ciṇṇena (sī. pī.), vaṇṇena (ka.)], yaṃ jarāyābhībhuyyati [yaṃ jarā abhihessati (sī. pī.)].
117. “Tattha kā nandi kā khiḍḍā, kā rati kā dhanesanā;  
Kiṃ me puttehi dārehi, rāja muttosmi bandhanā.
118. “Yohaṃ [sohaṃ (sī. pī.)] evaṃ pajānāmi, maccu me nappamajjati;  
Antakenādhīpanassa, kā ratī kā dhanesanā.
119. “Phalānamiva pakkānaṃ, niccaṃ patanato bhayaṃ;  
Evaṃ jātāna maccānaṃ, niccaṃ maraṇato bhayaṃ.
120. “Sāyameke na dissanti, pāto diṭṭhā bahū janā;  
Pāto eke na dissanti, sāyaṃ diṭṭhā bahū janā.
121. “Ajjeva kiccaṃ ātappaṃ, ko jaññā maraṇaṃ suve;  
Na hi no saṅkaraṃ [saṅgaram (sī. pī.) ma. ni. 3.272] tena, mahāsenena maccunā.
122. “Corā dhanassa patthenti, rājamuttosmi bandhanā;  
Ehi rāja nivattassu, nāhaṃ rajjena matthiko”’ti.

Mūgapakkhajātakaṃ paṭhamam.

### 539. Mahājanakajātakaṃ (2)

123. “Koyaṃ majjhe samuddasmiṃ, apassaṃ tīramāyuhe;  
Kaṃ [kiṃ (syā. ka.)] tvaṃ atthavaṣaṃ ñatvā, evaṃ vāyamase bhusaṃ”.
124. “Nisamma vattaṃ lokassa, vāyāmassa ca devate;  
Tasmā majjhe samuddasmiṃ, apassaṃ tīramāyuhe”.
125. “Gambhīre appameyyasmiṃ, tīraṃ yassa na dissati;  
Mogho te purisavāyāmo, appatvāva marissasi”.

126. “Anaṇo ñātinam hoti, devānaṃ pitunañca [pituno ca (sī. pī.)] so;  
Karaṃ purisakiccāni, na ca pacchānutappatī”.
127. “Apāraṇeyyaṃ yaṃ kammaṃ, aphalaṃ kilamathuddayaṃ;  
Tattha ko vāyamenattho, maccu yassābhiniṃppataṃ” [yassābhiniṃppataṃ (syā.)].
128. “Apāraṇeyyamaccantaṃ, yo viditvāna devate;  
Na rakkhe attano pāṇaṃ, jaññā so yadi hāpaye.
129. “Adhippāyaphalaṃ eke, asmiṃ lokasmi devate;  
Payojayanti kammāni, tāni ijjhanti vā na vā.
130. “Sandiṭṭhikaṃ kammaphalaṃ, nanu passasi devate;  
Sannā aññe tarāmaṃ, tañca passāmi santike.
131. “So ahaṃ vāyamiṃsāmi, yathāsatti yathābalaṃ;  
Gacchaṃ pāraṃ samuddassa, kassaṃ [kāsaṃ (sī. pī.)] purisakāriyaṃ”.
132. “Yo tvaṃ evaṃ gate oghe, appameyye mahaṇṇave;  
Dhammavāyāmasampanno, kammunā nāvasīdasi;  
So tvaṃ tattheva gacchāhi, yattha te nirato mano”.
133. “Āsīsetheva [āsīsetheva (sī. syā. pī.)] puriso, na nibbindeyya paṇḍito;  
Passāmi vohaṃ attānaṃ, yathā icchim tathā ahu.
134. “Āsīsetheva puriso, na nibbindeyya paṇḍito;  
Passāmi vohaṃ attānaṃ, udakā thalamubbhataṃ.
135. “Vāyametheva puriso, na nibbindeyya paṇḍito;  
Passāmi vohaṃ attānaṃ, yathā icchim tathā ahu.
136. “Vāyametheva puriso, na nibbindeyya paṇḍito;  
Passāmi vohaṃ attānaṃ, udakā thalamubbhataṃ.
137. “Dukkhūpanītopi naro sapañño, āsaṃ na chindeyya sukhāgamāya;  
Bahū hi phassā ahitā hitā ca, avitakkitā maccumupabbajanti [maccumuppajjanti (syā.)].
138. “Acintitampi bhavati, cintitampi vinassati;  
Na hi cintāmayā bhogā, itthiyā purisassa vā”.
139. “Aporāṇaṃ [apurāṇaṃ (sī. pī.)] vata bho rājā, sabbabhummo disampati;  
Nājja nacce [na ca nacce (ka.)] nisāmeti, na gīte kurute mano.
140. “Na mige [mage (ka.)] napi uyyāne, napi haṃse udikkhati;  
Mūgova tuṇhimāsīno, na atthamanusāsati”.
141. “Sukhakāmā rahosīlā, vadhabandhā upāratā [upārutā (syā. ka.)];  
Kassa [kesaṃ (sī. pī.)] nu ajja ārāme, daharā vuddhā ca acchare.
142. “Atikkantavanathā dhīrā, namo tesaṃ mahesinaṃ;  
Ye ussukamhi lokamhi, viharanti manussukā.

143. “Te chetvā maccuno jālaṃ, tataṃ [tantam (sī. syā. pī.), taṃ taṃ (ka.)] māyāvino daḷaṃ;  
Chinnālayattā [santālayantā (syā. ka.)] gacchanti, ko tesam gatimāpaye” [nesam gati pāpaye  
(ka.)].
144. “Kadāhaṃ mithilaṃ [midhilaṃ (ka.)] phītaṃ, vibhattaṃ bhāgaso mitaṃ;  
Pahāya pabbajissāmi, taṃ kudāssu [kadāssu (sī. pī.), kadāsu (syā.)] bhavissati.
145. “Kadāhaṃ mithilaṃ phītaṃ, visālaṃ sabbatopabhaṃ;  
Pahāya pabbajissāmi, taṃ kudāssu bhavissati.
146. “Kadāhaṃ mithilaṃ phītaṃ, bahupākāratorāṇaṃ;  
Pahāya pabbajissāmi, taṃ kudāssu bhavissati.
147. “Kadāhaṃ mithilaṃ phītaṃ, daḷhamatṭālakotṭhakaṃ;  
Pahāya pabbajissāmi, taṃ kudāssu bhavissati.
148. “Kadāhaṃ mithilaṃ phītaṃ, suvibhattaṃ mahāpathaṃ;  
Pahāya pabbajissāmi, taṃ kudāssu bhavissati.
149. “Kadāhaṃ mithilaṃ phītaṃ, suvibhattantarāṇaṃ;  
Pahāya pabbajissāmi, taṃ kudāssu bhavissati.
150. “Kadāhaṃ mithilaṃ phītaṃ, gavassarathapīlitaṃ;  
Pahāya pabbajissāmi, taṃ kudāssu bhavissati.
151. “Kadāhaṃ mithilaṃ phītaṃ, ārāmanamāliniṃ;  
Pahāya pabbajissāmi, taṃ kudāssu bhavissati.
152. “Kadāhaṃ mithilaṃ phītaṃ, uyyānavanamāliniṃ;  
Pahāya pabbajissāmi, taṃ kudāssu bhavissati.
153. “Kadāhaṃ mithilaṃ phītaṃ, pāsādavanamāliniṃ;  
Pahāya pabbajissāmi, taṃ kudāssu bhavissati.
154. “Kadāhaṃ mithilaṃ phītaṃ, tipuraṃ rājabandhuniṃ;  
Māpitaṃ somanassena, vedehena yasassinā;  
Pahāya pabbajissāmi, taṃ kudāssu bhavissati.
155. “Kadāhaṃ vedehe phīte, nicite dhammarakkhite;  
Pahāya pabbajissāmi, taṃ kudāssu bhavissati.
156. “Kadāhaṃ vedehe phīte, ajeyye dhammarakkhite;  
Pahāya pabbajissāmi, taṃ kudāssu bhavissati.
157. “Kadāhaṃ antepuraṃ [kadā antepuraṃ (sī. pī.)] rammaṃ, vibhattaṃ bhāgaso mitaṃ;  
Pahāya pabbajissāmi, taṃ kudāssu bhavissati.
158. “Kadāhaṃ antepuraṃ rammaṃ, sudhāmatṭikalepanaṃ;  
Pahāya pabbajissāmi, taṃ kudāssu bhavissati.
159. “Kadāhaṃ antepuraṃ rammaṃ, sucigandhaṃ manoramaṃ;  
Pahāya pabbajissāmi, taṃ kudāssu bhavissati.

160. “Kadāhaṃ kūṭāgāre ca, vibhatte bhāgaso mite;  
Pahāya pabbajissāmi, taṃ kudāssu bhavissati.
161. “Kadāhaṃ kūṭāgāre ca, sudhāmaticalepane;  
Pahāya pabbajissāmi, taṃ kudāssu bhavissati.
162. “Kadāhaṃ kūṭāgāre ca, sucigandhe manorame;  
Pahāya pabbajissāmi, taṃ kudāssu bhavissati.
163. “Kadāhaṃ kūṭāgāre ca, litte candanaphosite;  
Pahāya pabbajissāmi, taṃ kudāssu bhavissati.
164. “Kadāhaṃ soṇṇapallaṅke [[suvaṇṇapallaṅke \(sī. syā. pī.\)](#)], gonake cittasanthate;  
Pahāya pabbajissāmi, taṃ kudāssu bhavissati.
165. [[ayaṃ gāthā sī. pī. potthakesu na dissati](#)] “Kadāhaṃ maṇipallaṅke, gonake cittasanthate;  
Pahāya pabbajissāmi, taṃ kudāssu bhavissati [[ayaṃ gāthā sī. pī. potthakesu na dissati](#)].
166. “Kadāhaṃ kappāsakoseyyaṃ, khomakoṭumbarāni ca;  
Pahāya pabbajissāmi, taṃ kudāssu bhavissati.
167. “Kadāhaṃ pokkharāṇī rammā, cakkavākapakūjitā [[cakkavākūpakūjitā \(sī. pī.\)](#)];  
Mandālakehi sañchannā, padumuppalakehi ca;  
Pahāya pabbajissāmi, taṃ kudāssu bhavissati.
168. “Kadāhaṃ hatthigumbe ca, sabbālaṅkārahūsīte;  
Suvaṇṇakacche mātaṅge, hemakappanavāsase.
169. “Ārūḷhe gāmaṇīyehi, tomaraṅkusapāṇibhi;  
Pahāya pabbajissāmi, taṃ kudāssu bhavissati.
170. “Kadāhaṃ assagumbe ca, sabbālaṅkārahūsīte;  
Ājāṇīyeva jātiyā, sindhave sīghavāhane.
171. “Ārūḷhe gāmaṇīyehi, illiyācāpadhāribhi;  
Pahāya pabbajissāmi, taṃ kudāssu bhavissati.
172. “Kadāhaṃ rathaseniyo, sannaddhe ussitaddhaje;  
Dīpe athopi veyyagghe, sabbālaṅkārahūsīte.
173. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
174. “Kadāhaṃ sovaṇṇarathe, sannaddhe ussitaddhaje;  
Dīpe athopi veyyagghe, sabbālaṅkārahūsīte.
175. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
176. “Kadāhaṃ sajjhurathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.

177. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
178. “Kadāhaṃ assarathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
179. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
180. “Kadāhaṃ oṭṭharathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
181. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
182. “Kadāhaṃ goṇarathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
183. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
184. “Kadāhaṃ ajarathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
185. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
186. “Kadāhaṃ meṇḍarathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
187. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
188. “Kadāhaṃ miḡarathe ca, sannaddhe ussitaddhaje;  
Dīpe athopi veyyagghe, sabbālaṅkārahūsīte.
189. “Ārūḷhe gāmaṇīyehi, cāpahatthehi vammibhi;  
Pahāya pabbajissāmi, taṃ kudāssu bhavissati.
190. “Kadāhaṃ hatthārohe ca, sabbālaṅkārahūsīte;  
Nīlavammadhare sūre, tomaraṅkusapāṇine [[pāṇino \(syā. ka.\)](#)];  
Pahāya pabbajissāmi, taṃ kudāssu bhavissati.
191. “Kadāhaṃ assārohe ca, sabbālaṅkārahūsīte;  
Nīlavammadhare sūre, illiyācāpadhārine [[dhārino \(syā. ka.\)](#)];  
Pahāya pabbajissāmi, taṃ kudāssu bhavissati.
192. “Kadāhaṃ rathārohe ca, sabbālaṅkārahūsīte;  
Nīlavammadhare sūre, cāpahatthe kalāpine [[kalāpino \(syā. ka.\)](#)];  
Pahāya pabbajissāmi, taṃ kudāssu bhavissati.
193. [[ayaṃ gāthā sī. pī. potthakesu na dissati](#)] “Kadāhaṃ dhanuggahe ca, sabbālaṅkārahūsīte;

- Nīlavammadhare sūre, cāpahatthe kalāpine;  
Pahāya pabbajissāmi, taṃ kudāssu bhavissati [ayaṃ gāthā sī. pī. potthakesu na dissati].
194. “Kadāhaṃ rājaputte ca, sabbālaṅkārabhūsite;  
Cittravammadhare sūre, kañcanāveḷadhārine;  
Pahāya pabbajissāmi, taṃ kudāssu bhavissati.
195. “Kadāhaṃ ariyagaṇe ca, vatavante [vatthavante (sī. syā. pī.)] alaṅkate;  
Haricandalittāṅge, kāsikuttamadhārine;  
Pahāya pabbajissāmi, taṃ kudāssu bhavissati.
196. [ayaṃ gāthā sī. pī. potthakesu na dissati] “Kadāhaṃ amaccagaṇe ca, sabbālaṅkārabhūsite;  
Pītavammadhare sūre, purato gacchamāline [gacchamāline (syā. ka.)];  
Pahāya pabbajissāmi, taṃ kudāssu bhavissati [ayaṃ gāthā sī. pī. potthakesu na dissati].
197. “Kadāhaṃ [kadā (sī. pī.)] sattasatā bhariyā, sabbālaṅkārabhūsitā;  
Pahāya pabbajissāmi, taṃ kudāssu bhavissati.
198. “Kadāhaṃ [kadā (sī. pī.)] sattasatā bhariyā, susaññā tanumajjhimā;  
Pahāya pabbajissāmi, taṃ kudāssu bhavissati.
199. “Kadāhaṃ [kadā (sī. pī.)] sattasatā bhariyā, assavā piyabhāṇinī;  
Pahāya pabbajissāmi, taṃ kudāssu bhavissati.
200. “Kadāhaṃ [kadā (sī. pī.)] satapalaṃ kaṃsaṃ, sovaṇṇaṃ satarājikaṃ;  
Pahāya pabbajissāmi, taṃ kudāssu bhavissati.
201. “Kadāssu maṃ hatthigumbā, sabbālaṅkārabhūsitā;  
Suvaṇṇakacchā mātaṅgā, hemakappanavāsasā.
202. “Ārūḷhā gāmaṇīyehi, tomarāṅkusapāṇibhi;  
Yantaṃ maṃ nānuyissanti, taṃ kudāssu bhavissati.
203. “Kadāssu maṃ assagumbā, sabbālaṅkārabhūsitā;  
Ājānīyāva jātiyā, sindhavā sīghavāhanā.
204. “Ārūḷhā gāmaṇīyehi, illiyācāpadhāribhi;  
Yantaṃ maṃ nānuyissanti, taṃ kudāssu bhavissati.
205. “Kadāssu maṃ rathasenī, sannaddhā ussitaddhajā;  
Dīpā athopi veyyagghā, sabbālaṅkārabhūsitā.
206. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
207. “Kadāssu maṃ soṇṇarathā [sovaṇṇarathā (pī. ka.)], sannaddhā ussitaddhajā;  
Dīpā athopi veyyagghā, sabbālaṅkārabhūsitā.
208. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
209. “Kadāssu maṃ sajjhurathā, sannaddhā ussitaddhajā;

Dīpā athopi veyyagghā, sabbālaṅkārahūsitā.

210. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
211. “Kadāssu maṃ assarathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
212. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
213. “Kadāssu maṃ oṭṭharathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
214. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
215. “Kadāssu maṃ goṇarathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
216. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
217. “Kadāssu maṃ ajarathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
218. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
219. “Kadāssu maṃ meṇḍarathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
220. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
221. “Kadāssu maṃ migarathā, sannaddhā ussitaddhajā;  
Dīpā athopi veyyagghā, sabbālaṅkārahūsitā.
222. “Ārūḷhā gāmaṇīyehi, cāpahatthehi vammibhi;  
Yantaṃ maṃ nānuyissanti, taṃ kudāssu bhavissati.
223. “Kadāssu maṃ hatthārohā, sabbālaṅkārahūsitā;  
Nīlavammadharā sūrā, tomaraṅkusapāṇino;  
Yantaṃ maṃ nānuyissanti, taṃ kudāssu bhavissati.
224. “Kadāssu maṃ assārohā, sabbālaṅkārahūsitā;  
Nīlavammadharā sūrā, illiyācāpadhārino;  
Yantaṃ maṃ nānuyissanti, taṃ kudāssu bhavissati.
225. “Kadāssu maṃ rathārohā, sabbālaṅkārahūsitā;  
Nīlavammadharā sūrā, cāpahatthā kalāpino;  
Yantaṃ maṃ nānuyissanti, taṃ kudāssu bhavissati.



226. “Kadāssu maṃ dhanuggahā, sabbālaṅkārahūsitā;  
Nīlavammadharā sūrā, cāpahatthā kalāpino;  
Yantaṃ maṃ nānuyissanti, taṃ kudāssu bhavissati.
227. “Kadāssu maṃ rājaputtā, sabbālaṅkārahūsitā;  
Cittravammadharā sūrā, kañcanāveḷadhārino;  
Yantaṃ maṃ nānuyissanti, taṃ kudāssu bhavissati.
228. “Kadāssu maṃ ariyagaṇā, vatavantā alaṅkatā;  
Haricandalittāṅgā, kāsikuttamadhārino;  
Yantaṃ maṃ nānuyissanti, taṃ kudāssu bhavissati.
229. “Kadāssu maṃ amaccagaṇā, sabbālaṅkārahūsitā;  
Pītavammadharā sūrā, purato gacchamāline [gacchamālinī (syā. ka.)];  
Yantaṃ maṃ nānuyissanti, taṃ kudāssu bhavissati.
230. “Kadāssu maṃ sattasatā bhariyā, sabbālaṅkārahūsitā;  
Yantaṃ maṃ nānuyissanti, taṃ kudāssu bhavissati.
231. “Kadāssu maṃ sattasatā bhariyā, susaññā tanumajjhimā;  
Yantaṃ maṃ nānuyissanti, taṃ kudāssu bhavissati.
232. “Kadāssu maṃ sattasatā bhariyā, assavā piyabhāninī;  
Yantaṃ maṃ nānuyissanti, taṃ kudāssu bhavissati.
233. “Kadāhaṃ pattāṃ gahetvāna, muṇḍo saṅghāṭipāruto;  
Piṇḍikāya carissāmi, taṃ kudāssu bhavissati.
234. “Kadāhaṃ paṃsukūlānaṃ, ujjhitānaṃ [ujjhitthānaṃ (ka.)] mahāpathe;  
Saṅghāṭiṃ dhārayissāmi, taṃ kudāssu bhavissati.
235. “Kadāhaṃ sattāhasammeghe [sattāhaṃ meghe (sī. syā.)], ovaṭṭho allacīvaro;  
Piṇḍikāya carissāmi, taṃ kudāssu bhavissati.
236. “Kadāhaṃ sabbattha gantvā [sabbahaṃ thānaṃ (sī.), sabbaṇhaṃ gantvā (syā.), sabbāhaṃ thānaṃ (pī.), sabbatthānaṃ (ka.)], rukkhā rukkhaṃ vanā vanaṃ;  
Anapekkho gamissāmi, taṃ kudāssu bhavissati.
237. “Kadāhaṃ giriduggesu, pahīnabhayabheravo;  
Aduṭṭiyo gamissāmi [viharissāmi (sī. pī.)], taṃ kudāssu bhavissati.
238. “Kadāhaṃ vīṇaṃ varujjako [vīṇarujjako (syā.), vīṇaṃ virujjako (ka.)], sattatantiṃ manoramāṃ;  
Cittaṃ ujum karissāmi, taṃ kudāssu bhavissati.
239. “Kadāhaṃ rathakārova, parikantaṃ upāhanaṃ;  
Kāmasaññojane checchaṃ [chetvā (ka.)], ye dibbe ye ca mānuse”.
240. “Tā ca sattasatā bhariyā, sabbālaṅkārahūsitā;  
Bāhā paggayha pakkandum, kasmā no vijahissasi.
241. “Tā ca sattasatā bhariyā, susaññā tanumajjhimā;

- Bāhā paggayha pakkandum, kasmā no vijahissasi.
242. “Tā ca sattasatā bhariyā, assavā piyabhāṇinī;  
Bāhā paggayha pakkandum, kasmā no vijahissasi.
243. “Tā ca sattasatā bhariyā, sabbālaṅkārabhūsitā;  
Hitvā sampaddavī [[sampaddayī \(sī.\)](#)] rājā, pabbajjāya purakkhato.
244. “Tā ca sattasatā bhariyā, susaṅṅā tanumajjhimā;  
Hitvā sampaddavī rājā, pabbajjāya purakkhato.
245. “Tā ca sattasatā bhariyā, assavā piyabhāṇinī;  
Hitvā sampaddavī rājā, pabbajjāya purakkhato”.
246. “Hitvā satapalaṃ kaṃsaṃ, sovaṇṇaṃ satarājikaṃ;  
Aggaḥi mattikaṃ pattaṃ, taṃ dutiyābhisecanaṃ”.
247. “Bhesmā [[vesmā \(sī.\)](#), [bhimsā \(pī.\)](#), [bhīsā \(ka.\)](#)] aggisamā jālā, kosā ḍayhanti bhāgasō;  
Rajataṃ jātārūpaṅca, muttā veḷuriyā bahū.
248. “Maṇayo saṅkhamuttā ca, vatthikaṃ haricandaṃ;  
Ajiṇaṃ daṇḍabhaṇḍaṅca, lohaṃ kāḷāyaṃ bahū;  
Ehi rāja nivattassu, mā tetāṃ vinasā dhanāṃ” [[vinassā dhanāṃ \(syā. ka.\)](#)].
249. “Susukhaṃ vata jīvāma, yesaṃ no natthi kiṅcanaṃ;  
Mithilāya dayhamānāya, na me kiṅci adayhatha”.
250. “Aṭaviyo samuppannā, raṭṭhaṃ viddhaṃsayanti taṃ;  
Ehi rāja nivattassu, mā raṭṭhaṃ vinasā idaṃ”.
251. “Susukhaṃ vata jīvāma, yesaṃ no natthi kiṅcanaṃ;  
Raṭṭhe vilumpamānamhi, na [[mā \(ka.\)](#)] me kiṅci ahīratha.
252. “Susukhaṃ vata jīvāma, yesaṃ no natthi kiṅcanaṃ;  
Pītibhakkhā bhavissāma, devā ābhassarā yathā”.
253. “Kimheso mahato ghoso, kā nu gāmeva kīḷiyā [[gāme kilīliyā \(sī.\)](#)];  
Samaṇa teva [[samaṇaññeva \(sī. pī.\)](#), [samaṇatveva \(syā.\)](#)] pucchāma, kattheso abhisāto jano”.
254. “Mamaṃ ohāya gacchantāṃ, ettheso abhisāto jano;  
Sīmātikkaṃamaṃ yantaṃ, munimonassa pattiyā;  
Missāṃ nandīhi gacchantāṃ, kiṃ jānaṃanupucchasi”.
255. “Māssu tiṇṇo amaṅṅittha [[amaṅṅittho \(sī. syā. pī.\)](#)], sarīraṃ dhārayaṃ imaṃ;  
Atīraṇeyya yamidaṃ [[atīraṇeyyamidaṃ kammaṃ \(sī. syā. pī.\)](#)], bahū hi paripanthayo”.
256. “Ko nu me paripanthassa, mamaṃ evaṃvihārino;  
Yo neva diṭṭhe nādiṭṭhe, kāmaṇāmaḥipatthaye”.
257. “Niddā tandī vijambhitā, aratī bhattasammado;  
Āvasanti sarīraṭṭhā, bahū hi paripanthayo”.

258. “Kalyāṇaṃ vata maṃ bhavaṃ, brāhmaṇa manusāsati [manusāsasi (sī.)];  
Brāhmaṇa teva [brāhmaṇaññeva (sī.)] pucchāmi, ko nu tvamasi mārisa”.
259. “Nārado iti me nāmaṃ [nāmena (syā. ka.)], kassapo iti maṃ vidū;  
Bhoto sakāsamāgacchiṃ, sādhu sabbhi samāgamo.
260. “Tassa te sabbo ānando, vihāro upavattatu;  
Yaṃ ūnaṃ [yadūnaṃ (sī. syā. pī.)] taṃ paripūrehi, khantiyā upasamena ca.
261. “Pasāraya sannatañca, unnatañca pasāraya [pahāraya (syā. pī. ka.)];  
Kammaṃ vijjañca dhammañca, sakkatvāna paribbaja”.
262. “Bahū hatthī ca asse ca, nagare janapadāni ca;  
Hitvā janaka pabbajito, kapāle [kapalle (sī. pī.)] ratimajjhagā.
263. “Kacci nu te jānapadā, mittāmaccā ca ñātakā;  
Dubbhimakamsu janaka, kasmā te taṃ aruccatha”.
264. “Na migājina jātucche [jātucca (sī. pī.)], ahaṃ kañci kudācanaṃ;  
Adhammena jine ñātīṃ, na cāpi ñātayo mamaṃ.
265. “Disvāna lokavattantaṃ, khajjantaṃ kaddamīkataṃ;  
Haññare bajjhare cettha, yattha sanno [satto (sī.)] puthujjano;  
Etāhaṃ upamaṃ katvā, bhikkhakosmi migājina”.
266. “Ko nu te bhagavā satthā, kassettaṃ vacanaṃ suci;  
Na hi kappaṃ vā vijjaṃ vā, paccakkhāya rathesabha;  
Samaṇaṃ āhu vattantaṃ, yathā dukkhassatikkamo”.
267. “Na migājina jātucche, ahaṃ kañci kudācanaṃ;  
Samaṇaṃ brāhmaṇaṃ vāpi, sakkatvā anupāvisiṃ”.
268. “Mahatā cānubhāvena, gacchanto siriyaṃ jalaṃ;  
Gīyamānesu gītesu, vajjamānesu vaggusu.
269. “Tūriyatālasaṅghuṭṭhe [turiyatālitasaṅghuṭṭhe (sī. pī.)], sammatālasamāhite;  
Sa migājina maddakkhiṃ, phaliṃ [phalaṃ (sī. pī. ka.)] ambaṃ tirocchadaṃ;  
Haññamānaṃ [tujjamānaṃ (sī.), tudamānaṃ (syā.), taddamānaṃ (pī.), hatamānaṃ (ka.)]  
manussehi, phalakāmehi jantubhi.
270. “So khoḥaṃ taṃ sirīṃ hitvā, orohitvā migājina;  
Mūlaṃ ambassupāgacchiṃ, phalino nipphalassa ca.
271. “Phaliṃ [phalaṃ (sī. pī. ka.)] ambaṃ hataṃ disvā, viddhamstaṃ vinaḷīkataṃ;  
Athekaṃ [athetaṃ (sī. pī.)] itaraṃ ambaṃ, nīlobhāsaṃ manoramaṃ.
272. “Evameva nūnamhepi [nūna amhe (sī. pī.)], issare bahukaṇṭake;  
Amittā no vadhissanti, yathā ambo phalī hatto.
273. “Ajinamhi haññate dīpi, nāgo dantehi haññate;  
Dhanamhi dhanino hanti, aniketamasanthavaṃ;

Phalī ambo aphalo ca, te satthāro ubho mama’.

274. “Sabbo jano pabyādhito, rājā pabbajito iti;  
Hatthārohā anīkaṭṭhā, rathikā pattikārakā.
275. “Assāsaitvā janataṃ, ṭhapayitvā paṭicchadaṃ;  
Puttaṃ rajje ṭhapetvāna, atha pacchā pabbajissasi’.
276. “Cattā mayā jānapadā, mittāmaccā ca nātakā;  
Santi puttā videhānaṃ, dīghāvu raṭṭhavaḍḍhano;  
Te rajjaṃ kārayissanti, mithilāyaṃ pajāpati’.
277. “Ehi taṃ anusikkhāmi, yaṃ vākyāṃ mama ruccati;  
Rajjaṃ tuvaṃ kārayasi [kārayantī (sī. syā. pī.)], pāpaṃ duccharitaṃ bahuṃ;  
Kāyena vācā manasā, yena gacchasi [kañchisi (sī. pī.)] duggatiṃ.
278. “Paradinnakena paraniṭṭhitena, piṇḍena yāpehi sa dhīradhammo’.
279. “Yopi catutthe bhattakāle na bhuñje, ajuṭṭhamārīva [ajaddhumārīva (sī.), ajjuṭṭhamārīva (syā.), ajaddhumārīva (pī.) majjhimanikāye, aṅguttaranikāye ca passitabbaṃ] khudāya miyye;  
Na tveva piṇḍaṃ luṭitaṃ anariyaṃ, kulaputtarūpo sappuriso na seve;  
Tayidaṃ na sādhu tayidaṃ na suṭṭhu, sunakhucchiṭṭhakaṃ janaka bhuñjase tuvaṃ’.
280. “Na cāpi me sīvali so abhakkho, yaṃ hoti cattaṃ gihino sunassa vā;  
Ye keci bhogā idha dhammaladdhā, sabbo so bhakkho anavayoti [anavajjoti (sī. pī.)] vutto’.
281. “Kumārīke upaseniye, niccaṃ niggaḷamaṇḍite;  
Kasmā te eko bhujō janati, eko te na janatī bhujō’.
282. “Imasmiṃ me samaṇa hatthe, paṭimukkā dunīvarā [dunīdhurā (sī. pī.)];  
Saṅghātā [saṃghaṭṭā (syā. ka.)] jāyate saddo, dutiyasseva sā gati.
283. “Imasmiṃ me samaṇa hatthe, paṭimukko ekanīvaro [ekanīdhuro (sī. pī.)];  
So adutiyo na janati, munibhūtova tiṭṭhati.
284. “Vivādappatto [vivādamatto (pī.)] dutiyo, keneko vivadissati;  
Tassa te saggakāmassa, ekattamuparocataṃ’.
285. “Suṇāsi sīvali kathā [gāthā (sī. syā. pī.)], kumārīyā paveditā;  
Pesiya [pessiyā (sī. pī.)] maṃ garahittho, dutiyasseva sā gati.
286. “Ayaṃ dvedhāpatho bhadde, anuciṇṇo pathāvīhi;  
Tesaṃ tvaṃ ekaṃ gaṇhāhi, ahamekaṃ punāparaṃ.
287. “Māvaca [neva (sī. pī.), mā ca (syā. ka.)] maṃ tvaṃ pati meti, nāhaṃ [māhaṃ (sī. pī.)]  
bhariyāti vā puna’;  
“Imameva kathayantā, thūṇaṃ nagarupāgamuṃ.
288. “Koṭṭhake usukārassa, bhattakāle upaṭṭhite;  
Tatrā ca so usukāro, (ekaṃ daṇḍaṃ ujum kataṃ;) [( ) natthi bahūsu]  
Ekañca cakkhum niggaṃha, jimhamekena pekkhati’.
289. “Evaṃ no sādhu passasi, usukāra suṇohi me;

Yadekaṃ cakkhuṃ niggayha, jimhamekena pekkhasi”.

290. “Dvīhi samaṇa cakkhūhi, visālaṃ viya khāyati;  
Asampatvā paramaṃ [param (sī. pī.)] liṅgaṃ, nujubhāvāya kappati.
291. “Ekañca cakkhuṃ niggayha, jimhamekena pekkhato;  
Sampatvā paramaṃ liṅgaṃ, ujubhāvāya kappati.
292. “Vivādappatto [vivādamatto (pī.)] dutiyo, keneko vivadissati;  
Tassa te saggakāmassa, ekattamuparocataṃ”.
293. “Suṇāsi sīvali kathā [gāthā (sī. syā. pī.)], usukārena veditā;  
Pesiya maṃ garahittho, dutiyasseva sā gati.
294. “Ayaṃ dvedhāpatho bhaddo, anuciṇṇo pathāvīhi;  
Tesaṃ tvaṃ ekaṃ gaṇhāhi, ahamekaṃ punāparaṃ.
295. “Māvaca maṃ tvaṃ pati meti, nāhaṃ bhariyāti vā puna”;  
“Muñjāvesikā pavāḷhā, ekā vihara sīvalī”ti.

Mahājanakajātaṃ dutiyaṃ.

#### 540. Suvaṇṇasāmajātakaṃ (3)

296. “Ko nu maṃ usunā vijjhi, pamattaṃ udahāraṃ [hārikaṃ (syā.), hāriyaṃ (ka.)];  
Khattiyo brāhmaṇo vesso, ko maṃ viddhā nilīyasi.
297. “Na me maṃsāni khajjāni, cammenattho na vijjati;  
Atha kena nu vaṇṇena, viddheyyaṃ maṃ amaññatha.
298. “Ko vā tvaṃ kassa vā putto, kathaṃ jānemu taṃ mayaṃ;  
Puṭṭho me samma akkhāhi, kiṃ maṃ viddhā nilīyasi”.
299. “Rājāhamasmi kāsīnaṃ, pīḷiyakkhoti maṃ vidū;  
Lobhā raṭṭhaṃ pahitvāna, migamesaṃ carāmaṃ.
300. “Issatthe casmi kusalo, daḷhadhammoti vissuto;  
Nāgopi me na mucceyya, āgato usupātanaṃ.
301. “Ko vā tvaṃ kassa vā putto [tvaṃ ca kassa vā puttosi (sī. pī.)], kathaṃ jānemu taṃ mayaṃ;  
Pituno attano cāpi, nāmagottaṃ pavedaya”.
302. “Nesādaputto bhaddante, sāmo iti maṃ ñātayo;  
Āmantayimṣu jīvantaṃ, svajjevāhaṃ gato [svajjevāngato (syā.), svajjevāngate (ka.)] saye.
303. “Viddhosmi puthusallena, savisena yathā migo;  
Sakamhi lohite rāja, passa semi pariḷluto.
304. “Paṭivāmagataṃ [paṭidhamma gataṃ (sī. pī.)] sallamaṃ, passa dhimhāmi [vihāmi (sī. pī.)]  
lohitaṃ;  
Āturo tyānupucchāmi, kiṃ maṃ viddhā nilīyasi.

305. “Ajinamhi haññate dīpi, nāgo dantehi haññate;  
Atha kena nu vaññena, viddheyyaṃ maṃ amaññatha”.
306. “Migo upaṭṭhito āsi, āgato usupātanaṃ;  
Taṃ disvā ubbijī sāma, tena kodho mamāvisi”.
307. “Yato sarāmi attānaṃ, yato pattosmi viññutaṃ;  
Na maṃ migā uttasanti, araññe sāpadānipi.
308. “Yato nidhiṃ parihariṃ, yato pattosmi yobbanāṃ;  
Na maṃ migā uttasanti, araññe sāpadānipi.
309. “Bhīrū kimpurisā rāja, pabbate gandhamādane;  
Sammodamānā gacchāma, pabbatāni vanāni ca.
310. (“Na maṃ migā uttasanti, araññe sāpadānipi;) [( ) natthi sī. syā. pī. potthakesu]  
Atha kena nu vaññena, utrāsanti migā mamaṃ” [utrāse so migo mamaṃ (sī. pī.)].
311. “Na taṃ tasa [na taddasā (sī. pī.)] migo sāma, kiṃ tāhaṃ alikaṃ bhāṇe;  
Kodhalobhābhībūtāhaṃ, usuṃ te taṃ avassajijim [avissajijim (syā.)].
312. “Kuto nu sāma āgamma, kassa vā pahito tuvaṃ;  
Udahāro nadiṃ gaccha, āgato migasammatam”.
313. “Andhā mātāpitā mayhaṃ, te bharāmi brahāvane;  
Tesāhaṃ udakāhāro, āgato migasammatam.
314. “Atthi nesaṃ usāmatam, atha sāhassa jīvitam;  
Udakassa alābhena, maññe andhā marissare.
315. “Na me idaṃ tathā dukkhaṃ, labbhā hi pumunā idaṃ;  
Yañca ammaṃ na passāmi, taṃ me dukkhataram ito.
316. “Na me idaṃ tathā dukkhaṃ, labbhā hi pumunā idaṃ;  
Yañca tātam na passāmi, taṃ me dukkhataram ito.
317. “Sā nūna kapaṇā ammā, cirarattāya rucchati [ruccati (ka.)];  
Aḍḍharatteva ratte vā, nadīva avasucchati [avasussati (syā.)].
318. “So nūna kapaṇo tāto, cirarattāya rucchati [ruccati (ka.)];  
Aḍḍharatteva ratte vā, nadīva avasucchati [avasussati (syā.)].
319. “Uṭṭhānapādacariyāya [pāricariyāya (sī. pī.)], pādasambāhanassa ca;  
Sāma tāta vilapantā, hiṇḍissanti brahāvane.
320. “Idampi dutiyaṃ sallaṃ, kampeti hadayaṃ mamaṃ;  
Yañca andhe na passāmi, maññe hissāmi [yañca hessāmi (sī. pī.), taṃ mem hissāmi (ka.)]  
jīvitam”.
321. “Mā bālhaṃ paridevesi, sāma kalyāṇadassana;  
Ahaṃ kammakaro hutvā, bharissaṃ te brahāvane.

322. “Issatthe casmi kusalo, daḷhadhammoti vissuto;  
Ahaṃ kammakaro hutvā, bharissaṃ te brahāvane.
323. “Migānaṃ [magānaṃ (ka.)] viḡhāsamanvesaṃ, vanamūlaphalāni ca;  
Ahaṃ kammakaro hutvā, bharissaṃ te brahāvane.
324. “Katamaṃ taṃ vanaṃ sāma, yattha mātāpitā tava;  
Ahaṃ te tathā bharissaṃ, yathā te abharī tuvaṃ”.
325. “Ayaṃ ekapadī rāja, yoyaṃ ussīsake mama;  
Ito gantvā aḍḍhakosaṃ, tattha nesaṃ agāraṃ;  
Yattha mātāpitā mayhaṃ, te bharassu ito gato.
326. “Namo te kāsirājatthu, namo te kāsivaḍḍhana;  
Andhā mātāpitā mayhaṃ, te bharassu brahāvane.
327. “Añjaliṃ te paggaṇhāmi, kāsirāja namatthu te;  
Mātaraṃ pitaraṃ mayhaṃ, vutto vajjāsi vandanaṃ”.
328. “Idaṃ vatvāna so sāmo, yuvā kalyāṇadassano;  
Mucchito visavegena, visaññī samapajjatha.
329. “Sa rājā paridevesi, bahuṃ kāruññaṣaṇhitāṃ;  
Ajarāmarohaṃ āsiṃ, ajettaṃ ñāmi [ajjahaññāmi (ka.)] no pure;  
Sāmaṃ kālaṅkataṃ disvā, natthi maccussa nāgamo.
330. “Yassu maṃ paṭimanteti, savisena samappito;  
Svajjevaṃ gate kāle, na kiñci mabhibhāsati.
331. “Nirayaṃ nūna gacchāmi, ettha me natthi saṃsayo;  
Tadā hi pakataṃ pāpaṃ, cirarattāya kibbisaṃ.
332. “Bhavanti tassa vattāro, gāme kibbisakārako;  
Araññe nimmanussamhi, ko maṃ vattumarahati.
333. “Sārayanti hi kammāni, gāme saṃgaccha māṇavā;  
Araññe nimmanussamhi, ko nu maṃ sārayissati”.
334. “Sā devatā antarahitā, pabbate gandhamādane;  
Rañño va anukampāya, imā gāthā abhāsatha.
335. “Āguṃ kira mahārāja, akari [akarā (sī.)] kamma dukkaṭaṃ;  
Adūsakā pitāputtā, tayo ekūsunā hatā.
336. “Ehi taṃ anusikkhāmi, yathā te sugatī siyā;  
Dhammenandhe vane posa, maññehaṃ sugatī tayā.
337. “Sa rājā paridevitvā, bahuṃ kāruññaṣaṇhitāṃ;  
Udakakumbhamādāya, pakkāmi dakkhiṇāmukho.
338. “Kassa nu eso padasaddo, manussasseva āgato;  
Neso sāmassa nigghoso, ko nu tvamasi mārīsa.

339. “Santañhi sāmo vajati, santam pādāni neyati [uttahi (sī.)];  
Neso sāmassa nigghoso, ko nu tvamasi mārisa”.
340. “Rājāhamasmi kāsīnaṃ, pīḷiyakkhoti maṃ vidū;  
Lobhā raṭṭhaṃ pahitvāna, migamesaṃ carāmaṃ.
341. “Issatthe casmi kusalo, daḷhadhammoti vissuto;  
Nāgopi me na mucceyya, āgato usupātanam”.
342. “Svāgataṃ te mahārāja, atho te adurāgataṃ;  
Issarosi anuppatto, yaṃ idhatthi pavedaya.
343. “Tindukāni piyālāni, madhuke kāsūmāriyo;  
Phalāni khuddakappāni, bhuñja rāja varam varam.
344. “Idampi pānīyaṃ sītaṃ, ābhatam girigabbharā;  
Tato pīva mahārāja, sace tvaṃ abhikañkhasi”.
345. “Nālam andhā vane daṭṭham, ko nu vo phalamāhari;  
Anandhassevayaṃ sammā, nivāpo mayha khāyati”.
346. “Daharo yuvā nātībrahā, sāmo kalyāṇadassano;  
Dīghassa kesā asitā, atho sūnagga [sonagga (ka.)] vellitā.
347. “So have phalamāharitvā, ito ādāya [ādā (sī. pī.)] kamaṇḍalum;  
Nadiṃ gato udahāro, maññe na dūramāgato”.
348. “Ahaṃ taṃ avadhiṃ sāmaṃ, yo tuyhaṃ paricārako;  
Yaṃ kumāraṃ pavedetha, sāmaṃ kalyāṇadassanaṃ.
349. “Dīghassa kesā asitā, atho sūnaggavellitā;  
Tesu lohitalittesu, seti sāmo mayā hato”.
350. “Kena dukūlamantesi, hato sāmoti vādinā;  
Hato sāmoti sutvāna, hadayaṃ me pavedhati.
351. “Assatthasseva taruṇaṃ, pavāḷaṃ māluteritaṃ;  
Hato sāmoti sutvāna, hadayaṃ me pavedhati”.
352. “Pārike kāsīrājāyaṃ, so sāmaṃ migasammate;  
Kodhasā usunā vijjhi, tassa mā pāpamicchimhā”.
353. “Kicchā laddho piyo putto, yo andhe abharī vane;  
Taṃ ekaputtaṃ ghātimhi, kathaṃ cittaṃ na kopaye”.
354. “Kicchā laddho piyo putto, yo andhe abharī vane;  
Taṃ ekaputtaṃ ghātimhi, akkodhaṃ āhu paṇḍitā”.
355. “Mā bālhaṃ paridevetha, hato sāmoti vādinā;  
Ahaṃ kammakaro hutvā, bharissāmi brahāvane.
356. “Issatthe casmi kusalo, daḷhadhammoti vissuto;



Ahaṃ kammakaro hutvā, bharissāmi brahāvane.

357. “Migānaṃ vighāsamanvesaṃ, vanamūlaphalāni ca;  
Ahaṃ kammakaro hutvā, bharissāmi brahāvane”.
358. “Nesa dhammo mahārāja, netaṃ amhesu kappati;  
Rājā tvamasi amhākaṃ, pāde vandāma te mayaṃ”.
359. “Dhammaṃ nesāda bhaṇatha, katā apacitī tayā;  
Pitā tvamasi [tvamahi (?)] amhākaṃ, mātā tvamasi pārike”.
360. “Namo te kāsirājatthu, namo te kāsivaḍḍhana;  
Añjaliṃ te paggaṇhāma, yāva sāmānupāpaya.
361. “Tassa pāde samajjantā [pavaṭṭantā (pī.)], mukhañca bhujadassanaṃ;  
Saṃsumbhamānā attānaṃ, kālamāgamayāmase”.
362. “Brahā vālamigākiṇṇaṃ, ākāsaṃva dissati;  
Yattha sāmo hatto seti, candova patito chamā.
363. “Brahā vālamigākiṇṇaṃ, ākāsaṃva dissati;  
Yattha sāmo hatto seti, sūriyova patito chamā.
364. “Brahā vālamigākiṇṇaṃ, ākāsaṃva dissati;  
Yattha sāmo hatto seti, paṃsunā patikuntito [kuṇṭhito (sī. syā. pī.) evamuparipi].
365. “Brahā vālamigākiṇṇaṃ, ākāsaṃva dissati;  
Yattha sāmo hatto seti, idheva vasathassame”.
366. “Yadi tattha sahaṣṣāni, satāni niyutāni [nahutāni (sī. syā. pī.)] ca;  
Nevamhākaṃ bhayaṃ koci, vane vālesu vijjati”.
367. “Tato andhānamādāya, kāsirājā brahāvane;  
Hatthe gahetvā pakkāmi, yattha sāmo hatto ahu.
368. “Disvāna patitaṃ sāmaṃ, puttakaṃ paṃsukunthitaṃ;  
Apariddhaṃ brahārañṇe, candaṃva patitaṃ chamā.
369. “Disvāna patitaṃ sāmaṃ, puttakaṃ paṃsukunthitaṃ;  
Apariddhaṃ brahārañṇe, sūriyaṃva patitaṃ chamā.
370. “Disvāna patitaṃ sāmaṃ, puttakaṃ paṃsukunthitaṃ;  
Apariddhaṃ brahārañṇe, kalūnaṃ [karuṇaṃ (sī. pī.)] paridevayūṃ.
371. “Disvāna patitaṃ sāmaṃ, puttakaṃ paṃsukunthitaṃ;  
Bāhā paggayha pakkandūṃ, adhammo kira bho iti.
372. “Bālhaṃ kho tvaṃ pamattosi, sāma kalyāṇadassana;  
Yo ajevvaṃ [svajjevvaṃ (ka.) evamuparipi] gate kāle, na kiñci mabhibhāsasi.
373. “Bālhaṃ kho tvaṃ padittosi, sāma kalyāṇadassana;  
Yo ajevvaṃ gate kāle, na kiñci mabhibhāsasi.

374. “Bālhaṃ kho tvaṃ pakuddhosi, sāma kalyāṇadassana;  
Yo ajevvaṃ gate kāle, na kiñci mabhibhāsasi.
375. “Bālhaṃ kho tvaṃ pasuttosi, sāma kalyāṇadassana;  
Yo ajevvaṃ gate kāle, na kiñci mabhibhāsasi.
376. “Bālhaṃ kho tvaṃ vīmanosi, sāma kalyāṇadassana;  
Yo ajevvaṃ gate kāle, na kiñci mabhibhāsasi.
377. “Jaṭṭhaṃ valinaṃ paṃsugataṃ [paṅkahataṃ (sī. pī.)], ko dāni saṅṭhapessati [saṅṭhapessati (sī. syā. pī.)];  
Sāmo ayaṃ kālaṅkato, andhānaṃ paricārako.
378. “Ko me sammajjānādāya [ce sammajjānādāya (sī.), no sammajjānādāya (syā.), me sammajjānādāya (pī.)], sammajjissati assamaṃ;  
Sāmo ayaṃ kālaṅkato, andhānaṃ paricārako.
379. “Ko dāni nhāpayissati, sītenuṇhodakena ca;  
Sāmo ayaṃ kālaṅkato, andhānaṃ paricārako.
380. “Ko dāni bhojayissati, vanamūlaphalāni ca;  
Sāmo ayaṃ kālaṅkato, andhānaṃ paricārako”.
381. “Disvāna patitaṃ sāmaṃ, puttakaṃ paṃsukunthitaṃ;  
Aṭṭitā puttāsokena, mātā saccaṃ abhāsatha.
382. “Yena saccenayaṃ sāmo, dhammacārī pure ahu;  
Etena saccavajjena, visaṃ sāmassa haññatu.
383. “Yena saccenayaṃ sāmo, brahmacārī pure ahu;  
Etena saccavajjena, visaṃ sāmassa haññatu.
384. “Yena saccenayaṃ sāmo, saccavādī pure ahu;  
Etena saccavajjena, visaṃ sāmassa haññatu.
385. “Yena saccenayaṃ sāmo, mātāpettibharo [mātāpettibharo (syā.), mātāpittibharo (ka.)] ahu;  
Etena saccavajjena, visaṃ sāmassa haññatu.
386. “Yena saccenayaṃ sāmo, kule jeṭṭhāpacāyiko;  
Etena saccavajjena, visaṃ sāmassa haññatu.
387. “Yena saccenayaṃ sāmo, pāṇā piyataro mama;  
Etena saccavajjena, visaṃ sāmassa haññatu.
388. “Yaṃ kiñcitthi kataṃ puññaṃ, mayhañceva pitucca te;  
Sabbena tena kusalena, visaṃ sāmassa haññatu”.
389. “Disvāna patitaṃ sāmaṃ, puttakaṃ paṃsukunthitaṃ;  
Aṭṭito puttāsokena, pitā saccaṃ abhāsatha.
390. “Yena saccenayaṃ sāmo, dhammacārī pure ahu;  
Etena saccavajjena, visaṃ sāmassa haññatu.

391. “Yena saccenayaṃ sāmo, brahmacārī pure ahu;  
Etena saccavajjena, visaṃ sāmassa haññatu.
392. “Yena saccenayaṃ sāmo, saccavādī pure ahu;  
Etena saccavajjena, visaṃ sāmassa haññatu.
393. “Yena saccenayaṃ sāmo, mātāpettibharo ahu;  
Etena saccavajjena, visaṃ sāmassa haññatu.
394. “Yena saccenayaṃ sāmo, kule jeṭṭhāpacāyiko;  
Etena saccavajjena, visaṃ sāmassa haññatu.
395. “Yena saccenayaṃ sāmo, pāṇā piyataro mama;  
Etena saccavajjena, visaṃ sāmassa haññatu.
396. “Yaṃ kiñcitthi [[kiñcatthi \(sī. pī.\)](#)] kataṃ puññaṃ, mayhañceva mātucca te;  
Sabbena tena kusalena, visaṃ sāmassa haññatu.
397. “Sā devatā antarahitā, pabbate gandhamādane;  
Sāmassa anukampāya, imaṃ saccaṃ abhāsatha.
398. “Pabbatyāhaṃ gandhamādane, cirarattanivāsini [[ciraṃ rattam nivāsini \(syā.\)](#)];  
Na me piyataro koci, añño sāmena [[sāmā na \(sī. pī.\)](#)] vijjati;  
Etena saccavajjena, visaṃ sāmassa haññatu.
399. “Sabbe vanā gandhamayā, pabbate gandhamādane;  
Etena saccavajjena, visaṃ sāmassa haññatu”.
400. Tesam lālappamānānaṃ, bahuṃ kāruññasañhitam;  
Khippaṃ sāmo samuṭṭhāsi, yuvā kalyāṇadassano.
401. “Sāmohamasmi bhaddaṃ vo [[bhaddante \(ka.\)](#)], sotthināmi samuṭṭhito;  
Mā bālhaṃ paridevetha, mañjunābhivadetha maṃ”.
402. “Svāgataṃ te mahārāja, atho te adurāgataṃ;  
Issarosi anupatto, yaṃ idhatthi pavedaya.
403. “Tindukāni piyālāni, madhuke kāsūmāriyo;  
Phalāni khuddakappāni, bhujja rāja varaṃ varaṃ.
404. “Atthi me pāniyaṃ sītaṃ, ābhataṃ girigabbharā;  
Tato piva mahārāja, sace tvaṃ abhikaṅkhasi”.
405. “Sammuyhāmi pamuyhāmi, sabbā muyhanti me disā;  
Petaṃ taṃ sāmamaddakkhiṃ, ko nu tvaṃ sāma jīvasi”.
406. “Api jīvaṃ mahārāja, purisaṃ gālḥavedanaṃ;  
Upanītamanaśāṅkappaṃ, jīvantaṃ maññate mataṃ.
407. “Api jīvaṃ mahārāja, purisaṃ gālḥavedanaṃ;  
Taṃ nirodhagataṃ santaṃ, jīvantaṃ maññate mataṃ.

408. “Yo mātaraṃ pitaraṃ vā, macco dhammena posati;  
Devāpi naṃ tikicchanti, mātāpettibharaṃ naraṃ.
409. “Yo mātaraṃ pitaraṃ vā, macco dhammena posati;  
Idheva naṃ pasaṃsanti, pecca sagge pamodati”.
410. “Esa bhiyyo pamuyhāmi, sabbā muyhanti me disā;  
Saraṇaṃ taṃ sāma gacchāmi [[saraṇaṃ sāma gacchāmi \(syā. ka.\)](#)], tvaṅca me saraṇaṃ bhava”.
411. “Dhammaṃ cara mahārāja, mātāpitūsu khattiya;  
Idha dhammaṃ caritvāna, rāja saggamaṃ gamissasi.
412. “Dhammaṃ cara mahārāja, puttadāresu khattiya;  
Idha dhammaṃ caritvāna, rāja saggamaṃ gamissasi.
413. “Dhammaṃ cara mahārāja, mittāmaccesu khattiya;  
Idha dhammaṃ caritvāna, rāja saggamaṃ gamissasi.
414. “Dhammaṃ cara mahārāja, vāhanesu balesu ca;  
Idha dhammaṃ caritvāna, rāja saggamaṃ gamissasi.
415. “Dhammaṃ cara mahārāja, gāmesu nigamesu ca;  
Idha dhammaṃ caritvāna, rāja saggamaṃ gamissasi.
416. “Dhammaṃ cara mahārāja, raṭṭhesu janapadesu ca;  
Idha dhammaṃ caritvāna, rāja saggamaṃ gamissasi.
417. “Dhammaṃ cara mahārāja, samaṇabrāhmaṇesu ca;  
Idha dhammaṃ caritvāna, rāja saggamaṃ gamissasi.
418. “Dhammaṃ cara mahārāja, migapakkhīsu khattiya;  
Idha dhammaṃ caritvāna, rāja saggamaṃ gamissasi.
419. “Dhammaṃ cara mahārāja, dhammo ciṅṇo sukhāvaho;  
Idha dhammaṃ caritvāna, rāja saggamaṃ gamissasi.
420. “Dhammaṃ cara mahārāja, saindā devā sabrahmakā;  
Suciṅṇena divaṃ pattā, mā dhammaṃ rāja pāmado”ti.

Suvaṇṇasāmajātakaṃ [[sāmajātakaṃ \(sī. pī.\)](#)] tatiyaṃ.

#### 541. Nimijātakaṃ (4)

421. “Accheraṃ vata lokasmiṃ, uppajjanti vicakkhaṇā;  
Yadā ahu nimirājā, paṇḍito kusalatthiko.
422. “Rājā sabbavidehānaṃ, adā dānaṃ arindamo;  
Tassa taṃ dadato dānaṃ, saṅkappo udapajjatha;  
Dānaṃ vā brahmacariyaṃ vā, katamaṃ su mahapphalaṃ.
423. Tassa saṅkappamaññāya, maghavā devakuñjaro;  
Sahassanetto pāturahu, vaṇṇena vihanaṃ [[nihanam \(sī. pī.\)](#), [vihataṃ \(syā. ka.\)](#)] tamaṃ.

424. Salomahaṭṭho manujindo, vāsavaṃ avacā nimi;  
“Devatā nusi gandhabbo, adu sakko purindado.
425. “Na ca me tādiso vaṇṇo, diṭṭho vā yadi vā suto;  
[natthi sī. pī. potthakesu] Ācikkha me tvaṃ bhaddante, kathaṃ jānemu taṃ mayaṃ” [natthi sī. pī. potthakesu].
426. Salomahaṭṭhaṃ ñatvāna, vāsavo avacā nimim;  
“Sakkohamasmi devindo, āgatosmi tavantike;  
Alomahaṭṭho manujinda, puccha pañhaṃ yamicchasi”.
427. So ca tena katokāso, vāsavaṃ avacā nimi;  
“Pucchāmi taṃ mahārāja [mahābāhu (sī. pī.), devarāja (ka.)], sabbabhūtānamissara;  
Dānaṃ vā brahmacariyaṃ vā, katamaṃ su mahapphalaṃ”.
428. So puṭṭho naradevena, vāsavo avacā nimim;  
“Vipākaṃ brahmacariyassa, jānaṃ akkhāsijānato.
429. “Hīnena brahmacariyena, khattiye upapajjati;  
Majjhimena ca devattaṃ, uttamena visujjhanti.
430. “Na hete sulabhā kāyā, yācayogena kenaci;  
Ye kāye upapajjanti, anāgārā tapassino.
431. “Dudīpo [dutipo (ka.)] sāgaro selo, mujakindo [mucalindo (sī. syā. pī.), mujakinto (ka.)]  
bhagīraso;  
Usindaro [usīnaro (sī. pī.)] kassapo ca [aṭṭhako ca (sī. pī.), atthako ca (syā.)], asako ca  
puthujjano.
432. “Ete caññe ca rājāno, khattiyā brāhmaṇā bahū;  
Puthuyaññaṃ yajitvāna, petattaṃ [petam te (sī. pī.)] nātivattisum.
433. “Atha yīme [addhā ime (sī. pī.), addhāyime (syā.)] avattiṃsu, anāgārā tapassino;  
Sattisayo yāmanu, somayāmo [sodayāgo (sī. syā. pī.)] manojavo.
434. “Samuddo māgho bhārato ca, isi kālapurakkhato [kālikarikkhiyo (sī. pī.)];  
Aṅgīraso kassapo ca, kisavaccho akatti [akitti (sī. pī.), akanti (syā.)] ca.
435. “Uttarena nadī sīdā, gambhīrā duratikkamā;  
Naḷaggivaṇṇā jotanti, sadā kañcanapabbatā.
436. “Parūḷhakacchā tagarā, rūḷhakacchā vanā nagā;  
Tatrāsūṃ dasasahassā, porāṇā isayo pure.
437. “Ahaṃ seṭṭhosmi dānena, saṃyamena damena ca;  
Anuttaraṃ vataṃ katvā, pakiracārī samāhite.
438. “Jātimantaṃ ajaccañca, ahaṃ ujugataṃ naraṃ;  
Ativelaṃ namassissaṃ, kammabandhū hi māṇavā [mātiyā (sī. pī.)].
439. “Sabbe vaṇṇā adhammaṭṭhā, patanti nirayaṃ adho;  
Sabbe vaṇṇā visujjhanti, caritvā dhammamuttamaṃ”.

440. Idam vatvāna maghavā, devarājā sujampati;  
Vedehamanusāsivā, saggakāyaṃ apakkami.
441. “Imaṃ bhonto nisāmetha, yāvattettha samāgatā;  
Dhammikānaṃ manussānaṃ, vaṇṇaṃ uccāvacaṃ bahuṃ.
442. “Yathā ayaṃ nimirājā, paṇḍito kusalatthiko;  
Rājā sabbavidehānaṃ, adā dānaṃ arindamo.
443. “Tassa taṃ dadato dānaṃ, saṅkappo udapajjatha;  
Dānaṃ vā brahmacariyaṃ vā, katamaṃ su mahapphalaṃ”.
444. Abbhuto vata lokasmiṃ, uppajji lomahaṃsano;  
Dibbo ratho pāturahu, vedehassa yasassino.
445. Devaputto mahiddhiko, mātali devasārathi;  
Nimantayittha rājānaṃ, vedehaṃ mithilaggahaṃ.
446. “Ehimaṃ rathamāruya, rājasetṭha disampati;  
Devā dassanakāmā te, tāvatimsā saindakā;  
Saramānā hi te devā, sudhammāyaṃ samacchare”.
447. Tato rājā taramāno, vedeho mithilaggaho;  
Āsanā vuṭṭhahitvāna, pamukho rathamāruhi.
448. Abhirūḷhaṃ rathaṃ dibbaṃ, mātali etadabravi;  
“Kena taṃ nemi maggena, rājasetṭha disampati;  
Yena vā pāpakammantā, puññakammā ca ye narā”.
449. “Ubhayeneva maṃ nehi, mātali devasārathi;  
Yena vā pāpakammantā, puññakammā ca ye narā”.
450. “Kena taṃ paṭhamaṃ nemi, rājasetṭha disampati;  
Yena vā pāpakammantā, puññakammā ca ye narā”.
451. “Niraye [niriyaṃ (syā. ka.)] tāva passāmi, āvāse [āvāsaṃ (syā. ka.)] pāpakammaṃ;  
Ṭhānāni luddakammānaṃ, dussīlānañca yā gati”.
452. Dassesī mātali rañño, duggaṃ vetaraṇiṃ nadiṃ;  
Kuthitaṃ khārasaṃyuttaṃ, tattaṃ aggisikhūpamaṃ [aggisamodakaṃ (ka.)].
453. Nimī have mātalamajjhabhāsatha [mātalamajjhabhāsi (syā.)], disvā janaṃ patamānaṃ vidugge;  
“Bhayañhi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu pāpaṃ, yeme janā vetaraṇiṃ patanti”.
454. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
455. “Ye dubbale balavantā jīvaloke, hiṃsanti rosanti supāpadhammā;  
Te luddakammā pasavetva pāpaṃ, teme janā vetaraṇiṃ patanti”.
456. “Sāmā ca soṇā sabalā ca gijjhā, kākolasānghā adanti [adenti (sī. syā. pī.) evamuparipi]

bheravā;  
 Bhayañhi maṃ vindati sūta disvā, pucchāmi taṃ mātali devasārathi;  
 Ime nu maccā kimakaṃsu pāpaṃ, yeme jane kākolasaṅghā adanti”.

457. Tassa puṭṭho viyākāsi, mātali devasārathi;  
 Vipākaṃ pāpakammānaṃ, jānaṃ akkhāsijānato.
458. “Ye kecime maccharino kadariyā, paribhāsakā samaṇabrāhmaṇānaṃ;  
 Hiṃsanti rosanti supāpadhammā, te luddakammā pasavetva pāpaṃ;  
 Teme jane kākolasaṅghā adanti”.
459. “Sajotibhūtā pathaviṃ kamanti, tattehi khandhehi ca pothayanti;  
 Bhayañhi maṃ vindati sūta disvā, pucchāmi taṃ mātali devasārathi;  
 Ime nu maccā kimakaṃsu pāpaṃ, yeme janā khandhahatā sayanti”.
460. Tassa puṭṭho viyākāsi, mātali devasārathi;  
 Vipākaṃ pāpakammānaṃ, jānaṃ akkhāsijānato.
461. “Ye jīvalokasmi supāpadhammino, narañca nāriñca apāpadhammaṃ;  
 Hiṃsanti rosanti supāpadhammā [supāpadhammino (ka.)], te luddakammā pasavetva pāpaṃ;  
 Teme janā khandhahatā sayanti”.
462. “Aṅgārakāsuṃ apare phuṇanti [thunanti (sī. syā.), phunanti (pī.)], narā rudantā  
 paridaḍḍhagattā;  
 Bhayañhi maṃ vidanti sūta disvā, pucchāmi taṃ mātali devasārathi;  
 Ime nu maccā kimakaṃsu pāpaṃ, yeme janā aṅgārakāsuṃ phuṇanti”.
463. Tassa puṭṭho viyākāsi, mātali devasārathi;  
 Vipākaṃ pāpakammānaṃ, jānaṃ akkhāsijānato.
464. “Ye keci pūgāya dhanassa [pūgāyanassa (sī. pī.)] hetu, sakkhiṃ karitvā iṇaṃ jāpayanti;  
 Te jāpayitvā janataṃ janinda, te luddakammā pasavetva pāpaṃ;  
 Teme janā aṅgārakāsuṃ phuṇanti”.
465. “Sajotibhūtā jalitā padittā, padissati mahatī lohakumbhī;  
 Bhayañhi maṃ vindati sūta disvā, pucchāmi taṃ mātali devasārathi;  
 Ime nu maccā kimakaṃsu pāpaṃ, yeme janā avaṃsirā lohakumbhiṃ patanti”.
466. Tassa puṭṭho viyākāsi, mātali devasārathi;  
 Vipākaṃ pāpakammānaṃ, jānaṃ akkhāsijānato.
467. “Ye sīlavantaṃ [sīlavaṃ (pī.)] samaṇaṃ brāhmaṇaṃ vā, hiṃsanti rosanti supāpadhammā;  
 Te luddakammā pasavetva pāpaṃ, teme janā avaṃsirā lohakumbhiṃ patanti”.
468. “Luñcanti gīvaṃ atha veṭhayitvā [aviveṭhayitvā (ka.)], uṇhodakasmimṃ pakiledayitvā  
 [pakiledayitvā (sī. pī.)];  
 Bhayañhi maṃ vindati sūta disvā, pucchāmi taṃ mātali devasārathi;  
 Ime nu maccā kimakaṃsu pāpaṃ, yeme janā luttasirā sayanti”.
469. Tassa puṭṭho viyākāsi, mātali devasārathi;  
 Vipākaṃ pāpakammānaṃ, jānaṃ akkhāsijānato.

470. “Ye jīvalokasmi supāpadhammino, pakkhī gahetvāna viheṭṭhayanti te;  
Viheṭṭhayitvā sakuṇaṃ janinda, te luddakāmā pasavetva pāpaṃ;  
Teme janā luttasirā sayanti.
471. “Pahūtatoyā anigādhakulā [[anikhātakulā \(sī. syā. pī.\)](#)], nadī ayaṃ sandati suppatitthā;  
Ghammābhitattā manujā pivanti, pītañca [[pivataṃ ca \(sī. syā. pī. ka.\)](#)] tesam bhusa hoti pāni.
472. “Bhayañhi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu pāpaṃ, pītañca tesam bhusa hoti pāni”.
473. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
474. “Ye suddhadhaññaṃ palāsena missaṃ, asuddhakammā kayino dadanti;  
Ghammābhitattāna pipāsītānaṃ, pītañca tesam bhusa hoti pāni”.
475. “Usūhi sattīhi ca tomarehi, dubhayāni passāni tudanti kandaṃ;  
Bhayañhi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu pāpaṃ, yeme janā sattihatā sayanti”.
476. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
477. “Ye jīvalokasmi asādhukammīno, adinnamādāya karonti jīvikaṃ;  
Dhaññaṃ dhanam rajataṃ jātarūpaṃ, ajeḷakañcāpi pasuṃ mahiṃsaṃ [[mahīsaṃ \(sī. pī.\)](#)];  
Te luddakammā pasavetva pāpaṃ, teme janā sattihatā sayanti”.
478. “Gīvāya baddhā kissa ime puneke, aññe vikantā [[vikattā \(sī. pī.\)](#)] bilakatā sayanti [[puneke \(sī. pī.\)](#)];  
Bhayañhi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu pāpaṃ, yeme janā bilakatā sayanti”.
479. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
480. “Orabbhikā sūkarikā ca macchikā, pasuṃ mahiṃsañca ajeḷakañca;  
Hantvāna sūnesu pasārayiṃsu, te luddakammā pasavetva pāpaṃ;  
Teme janā bilakatā sayanti.
481. “Rahado ayaṃ muttakarīsapūro, duggandharūpo asuci pūti vāti;  
Khudāparetā manujā adanti, bhayañhi maṃ vindati sūta disvā;  
Pucchāmi taṃ mātali devasārathi, ime nu maccā kimakaṃsu pāpaṃ;  
Yeme janā muttakarīsabhakkhā”.
482. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
483. “Ye kecime kāraṇikā virosakā, paresaṃ hiṃsāya sadā nivitthā;  
Te luddakammā pasavetva pāpaṃ, mittadduno mīḷhamadanti bālā.
484. “Rahado ayaṃ lohitaṃpubbapūro, duggandharūpo asuci pūti vāti;  
Ghammābhitattā manujā pivanti, bhayañhi maṃ vindati sūta disvā;



Pucchāmi taṃ mātaḷi devasārathi, ime nu maccā kimakaṃsu pāpaṃ;  
Yeme janā lohitapubbabhakkhā”.

485. Tassa puṭṭho viyākāsi, mātaḷi devasārathi;  
Vipākaṃ pāpakammānaṃ, jānaṃ akkhāsijānato.
486. “Ye mātaṃ vā pitaraṃ vā jīvaloke [pitaraṃ va jīvaloke (sī.), pitaraṃ va loke (pī.)], pārājikā arahante hananti;  
Te luddakammā pasavetva pāpaṃ, teme janā lohitapubbabhakkhā”.
487. “Jivhañca passa baḷisena viddhaṃ, vihaṃ yathā saṅkusatena cammaṃ;  
Phandanti macchāva thalamhi khittā, muñcanti kheḷaṃ rudamānā kimete.
488. “Bhayañhi maṃ vindati sūta disvā, pucchāmi taṃ mātaḷi devasārathi;  
Ime nu maccā kimakaṃsu pāpaṃ, yeme janā vaṅkaghastā sayanti”.
489. Tassa puṭṭho viyākāsi, mātaḷi devasārathi;  
Vipākaṃ pāpakammānaṃ, jānaṃ akkhāsijānato.
490. “Ye keci sandhānagatā [santhānagatā (sī. pī.), saṅṭhānagatā (syā.)] manussā, agghena agghaṃ kayāṃ hāpayanti;  
Kuṭena kuṭaṃ dhanalobhahetu, channaṃ yathā vāricaraṃ vadhāya.
491. “Na hi kūṭakārissa bhavanti tāṇā, sakehi kammehi purakkhatassa;  
Te luddakammā pasavetva pāpaṃ, teme janā vaṅkaghastā sayanti”.
492. “Nārī imā samparibhinnagattā, paggayha kandanti bhuje dujaccā;  
Sammakkhitā [samakkhitā (syā.), samakkhikā (ka.)] lohitapubbalittā, gāvo yathā āghātane vikantā;  
Tā bhūmibhāgasmim sadā nikhātā, khandhātivattanti sajotibhūtā.
493. “Bhayañhi maṃ vindati sūta disvā, pucchāmi taṃ mātaḷi devasārathi;  
Imā nu nāriyo kimakaṃsu pāpaṃ, yā bhūmibhāgasmim sadā nikhātā;  
Khandhātivattanti sajotibhūtā”.
494. Tassa puṭṭho viyākāsi, mātaḷi devasārathi;  
Vipākaṃ pāpakammānaṃ, jānaṃ akkhāsijānato.
495. “Kolitthiyāyo [koliniyāyo (sī. pī.)] idha jīvaloke, asuddhakammā asataṃ acāruṃ;  
Tā dittarūpā [dhuttarūpā (ka.)] pati vippahāya, aññaṃ acāruṃ ratikhiḍḍahetu;  
Tā jīvalokasmim ramāpayitvā, khandhātivattanti sajotibhūtā.
496. “Pāde gahetvā kissa ime puneke, avaṃsirā narake pātayanti;  
Bhayañhi maṃ vindati sūta disvā, pucchāmi taṃ mātaḷi devasārathi;  
Ime nu maccā kimakaṃsu pāpaṃ, yeme janā avaṃsirā narake pātayanti”.
497. Tassa puṭṭho viyākāsi, mātaḷi devasārathi;  
Vipākaṃ pāpakammānaṃ, jānaṃ akkhāsijānato.
498. “Ye jīvalokasmi asādhukammīno, parassa dārāni atikkamanti;  
Te tādisā uttamabhaṇḍathenā, teme janā avaṃsirā narake pātayanti.

499. “Te vassapūgāni bahūni tattha, nirayesu dukkhaṃ vedanaṃ vedayanti;  
Na hi pāpakāriṣṣa [kūṭakāriṣṣa (ka.)] bhavanti tāṇā, sakehi kammehi purakkhatassa;  
Te luddakammā pasavetva pāpaṃ, teme janā avamsirā narake pātayanti”.
500. “Uccāvacaṃe vividhā upakkamā, nirayesu dissanti sughorarūpā;  
Bhayañhi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu pāpaṃ, yeme janā adhimattā dukkhā tibbā;  
Kharā kaṭukā vedanā vedayanti”.
501. Tassa puṭṭho viyākāsi, mātali devasārathi;  
Vipākaṃ pāpakammānaṃ, jānaṃ akkhāsijānato.
502. “Ye jīvalokasmi supāpadiṭṭhino, vissāsakammāni karonti mohā;  
Parañca diṭṭhīsu samādapenti, te pāpadiṭṭhiṃ [pāpadiṭṭhī (sī. syā.), pāpadiṭṭhīsu (pī.)]  
pasavetva pāpaṃ;  
Teme janā adhimattā dukkhā tibbā, kharā kaṭukā vedanā vedayanti.
503. “Viditā te mahārāja, āvāsā pāpakammaṇaṃ;  
Ṭhānāni luddakammānaṃ, dussīlānañca yā gati;  
Uyyāhi dāni rājīsi, devarājassa santike”.
504. “Pañcathūpaṃ dissatidaṃ vimānaṃ, mālāpiḷandhā sayanassa majjhe;  
Tatthacchati nārī mahānubhāvā, uccāvacaṃ iddhi vikubbamānā.
505. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu nārī kimakāsi sādhuṃ, yā modati saggapattā vimāne”.
506. Tassa puṭṭho viyākāsi, mātali devasārathi;  
Vipākaṃ puññakammānaṃ, jānaṃ akkhāsijānato.
507. “Yadi te sutā bīraṇī jīvaloke, āmāyadāsī ahu brāhmaṇassa;  
Sā pattakāle [pattakālaṃ (sī. syā. pī.)] atithiṃ viditvā, mātāva puttaṃ sakimābhinandī;  
Saṃyamā saṃvibhāgā ca, sā vimānasmi modati.
508. “Daddallamānā ābhenti [ābhanti (syā. ka.)], vimānā satta nimmitā;  
Tattha yakkho mahiddhiko, sabbābharaṇabhūsito;  
Samantā anupariyāti, nārīgaṇapurakkhato.
509. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu macco kimakāsi sādhuṃ, yo modati saggapatto vimāne”.
510. Tassa puṭṭho viyākāsi, mātali devasārathi;  
Vipākaṃ puññakammānaṃ, jānaṃ akkhāsijānato.
511. “Soṇadinno gahapati, esa dānapatī ahu;  
Esa pabbajituddissa, vihāre satta kārayi.
512. “Sakkaccaṃ te upaṭṭhāsī, bhikkhavo tattha vāsike;  
Acchādanañca bhattañca, senāsanaṃ padīpiyaṃ.

Adāsi ujubhūtesu, vippasannena cetasā.

513. “Cātuddasiṃ pañcadasiṃ, yā ca [yā va (sī. pī.)] pakkhassa aṭṭhamī [aṭṭhamiṃ (sī. pī.)];  
Pāṭihāriyapakkhañca, aṭṭhaṅgasusamāhitam.
514. “Uposatham upavasī, sadā sīlesu saṃvuto;  
Saṃyamā saṃvibhāgā ca, so vimānasmi modati.
515. “Pabhāsati midam byamham, phalikāsu sunimmitam;  
Nārīvaragaṇākiṇṇam, kūṭāgāvararocitam;  
Upeṭam annapānehi, naccagītehi cūbhayam.
516. “Vittī hi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu sādhum, ye modare saggapattā vimāne”.
517. Tassa puṭṭho viyākāsi, mātali devasārathi;  
Vipākaṃ puñṇakammānam, jānam akkhāsijānato.
518. “Yā kāci nāriyo idha jīvaloke, sīlavantiyo upāsikā;  
Dāne ratā niccam pasannacittā, sacce ṭhitā uposathe appamattā;  
Saṃyamā saṃvibhāgā ca, tā vimānasmi modare.
519. “Pabhāsati midam byamham, veḷuriyāsu nimmitam;  
Upeṭam bhūmibhāgehi, vibhattam bhāgaso mitam.
520. “Āḷambarā mudingā ca, naccagītā suvādītā;  
Dibbā saddā niccharanti, savanīyā manoramā.
521. “Nāham evaṃgataṃ jātu [jātam (ka.)], evaṃsuruciram pure;  
Saddam samabhijānāmi, diṭṭham vā yadi vā sutam.
522. “Vittī hi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu sādhum, ye modare saggapattā vimāne”.
523. Tassa puṭṭho viyākāsi, mātali devasārathi;  
Vipākaṃ puñṇakammānam, jānam akkhāsijānato.
524. “Ye keci maccā idha jīvaloke, sīlavantā [sīlavanto (sī. pī.)] upāsakā;  
Ārāme udapāne ca, papā sankamanāni ca;  
Arahante sītībhūte [arahantesu sītībhūtesu (ka.)], sakkaccaṃ paṭipādayum.
525. “Cīvaram piṇḍapātañca, paccayam sayanāsanam;  
Adaṃsu ujubhūtesu, vippasannena cetasā.
526. “Cātuddasiṃ pañcadasiṃ, yā ca pakkhassa aṭṭhamī;  
Pāṭihāriyapakkhañca, aṭṭhaṅgasusamāhitam.
527. “Uposatham upavasum, sadā sīlesu saṃvutā;  
Saṃyamā saṃvibhāgā ca, te vimānasmi modare.
528. “Pabhāsati midam byamham, phalikāsu sunimmitam;  
Nārīvaragaṇākiṇṇam, kūṭāgāvararocitam.
529. “Upeṭam annapānehi, naccagītehi cūbhayam;

Najjo cānupariyāti, nānāpupphadumāyutā.

530. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu macco kimakāsi sādhuṃ, yo modatī saggapatto vimāne”.
531. Tassa puṭṭho viyākāsi, mātali devasārathi;  
Vipākaṃ puññakammānaṃ, jānaṃ akkhāsijānato.
532. “Mithilāyaṃ gahapati, esa dānapatī ahu;  
Ārāme udapāne ca, papā saṅkamanāni ca;  
Arahante sītibhūte, sakkaccaṃ paṭipādayi.
533. “Cīvaram piṇḍapātañca, paccayaṃ sayanāsanam;  
Adāsi ujubhūtesu, vippasannena cetasā.
534. “Cātuddasiṃ pañcadasiṃ, yā ca pakkhassa aṭṭhamī;  
Pāṭihāriyapakkhañca, aṭṭhaṅgasusamāhitam.
535. “Uposathaṃ upavasī, sadā sīlesu saṃvuto;  
Saṃyamā saṃvibhāgā ca, so vimānasmi modati”.
536. “Pabhāsati midam byamham, phalikāsu sunimmitam [veḷuriyāsu nimmitam (pī.)];  
Nārīvaragaṇākiṇṇam, kūṭāgāvararocitam.
537. “Upetaṃ annapānehi, naccagītehi cūbhayaṃ;  
Najjo cānupariyāti, nānāpupphadumāyutā.
538. “Rājāyatanā kapitthā ca, ambā sālā ca jambuyo;  
Tindukā ca piyālā ca, dumā niccaphalā bahū.
539. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu macco kimakāsi sādhuṃ, yo modatī saggapatto vimāne”.
540. “Tassa puṭṭho viyākāsi, mātali devasārathi;  
Vipākaṃ puññakammānaṃ, jānaṃ akkhāsijānato.
541. “Mithilāyaṃ gahapati, esa dānapatī ahu;  
Ārāme udapāne ca, papā saṅkamanāni ca;  
Arahante sītibhūte, sakkaccaṃ paṭipādayi.
542. “Cīvaram piṇḍapātañca, paccayaṃ sayanāsanam;  
Adāsi ujubhūtesu, vippasannena cetasā.
543. “Cātuddasiṃ pañcadasiṃ, yā ca pakkhassa aṭṭhamī;  
Pāṭihāriyapakkhañca, aṭṭhaṅgasusamāhitam.
544. “Uposathaṃ upavasī, sadā sīlesu saṃvuto;  
Saṃyamā saṃvibhāgā ca, so vimānasmi modati”.
545. “Pabhāsati midam byamham, veḷuriyāsu nimmitam;  
Upetaṃ bhūmibhāgehi, vibhattam bhāgaso mitam.

546. “Ālambarā mudinṅā ca, naccagītā suvāditā;  
Dibyā saddā niccharanti, savanīyā manoramā.
547. “Nāhaṃ evaṃgataṃ jātu [jātaṃ (ka.)], evaṃsuruciyaṃ pure;  
Saddaṃ samabhijānāmi, diṭṭhaṃ vā yadi vā suttaṃ.
548. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu macco kimakāsi sādhuṃ, yo modati saggapatto vimāne”.
549. Tassa puṭṭho viyākāsi, mātali devasārathi;  
Vipākaṃ puñṇakammaṇaṃ, jānaṃ akkhāsijānato.
550. “Bārāṇasiyaṃ gahapati, esa dānapatī ahu;  
Ārāme udapāne ca, papā saṅkamanāni ca;  
Arahante sītibhūte, sakkaccaṃ paṭipādayi.
551. “Cīvaraṃ piṇḍapātañca, paccayaṃ sayanāsaṇaṃ;  
Adāsi ujubhūtesu, vippasanna cetasā.
552. “Cātuddasiṃ pañcadasiṃ, yā ca pakkhassa aṭṭhamī;  
Pāṭihāriyapakkhañca, aṭṭhaṅgasusamāhitaṃ.
553. “Uposathaṃ upavasī, sadāsīlesu saṃvuto;  
Saṃyamā saṃvibhāgā ca, so vimānasmi modati.
554. “Yathā udayamādicco, hoti lohitako mahā;  
Tathūpamaṃ idaṃ byamaṃ, jātārūpassa nimmitaṃ.
555. “Vittī hi maṃ vindati sūta disvā, pucchāmi taṃ mātali devasārathi;  
Ayaṃ nu macco kimakāsi sādhuṃ, yo modatī saggapatto vimāne”.
556. Tassa puṭṭho viyākāsi, mātali devasārathi;  
Vipākaṃ puñṇakammaṇaṃ, jānaṃ akkhāsijānato.
557. “Sāvattthiyaṃ gahapati, esa dānapatī ahu;  
Ārāme udapāne ca, papā saṅkamanāni ca;  
Arahante sītibhūte, sakkaccaṃ paṭipādayi.
558. “Cīvaraṃ piṇḍapātañca, paccayaṃ sayanāsaṇaṃ;  
Adāsi ujubhūtesu, vippasanna cetasā.
559. “Cātuddasiṃ pañcadasiṃ, yā ca pakkhassa aṭṭhamī;  
Pāṭihāriyapakkhañca, aṭṭhaṅgasusamāhitaṃ.
560. “Uposathaṃ upavasī, sadā sīlesu saṃvuto;  
Saṃyamā saṃvibhāgā ca, so vimānasmi modati.
561. “Vehāyasā me bahukā, jātārūpassa nimmitā;  
Daddallamānā ābhenti, vijjuvabbhaghantare.
562. “Vittī hi maṃ vindati sūta disvā, pucchāmi taṃ mātali devasārathi;  
Ime nu maccā kimakaṃsu sādhuṃ, ye modare saggapattā vimāne”.

563. Tassa puṭṭho viyākāsi, mātali devasārathi;  
Vipākaṃ puñṇakammānaṃ, jānaṃ akkhāsijānato.
564. “Saddhāya suniviṭṭhāya, saddhamme supavedite;  
Akāṃsu satthu vacanaṃ, sammāsambuddhasāsane [[sammāsambuddhasāvaka \(syā.\)](#)],  
[sammāsambuddhasāsanam \(pī.\)](#)];  
Tesaṃ etāni ṭhānāni, yāni tvaṃ rāja passasi.
565. “Viditā te mahārāja, āvāsā pāpakammaṃ;  
Atho kalyāṇakammānaṃ, ṭhānāni viditāni te;  
Uyyāhi dāni rājāsi, devarājassa santike”.
566. “Sahassayuttaṃ hayavāhiṃ, dibbayānamadhiṭṭhito;  
Yāyamāno mahārājā, addā sīdantare nage;  
Disvānāmantayī sūtaṃ, “ime ke nāma pabbatā”.
567. [[ayaṃ gāthā sī. syā. pī. potthakesu aṭṭhakathāyañca na dissati](#)] Tassa puṭṭho viyākāsi, mātali devasārathi;  
Vipākaṃ puñṇakammānaṃ, jānaṃ akkhāsijānato [[ayaṃ gāthā sī. syā. pī. potthakesu aṭṭhakathāyañca na dissati](#)].
568. “Sudassano karavīko, īsadharo [[isindharo \(syā.\)](#)], [[īsandharo \(ka.\)](#)] yugandharo;  
Nemindharo vinatako, assakaṇṇo girī brahā.
569. “Ete sīdantare nagā, anupubbasaṃmuggatā;  
Mahārājānamāvāsā, yāni tvaṃ rāja passasi.
570. “Anekarūpaṃ ruciraṃ, nānācitraṃ pakāsati;  
Ākiṇṇaṃ indasadisehi, byaggheheva surakkhitaṃ [[purakkhitaṃ \(syā. ka.\)](#)].
571. “Vittī hi maṃ vindati sūta disvā, pucchāmi taṃ mātali devasārathi;  
Imaṃ nu dvāraṃ kimabhañṇamāhu [[kimabhiñṇamāhu \(sī. pī.\)](#)], (manorama dissati dūratova.)  
[[\(\) ayaṃ pāṭho syāmapotthakeyeva dissati](#)]
572. Tassa puṭṭho viyākāsi, mātali devasārathi;  
Vipākaṃ puñṇakammānaṃ, jānaṃ akkhāsijānato.
573. “Citrakūṭoti yaṃ āhu, devarājapavesanaṃ;  
Sudassanassa girino, dvārañhettaṃ pakāsati.
574. “Anekarūpaṃ ruciraṃ, nānācitraṃ pakāsati;  
Ākiṇṇaṃ indasadisehi, byaggheheva surakkhitaṃ;  
Pavīsetena rājāsi, arajaṃ bhūmimakkama”.
575. “Sahassayuttaṃ hayavāhiṃ, dibbayānamadhiṭṭhito;  
Yāyamāno mahārājā, addā devasabhaṃ idaṃ.
576. “Yathā sarade ākāse [[ākāso \(sī. syā. pī.\)](#)], nīlobhāso padissati;  
Tathūpamaṃ idaṃ byamaṃ, veḷuriyāsu nimmitaṃ.
577. “Vittī hi maṃ vindati sūta disvā, pucchāmi taṃ mātali devasārathi;  
Imaṃ nu byamaṃ kimabhañṇamāhu [[kimabhiñṇamāhu \(sī. pī.\)](#)], (manorama dissati

dūratova.) [( ) [ayaṃ pāṭho syāmapotthakeyeva dissati](#)]

578. Tassa puṭṭho viyākāsi, mātali devasārathi;  
Vipākaṃ puñṇakammānaṃ, jānaṃ akkhāsijānato.
579. “Sudhammā iti yaṃ āhu, passesā [\[esesā \(syā. ka.\)\]](#) dissate sabhā;  
Veḷuriyārucirā citrā, dhārayanti sunimmitā.
580. “Atṭhaṃsā sukātā thambhā, sabbe veḷuriyāmayā;  
Yattha devā tāvatimsā, sabbe indapurohitā.
581. “Atthaṃ devamanussānaṃ, cintayantā samacchare;  
Pavisetena rājīsi, devānaṃ anumodanaṃ”.
582. “Taṃ devā paṭinandiṃsu, disvā rājānamāgataṃ;  
“Svāgataṃ te mahārāja, atho te adurāgataṃ;  
Nisīda dāni rājīsi, devarājassa santike”.
583. “Sakkopi paṭinandittha [\[paṭinanditvā \(ka.\)\]](#), vedehaṃ mithilaggahaṃ;  
Nimantayittha [\[nimantayī ca \(sī. pī.\)\]](#) kāmehi, āsanena ca vāsavo.
584. “Sādhu khosi anuppatto, āvāsaṃ vasavattinaṃ;  
Vasa devesu rājīsi, sabbakāmasamiddhisu;  
Tāvatiṃsesu devesu, bhuñja kāme amānuse”.
585. “Yathā yācitakaṃ yānaṃ, yathā yācitakaṃ dhanāṃ;  
Evaṃsampadamevetāṃ, yaṃ parato dānapaccayā.
586. “Na cāhametamicchāmi, yaṃ parato dānapaccayā;  
Sayaṃkatāni puñṇāni, taṃ me āveṇikaṃ [\[āveṇiyaṃ \(sī. syā. pī.\)\]](#), āveṇikaṃ [\(ka.\)](#) dhanāṃ.
587. “Sohaṃ gantvā manussesu, kāhāmi kusalaṃ bahuṃ;  
Dānena samacariyāya, saṃyamena damena ca;  
Yaṃ katvā sukhito hoti, na ca pacchānutappatī”.
588. “Bahūpakāro no bhavaṃ, mātali devasārathi;  
Yo me kalyāṇakammānaṃ, pāpānaṃ paṭidassayi” [\[paṭidaṃsayi \(pī.\)\]](#).
589. “Idaṃ vatvā nimirājā, vedeho mithilaggaho;  
Puthuyaññaṃ yajitvāna, saṃyamaṃ ajjhupāgamī”’ti.

Nimijātakaṃ [\[nimirājātakaṃ \(syā.\)\]](#) catutthaṃ.

#### 542. Umaṅgajātakaṃ (5)

590. “Pañcālo sabbasenāya, brahmadattoyamāgato;  
Sāyaṃ pañcāliyā senā, appameyyā mahosadha.
591. “Vīthimatī [\[piṭṭhimatī \(sī. pī.\)\]](#), [viddhimatī \(syā.\)](#) pattimatī, sabbasaṅgāmakovidā;  
Ohārinī saddavatī, bherisaṅkhappabodhanā.

592. “Lohavijjā alaṅkāṛā, dhajinī vāmarohinī;  
Sippiyehi susampannā, sūrehi suppatiṭṭhitā.
593. “Dasettha paṇḍitā āhu, bhūripaṇṇā rahogamā [rahogatā (syā. ka.)];  
Mātā ekādasī raṇṇo, pañcāliyaṃ pasāsati.
594. “Athetthekasataṃ khatyā, anuyantā yasassino;  
Acchinnaraṭṭhā byathitā, pañcāliyaṃ [pañcālīnaṃ (bahūsu)] vasaṃ gatā.
595. “Yaṃvadā-takkarā raṇṇo, akāmā piyabhāṇino;  
Pañcālamanuyāyanti, akāmā vasino gatā.
596. “Tāya senāya mithilā, tisandhiparivāritā;  
Rājadhānī videhānaṃ, samantā parikhaṇṇati.
597. “Uddhaṃ tārakajātāva, samantā parivāritā;  
Mahosadha vijānāhi, kathaṃ makkho bhavissati”.
598. “Pāde deva pasārehi, bhūṇja kāme ramassu ca;  
Hitvā pañcāliyaṃ senaṃ, brahmadatto palāyiti” [palāyati (sī. syā.)].
599. “Rājā santhavakāmo te, ratanāni pavecchati;  
Āgacchantu ito [tato (sī. syā.)] dūtā, maṇḍukā piyabhāṇino.
600. “Bhāsantu mudukā vācā, yā vācā paṭinanditā;  
Pañcālo ca videho ca [pañcālā ca videhā ca (sī. pī.)], ubho ekā bhavantu te”.
601. “Kathaṃ nu kevaṭṭa mahosadhena, samāgamo āsi tadinṅha brūhi;  
Kacci te paṭinijjhatto, kacci tuṭṭho mahosadho”.
602. “Anariyarūpo puriso janinda, asammodako thaddho asabbhirūpo;  
Yathā mūgo ca badhiro ca, na kiñcitthaṃ abhāsatha” [abhāsīttha (ka.)].
603. “Addhā idaṃ mantapadaṃ sududdasaṃ, attho suddho naravīriyena diṭṭho;  
Tathā hi kāyo mama sampavedhati, hitvā sayāṃ ko parahatthamessati”.
604. “Channaṇhi ekāva matī sameti, ye paṇḍitā uttamabhūripattā;  
Yānaṃ ayānaṃ atha vāpi ṭhānaṃ, mahosadha tvampi matiṃ karohi”.
605. “Jānāsi kho rāja mahānubhāvo, mahabbalo cūḷanibrahmadatto;  
Rājā ca taṃ icchati māraṇatthaṃ [kāraṇatthaṃ (sī. pī.)], migāṃ yathā okacarena luddo.
606. “Yathāpi maccho baḷisaṃ, vaṅkaṃ maṃsena chāditaṃ;  
Āmagiddho na jānāti, maccho maraṇamattano.
607. “Evameva tuvaṃ rāja, cūḷaneyyassa dhītaraṃ;  
Kāmagiddho na jānāsi, macchova maraṇamattano.
608. “Sace gacchasi pañcālaṃ, khippamattaṃ jahissati;  
Migāṃ panthānubandhaṃva [pathānupannaṃva (sī. syā. pī.)], mahantaṃ bhayamessati”.
609. “Mayameva bālamhase eḷamūgā, ye uttamattāni tayī lapimhā;



Kimeva tvam naṅgalakoṭivaḍḍho, atthāni jānāsi yathāpi aññe”.

610. “Imaṃ gale gahetvāna, nāsetha vijitā mama;  
Yo me ratanalābhassa, antarāyāya bhāsati”.
611. “Tato ca so apakkamma, vedehassa upantikā;  
Atha āmantayī dūtaṃ, mādharāṃ [maḍharāṃ (sī.), mādharāṃ (syā.), māḍharāṃ (pī.)]  
suvapaṇḍitaṃ.
612. “Ehi samma haritapakka [harīpakka (sī. pī.)], veyyāvaccāṃ karohi me;  
Atthi pañcālarājassa, sālikā sayanapālikā.
613. “Taṃ bandhanena [taṃ pattharena (sī. pī.), taṃ santhavena (syā.)] pucchassu, sā hi sabbassa  
kovidā;  
Sā tesāṃ sabbāṃ jānāti, rañño ca kosiyassa ca.
614. “‘Āmo’ti so paṭissutvā, mādharo suvapaṇḍito;  
Agamāsi haritapakko [harīpakko (sī. pī.)], sālikāya upantikāṃ.
615. “Tato ca kho so gantvāna, mādharo suvapaṇḍito;  
Athāmantayī sugharāṃ, sālikāṃ mañjubhāṇikāṃ.
616. “Kacci te sughare khamaṇīyaṃ, kacci vesse anāmayāṃ;  
Kacci te madhunā lājā, labbhate sughare tuvaṃ’ [tava (sī. pī.)].
617. “Kusalañceva me samma, atho samma anāmayāṃ;  
Atho me madhunā lājā, labbhate suvapaṇḍita.
618. “Kuto nu samma āgamma, kassa vā pahito tuvaṃ;  
Na ca mesi ito pubbe, diṭṭho vā yadi vā suto”.
619. “Ahoṣiṃ sivrājassa, pāsāde sayanapālako;  
Tato so dhammiko rājā, baddhe mocesi bandhanā”.
620. “Tassa mekā dutiyāsi, sālikā mañjubhāṇikā;  
Taṃ tattha avadhī seno, pekkhato sughare mama”.
621. “Tassā kāmā hi sammatto, āgatosmi tavantike;  
Sace kareyya [kareyyāsi (sī.), kareyya (syā.), kareyyāsi me (pī.)] okāsaṃ, ubhayova  
vasāmase”.
622. “Suvova suvaṃ kāmeyya, sāliko pana sālikāṃ;  
Suvassa sālikāyeva [sālikāya ca (sī. pī.)], saṃvāso hoti kīdiso”.
623. “Yoyaṃ kāme [yaṃ yaṃ kāmī (sī. pī.)] kāmāyati, api caṇḍālikāmapī;  
Sabbo hi sadiso hoti, natthi kāme asādiso”.
624. “Atthi jampāvātī [jambāvātī (sī. syā.), campāvātī (ka.)] nāma, mātā sivissa [sibbissa (sī. pī.)]  
rājīno;  
Sā bhariyā vāsudevassa, kaṇhassa mahesī piyā.
625. “Raṭṭhavātī [rathavātī (sī. pī.), ratanavātī (syā.)] kimpurisī, sāpi vacchāṃ akāmayi;

Manusso migiyā saddhiṃ, natthi kāme asādiso’.

626. ‘‘Handa khvāhaṃ gamissāmi, sālīke mañjubhāṇike;  
Paccakkhānupadañhetam, atimaññasi nūna maṃ’’.
627. ‘‘Na sirī taramānassa, mādharma suvapaṇḍita;  
Idheva tāva acchassu, yāva rājāna dakkhasi [dakkhisi (pī.)];  
Sossi [sossasi (sī.)] saddaṃ mudiṅgānaṃ, ānubhāvañca rājino’’.
628. ‘‘Yo nu khvāyaṃ tibbo saddo, tirojanapade [tirojanapadaṃ (pī. ka.)] suto;  
Dhītā pañcālarājassa, osadhī viya vaṇṇinī;  
Taṃ dassati videhānaṃ, so vivāho bhavissati’’.
629. ‘‘Ediso mā [nediso te (sī.)] amittānaṃ, vivāho hotu mādharma;  
Yathā pañcālarājassa, vedehena bhavissati’’.
630. ‘‘Ānayitvāna vedehaṃ, pañcālānaṃ rathesabho;  
Tato naṃ ghātayissati, nassa sakhī bhavissati’’.
631. ‘‘Handa kho maṃ anujānāhi, rattiyo sattamattiyo;  
Yāvāhaṃ sivrājassa, ārocemi mahesino;  
Laddho ca me āvasatho, sālīkāya upantikaṃ’’ [upantikā (sī. ka.)].
632. ‘‘Handa kho taṃ anujānāmi, rattiyo sattamattiyo;  
Sace tvaṃ sattarattena, nāgacchasi mamantike;  
Maññe okkantasattaṃ [okkantasattaṃ (syā. pī. ka.)] maṃ, matāya āgamissasi’’.
633. ‘‘Tato ca kho so gantvāna, mādharo suvapaṇḍito;  
Mahosadhassa akkhāsi, sālīkāvacanaṃ idaṃ’’.
634. ‘‘Yasseva ghare bhuñjeyya bhogaṃ, tasseva atthaṃ puriso careyya’’;  
‘‘Handāhaṃ gacchāmi pure janīnda, pañcālarājassa puraṃ surammaṃ;  
Nivesanāni māpetuṃ, vedehassa yasassino.
635. ‘‘Nivesanāni māpetvā, vedehassa yasassino;  
Yadā te paṇḍeyyāmi, tadā eyyāsi khattiya’’.
636. ‘‘Tato ca pāyāsi pure mahosadho, pañcālarājassa puraṃ surammaṃ;  
Nivesanāni māpetuṃ, vedehassa yasassino’’.
637. ‘‘Nivesanāni māpetvā, vedehassa yasassino;  
Athassa pāhiṇī dūtaṃ, [natthi sī. pī. potthakesu] vedehaṃ mithilaggahaṃ [natthi sī. pī.  
potthakesu];  
Ehi dāni mahārāja, māpitaṃ te nivesanaṃ’’.
638. ‘‘Tato ca rājā pāyāsi, senāya caturaṅgiyā [caturaṅginīyā (ka.)];  
Anantavāhanaṃ daṭṭhuṃ, phītaṃ kapiliyaṃ [kampilliyaṃ (sī. pī.)] puraṃ’’.
639. ‘‘Tato ca kho so gantvāna, brahmadattassa pāhiṇi;  
‘Āgato’smi mahārāja, tava pādāni vandituṃ.
640. ‘Dadāhi dāni me bhariyaṃ, nāriṃ sabbaṅgasobhiniṃ;

Suvaṇṇena paṭicchannaṃ, dāsīgaṇapurakkhataṃ”’.

641. “Svāgataṃ teva [te (sī.), tepi (syā.), tena (pī.)] vedeha, atho te adurāgataṃ;  
Nakkhattaṃyeva paripuccha, ahaṃ kaññaṃ dadāmi te;  
Suvaṇṇena paṭicchannaṃ, dāsīgaṇapurakkhataṃ”’.
642. “Tato ca rājā vedeho, nakkhattaṃ paripucchatha [paripucchati (syā. ka.)];  
Nakkhattaṃ paripucchitvā, brahmadattassa pāhiṇi.
643. “Dadāhi dāni me bhariyaṃ, nāriṃ sabbaṅgasobhiniṃ;  
Suvaṇṇena paṭicchannaṃ, dāsīgaṇapurakkhataṃ”’.
644. “Dadāmi dāni te bhariyaṃ, nāriṃ sabbaṅgasobhiniṃ;  
Suvaṇṇena paṭicchannaṃ, dāsīgaṇapurakkhataṃ”’.
645. “Hatthī assā rathā pattī, senā tiṭṭhanti vammaṭṭā [vammikā (syā. ka.)];  
Ukkā padittā jhāyanti, kinnu maññanti paṇḍitā.
646. “Hatthī assā rathā pattī, senā tiṭṭhanti vammaṭṭā [vammikā (syā. ka.)];  
Ukkā padittā jhāyanti, kiṃ nu kāhanti [kāhati (ka.)] paṇḍita”’.
647. “Rakkhati taṃ mahārāja, cūḷaneyyo mahabbalo;  
Paduṭṭho brahmadattena [paduṭṭho te brahmadatto (sī. syā. pī.)], pāto taṃ ghātayissati”’.
648. “Ubbedhati me hadayaṃ, mukhañca parisussati;  
Nibbutiṃ nādhigacchāmi, aggidaḍḍhova ātape.
649. “Kammārānaṃ yathā ukkā, anto jhāyati no bahi;  
Evampi hadayaṃ mayhaṃ, anto jhāyati no bahi”’.
650. “Pamatto mantanātīto, bhinnamantosi khattiya;  
Idāni kho taṃ tāyantu, paṇḍitā mantino janā.
651. “Akatvāmaccassa vacanaṃ, atthakāmahitesino;  
Attapītirato rājā, migo kūṭeva ohito.
652. “Yathāpi maccho baḷisaṃ, vaṅkaṃ maṃsena chāditaṃ;  
Āmagiddho na jānāti, maccho maraṇamattano.
653. “Evameva tuvaṃ rāja, cūḷaneyyassa dhītaraṃ;  
Kāmagiddho na jānāsi, macchova maraṇamattano.
654. “Sace gacchasi pañcālaṃ, khippamattaṃ jahissasi;  
Miḡaṃ panthānubandhaṃva, mahantaṃ bhayamessati.
655. “Anariyarūpo puriso janinda, ahīva ucchaṅgagato ḍaseyya;  
Na tena mittiṃ kayirātha dhīro [pañño (pī.)], dukkho have kāpurisena [kāpurisehi (ka.)]  
saṅgamo.
656. “Yadeva [yaṃ tveva (sī. syā. pī.)] jaññā purisaṃ [puriso (syā. ka.)] janinda, sīlavāyaṃ  
bahussuto;  
Teneva mittiṃ kayirātha dhīro, sukho have sappurisenā saṅgamo”’.

657. “Bālo tuvaṃ eḷamūgosi rāja, yo uttamattḥāni mayī lapittho;  
Kimevahaṃ naṅgalakoṭivaḍḍho, atthāni jānāmi [jānissam (sī. syā. pī.)] yathāpi aññe.
658. “Imaṃ gale gahetvāna, nāsetha vijitā mama;  
Yo me ratanalābhassa, antarāyāya bhāsati”.
659. “Mahosadha atītena, nānuvijjhanti paṇḍitā;  
Kiṃ maṃ assaṃva sambandhaṃ, patodeneva vijjhasi.
660. “Sace passasi mokkhaṃ vā, khemaṃ vā pana passasi;  
Teneva maṃ anusāsa, kiṃ atītena vijjhasi”.
661. “Atītaṃ mānusaṃ kammaṃ, dukkaraṃ durabhisambhavaṃ;  
Na taṃ sakkomi mocetuṃ, tvaṃ pajānassu [tvampi jānassu (sī. pī.)] khattiya.
662. “Santi vehāyasā [vehāsayā (sī. pī.)] nāgā, iddhimanto yasassino;  
Tepi ādāya gaccheyyuṃ, yassa honti tathāvidhā.
663. “Santi vehāyasā assā, iddhimanto yasassino;  
Tepi ādāya gaccheyyuṃ, yassa honti tathāvidhā.
664. “Santi vehāyasā pakkhī, iddhimanto yasassino;  
Tepi ādāya gaccheyyuṃ, yassa honti tathāvidhā.
665. “Santi vehāyasā yakkhā, iddhimanto yasassino;  
Tepi ādāya gaccheyyuṃ, yassa honti tathāvidhā.
666. “Atītaṃ mānusaṃ kammaṃ, dukkaraṃ durabhisambhavaṃ;  
Na taṃ sakkomi mocetuṃ, antalikkhena khattiya”.
667. “Atīradassī puriso, mahante udakaṇṇave;  
Yattha so labhate gādhaṃ [nāvaṃ (ka.)], tattha so vindate sukhaṃ.
668. “Evaṃ amhañca rañño ca, tvaṃ patiṭṭhā mahosadha;  
Tvaṃ nosi mantinaṃ seṭṭho, amhe dukkhā pamocaya”.
669. “Atītaṃ mānusaṃ kammaṃ, dukkaraṃ durabhisambhavaṃ;  
Na taṃ sakkomi mocetuṃ, tvaṃ pajānassu senaka”.
670. “Suṇohi metaṃ [etaṃ (sī. ka.)] vacanaṃ, passa senaṃ [passase’taṃ (sī. pī.)] mahabbhayaṃ;  
Senakaṃ dāni pucchāmi, kiṃ kiccaṃ idha maññasi”.
671. “Aggiṃ vā dvārato dema, gaṇhāmase vikantanaṃ [vikattanaṃ (sī. pī.)];  
Aññamaññaṃ vadhitvāna, khippaṃ hissāma jīvitaṃ;  
Mā no rājā brahmadatto, ciraṃ dukkhena mārayi”.
672. “Suṇohi metaṃ vacanaṃ, passa senaṃ mahabbhayaṃ;  
Pukkusaṃ dāni pucchāmi, kiṃ kiccaṃ idha maññasi”.
673. “Visaṃ khāditvā miyyāma, khippaṃ hissāma jīvitaṃ;  
Mā no rājā brahmadatto, ciraṃ dukkhena mārayi”.

674. “Suṇohi metaṃ vacanaṃ, passa senaṃ mahabbhayaṃ;  
Kāmindam [kāvindaṃ (sī. pī.)] dāni pucchāmi, kiṃ kiccaṃ idha maññasi”.
675. “Rajjuyā bajjha miyyāma, papātā papatāmase [papatemase (sī. pī.)];  
Mā no rājā brahmadatto, ciraṃ dukkhena mārayi”.
676. “Suṇohi metaṃ vacanaṃ, passa senaṃ mahabbhayaṃ;  
Devindaṃ dāni pucchāmi, kiṃ kiccaṃ idha maññasi”.
677. “Aggiṃ vā dvārato dema, gaṇhāmase vikantaṃ;  
Aññamaññaṃ vadhitvāna, khippaṃ hissāma jīvitaṃ;  
Na no sakkoti mocetuṃ, sukheneva mahosadho”.
678. “Yathā kadalino sāraṃ, anvesaṃ nādhigacchati;  
Evaṃ anvesamānā naṃ, pañhaṃ najjhagamāmase.
679. “Yathā simbalino sāraṃ, anvesaṃ nādhigacchati;  
Evaṃ anvesamānā naṃ, pañhaṃ najjhagamāmase.
680. “Adese vata no vuṭṭhaṃ, kuñjarānaṃvanodake;  
Sakāse dummanussānaṃ, bālānaṃ avijānataṃ.
681. “Ubbedhati me hadayaṃ, mukhañca parisussati;  
Nibbutiṃ nādhigacchāmi, aggidaḍḍhova ātape.
682. “Kammārānaṃ yathā ukkā, anto jhāyati no bahi;  
Evampi hadayaṃ mayhaṃ, anto jhāyati no bahi”.
683. “Tato so paṇḍito dhīro, atthadassī mahosadho;  
Vedehaṃ dukkhitaṃ disvā, idaṃ vacanamabravi.
684. ‘Mā tvaṃ bhāyi mahārāja, mā tvaṃ bhāyi rathesabha;  
Ahaṃ taṃ mocayissāmi, rāhuggahaṃva [rāhugahitaṃva (sī. syā. pī.)] candimaṃ.
685. ‘Mā tvaṃ bhāyi mahārāja, mā tvaṃ bhāyi rathesabha;  
Ahaṃ taṃ mocayissāmi, rāhuggahaṃva sūriyaṃ.
686. ‘Mā tvaṃ bhāyi mahārāja, mā tvaṃ bhāyi rathesabha;  
Ahaṃ taṃ mocayissāmi, pañke sannaṃva kuñjaraṃ.
687. ‘Mā tvaṃ bhāyi mahārāja, mā tvaṃ bhāyi rathesabha;  
Ahaṃ taṃ mocayissāmi, peḷābaddhaṃva pannagaṃ.
688. [ayaṃ gāthā sī. pī. potthakesu na dissati] ‘Mā tvaṃ bhāyi mahārāja, mā tvaṃ bhāyi  
rathesabha;  
Ahaṃ taṃ mocayissāmi, pakkhiṃ baddhaṃva pañjare [ayaṃ gāthā sī. pī. potthakesu na  
dissati].
689. ‘Mā tvaṃ bhāyi mahārāja, mā tvaṃ bhāyi rathesabha;  
Ahaṃ taṃ mocayissāmi, macche jālagateriva.
690. ‘Mā tvaṃ bhāyi mahārāja, mā tvaṃ bhāyi rathesabha;

Ahaṃ taṃ mocayissāmi, sayoggabalavāhanaṃ.

691. ‘Mā tvaṃ bhāyi mahārāja, mā tvaṃ bhāyi rathesabha;  
Pañcālaṃ vāhayissāmi [bāhayissāmi (syā.), vārayissāmi (ka.)], kākasenaṃva leḍḍunā.
692. ‘Adu paññā kimatthiyā, amacco vāpi tādiso;  
Yo taṃ sambādhapakkhandam [sambādhapakkhantam (sī. pī.)], dukkhā na parimocaye’.
693. ‘‘Etha mānavā uṭṭhetha, mukhaṃ sodhetha sandhino;  
Vedeho sahamacchehi, umaṅgena [ummaggena (sī. pī.), ummaṅge (syā.) evamuparipi] gamissati’.
694. ‘‘Tassa taṃ vacanaṃ sutvā, paṇḍitassānucārino [paṇḍitassānusārino (sī. syā. pī.)];  
Umaṅgadvāraṃ vivariṃsu, yantayutte ca aggaḷe’.
695. ‘‘Purato senako yāti, pacchato ca mahosadho;  
Majjhe ca rājā vedeho, amaccaparivārīto’.
696. ‘‘Umaṅgā nikkhamitvāna, vedeho nāvamāruhi;  
Abhirūḷhañca taṃ ñatvā [abhiruyhañca ñatvāna (syā. ka.)], anusāsi mahosadho.
697. ‘Ayaṃ te sasuro deva, ayaṃ sassu janādhīpa;  
Yathā mātu paṭipatti, evaṃ te hotu sassuyā.
698. ‘Yathāpi niyako bhātā, saudariyo ekamātuko;  
Evaṃ pañcālacando te, dayitabbo rathesabha.
699. ‘Ayaṃ pañcālacandī te, rājaputtī abhicchitā [abhijjhītā (sī. syā. pī.)];  
Kāmaṃ karohi te tāya, bhariyā te rathesabha’.
700. ‘‘Āruyha nāvaṃ taramāno, kinnu tīraṃhi tiṭṭhasi;  
Kicchā muttāma dukkhato, yāma dāni mahosadha’.
701. ‘‘Nesa dhammo mahārāja, yohaṃ senāya nāyako;  
Senaṅgaṃ parihāpetvā, attānaṃ parimocaye.
702. ‘‘Nivesanamhi te deva, senaṅgaṃ parihāpitaṃ;  
Taṃ dinnaṃ brahmadattena, ānayissaṃ rathesabha’.
703. ‘‘Appaseno mahāsenam, kathaṃ viggayha [niggayha (syā. ka.)] ṭhassasi;  
Dubballo balavantena, vihaññissasi paṇḍita’.
704. ‘‘Appasenopi ce mantī, mahāsenam amantīnaṃ;  
Jināti rājā rājāno, ādiccovudayaṃ tamaṃ’.
705. ‘‘Susukhaṃ vata saṃvāso, paṇḍitehīti senaka;  
Pakkhīva pañjare baddhe, macche jālagateriva;  
Amittahattagata [amittassa hattagata (ka.)], mocayī no mahosadho’.
706. ‘‘Evametam [evameva (syā.)] mahārāja, paṇḍitā hi sukhāvahā;  
Pakkhīva pañjare baddhe, macche jālagateriva;  
Amittahattagata, mocayī no mahosadho’.

707. “Rakkhitvā kaṣiṇaṃ rattim, cūḷaneyyo mahabbalo;  
Udentam aruṇuggasmiṃ, upakāriṃ upāgami.
708. “Āruyha pavaram nāgaṃ, balavantam saṭṭhihāyanaṃ;  
Rājā avoca pañcālo, cūḷaneyyo mahabbalo.
709. “Sannaddho maṇivamma [maṇicamma (syā.)], saramādāya pāṇinā;  
Pesiye ajjhabhāsitha, puthugumbe samāgate.
710. “Hatthārohe anīkaṭṭhe, rathike pattikārake;  
Upāsanamhi katahatthe, vāavedhe samāgate”.
711. “Pesetha kuṅjare dantī, balavante saṭṭhihāyane;  
Maddantu kuṅjarā nagaram, vedehena sumāpitam.
712. “Vacchadantamukhā setā, tikkhaggā aṭṭhivedhino;  
Paṇunnā dhanuvegena, sampatantutarītārā.
713. “Māṇavā vammīno sūrā, citradaṇḍayutāvudhā;  
Pakkhandino mahānāgā, hatthīnaṃ hontu sammukhā.
714. “Sattiyo teladhotāyo, accimantā [accimantī (sī.)] pabhassarā;  
Vijjotamānā tiṭṭhantu, sataraṃsīva [sataraṃsā viya (sī.)] tārakā.
715. “Āvudhabalavantānaṃ, guṇikāyūradhāriṇaṃ;  
Etādisānaṃ yodhānaṃ, saṅgāme apalāyinaṃ;  
Vedeho kuto muccissatī, sace pakkhīva kāhīti.
716. “Tīṃsa me purisanāvutyō, sabbevekekaniccitā;  
Yesam samam na passāmi, kevalam mahimam caram.
717. “Nāgā ca kappitā dantī, balavanto saṭṭhihāyanā;  
Yesam khandhesu sobhanti, kumārā cārudassanā;
718. “Pītālankārā pītavasanā, pītuttaranivāsana;  
Nāgakhandhesu sobhanti, devaputtāva nandane.
719. “Pāṭhīnavaṇṇā nettīṃsā, teladhotā pabhassarā;  
Niṭṭhitā naradhīrehi [naravīrehi (sī. syā. pī.)], samadhārā sunissitā.
720. “Vellālino vītamaḷā, sikkāyasamayā daḷhā;  
Gahitā balavantehi, suppahārappahāribhi.
721. “Suvaṇṇatharusampannā, lohitaacchupadhāritā;  
Vivattamānā sobhanti, vijjuvabbhaghanantare.
722. “Paṭākā [paṭākā (sī. pī.), pathakā (syā.)] vammīno sūrā, asicamma kovidā;  
Dhanuggahā sikkhitarā [tharuggahā sikkhītāro (sī. pī.)], nāgakhandhe nipātino  
[nāgakhandhātipātino (sī. pī.)].
723. “Etādisehi parikkhitto, natthi makkho ito tava;  
Pabhāvam te na passāmi, yena tvam mithilam vaje”.

724. “Kiṃ nu santaramānova, nāgaṃ pesesi kuñjaraṃ;  
Pahaṭṭharūpo āpatasi [āgamasi (syā.), ātapasi (ka.)], siddhatthosmīti [laddhatthosmīti (sī. syā. pī.)] maññasi.
725. “Oharetaṃ dhanuṃ cāpaṃ, khurappaṃ paṭisaṃhara;  
Oharetaṃ subhaṃ vammaṃ, veḷuriyamaṇisanthataṃ” [veḷuriyamaṇisannibhaṃ (syā.)].
726. “Pasannamukhavaṇṇosi, mitapubbañca bhāsasi;  
Hoti kho maraṇakāle, edisī [tādisī (sī. pī.)] vaṇṇasampadā”.
727. “Moghaṃ te gajjitaṃ rāja, bhinnamantosi khattiya;  
Duggaṇhosi [duggaṇho hi (sī. syā. pī.)] tayā rājā, khaḷuṅkeneva [khaḷuṅgeneva (ka.)] sindhavo.
728. “Tiṇṇo hiyyo rājā gaṅgaṃ, sāmacco saparijjano;  
Haṃsarājaṃ yathā dhaṅko, anujjavaṃ patissasi”.
729. “Siṅgālā rattibhāgena, phullaṃ disvāna kiṃsukaṃ;  
Maṃsapesīti maññantā, paribyūḷhā migādhamā.
730. “Vītivattāsu rattīsu, uggatasmim divākare [divākare (sī. syā. pī.)];  
Kiṃsukaṃ phullitaṃ disvā, āsacchinnā migādhamā.
731. “Evameva tuvaṃ rāja, vedehaṃ parivāriya [parivāraya (syā. pī.), parivāritaṃ (ka.)];  
Āsacchinno gamissasi, siṅgālā kiṃsukaṃ yathā”.
732. “Imassa hatthe pāde ca, kaṇṇanāsañca chindatha;  
Yo me amittaṃ hatthagataṃ, vedehaṃ parimocayi.
733. “Imaṃ maṃsaṃva pātabyaṃ [maṃsaṃva pātappaṃ (sī. pī.), maṃsañca pātabyaṃ (ka.)], sūle katvā pacantu naṃ;  
Yo me amittaṃ hatthagataṃ, vedehaṃ parimocayi.
734. “Yathāpi āsappaṃ cammaṃ, pathabyā vitaniyyati;  
Sīhassa atho byagghassa, hoti saṅkusamāhataṃ.
735. “Evaṃ taṃ vitanitvāna, vedhayissāmi sattiya;  
Yo me amittaṃ hatthagataṃ, vedehaṃ parimocayi”.
736. “Sace me hatthe pāde ca, kaṇṇanāsañca checchasi;  
Evaṃ pañcālacandassa, vedeho chedayissati.
737. “Sace me hatthe pāde ca, kaṇṇanāsañca checchasi;  
Evaṃ pañcālacandiyā, vedeho chedayissati.
738. “Sace me hatthe pāde ca, kaṇṇanāsañca checchasi;  
Evaṃ nandāya deviyā, vedeho chedayissati.
739. “Sace me hatthe pāde ca, kaṇṇanāsañca checchasi;  
Evaṃ te puttadārassa, vedeho chedayissati.
740. “Sace maṃsaṃva pātabyaṃ, sūle katvā pacissasi;



Evam pañcālacandassa, vedeho pācayissati.

741. “Sace maṃsaṃva pātabyaṃ, sūle katvā pacissasi;  
Evam pañcālacandiyā, vedeho pācayissati.
742. “Sace maṃsaṃva pātabyaṃ, sūle katvā pacissasi;  
Evam nandāya deviyā, vedeho pācayissati.
743. “Sace maṃsaṃva pātabyaṃ, sūle katvā pacissasi;  
Evam te puttadārassa, vedeho pācayissati.
744. “Sace maṃ vitānitvāna, vedhayissasi sattiyā;  
Evam pañcālacandassa, vedeho vedhayissati.
745. “Sace maṃ vitānitvāna, vedhayissasi sattiyā;  
Evam pañcālacandiyā, vedeho vedhayissati.
746. “Sace maṃ vitānitvāna, vedhayissasi sattiyā;  
Evam nandāya deviyā, vedeho vedhayissati.
747. “Sace maṃ vitānitvāna, vedhayissasi sattiyā;  
Evam te puttadārassa, vedeho vedhayissati;  
Evam no mantitaṃ raho, vedehena mayā saha.
748. “Yathāpi palasataṃ cammaṃ, kontimantāsuniṭṭhitaṃ [kontimantīsuniṭṭhitaṃ (sī. pī.)];  
Upeti tanutāṇāya, sarānaṃ paṭihantave.
749. “Sukhāvaho dukkhanudo, vedehassa yasassino;  
Matim te paṭihaññāmi, usum palasatena vā”.
750. “Ingha passa mahārāja, suññaṃ antepuraṃ tava;  
Orodhā ca kumārā ca, tava mātā ca khattiya;  
Umaṅgā nīharitvāna, vedehassupanāmitā”.
751. “Ingha antepuraṃ mayhaṃ, gantvāna vicinātha naṃ;  
Yathā imassa vacanaṃ, saccaṃ vā yadi vā musā”.
752. “Evametaṃ mahārāja, yathā āha mahosadho;  
Suññaṃ antepuraṃ sabbaṃ, kākapaṭṭanakaṃ yathā”.
753. “Ito gatā mahārāja, nārī sabbaṅgasobhanā;  
Kosambaphalakasussoṇī [kosumbhaphalakasussoṇī (sī. syā. pī.)], haṃsagaggarabhāṇinī.
754. “Ito nītā mahārāja, nārī sabbaṅgasobhanā;  
Koseyyavasanā sāmā, jātārūpasumekhalā.
755. “Surattapādā kalyāṇī, suvaṇṇamaṇimekhalā;  
Pārevatakkhī sutanū, bimboṭṭhā tanumajjhimā.
756. “Sujātā bhujalaṭṭhīva, vedīva [vellīva (sī. pī.)] tanumajjhimā;  
Dīghassā kesā asitā, īsakaggapavellitā.

757. “Sujātā migachāpāva, hemantaggisikhāriva;  
Nādīva giriduggesu, sañchannā khuddaveḷubhi.
758. “Nāganāsūru kalyāṇī, paramā [paṭhamā (sī. pī.)] timbarutthanī;  
Nātidīghā nātirassā, nālomā nātilomasā”.
759. “Nandāya nūna maraṇena, nandasi sirivāhana;  
Ahañca nūna nandā ca, gacchāma yamasādhanam”.
760. “Dibbam adhīyase māyam, akāsi cakkhumohanam;  
Yo me amittam hatthagatam, vedeham parimocayi”.
761. “Adhīyanti mahārāja [adhiyanti ve mahārāja (syā. ka.)], dibbamāyidha paṇḍitā;  
Te mocayanti attānam, paṇḍitā mantino janā.
762. “Santi māṇavaputtā me, kusalā sandhichedakā;  
Yesam katena maggena, vedeho mithilam gato”.
763. “Ingha passa mahārāja, umaṅgam sādhu māpitam;  
Hatthīnam atha assānam, rathānam atha pattinam;  
Ālokabhūtam tiṭṭhantam, umaṅgam sādhu māpitam” [niṭṭhitam (sī. syā. pī.)].
764. “Lābhā vata videhānam, yassimedisā paṇḍitā;  
Ghare vasanti vijite, yathā tvamsi mahosadha”.
765. “Vuttiñca parihārañca, diguṇam bhattavetanam;  
Dadāmi vipule bhoge, bhuñja kāme ramassu ca;  
Mā videham paccagamā, kiṃ videho karissati”.
766. “Yo cajetha mahārāja, bhattāram dhanakāraṇā;  
Ubhinnaṃ hoti gārayho, attano ca parassa ca;  
Yāva jīveyya vedeho, nāññassa puriso siyā.
767. “Yo cajetha mahārāja, bhattāram dhanakāraṇā;  
Ubhinnaṃ hoti gārayho, attano ca parassa ca;  
Yāva tiṭṭheyya vedeho, nāññassa vijite vase”.
768. “Dammi nikkhasahassam te, gāmāsītiñca kāsīsu;  
Dāsisatāni cattāri, dammi bhariyāsatañca te;  
Sabbam senaṅgamādāya, sotthim gaccha mahosadha.
769. “Yāva dadantu hatthīnam, assānam diguṇam vidham;  
Tappentu annapānena, rathike pattikārake”.
770. “Hatthī asse rathe pattī, gacchevādāya paṇḍita;  
Passatu tam mahārājā, vedeho mithilam gatam [mithilaggaham (ka.)].
771. “Hatthī assā rathā pattī, senā padissate mahā;  
Caturaṅginī bhīsarūpā, kiṃ nu maññasi paṇḍita” [maññanti paṇḍitā (sī. syā. pī.)].
772. “Ānando te mahārāja, uttamo paṭidissati;  
Sabbam senaṅgamādāya, sotthim patto mahosadho”.

773. “Yathā petaṃ susānasmiṃ, chaḍḍetvā caturo janā;  
Evaṃ kapilaye tyamha [kappiliye tyamhā (syā.), kampilīye tyamhā (sī.), kampilīyaraṭṭhe (pī.)], chaḍḍayitvā idhāgatā.
774. “Atha tvaṃ kena vaṇṇena, kena vā pana hetunā;  
Kena vā atthajātena, attānaṃ parimocayī”.
775. “Atthaṃ atthena vedeha, mantāṃ mantena khattiya;  
Parivārayiṃ [parivārayissaṃ (sī. syā.)] rājānaṃ, jambudīpaṃva sāgaro”.
776. “Dinnaṃ nikkhasahassaṃ me, gāmāsīti ca kāsisa;  
Dāsīsātāni cattāri, dinnaṃ bhariyāsatañca me;  
Sabbāṃ senaṅgamādāya, sotthināmhī idhāgato”.
777. “Susukhaṃ vata saṃvāso, paṇḍitehīti senaka;  
Pakkhīva pañjare baddhe, macche jālagateriva;  
Amittahatthaggate [amittassa hatthagate (ka.)], mocayī no mahosadho”.
778. “Evametaṃ mahārāja, paṇḍitā hi sukhāvahā;  
Pakkhīva pañjare baddhe, macche jālagateriva;  
Amittahatthaggate, mocayī no mahosadho”.
779. “Āhaññantu sabbavīṇā, bheriyo dindimāni ca;  
Dhamentu māgadhā saṅkhā, vaggū nadantu dundubhī”.
780. “Orodhā ca kumārā ca, vesiyānā ca brāhmaṇā;  
Bahūṃ annaṅca pānaṅca, paṇḍitassābhīhārayuṃ.
781. “Hatthārohā anīkaṭṭhā, rathikā pattikārakā;  
Bahūṃ annaṅca pānaṅca, paṇḍitassābhīhārayuṃ.
782. “Samāgatā jānapadā, negamā ca samāgatā;  
Bahūṃ annaṅca pānaṅca, paṇḍitassābhīhārayuṃ.
783. “Bahujano pasannosi, disvā paṇḍitamāgataṃ;  
Paṇḍitamhī anuppatte, celukkhepo avattathā”’ti.

Umaṅgajātakāṃ [mahāummaggajātakāṃ (sī. pī.), mahosadhajātakāṃ (syā. §ka.)] pañcamāṃ.

### 543. Bhūridattajātakāṃ (6)

784. “Yaṃ kiñci ratanaṃ atthi, dhataratṭhanivesane;  
Sabbāni te upayantu, dhītaraṃ dehi rājino”.
785. “Na no vivāho nāgehi, katapubbo kudācanaṃ;  
Taṃ vivāhaṃ asaṃyuttaṃ, kathaṃ amhe karomase”.
786. “Jīvitaṃ nūna te cattaṃ, raṭṭhaṃ vā manujādhipa;  
Na hi nāge kupitamhī, ciraṃ jīvanti tādisā.
787. “Yo tvaṃ deva manussosi, iddhimantaṃ aniddhimā;  
Varuṇassa niyaṃ puttāṃ, yāmuṇaṃ atimaññasi”.

788. “Nātimaññāmi rājānaṃ, dhataratṭhaṃ yasassināṃ;  
Dhataratṭho hi nāgānaṃ, bahūnamapi issaro.
789. “Ahi mahānubhāvopi, na me dhītaramāraho;  
Khattiyō ca videhānaṃ, abhijātā samuddajā”.
790. “Kambalassatarā uṭṭhentu, sabbe nāge nivedaya;  
Bārāṇasiṃ pavajjantu, mā ca kañci [kiñci (sī. pī. ka.)] viheṭṭhayuṃ”.
791. “Nivesanesu sobbhesu, rathiyā caccaresu ca;  
Rukkhaggesu ca lambantu, vitatā toraṇesu ca.
792. “Ahampi sabbasetena, mahatā sumahaṃ purama;  
Parikkhipissaṃ bhogehi, kāsīnaṃ janayaṃ bhayaṃ”.
793. Tassa taṃ vacanaṃ sutvā, uragānekavaṇṇino;  
Bārāṇasiṃ pavajjimsu, na ca kañci viheṭṭhayuṃ.
794. Nivesanesu sobbhesu, rathiyā caccaresu ca;  
Rukkhaggesu ca lambimsu, vitatā toraṇesu ca.
795. Tesu disvāna lambante, puthū kandiṃsu nāriyo;  
Nāge soṇḍikate disvā, passasante muhuṃ muhuṃ.
796. Bārāṇasī pabyadhitā, āturā samapajjatha;  
Bāhā paggayha pakkanduṃ, “dhītaraṃ dehi rājino”.
797. “Pupphābhihārassa vanassa majjhe, ko lohitakkho vitatantaramso;  
Kā kambukāyūradharā suvatthā, tiṭṭhanti nāriyo dasa vandamānā.
798. “Ko tvaṃ brahābāhu vanassa majjhe, virocasi ghatasittova aggi;  
Mahesakkho aññatarosi yakkho, udāhu nāgosi mahānubhāvo”.
799. “Nāgohamasmi iddhimā, tejasī [tejasī (sī. syā. pī. ka.)] duratikkamo;  
Ḍaṃseyyaṃ tejasā kuddho, phītaṃ janapadaṃ api.
800. “Samuddajā hi me mātā, dhataratṭho ca me pitā;  
Sudassanakaniṭṭhosmi, bhūridattoti maṃ vidū”.
801. “Yaṃ gambhīraṃ sadāvaṭṭaṃ, rahadaṃ bhismaṃ pekkhasi;  
Esa dībyo mamāvāso, anekasataporiso.
802. “Mayūraakoñcābhirudaṃ, nīlodaṃ vanamajjhato;  
Yamaṇaṃ pavisa mā bhīto, khemaṃ vattavataṃ [vattavatiṃ (syā. ka.)] sivaṃ”.
803. “Tattha patto sānucaro, saha puttana brāhmaṇa;  
Pūjito mayhaṃ kāmehi, sukhaṃ brāhmaṇa vacchasi”.
804. “Samā samantaparito, pahūtatarā [bahukā taggarā (sī. syā. pī.)] mahī;  
Indagopakasañchannā, sobhati harituttamā.
805. “Rammāni vanacetyāni, rammā haṃsūpakūjitā;

Opupphāpadmā tiṭṭhanti, pokkharaṅṅo [pokkharaṅṅā (syā. pī.)] sunimmitā.

806. “Aṭṭhaṃsā sukatā thambhā, sabbe veḷuriyāmayā;  
Sahassathambhā pāsādā, pūrā kaññāhi jotare.
807. “Vimānaṃ upapannosi, dibyaṃ puññehi attano;  
Asambādhaṃ sivaṃ rammaṃ, accantasukhasaṃhitam.
808. “Maññe sahasanettassa, vimānaṃ nābhikaṅkhasi;  
Iddhī hi tyāyaṃ vipulā, sakkasseva jutīmato”.
809. “Manasāpi na pattabbo, ānubhāvo jutīmato;  
Paricārayamānānaṃ, saindānaṃ [indānaṃ (syā. ka.)] vasavattinaṃ”.
810. “Taṃ vimānaṃ abhijjhāya, amarānaṃ sukhesinaṃ;  
Uposathaṃ upavasanto, semi vammikamuddhani”.
811. “Ahañca migamesāno, saputto pāvisiṃ vanaṃ;  
Taṃ maṃ mataṃ vā jīvaṃ vā, nābhivedenti ñātakā.
812. “Āmantaye bhūridattaṃ, kāsiputtaṃ yasassinaṃ;  
Tayā no samanūññātā, api passemu ñātake”.
813. “Eso hi vata me chando, yaṃ vasesi mamantike;  
Na hi etādisā kāmā, sulabhā honti mānuse.
814. “Sace tvaṃ nicchase vatthum, mama kāmehi pūjito;  
Mayā tvaṃ samanūññāto, sotthiṃ passāhi ñātake”.
815. “Dhārayimaṃ maṇiṃ dibyaṃ, pasuṃ putte ca vindati;  
Arogo sukhito hoti [hohi (syā.)], gacchevādāya brāhmaṇa”.
816. “Kusalaṃ paṭinandāmi, bhūridatta vaco tava;  
Pabbajissāmi jiṇṇosmi, na kāme abhipatthaye”.
817. “Brahmacariyassa ce bhaṅgo, hoti bhogehi kāriyaṃ;  
Avikampamāno eyyāsi, bahuṃ dassāmi te dhanam”.
818. “Kusalaṃ paṭinandāmi, bhūridatta vaco tava;  
Punapi āgamissāmi, sace attho bhavissati”.
819. “Idaṃ vatvā bhūridatto, pesesi caturo jane;  
Etha gacchatha uṭṭhetha, khippaṃ pāpetha brāhmaṇam.
820. Tassa taṃ vacanaṃ sutvā, uṭṭhāya caturo janā;  
Pesitā bhūridattena, khippaṃ pāpesu brāhmaṇam.
821. “Maṇiṃ paggayha maṅgalyaṃ, sādhuvaṃ [sādhucittaṃ (pī.)] manoramaṃ;  
Selaṃ byañjanasampannaṃ, ko imaṃ maṇimajjhagā”.
822. “Lohitakkhasahassāhi, samantā parivāritaṃ;  
Ajja kālaṃ pathaṃ [padaṃ (sī. pī.)] gacchaṃ, ajjhagāhaṃ maṇiṃ imaṃ”.

823. “Supaciṇṇo ayaṃ selo, accito mahito [mānito (ka.)] sadā;  
Sudhārito sunikkhitto, sabbatthamabhisādhaye.
824. “Upacāravipannassa, nikkhepe dhāraṇāya vā;  
Ayaṃ selo vināsāya, pariciṇṇo ayoniso.
825. “Na imaṃ akusalo [kusalaṃ (ka.)] dībyaṃ, maṇiṃ dhāretumāraho;  
Paṭipajja sataṃ nikkhaṃ, dehimāṃ ratanaṃ mama”.
826. “Na ca myāyaṃ maṇī keyyo, gohi [kehi (ka.)] vā ratanehi vā;  
Selo byañjanasampanno, neva keyyo maṇī mama”.
827. “No ce tayā maṇī keyyo, gohi [kehi (ka.)] vā ratanehi vā;  
Atha kena maṇī keyyo, taṃ me akkhāhi pucchito”.
828. “Yo me saṃse mahānāgaṃ, tejassiṃ duratikkamaṃ;  
Tassa dajjaṃ imaṃ selaṃ, jalantamiva tejasā”.
829. “Ko nu brāhmaṇavaṇṇena, supaṇṇo patataṃ varo;  
Nāgaṃ jigīsamanvesi, anvesaṃ bhakkhamattano.
830. “Nāhaṃ dijādhipo homi, na diṭṭho garuḷo mayā;  
Āsīvisena vittoti [vittosmi (syā. ka.)], vajjo brāhmaṇa maṃ vidū”.
831. “Kiṃ nu tuyhaṃ balaṃ atthi, kiṃ sippaṃ vijjate tava;  
Kismiṃ vā tvaṃ paratthaddho, uragaṃ nāpacāyasi”.
832. “Āraññikassa isino, cirarattaṃ tapassino;  
Supaṇṇo kosiyassakkhā, visavijjaṃ anuttaraṃ.
833. “Taṃ bhāvitattaññataraṃ, sammantaṃ pabbatantare;  
Sakkaccaṃ taṃ upaṭṭhāsiṃ, rattindivamatandito.
834. “So tadā pariciṇṇo me, vattavā brahmacariyavā;  
Dibbaṃ pātukarī mantaṃ, kāmasā bhagavā mama.
835. “Tyāhaṃ mante paratthaddho, nāhaṃ bhāyāmi bhoginaṃ;  
Ācariyo visaghātānaṃ, alampānoti [ālambānoti (sī. pī.), ālambāyanoti (syā.)] maṃ vidū”.
836. “Gaṇhāmase maṇiṃ tāta, somadatta vijānahi;  
Mā daṇḍena siriṃ pattaṃ, kāmasā pajahimhase”.
837. “Sakaṃ nivesanaṃ pattaṃ, yo taṃ brāhmaṇa pūjayi;  
Evaṃ kalyāṇakārissa, kiṃ mohā dubbhimicchasi”.
838. “Sace tvaṃ [sace hi (sī. pī. ka.)] dhanakāmosi, bhūridatto padassati [bhūridattaṃ padissasi (ka.)];  
Tameva gantvā yācassu, bahuṃ dassati te dhanāṃ”.
839. “Hatthagataṃ pattagataṃ, nikiṇṇaṃ khāditaṃ vamaṃ;  
Mā no sandiṭṭhiko attho, somadatta upaccagā”.

840. “Paccati niraye ghore, mahissamapi vivarati [mahissamava dīyati (sī. pī.), mahimassa vindrīyati (syā.)];  
Mittadubbhī hitaccāgī, jīvarevāpi sussati [jīvare cāpi sussare (sī. pī.)].
841. “Sace tvam [sace hi (sī. pī. ka.)] dhanakāmosi, bhūridatto padassati;  
Maññe attakataṃ veraṃ, naciraṃ vedayissasi”.
842. “Mahāyaññaṃ yajitvāna, evaṃ sujjhanti brāhmaṇā;  
Mahāyaññaṃ yajissāma, evaṃ mokkhāma pāpakā”.
843. “Handa dāni apāyāmi, nāhaṃ ajja tayā saha;  
Padampekaṃ [padamekaṃ (syā. ka.)] na gaccheyyaṃ, evaṃ kibbisakārinā”.
844. “Idaṃ vatvāna pitaraṃ, somadatto bahussuto;  
Ujjhāpetvāna bhūtāni, tamhā ṭhānā apakkami.
845. “Gaṇhāhetam mahānāgaṃ, āharetam maṇiṃ mama;  
Indagopakavaṇṇābho, yassa lohitako siro.
846. “Kappāsapicurāsīva, eso kāyo padissati [kāya’ssa dissati (sī. pī.)];  
Vammikaggagato seti, taṃ tvam gaṇhāhi brāhmaṇa”.
847. “Athosadhehi dibbehi, jappaṃ mantapadāni ca;  
Evaṃ taṃ asakkhi satthum [satṭhum (sī. pī.), yuṭṭhum (syā.), suttum (ka.)], katvā parittamattano”.
848. “Mamaṃ disvāna āyantaṃ, sabbakāmasamidhdhinaṃ;  
Indriyāni ahaṭṭhāni, sāvaṃ [sāmaṃ (sī. pī.)] jātaṃ mukhaṃ tava.
849. “Padmaṃ yathā hatthagataṃ, pāṇinā parimadditaṃ;  
Sāvaṃ jātaṃ [yantaṃ (ka.)] mukhaṃ tuyhaṃ, mamaṃ disvāna edisaṃ.
850. “Kacci nu te nābhisasi [te nābhisayi (sī.), te nābhissasi (syā.)], kacci te atthi vedanā;  
Yena sāvaṃ mukhaṃ tuyhaṃ, mamaṃ disvāna āgataṃ”.
851. “Supinaṃ tāta addakkhiṃ, ito māsaṃ adhogataṃ;  
Dakkhiṇaṃ viya me bāhuṃ, chetvā ruhiramakkhitaṃ;  
Puriso ādāya pakkāmi, mama rodantiyā sati.
852. “Yatohaṃ [yato taṃ (sī.)] supinamaddakkhiṃ, sudassana vijānahi;  
Tato divā vā rattiṃ vā, sukhaṃ me nopalabbhati”.
853. “Yaṃ pubbe parivāriṃsu [paricāriṃsu (sī. pī.)], kaññā ruciraviggahā;  
Hemaṃjalapaṭicchannā, bhūridatto na dissati.
854. “Yaṃ pubbe parivāriṃsu [paricāriṃsu (sī. pī.)], nettiṃsavaradhārino;  
Kaṇikārāva samphullā, bhūridatto na dissati.
855. “Handa dāni gamissāma, bhūridattanivesanaṃ;  
Dhammaṭṭhaṃ sīlasampannaṃ, passāma tava bhātaraṃ”.
856. “Tañca disvāna āyantim, bhūridattassa mātaraṃ;

Bāhā paggayha pakkandum, bhūridattassa nāriyo.

857. “Puttaṃ teyye na jānāma, ito māsaṃ adhogataṃ;  
Mataṃ vā yadi vā jīvaṃ, bhūridattaṃ yasassinam”.
858. “Sakuṇī hataputtāva, suññaṃ disvā kulāvakaṃ;  
Ciraṃ dukkhena jhāyissaṃ, bhūridattaṃ apassatī [[imissā gāthāyānantare sī. pī. potthakesu – “sakuṇī hataputtāva, suññaṃ disvā kulāvakaṃ; tena tena padhāvissa, piyaputtaṃ apassatī” ti iti ayampi gāthā āgatā](#)].
859. “Kurārī hatachāpāva, suññaṃ disvā kulāvakaṃ;  
Ciraṃ dukkhena jhāyissaṃ, bhūridattaṃ apassatī.
860. “Sā nūna cakkavākīva, pallalasmaṃ anodake;  
Ciraṃ dukkhena jhāyissaṃ, bhūridattaṃ apassatī.
861. “Kammārānaṃ yathā ukkā, anto jhāyati no bahi;  
Evaṃ jhāyāmi sokena, bhūridattaṃ apassatī”.
862. “Sālāva sampamathitā [[sampamadditā \(syā. ka.\)](#)], mālutena pamadditā;  
Senti puttā ca dārā ca, bhūridattanivesane”.
863. “Idaṃ sutvāna nigghosaṃ, bhūridattanivesane;  
Ariṭṭho ca subhogo [[subhago \(sī. pī.\)](#)] ca, padhāvimsu anantarā [[upadhāvimsu anantarā \(sī. pī.\)](#)].
864. “Amma assāsa mā soci, evaṃdhammā hi pāṇino;  
Cavanti upapajjanti, esassa pariṇāmitā”.
865. “Ahampi tāta jānāmi, evaṃdhammā hi pāṇino;  
Sokena ca paretasmi, bhūridattaṃ apassatī.
866. “Ajja ce me imaṃ rattiṃ, sudassana vijānahi;  
Bhūridattaṃ apassantī, maññe hissāmi jīvitam”.
867. “Amma assāsa mā soci, ānayissāma bhātaraṃ;  
Disodisaṃ gamissāma, bhātupariyesanaṃ caraṃ.
868. “Pabbate giriduggesu, gāmesu nigamesu ca;  
Orena sattarattassa [[orena dasarattassa \(sī. pī.\)](#)], bhātaraṃ passa āgataṃ”.
869. “Hatthā pamutto urago, pāde te nipatī bhusaṃ;  
Kacci nu taṃ ḍaṃsī tāta [[kacci taṃ nu ḍasī tāta \(sī.\)](#), [kacci nu ḍaṃsito tāta \(syā.\)](#),  
[kaccitānuḍasī tāta \(pī.\)](#)], mā bhāyi sukhito bhava”.
870. “Neva mayhaṃ ayaṃ nāgo, alaṃ dukkhāya kāyaci;  
Yāvatatthi ahiggāho, mayā bhiyyo na vijjati”.
871. “Ko nu brāhmaṇavaṇṇena, ditto [[datto \(sī. syā. pī.\)](#)] parisamāgato;  
Avhāyantu suyuddhena, suṇantu parisā mama”.
872. “Tvaṃ maṃ nāgena ālampa, ahaṃ maṇḍūkachāpiyā;



Hotu no abbhutaṃ tattha, āsahassehi pañcahi”.

873. “Ahañhi vasumā aḍḍho, tvaṃ daliddosi māṇava;  
Ko nu te pāṭibhogatthi, upajūtañca kiṃ siyā.
874. “Upajūtañca me assa, pāṭibhogo ca tādiso;  
Hotu no abbhutaṃ tattha, āsahassehi pañcahi”.
875. “Suṇohi me mahārāja, vacanaṃ bhaddamatthu te;  
Pañcannaṃ me sahasānaṃ, pāṭibhogo hi kittima”.
876. “Pettikaṃ vā iṇaṃ hoti, yaṃ vā hoti sayamkataṃ;  
Kiṃ tvaṃ evaṃ bahuṃ mayhaṃ, dhanam yācasi brāhmaṇa”.
877. “Alampāno hi nāgena, mamaṃ abhijigīsati [[abhijigimsati \(sī. syā. pī.\)](#)];  
Ahaṃ maṇḍūkachāpiyā, ḍaṃsayissāmi brāhmaṇaṃ.
878. “Taṃ tvaṃ datṭhuṃ mahārāja, ajja raṭṭhābhivaḍḍhana;  
Khattasaṅghaparibyūḷho, niyyāhi ahidassanaṃ” [[abhidassanaṃ \(sī. pī.\)](#)].
879. “Neva taṃ atimaññāmi, sippavādena māṇava;  
Atimattosi sippena, uragaṃ nāpacāyasi”.
880. “Ahampi nātimaññāmi, sippavādena brāhmaṇa;  
Avisena ca nāgena, bhusaṃ vañcayase janaṃ.
881. “Evaṃ cetam jano jaññā, yathā jānāmi taṃ ahaṃ;  
Na tvaṃ labhasi ālampa, bhusamuṭṭhiṃ [[thusamuṭṭhiṃ \(syā.\)](#), [sattumuṭṭhiṃ \(sī. pī.\)](#)] kuto  
dhanam”.
882. “Kharājino jaṭi dummī [[rummī \(sī. syā. pī.\)](#)], ditto parisamāgato;  
Yo tvaṃ evaṃ gataṃ nāgaṃ, aviso atimaññasi.
883. “Āsajja kho naṃ jaññāsi, puṇṇaṃ uggassa tejaso;  
Maññe taṃ bhasmarāsivva, khippameso karissati”.
884. “Siyā visaṃ siluttassa, deḍḍubhassa silābhuno;  
Neva lohitaśisassa, visaṃ nāgassa vijjati”.
885. “Sutametaṃ arahataṃ, saññatānaṃ tapassinaṃ;  
Idha dānāni datvāna, saggam gacchanti dāyakā;  
Jīvanto dehi dānāni, yadi te atthi dātave.
886. “Ayaṃ nāgo mahiddhiko, tejassī duratikkamo;  
Tena taṃ ḍaṃsayissāmi, so taṃ bhasmaṃ karissati”.
887. “Mayāpetam sutam samma, saññatānaṃ tapassinaṃ;  
Idha dānāni datvāna, saggam gacchanti dāyakā;  
Tvameva dehi jīvanto, yadi te atthi dātave.
888. “Ayaṃ ajamukhī [[accimukhī \(sī. syā. pī.\)](#)] nāma, puṇṇā uggassa tejaso;  
Tāya taṃ ḍaṃsayissāmi, sā taṃ bhasmaṃ karissati”.

889. “Yā dhītā dhataratṭhassa, vemātā bhaginī mama;  
Sā taṃ ḍaṃsatvajamukhī [sā dissatu accimukhī (sī. pī.)], puṇṇā uggassa tejaso”.
890. “Chamāyaṃ ce nisiñcissaṃ, brahmadatta vijānahi;  
Tiṇalatāni osadhyo, ussusseyyumaṃ asaṃsayamaṃ.
891. “Uddhamaṃ ce pātayissāmi, brahmadatta vijānahi;  
Satta vassāniyaṃ devo, na vasse na himaṃ pate.
892. “Udake ce nisiñcissaṃ, brahmadatta vijānahi;  
Yāvantodakajā [yāvatā odakā (sī.), yāvatā udakajā (pī.)] pāṇā, mareyyumaṃ macchakacchapā”.
893. “Lokyaṃ sajanaṃ udakaṃ, payāgasmimaṃ patitṭhitaṃ;  
Komaṃ ajjhoharī bhūto, ogāḷhaṃ yamaṃ nadimaṃ”.
894. “Yadesa lokādhīpatī yasassī, bārāṇasimaṃ pakriya [pakiraparī (sī. pī.), pakiraharī (syā.)]  
samantato;  
Tassāha putto uragūsabhassa, subhogoti maṃ brāhmaṇa vedayanti”.
895. “Sace hi putto uragūsabhassa, kāsissa [kaṃsassa (sī. pī.)] rañño amarādhipassa;  
Mahesakkho aññataro pitā te, maccesu mātā pana te atulyā;  
Na tādiso arahati brāhmaṇassa, dāsampi ohāritumaṃ [ohātumaṃ (sī. pī.)] mahānubhāvo”.
896. “Rukkhaṃ nissāya vijjhitho, eṇeyyaṃ pātumāgataṃ;  
So viddho dūramacari [dūra’masarā (sī. pī.)], saravegena sīghavā [sekhavā (sī. pī.), pekkhavā (syā. ka.)].
897. “Taṃ tvaṃ patitamaddakkhi, araññasimaṃ brahāvane;  
Samaṃ sakājamādāya, sāyaṃ nigrodhupāgami.
898. “Sukasāḷikasaṅghuṭṭhaṃ, piṅgalaṃ [piṅgiyaṃ (sī. syā. pī.)] santhatāyutaṃ;  
Kokilābhirudaṃ rammaṃ, dhuvaṃ haritasaddalaṃ.
899. “Tattha te so pāturahu, iddhiyā yāsasā jalaṃ;  
Mahānubhāvo bhātā me, kaññāhi parivārito.
900. “So tena pariciṅṅo tvaṃ, sabbakāmehi tappito;  
Aduṭṭhassa tvaṃ dubbhi, taṃ te veraṃ idhāgataṃ.
901. “Khippaṃ gīvaṃ pasārehi, na te dassāmi jīvitaṃ;  
Bhātu parisaraṃ veraṃ, chedayissāmi te siramaṃ”.
902. “Ajjhāyako yācayogī, āhutaggi ca brāhmaṇo;  
Etehi tīhi thānehi, avajjho hoti [bhavati (sī. syā. pī.)] brāhmaṇo”.
903. “Yamaṃ pūramaṃ dhataratṭhassa, ogāḷhaṃ yamaṃ nadimaṃ;  
Jotate sabbasovaṇṇaṃ, girimāhacca yāmaṃ.
904. “Tattha te purisabyagghā, sodariyā mama bhātaro;  
Yathā te tattha vakkhanti, tathā hessasi brāhmaṇa”.
905. “Anittarā ittarasampayuttā, yaññā ca vedā ca subhogaloke;

Tadaggarayhañhi vinindamāno, jahāti vittañca satañca dhammaṃ.

906. “Ajjhenamariyā pathaviṃ janindā, vessā kasim̐ pāricariyañca suddā;  
Upāgu paccekam̐ yathāpadesam̐, katāhu ete vasināti āhu”.
907. “Dhātā vidhātā varuṇo kuvero, somo yamo candimā vāyu sūriyo;  
Etepi yaññaṃ puthuso yajitvā, ajjhāyakānaṃ atho sabbakāme.
908. “Vikāsītā cāpasatāni pañca, yo ajjuno balavā bhīmaseno;  
Sahassabāhu asamo pathabyā, sopi tadā mādahi jātavedam̐”.
909. “Yo brāhmaṇe bhojayi dīgharattaṃ, annena pānena yathānubhāvaṃ;  
Pasannacitto anumodamāno, subhoga devaññataro ahosi”.
910. “Mahāsaṇaṃ devamanomavaṇṇam̐, yo sappinā asakkhi bhojetumaggim̐ [jetumaggim̐ (sī. pī.)];  
Sa yaññatantaṃ varato yajitvā, dibbam̐ gatiṃ mucalindajjhagacchi”.
911. “Mahānubhāvo vassasahassajīvī, yo pabbajī dassaneyyo uḷāro;  
Hitvā apariyantarattṭham̐ [ratham̐ (sī. pī.)] sasenaṃ, rājā dudīpopi jagāma [dudīpopajjhagāmi (syā.)] saggam̐”.
912. “Yo sāgarantaṃ sāgaro vijitvā, yūpaṃ subham̐ soṇṇamayam̐ [sovaṇṇamayam̐ (syā. ka.)] uḷāram̐;  
Ussesi vessānaramādahāno, subhoga devaññataro ahosi.
913. “Yassānubhāvena subhoga gaṅgā, pavattatha [pavattati (syā. ka.)] dadhisanninnaṃ [dadhisanna (sī. pī.)] samuddam̐;  
Salomapādo paricariyamaggim̐, aṅgo sahasakkhapurajjhagacchi”.
914. “Mahiddhiko devavaro yasassī, senāpati tidive vāsavassa;  
So somayāgena malaṃ vihantvā, subhoga devaññataro ahosi”.
915. “Akārayi lokamimaṃ parañca, bhāgīrathim̐ himavantañca gijjham̐ [gijjham̐ (syā. ka.), viñjham̐ (?)];  
Yo iddhimā devavaro yasassī, sopi tadā ādahi jātavedam̐.
916. “Mālāgiri himavā yo ca gijjho [vijjho (ka.), vijjhā (syā.)], sudassano nisabho kuveru [kākaneru (sī. pī.), kākaveru (syā.)];  
Ete ca aññe ca nagā mahantā, cityā katā yaññakarehi māhu”.
917. “Ajjhāyakaṃ mantaguṇūpapannaṃ, tapassinaṃ yācayogotidhāhu [ticāha (sī. pī.), ti cāhu (ka.)];  
Tīre samuddassudakaṃ sajantaṃ [siñcantaṃ (ka.)], sāgarojjhohari tenapeyyo.
918. “Āyāgavatthūni puthū pathabyā, saṃvijjanti brāhmaṇā vāsavassa;  
Purimaṃ disaṃ pacchimaṃ dakkhiṇuttaraṃ, saṃvijjamānā janayanti vedam̐”.
919. “Kalī hi dhīrāna kaṭam̐ magānaṃ, bhavanti vedajjhagatānariṭṭha;  
Marīcidhammaṃ asamekkhitattā, māyāguṇā nātivahanti paññaṃ.
920. “Vedā na tāṇāya bhavanti dassa, mittadduno bhūnahuno narassa;  
Na tāyate pariciṇṇo ca aggi, dosantaraṃ maccamanariyakammaṃ.

921. “Sabbañca maccā sadhanaṃ sabhogaṃ [[sadhanā sabhogā \(sī. syā. pī. ka.\)](#)], ādīpitaṃ dāru tiṇena missaṃ;  
Dahaṃ na tappe [[na tappe aggi \(ka.\)](#)] asamatthatejo, ko taṃ subhikkhaṃ dvirasaññaṃ kayirā [[dirasañña kuriyā \(sī.\)](#)], [dirasañña kuriyā \(pī.\)](#)].
922. “Yathāpi khīraṃ vipariṇāmadhammaṃ, dadhi bhavitvā navanītampi hoti;  
Evampi aggi vipariṇāmadhammo, tejo samorohatī yogayutto.
923. “Na dissatī aggimanuppavittho, sukkhesu kaṭṭhesu navesu cāpi;  
Nāmatthamāno [[nāmanthamāno \(sī. pī.\)](#)] araṇṇarena, nākammanā jāyati jātavedo.
924. “Sace hi aggi antarato vaseyya, sukkhesu kaṭṭhesu navesu cāpi;  
Sabbāni susseyyu vanāni loke, sukkhāni kaṭṭhāni ca pajjaleyyaṃ.
925. “Karoti ce dāruṭiṇena puññaṃ, bhojaṃ naro dhūmasikhiṃ patāpavaṃ;  
Aṅgārikā loṇakarā ca sūdā, sarīradāhāpi kareyyu puññaṃ.
926. “Atha ce hi ete na karonti puññaṃ, ajjhenamaggiṃ idha tappayitvā;  
Na koci lokasmiṃ karoti puññaṃ, bhojaṃ naro dhūmasikhiṃ patāpavaṃ.
927. “Kathañhi lokāpacito samāno, amanuññagandhaṃ bahūnaṃ akantaṃ;  
Yadeva maccā parivajjayanti, tadappasatthaṃ dvirasaññaṃ bhuñje.
928. “Sikhimpi devesu vadanti heke, āpaṃ milakkhū [[milakkhā \(sī. pī.\)](#)] pana devamāhu;  
Sabbeva ete vitathaṃ bhaṇanti [[gaṇhanti \(ka.\)](#)], aggī na devaññataro na cāpo.
929. “Anindriyabaddhamasaññaṃ akāyaṃ [[nirindriyaṃ antaṃ asaññaṃ akāyaṃ \(sī. pī.\)](#)], [anidriyaṃ santamasaññaṃ akāyaṃ \(syā.\)](#)], vessānaraṃ kammakaraṃ pajānaṃ;  
Paricariya maggiṃ sugatiṃ kathaṃ vaje, pāpāni kammāni pakubbamāno [[pakūbbamāno \(syā. ka.\)](#)].
930. “Sabbābhibhū tāhudha jīvikatthā, aggissa brahmā paricārakoti;  
Sabbānubhāvī ca vasī kimatthaṃ, animmito nimmitaṃ vanditassa.
931. “Hassaṃ anijjhānakhammaṃ atacchaṃ, sakkārahetu pakiriṃsu pubbe;  
Te lābhasakkāre apātubhonte, sandhāpitā [[santhambhitā \(sī. pī.\)](#)], [sandhābhitā \(syā.\)](#)], [santāpitā \(ka.\)](#)] jantubhi santidhammaṃ.
932. “Ajjhenamariyā pathaviṃ janindā, vessā kasiṃ pāricariyañca suddā;  
Upāgu paccekaṃ yathāpadesaṃ, katāhu ete vasināti āhu.
933. “Etañca saccaṃ vacanaṃ bhavye, yathā idaṃ bhāsitaṃ brāhmaṇehi;  
Nākhattiyo jātu labhetha rajjaṃ, nābrāhmaṇo mantapadāni sikkhe;  
Nāññatra vessehi kasiṃ kareyya, suddo na mucce parapesanāya [[parapessitāya \(sī. pī.\)](#)].
934. “Yasmā ca etaṃ vacanaṃ abhūtaṃ, musāvime odariyā bhaṇanti;  
Tadappapañña abhisaddahanti, passanti taṃ paṇḍitā attanāva.
935. “Khatyā hi vessānaṃ [[khattā na vessā na \(sī. pī.\)](#)] baliṃ haranti, ādāya satthāni caranti brāhmaṇā;  
Taṃ tādisaṃ saṅkhubhitaṃ pabhinnaṃ, kasmā brahmā nuju karoti lokam.

936. “Sace hi so issaro sabbaloke, brahmā bahūbhūtapatī [[brahmapahū bhūtapatī \(syā.\)](#)] pajānaṃ;  
Kiṃ sabbalokaṃ vidahī alakkhiṃ, kiṃ sabbalokaṃ na sukhiṃ akāsi.
937. “Sace hi so issaro sabbaloke, brahmā bahūbhūtapatī pajānaṃ;  
Māyā musāvajjamadena [[musāvañcanapadena \(ka.\)](#)] cāpi, lokaṃ adhammena kimatthamakāri  
[[kimattha’kāsi \(sī. pī.\)](#), [kimatthakārī \(syā.\)](#)].
938. “Sace hi so issaro sabbaloke, brahmā bahūbhūtapatī pajānaṃ;  
Adhammiko bhūtapatī ariṭṭha, dhamme sati yo vidahī adhammaṃ.
939. “Kīṭā paṭaṅgā uragā ca bhekā [[bhīṅgā \(syā.\)](#)], hantvā kimī sujjhati makkhikā ca;  
Etepi dhammā anariyarūpā, kambojakānaṃ vitathā bahūnaṃ.
940. “Sace hi so sujjhati yo hanāti, hatopi so saggamupeti ṭhānaṃ;  
Bhovādi bhovādina mārayeyyūṃ [[mārabheyūṃ \(ka.\)](#)], ye cāpi tesam abhisaddaheyūṃ.
941. “Neva migā na pasū nopi gāvo, āyācanti attavadhāya keci;  
Vipphandamāne idha jīvikatthā, yaññesu pāṇe pasumārabhanti [[māharanti \(sī. syā. pī.\)](#)].
942. “Yūpussane [[yūpassa te \(sī.\)](#), [yūpassa ne \(pī.\)](#)] pasubandhe ca bālā, cittehi vaṇṇehi mukhaṃ  
nayanti;  
Ayaṃ te yūpo kāmadoho parattha, bhavissati sassato samparāye.
943. “Sace ca yūpe maṇisaṅkhamuttaṃ, dhaññaṃ dhanaṃ rajataṃ jātarūpaṃ;  
Sukkhesu kaṭṭhesu navesu cāpi, sace duhe tidive sabbakāme;  
Tevijjasāṅghāva puthū vajeyyūṃ, abrāhmaṇaṃ [[na brāhmaṇā \(sī. syā.\)](#)] kañci na yājayeyyūṃ.
944. “Kuto ca yūpe maṇisaṅkhamuttaṃ, dhaññaṃ dhanaṃ rajataṃ jātarūpaṃ;  
Sukkhesu kaṭṭhesu navesu cāpi, kuto duhe tidive sabbakāme.
945. “Saṭhā ca luddā ca paluddhabālā [[upaladdhabālā \(sī. pī.\)](#)], cittehi vaṇṇehi mukhaṃ nayanti;  
Ādāya aggim mama dehi vittaṃ, tato sukhī hohisi sabbakāme.
946. “Tamaggihuttaṃ saraṇaṃ pavissa, cittehi vaṇṇehi mukhaṃ nayanti;  
Oropayitvā kesamassuṃ nakhañca, vedehi vittaṃ atigāḷhayanti [[atigāḷayanti \(sī. pī.\)](#)].
947. “Kākā ulūkaṃva raho labhitvā, ekaṃ samānaṃ bahukā samecca;  
Annāni bhutvā kuhakā kuhitvā, muṇḍaṃ karitvā yaññapathossajanti.
948. “Evañhi so vañcito brāhmaṇehi, eko samāno bahukā [[bahuhī \(sī.\)](#)] samecca;  
Te yogayogena vilumpamānā, diṭṭhaṃ adiṭṭhena dhanaṃ haranti.
949. “Akāsiyā rājūhivānusiṭṭhā, tadassa ādāya dhanaṃ haranti;  
Te tādisā corasamā asantā, vajjhā na haññanti ariṭṭha loke.
950. “Indassa bāhārasi dakkhiṇāti, yaññesu chindanti palāsayaṭṭhiṃ;  
Taṃ cepi saccaṃ maghavā chinnabāhu, kenassa indo asure jināti.
951. “Tañceva tucchaṃ maghavā samaṅgī, hantā avajjho paramo sa devo [[sudevo \(syā. ka.\)](#)];  
Mantā ime brāhmaṇā tuccharūpā, sandiṭṭhikā vañcanā esa loke.
952. “Mālāgiri himavā yo ca gijjho, sudassano nisabho kuveru;

Ete ca aññe ca nagā mahantā, cityā katā yaññakarehi māhu.

953. “Yathāpakārāni hi iṭṭhakāni, cityā katā yaññakarehi māhu;  
Na pabbatā honti tathāpakārā, aññā disā acalā tiṭṭhaselā.
954. “Na iṭṭhakā honti silā cirena [cirenapi (sī. pī.)], na tattha sañjāyati ayo na lohaṃ;  
Yaññañca etaṃ parivaṇṇayantā, cityā katā yaññakarehi māhu.
955. “Ajjhāyakaṃ mantaguṇūpapannaṃ, tapassinaṃ yācayogotidhāhu;  
Tīre samuddassudakaṃ sajantaṃ, taṃ sāgarojjhohari tenapeyyo.
956. “Parosahassampi samantavede, mantūpapanne nadiyo vahanti;  
Na tena byāpannarasūdakā na, kasmā samuddo atulo apeyyo.
957. “Ye keci kūpā idha jīvaloke, loṇūdakā kūpakhaṇehi khātā;  
Na brāhmaṇajjhoharaṇena [brāhmaṇajjhohari tena (ka.)] tesu, āpo apeyyo dvirasaññu māhu.
958. “Pure puratthā kā kassa bhariyā, mano manussaṃ ajanesi pubbe;  
Tenāpi dhammena na koci hīno, evampi vossaggavibhaṅgamāhu [vossaggavibhāgamāhu (sī.)].
959. “Caṇḍālaputtopi adhicca vede, bhāseyya mante kusalo matīmā [mutīmā (sī. pī.)];  
Na tassa muddhāpi phaleyya sattadhā, mantā ime attavadhāya katā [kattā (sī. pī.)].
960. “Vācākatā giddhikatā [giddhigatā (ka.)] gahītā, dummocayā kabyapathānupannā;  
Bālāna cittaṃ visame niviṭṭhaṃ, tadappapaññā abhisaddahanti.
961. “Sīhassa byagghassa ca dīpino ca, na vijjatī porisiyaṃbalena;  
Manussabhāvo ca gavaṃva pekkho, jātī hi tesam̐ asamā samānā [samānaṃ (syā. ka.)].
962. “Sace ca rājā pathaviṃ vijitvā, sajīvavā assavapārisajjo;  
Sayameva so sattusaṅghaṃ vijeyya, tassappajā niccasukhī [niccasukhā (pī.)] bhaveyya.
963. “Khattiyamantā ca tayo ca vedā, atthēna ete samakā bhavanti;  
Tesañca atthaṃ avinicchinitvā, na bujjhatī oghapathaṃva channaṃ.
964. “Khattiyamantā ca tayo ca vedā, atthēna ete samakā bhavanti;  
Lābho alābho ayaso yaso ca, sabbeva tesam̐ catunnañca [sabbe te sabbesaṃ catunna (sī. pī.)]  
dhammā.
965. “Yathāpi ibbhā dhanadhaññahetu, kammāni karonti [kārenti (sī. syā. pī.)] puthū pathabyā;  
Tevijjasaṅghā ca tatheva ajja, kammāni karonti [kārenti (sī. syā. pī.)] puthū pathabyā.
966. “Ibbhehi ye te [ete (sī. syā. pī.)] samakā bhavanti, niccussukā kāmaguṇesu yuttā;  
Kammāni karonti [kārenti (sī. syā. pī.)] puthū pathabyā, tadappapaññā dvirasaññurā te”.
967. “Kassa bherī mudiṅgā ca, saṅkhāpaṇavadindimā;  
Purato paṭipannāni, hāsayaṇtā rathesabhaṃ.
968. “Kassa kañcanapaṭṭena, puthunā vijjuvaṇṇinā;  
Yuvā kalāpasannaddho, ko eti siriyā jalaṃ.
969. “Ukkāmukhapahaṭṭhaṃva, khadirāṅgārasannibhaṃ;

Mukhañca rucirā bhāti, ko eti siriyā jalaṃ.

970. “Kassa jambonadaṃ chattaṃ, sasalākaṃ manoramaṃ;  
Ādiccamaṃsāvaraṇaṃ, ko eti siriyā jalaṃ.
971. “Kassa aṅgaṃ [aṅkaṃ (sī. pī.)] pariggayha, vālabījanimuttamaṃ;  
Ubhato varapuññaṃ [carate varapuññaṃ (sī. pī.)], muddhani uparūpari.
972. “Kassa pekhunahatthāni, citrāni ca mudūni ca;  
Kañcanaṃaṇidaṇḍāni [tapaññaṃaṇidaṇḍāni (sī. pī.), suvaṇṇamaṇidaṇḍāni (syā. ka.)], caranti  
dubhato mukhaṃ.
973. “Khadiraṅgāraṇṇābhā, ukkāmaṃkhaṃpahaṃsitā;  
Kassete kuṇḍalā vaggū, sobhanti dubhato mukhaṃ.
974. “Kassa vātena chupitā, niddhantā mudukāḷakā [mudukāḷakaṃ (sī.), mudu kāḷikā (syā.)];  
Sobhayanti nalātaṇṇaṃ, nabhā vijjurivuggatā.
975. “Kassa etāni akkhīni, āyatāni puthūni ca;  
Ko sobhati visālakkho, kassetā uṇṇajāṃ mukhaṃ.
976. “Kassete lapanajātā [lapanajā suddhā (sī. pī.)], suddhā saṅkharūpamā;  
Bhāsamaṇassa sobhanti, dantā kuppilasādisā.
977. “Kassa lākhārasasamā, hatthapādā sukhedhitā;  
Ko so bimboṭṭhasampanno, divā sūriyova bhāsati.
978. “Himaccaye himavati [hemavato (sī. syā. pī.)], mahāsālova pupphito;  
Ko so odātapāvāro, jayaṃ indova sobhati.
979. “Suvaṇṇapīḷakākiṇṇaṃ, maṇidaṇḍavicittakaṃ;  
Ko so parisamogayha, īsaṃ khaggaṃ pamaṇcati [īso khaggaṃva muṇcati (sī. pī.), bhante  
khaggaṃ pamaṇcati (syā.)].
980. “Suvaṇṇavikatā cittā, sukātā cittasibbanā [sibbinī (syā. ka.)];  
Ko so omuṇcate pādā, namo katvā mahesino”.
981. “Dhataratṭhā hi te nāgā, iddhimanto yasassino;  
Samuddajāya uppannā, nāgā ete mahiddhikā”ti.

Bhūridattajātakaṃ chaṭṭhaṃ.

#### 544. Candakumārajātakaṃ (7)

982. “Rājāsi luddakammo, ekaṃajā pupphavatīyā;  
So pucchi brahmabandhuṃ, khaṇḍahālaṃ purohitaṃ mūḷhaṃ.
983. ‘Saggāna maggaṃācikkha [saggamaggamācikkha (sī. pī.)], tvaṃsi brāhmaṇa  
dhammavinayakusalo;  
Yathā ito vajanti sugatiṃ, narā puññaṇi katvāna’.



984. ‘Atidānaṃ daditvāna, avajjhe deva ghātetvā;  
Evaṃ vajanti sugatiṃ, narā puññāni katvāna’.
985. ‘Kiṃ pana taṃ atidānaṃ, ke ca avajjhā imasmi lokasmiṃ;  
Etañca kho no akkhāhi, yajissāmi dadāmi [yajissāma dadāma (sī. pī.)] dānāni’.
986. ‘Puttehi deva yajitabbaṃ, mahesīhi negamehi ca;  
Usabhehi ājāniyehi catūhi, sabbacatukkena deva yajitabbaṃ’’.
987. ‘‘Taṃ sutvā antepure, kumārā mahesiyo ca haññantu;  
Eko ahoṣi nigghoso, bhismā accuggato saddo’’.
988. ‘‘Gacchatha vadetha kumāre, candaṃ sūriyañca bhaddasenañca;  
Sūrañca vāmagottañca, pacurā [pasurā (sī. pī. ka.)] kira hotha yaññatthāya.
989. ‘‘Kumāriyopi vadetha, upasenaṃ [upasenim (sī.), upasenim (pī.)] kokilañca muditañca;  
Nandañcāpi kumāriṃ, pacurā [pasurā (sī. pī. ka.)] kira hotha yaññatthāya.
990. ‘‘Vijayampi mayhaṃ mahesiṃ, erāvatiṃ [ekapatiṃ (pī.), erāpatiṃ (ka.)] kesiniṃ sunandañca;  
Lakkhaṇavarūpapannā, pacurā kira hotha yaññatthāya.
991. ‘‘Gahapatayo ca vadetha, puñnamukhaṃ bhaddiyaṃ siṅgālañca;  
Vaḍḍhañcāpi gahapatiṃ, pacurā kira hotha yaññatthāya’’.
992. ‘‘Te tatha gahapatayo, avocisum samāgatā puttadāraparikiññā;  
Sabbeva sikhino deva karohi, atha vā no dāse sāvehi’’.
993. ‘‘Abhayaṃkarampi me hatthiṃ, nāḷagiriṃ accuggataṃ varuṇadantaṃ [nāḷagiriṃ accutaṃ  
varuṇadantaṃ (sī.), rājagiriṃ accutavaruṇadantaṃ (pī.)];  
Ānetha kho ne khippaṃ, yaññatthāya bhavissanti.
994. ‘‘Assaratanampi [assatarampi (sī. pī.), assaratanampi me (syā.)] kesim, surāmukhaṃ  
puñṇakaṃ vinatakañca;  
Ānetha kho ne khippaṃ, yaññatthāya bhavissanti.
995. ‘‘Usabhampi [usabhampi me (syā.)] yūthapatiṃ anojaṃ, nisabhaṃ gavampatiṃ tepi mayhaṃ  
ānetha;  
Samūha [samupā (sī. pī.), sammukhā (syā.)] karontu sabbaṃ, yajissāmi dadāmi dānāni.
996. ‘‘Sabbhaṃ [sabbampi (syā.)] paṭiyādetha, yaññaṃ pana uggatamhi sūriyamhi;  
Āṇāpetha ca kumāre [āṇāpetha candakumāre (syā. ka.)], abhiramantu imaṃ rattiṃ.
997. ‘‘Sabbhaṃ [sabbampi (syā.)] upaṭṭhapetha, yaññaṃ pana uggatamhi sūriyamhi;  
Vadetha dāni kumāre, ajja kho [vo (pī.)] pacchimā ratti’’.
998. ‘‘Taṃtaṃ mātā avaca, rodantī āgantvā vimānato;  
Yañño kira te putta, bhavissati catūhi puttehi’’.
999. ‘‘Sabbepi mayhaṃ puttā cattā, candasmiṃ haññamānasmiṃ;  
Puttehi yaññaṃ yajitvāna, sugatiṃ saggamaṃ gamissāmi’’.
1000. ‘‘Mā taṃ [mā (sī. pī.)] putta saddahesi, sugati kira hoti puttayaññaena;



Nirayāneso maggo, neso maggo hi saggānaṃ.

**1001:**“Dānāni dehi koṇḍañña, ahiṃsā sabbabhūtabhabyānaṃ”;  
Esa maggo sugatiyā, na ca maggo puttayaññaena”.

**1002:**“Ācariyānaṃ vacanā, ghāteṣsaṃ candañca sūriyañca;  
Puttehi yaññaṃ [puttehi (sī. syā. pī.)] yajitvāna duccajehi, sugatiṃ saggam gamissāmi”.

**1003:**“Taṃtaṃ pitāpi avaca, vasavattī orasaṃ sakaṃ puttaṃ;  
Yañño kira te putta, bhavissati catūhi puttehi”.

**1004:**“Sabbepi mayhaṃ puttā cattā, candasmim haññaṃānasmim;  
Puttehi yaññaṃ yajitvāna, sugatiṃ saggam gamissāmi”.

**1005:**“Mā taṃ putta saddahesi, sugati kira hoti puttayaññaena;  
Nirayāneso maggo, neso maggo hi saggānaṃ.

**1006:**“Dānāni dehi koṇḍañña, ahiṃsā sabbabhūtabhabyānaṃ;  
Esa maggo sugatiyā, na ca maggo puttayaññaena”.

**1007:**“Ācariyānaṃ vacanā, ghāteṣsaṃ candañca sūriyañca;  
Puttehi yaññaṃ yajitvāna duccajehi, sugatiṃ saggam gamissāmi”.

**1008:**“Dānāni dehi koṇḍañña, ahiṃsā sabbabhūtabhabyānaṃ;  
Puttaparivuto tuvaṃ, raṭṭhaṃ janapadañca pālehi”.

**1009:**“Mā no deva avadhi, dāse no dehi khaṇḍahālassa;  
Api nigaḷabandhakāpi, hatthī asse ca pālema.

**1010:**“Mā no deva avadhi, dāse no dehi khaṇḍahālassa;  
Api nigaḷabandhakāpi, hatthichakaṇāni ujjhema.

**1011:**“Mā no deva avadhi, dāse no dehi khaṇḍahālassa;  
Api nigaḷabandhakāpi, assachakaṇāni ujjhema.

**1012:**“Mā no deva avadhi, dāse no dehi khaṇḍahālassa [idaṃ padaṃ sī. pī. potthakesu natthi];  
Yassa honti tava kāmā, api raṭṭhā pabbājita;  
Bhikkhācariyaṃ carissāma”.

**1013:**“Dukkhaṃ kho me janayatha, vilapantā jīvitassa kāmā hi;  
Muñcetha [muñcatha (sī. pī.)] dāni kumāre, alampī me hotu puttayaññaena”.

**1014:**“Pubbeva khosi me vutto, dukkaraṃ durabhisambhavañcetam;  
Atha no upakkhaṭassa yaññaṃ, kasmā karosi vikkhepaṃ.

**1015:**“Sabbe vajanti sugatiṃ, ye yajanti yepi yājenti;  
Ye cāpi anumodanti, yajantānaṃ edisaṃ mahāyaññaṃ”.

**1016:**“Atha kissa jano [ca no (sī. syā. pī.)] pubbe, sothānaṃ brāhmaṇe avācesī;  
Atha no akāraṇasmā, yaññaṃatthāya deva ghātesī.

**1017:**“Pubbeva no daharakāle [daharake samāne (sī. pī.)], na hanesī [na māresi (sī. pī.)] na ghātesī;

Daharamhā yobbanam pattā, adūsakā tāta haññāma.

**1018:**‘Hatthigate assagate, sannaddhe passa no mahārāja;  
Yuddhe vā yujjhamāne vā, na hi mādisā sūrā honti yaññatthāya.

**1019:**‘Paccante vāpi kupite, aṭavīsu vā mādise niyojenti;  
Atha no akāraṇasmā, abhūmiyaṃ tāta haññāma.

**1020:**‘Yāpi hi tā sakuṇiyo, vasanti tiṇagharāni katvāna;  
Tāsampi piyā puttā, atha no tvaṃ deva ghātesi.

**1021:**‘Mā tassa saddahesi, na maṃ khaṇḍahālo ghāteyya;  
Mamañhi so ghātetvāna, anantarā tampi deva ghāteyya.

**1022:**‘Gā mavaram nīgamavaram dadanti, bhogampissa mahārāja;  
Athaggaṇḍikāpi, kule kule hete bhuñjanti.

**1023:**‘Tesampi tādisānaṃ, icchanti dubbhituṃ mahārāja;  
Yebhuyyena ete, akataññuno brāhmaṇā deva.

**1024:**‘Mā no deva avadhi, dāse no dehi khaṇḍahālassa;  
Api nigaḷabandhakāpi, hatthī asse ca pālema.

**1025:**‘Mā no deva avadhi, dāse no dehi khaṇḍahālassa;  
Api nigaḷabandhakāpi, hatthichakaṇāni ujjhema.

**1026:**‘Mā no deva avadhi, dāse no dehi khaṇḍahālassa;  
Api nigaḷabandhakāpi, assachakaṇāni ujjhema.

**1027:**‘Mā no deva avadhi, dāse no dehi khaṇḍahālassa;  
Yassa honti tava kāmā, api raṭṭhā pabbājita;  
Bhikkhācariyaṃ carissāma’’.

**1028:**‘Dukkhaṃ kho me janayatha, vilapantā jīvitassa kāmā hi;  
Muñcetha dāni kumāre, alampi me hotu puttayaññena’’.

**1029:**‘Pubbeva khosi me vutto, dukkaraṃ durabhisambhavañcetaṃ;  
Atha no upakkhaṭassa yaññassa, kasmā karosī vikkhepaṃ.

**1030:**‘Sabbe vajanti sugatiṃ, ye yajanti yepi yājenti;  
Ye cāpi anumodanti, yajantānaṃ edisaṃ mahāyaññaṃ’’.

**1031:**‘Yadi kira yajitvā puttehi, devalokaṃ ito cutā yanti;  
Brāhmaṇo tāva yajatu, pacchāpi yajasi tuvaṃ rājā.

**1032:**‘Yadi kira yajitvā puttehi, devalokaṃ ito cutā yanti;  
Esveva khaṇḍahālo, yajataṃ sakehi puttehi.

**1033:**‘Evaṃ jānanto khaṇḍahālo, kiṃ puttake na ghātesi;  
Sabbāñca ñātijanaṃ, attānañca na ghātesi.

**1034:**‘Sabbe vajanti nirayaṃ, ye yajanti yepi yājenti;

Ye cāpi anumodanti, yajantānaṃ edisaṃ mahāyaññaṃ.

- 1035**[[ayaṃ gāthā sī. syā. pī. potthakesu na dissati](#)] “Sace hi so sujjhati yo hanāti, hatopi so saggamupeti thānaṃ; Bhovādi bhovādina mārayeyyaṃ, ye cāpi tesam abhisaddaheyyaṃ” [[ayaṃ gāthā sī. syā. pī. potthakesu na dissati](#)].
- 1036**:“Kathaṅca kira puttakāmāyo, gahapatayo gharāṇiyo ca; Nagaramhi na uparavanti rājānaṃ, mā ghātayi orasaṃ puttaṃ.
- 1037**:“Kathaṅca kira puttakāmāyo, gahapatayo gharāṇiyo ca; Nagaramhi na uparavanti rājānaṃ, mā ghātayi atrajaṃ puttaṃ.
- 1038**:“Rañño camhi atthakāmo, hito ca sabbajanapadassa [[sabbadā janapadassa \(sī. pī.\)](#)]; Na koci assa paṭighaṃ, mayā jānapado na pavedeti”.
- 1039**:“Gacchatha vo gharāṇiyo, tātaṅca vadetha khaṇḍahālaṅca; Mā ghāthetha kumāre, adūsake sīhasaṅkāse.
- 1040**:“Gacchatha vo gharāṇiyo, tātaṅca vadetha khaṇḍahālaṅca; Mā ghāthetha kumāre, apekkhite sabbalokassa”.
- 1041**:“Yaṃ nūnāhaṃ jāyeyyaṃ, rathakārakulesu vā; Pukkusakulesu vā vessesu vā jāyeyyaṃ; Na hajja maṃ rāja yaññe [[yaññatthāya \(sī. pī.\)](#)] ghāteyya”.
- 1042**:“Sabbā sīmantiniyo gacchatha, ayyassa khaṇḍahālassa; Pādesu nipatatha, aparādhāhaṃ na passāmi.
- 1043**:“Sabbā sīmantiniyo gacchatha, ayyassa khaṇḍahālassa; Pādesu nipatatha, kinte bhante mayaṃ adūsema”.
- 1044**:“Kapaṇā [[kapaṇaṃ \(sī. pī.\)](#)] vilapati selā, disvāna bhātare [[bhātaro \(sī. syā. pī. ka.\)](#)] upanītatte; Yañño kira me ukkhipito, tātena saggakāmena”.
- 1045**:“Āvatti parivatti ca, vasulo sammukhā rañño; Mā no pitarāṃ avadhi, daharamhā yobbaṇaṃ pattā”.
- 1046**:“Eso te vasula pitā, samehi pitarā saha; Dukkhaṃ kho me janayasi, vilapanto antepurasmiṃ; Muñcetha dāni kumāre, alampi me hotu puttayaññaṃ”.
- 1047**:“Pubbeva khosi me vutto, dukkaraṃ durabhisambhavañcetam; Atha no upakkhaṭassa yaññaṃ, kasmā karosi vikkhepaṃ.
- 1048**:“Sabbe vajanti sugatiṃ, ye yajanti yepi yājenti; Ye cāpi anumodanti, yajantānaṃ edisaṃ mahāyaññaṃ”.
- 1049**:“Sabbaratanassa yañño upakkhaṭo, ekarāja tava paṭiyatto; Abhinikkhamassu deva, saggam gato tvaṃ pamodissasi”.
- 1050**:“Daharā sattasatā eṭā, candakumārassa bhariyāyo;

Kese pakiritvāna [[parikiritvāna \(sī. pī.\)](#), [vikiritvāna \(syā. ka.\)](#)], rodantiyo maggamanuyāyimsu [[maggamanuyanti \(sī. pī.\)](#), [maggamanuyāyanti \(syā.\)](#)].

- 1051:** ‘‘Aparā pana sokena, nikkhantā nandane viya devā;  
Kese pakiritvāna [[parikiritvāna \(sī. pī.\)](#), [vikiritvāna \(syā. ka.\)](#)], rodantiyo  
maggamanuyāyimsu’’ [[maggamanuyanti \(sī. pī.\)](#), [maggamanuyāyanti \(syā.\)](#)].
- 1052:** ‘‘Kāsikasucivatthadharā, kuṇḍalino agalucandanavilittā;  
Niyanti candasūriyā, yaññatthāya ekarājassa.
- 1053:** ‘‘Kāsikasucivatthadharā, kuṇḍalino agalucandanavilittā;  
Niyanti candasūriyā, mātu katvā hadayasokaṃ.
- 1054:** ‘‘Kāsikasucivatthadharā, kuṇḍalino agalucandanavilittā;  
Niyanti candasūriyā, janassa katvā hadayasokaṃ.
- 1055:** ‘‘Maṃsarasabhojanā nhāpakasunhāpitā [[nahāpakasunahātā \(pī.\)](#)], kuṇḍalino  
agalucandanavilittā;  
Niyanti candasūriyā, yaññatthāya ekarājassa.
- 1056**[[imā dve gāthā natthi pī potthake](#)] ‘‘Maṃsarasabhojanā nhāpakasunhāpitā, kuṇḍalino  
agalucandanavilittā;  
Niyanti candasūriyā, mātu katvā hadayasokaṃ.
- 1057:** ‘‘Maṃsarasabhojanā nhāpakasunhāpitā, kuṇḍalino agalucandanavilittā;  
Niyanti candasūriyā, janassa katvā hadayasokaṃ [[imā dve gāthā natthi pī potthake](#)].
- 1058:** ‘‘Yassu pubbe hatthivaradhuragate, hatthihi [[hatthikā \(syā.\)](#), [pattikā \(pī.\)](#)] anuvajanti;  
Tyajja candasūriyā, ubhova pattikā yanti.
- 1059:** ‘‘Yassu pubbe assavaradhuragate, assehi [[assakā \(syā.\)](#), [pattikā \(pī.\)](#)] anuvajanti;  
Tyajja candasūriyā, ubhova pattikā yanti.
- 1060:** ‘‘Yassu pubbe rathavaradhuragate, rathehi [[rathikā \(syā.\)](#), [pattikā \(pī.\)](#)] anuvajanti;  
Tyajja candasūriyā, ubhova pattikā yanti.
- 1061:** ‘‘Yehissu pubbe nīyimsu [[niyyamsu \(sī. pī.\)](#)], tapanīyakappanehi turaṅgehi;  
Tyajja candasūriyā, ubhova pattikā yanti’’.
- 1062:** ‘‘Yadi sakuṇi maṃsamicchasi, ḍayassu [[uyyassu \(syā. ka.\)](#)] pubbena pupphavatiyā;  
Yajatettha ekarājā, sammūlho catūhi puttehi.
- 1063:** ‘‘Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho catūhi kaññāhi.
- 1064:** ‘‘Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho catūhi mahesīhi.
- 1065:** ‘‘Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho catūhi gahapatīhi.
- 1066:** ‘‘Yadi sakuṇi maṃsamicchasi, ḍayassu pubbe pupphavatiyā;

Yajatettha ekarājā, sammūlho catūhi hatthīhi.

**1067:**“Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho catūhi assehi.

**1068:**“Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho catūhi usabhehi.

**1069:**“Yadi sakuṇi maṃsamicchasi, ḍayassu pubbena pupphavatiyā;  
Yajatettha ekarājā, sammūlho sabbacatukkena”’.

**1070:**“Ayamassa pāsādo, idaṃ antepuraṃ suramaṇīyaṃ [[sovaṇṇo pupphamalyavikiṇṇo \(ka.\)](#)];  
Tedāni ayyaputtā, cattāro vadhāya ninnītā.

**1071:**“Idamassa kūṭāgāraṃ, sovaṇṇaṃ pupphamalyavikiṇṇaṃ;  
Tedāni ayyaputtā, cattāro vadhāya ninnītā.

**1072:**“Idamassa uyyānaṃ, supupphitaṃ sabbakālīkaṃ rammaṃ;  
Tedāni ayyaputtā, cattāro vadhāya ninnītā.

**1073:**“Idamassa asokavanaṃ, supupphitaṃ sabbakālīkaṃ rammaṃ;  
Tedāni ayyaputtā, cattāro vadhāya ninnītā.

**1074:**“Idamassa kaṇikāraṇaṃ, supupphitaṃ sabbakālīkaṃ rammaṃ;  
Tedāni ayyaputtā, cattāro vadhāya ninnītā.

**1075:**“Idamassa pāṭalivanaṃ, supupphitaṃ sabbakālīkaṃ rammaṃ;  
Tedāni ayyaputtā, cattāro vadhāya ninnītā.

**1076:**“Idamassa ambavanaṃ, supupphitaṃ sabbakālīkaṃ rammaṃ;  
Tedāni ayyaputtā, cattāro vadhāya ninnītā.

**1077:**“Ayamassa pokkharāṇī, sañchannā padumapuṇḍarīkehi;  
Nāvā ca sovaṇṇavikatā, pupphavalliyā [[pupphāvaliyā \(sī. pī.\)](#)] cittā suramaṇīyā;  
Tedāni ayyaputtā, cattāro vadhāya ninnītā”’.

**1078:**“Idamassa hatthirataṇaṃ, erāvaṇo gajo balī dantī;  
Tedāni ayyaputtā, cattāro vadhāya ninnītā.

**1079:**“Idamassa assarataṇaṃ, ekakhūro [[ekakhūro vego \(syā.\)](#)] asso;  
Tedāni ayyaputtā, cattāro vadhāya ninnītā.

**1080:**“Ayamassa assaratho, sāḷiya [[sāḷiya viya \(syā.\)](#)] nigghoso subho ratanavicitto;  
Yatthassu ayyaputtā, sobhiṃsu nandane viya devā;  
Tedāni ayyaputtā, cattāro vadhāya ninnītā.

**1081:**“Kathaṃ nāma sāmasamasundarehi, candanamudukagattehi [[candanamarakatagattehi \(sī. pī.\)](#)];  
Rājā yajissate yaññaṃ, sammūlho catūhi puttehi.

**1082:**“Kathaṃ nāma sāmasamasundarāhi, candanamudukagattāhi;  
Rājā yajissate yaññaṃ, sammūlho catūhi kaññāhi.

- 1083:** ‘Kathaṃ nāma sāmasamasundarāhi, candanamudukagattāhi;  
Rājā yajissate yaññaṃ, sammūlho catūhi mahesīhi.
- 1084:** ‘Kathaṃ nāma sāmasamasundarehi, candanamudukagattehi;  
Rājā yajissate yaññaṃ, sammūlho catūhi gahapatīhi.
- 1085:** ‘Yathā honti gāmanigamā, suñña amanussakā brahārañña;  
Tathā hessati pupphavatiyā, yiṭṭhesu candasūriyesu’.
- 1086:** ‘Ummattikā bhavissāmi, bhūnahatā paṃsunā ca [paṃsunāva (syā. ka.)] parikiṇṇā;  
Sace candavaraṃ [candakumāraṃ (syā.)] hanti, pāṇā me deva rujjhanti [nirujjhanti (sī.),  
bhijjanti (syā.)].
- 1087:** ‘Ummattikā bhavissāmi, bhūnahatā paṃsunā ca parikiṇṇā;  
Sace sūriyavaraṃ hanti, pāṇā me deva rujjhanti’.
- 1088:** ‘Kiṃ nu mā na ramāpeyyuṃ, aññaṃaññaṃ piyaṃvadā;  
Ghaṭṭikā uparikkhī ca, pokkharaṇī ca bhārikā [ghaṭṭiyā oparakkhī ca pokkharakkhī ca nāyikā  
(sī.) ghaṭṭiyā oparakkhī ca pokkharakkhī ca gāyikā (pī.)];  
Candasūriyesu naccantiyo, samā tāsāṃ na vijjati’.
- 1089:** ‘Imaṃ mayhaṃ hadayasokaṃ, paṭimuñcatu [paṭimuccatu (ka.)] khaṇḍahāla tava mātā;  
Yo mayhaṃ hadayasoko, candamhi vadhāya ninnīte.
- 1090:** ‘Imaṃ mayhaṃ hadayasokaṃ, paṭimuñcatu khaṇḍahāla tava mātā;  
Yo mayhaṃ hadayasoko, sūriyamhi vadhāya ninnīte.
- 1091:** ‘Imaṃ mayhaṃ hadayasokaṃ, paṭimuñcatu khaṇḍahāla tava jāyā;  
Yo mayhaṃ hadayasoko, candamhi vadhāya ninnīte.
- 1092:** ‘Imaṃ mayhaṃ hadayasokaṃ, paṭimuñcatu khaṇḍahāla tava jāyā;  
Yo mayhaṃ hadayasoko, sūriyamhi vadhāya ninnīte.
- 1093:** ‘Mā ca putte mā ca paṭiṃ, addakkhi khaṇḍahāla tava mātā;  
Yo ghātesī kumāre, adūsake sīhasānkāse.
- 1094:** ‘Mā ca putte mā ca paṭiṃ, addakkhi khaṇḍahāla tava mātā;  
Yo ghātesī kumāre, apekkhite sabbalokassa.
- 1095:** ‘Mā ca putte mā ca paṭiṃ, addakkhi khaṇḍahāla tava jāyā;  
Yo ghātesī kumāre, adūsake sīhasānkāse.
- 1096:** ‘Mā ca putte mā ca paṭiṃ, addakkhi khaṇḍahāla tava jāyā;  
Yo ghātesī kumāre, apekkhite sabbalokassa’.
- 1097:** ‘Mā no deva avadhi, dāse no dehi khaṇḍahālassa;  
Api nigaḷabandhakāpi, hatthī asse ca pālema.
- 1098:** ‘Mā no deva avadhi, dāse no dehi khaṇḍahālassa;  
Api nigaḷabandhakāpi, hatthichakaṇāni ujjhema.
- 1099:** ‘Mā no deva avadhi, dāse no dehi khaṇḍahālassa;

Api nigaḷabandhakāpi, assachakaṇāni ujjhema.

**1100:**“Mā no deva avadhi, dāse no dehi khaṇḍahālassa;  
Yassa honti tava kāmā, api raṭṭhā pabbājitā;  
Bhikkhācariyaṃ carissāma.

**1101:**“Dibbaṃ deva upayācanti, puttattikāpi daliddā;  
Paṭibhānānipi hitvā, putte na labhanti ekaccā.

**1102:**“Āsīsikāni [[assāsakāni \(sī. pī.\)](#)], [āsāsakāni \(syā.\)](#)] karonti, puttā no jāyantu tato paputtā [[puttā \(sī. pī.\)](#)];  
Atha no akāraṇasmā, yaññatthāya deva ghātesi.

**1103:**“Upayācitakena puttaṃ labhanti, mā tāta no aghātesi;  
Mā kicchāladdhakehi puttehi, yajittho imaṃ yaññaṃ.

**1104:**“Upayācitakena puttaṃ labhanti, mā tāta no aghātesi;  
Mā kapaṇaladdhakehi puttehi, ammāya no vippavāsesi”.

**1105:**“Bahudukkhā [[bahudukkhaṃ \(syā. ka.\)](#)] posiya candaṃ, amma tuvaṃ jīyase puttaṃ;  
Vandāmi kho te pāde, labhataṃ tāto paralokaṃ.

**1106:**“Handa ca maṃ upaguyha, pāde te amma vandituṃ dehi;  
Gacchāmi dāni pavāsaṃ [[vippavāsaṃ \(ka.\)](#)], yaññatthāya ekarājassa.

**1107:**“Handa ca maṃ upaguyha [[upaguyha \(syā. ka.\)](#)], pāde te amma vandituṃ dehi;  
Gacchāmi dāni pavāsaṃ, mātu katvā hadayasokaṃ.

**1108:**Handa ca maṃ upaguyha [[upaguyha \(syā. ka.\)](#)], pāde te amma vandituṃ dehi;  
Gacchāmi dāni pavāsaṃ, janassa katvā hadayasokaṃ”.

**1109:**“Handa ca padumapattānaṃ, moḷiṃ bandhassu gotamiputta;  
Campakadalimissāyo [[campakadalivītimissāyo \(sī. pī.\)](#)], [campakadalimissāyo \(ka.\)](#)], esā te  
porāṇikā pakati.

**1110:**“Handa ca vilepanaṃ te, pacchimakaṃ candanaṃ vilimpassu;  
Yehi ca suvilitto, sobhasi rājaparisāyaṃ.

**1111:**“Handa ca mudukāni vatthāni, pacchimakaṃ kāsikaṃ nivāsehi;  
Yehi ca sunivattho, sobhasi rājaparisāyaṃ.

**1112:**“Muttāmaṇikanakavibhūsitāni, gaṇhassu hatthābharaṇāni;  
Yehi ca hatthābharaṇehi, sobhasi rājaparisāyaṃ”.

**1113:**“Na hi nūnāyaṃ raṭṭhapālo, bhūmipati janapadassa dāyādo;  
Lokissaro mahanto, putte snehaṃ janayati”.

**1114:**“Mayhampi piyā puttā, attā ca piyo tumhe ca bhariyāyo;  
Saggañca patthayāno [[patthayamāno \(syā. ka.\)](#)], tenāhaṃ ghātayissāmi”.

**1115:**“Maṃ paṭhamaṃ ghātehi, mā me hadayaṃ dukkhaṃ phālesi;  
Alaṅkato [[analankato \(ka.\)](#)] sundarako, putto deva tava sukhumālo.

- 1116: ‘Handayya maṃ hanassu, paraloke [salokā (sī. syā. ka.)] candakena [candiyena (sī. pī. ka.)] hessāmi;  
Puññaṃ karassu vipulaṃ, vicarāma ubhopi paraloke’.
- 1117: ‘Mā tvaṃ cande rucci maraṇaṃ [idaṃ padaṃ natthi sī. pī. potthakesu], bahukā tava devarā visālakki;  
Te taṃ ramayissanti, yiṭṭhasmiṃ gotamiputte’.
- 1118: ‘Evaṃ vutte candā attānaṃ, hanti hatthatalakehi’;  
‘Alamettha [alamatthu (sī. pī.)] jīvitena, pissāmi [pāyāmi (sī. pī.)] visaṃ marissāmi.
- 1119: ‘Na hi nūnimassa rañño, mittāmaccā ca vijjare suhadā;  
Ye na vadanti rājānaṃ, mā ghātayi orase putte.
- 1120: ‘Na hi nūnimassa rañño, ñātī mittā ca vijjare suhadā;  
Ye na vadanti rājānaṃ, mā ghātayi atraje putte.
- 1121: ‘Ime tepi mayhaṃ puttā, guṇino kāyūradhārino rāja;  
Tehipi yajassu yaññaṃ, atha muñcatu [muccatu (pī. ka.)] gotamiputte.
- 1122: ‘Bilasataṃ maṃ katvāna, yajassu sattadhā mahārāja;  
Mā jeṭṭhaputtamavadhi, adūsakaṃ sihasaṅkāsaṃ.
- 1123: ‘Bilasataṃ maṃ katvāna, yajassu sattadhā mahārāja;  
Mā jeṭṭhaputtamavadhi, apekkhitam sabbalokassa’.
- 1124: ‘Bahukā tava dinnābharaṇā, uccāvaca subhaṇitamhi;  
Muttāmaṇiveḷuriyā, etaṃ te pacchimakaṃ dānaṃ’.
- 1125: ‘Yesaṃ pubbe khandhesu, phullā mālāguṇā vivattiṃsu;  
Tesajjapi sunisito [pitanisito (sī. pī.)], nettiṃso vivattissati khandhesu.
- 1126: ‘Yesaṃ pubbe khandhesu, cittā mālāguṇā vivattiṃsu;  
Tesajjapi sunisito, nettiṃso vivattissati khandhesu.
- 1127: ‘Aciraṃ [acirā (sī. syā. pī.)] vata nettiṃso, vivattissati rājaputtānaṃ khandhesu;  
Atha mama hadayaṃ na phalati, tāva daḷhabandhañca me āsi.
- 1128: ‘Kāsikasucivatthadharā, kuṇḍalino agalucandanavilittā;  
Nīyyātha candasūriyā, yaññatthāya ekarājassa.
- 1129: ‘Kāsikasucivatthadharā, kuṇḍalino agalucandanavilittā;  
Nīyyātha candasūriyā, mātu katvā hadayasokaṃ.
- 1130: ‘Kāsikasucivatthadharā, kuṇḍalino agalucandanavilittā;  
Nīyyātha candasūriyā, janassa katvā hadayasokaṃ.
- 1131: ‘Maṃsarasabhojanā nhāpakasunhāpitā, kuṇḍalino agalucandanavilittā;  
Nīyyātha candasūriyā, yaññatthāya ekarājassa.
- 1132: ‘Maṃsarasabhojanā nhāpakasunhāpitā, kuṇḍalino agalucandanavilittā;  
Nīyyātha candasūriyā, mātu katvā hadayasokaṃ.



- 1133: ‘Maṃsarasabhojanā nhāpakasunhāpitā, kuṇḍalino agalucandanavilittā;  
Nīyyātha candasūriyā, janassa katvā hadayasokaṃ’.
- 1134: ‘Sabbasmim upakkaṭasmim, nisīdite candasmim [candiyasmim (sī. pī.), candasūriyasmim (syā.)] yaññatthāya;  
Pañcālarājadhītā pañjalikā, sabbaparisāya samanupariyāyi [sabbaparisamanupariyāsi (sī. pī.), sabbaparisantaramanupariyāsi (syā.)].
- 1135: ‘Yena saccena khaṇḍahālo, pāpakammaṃ karoti dummedho;  
Etena saccavajjena, samaṅginī sāmikena homi.
- 1136: ‘Ye idhatthi amanussā, yāni ca yakkhabhūtabhabyāni;  
Karontu me veyyāvaṭikaṃ, samaṅginī sāmikena homi.
- 1137: ‘Yā devatā idhāgatā, yāni ca yakkhabhūtabhabyāni;  
Saraṇesiniṃ anāthaṃ tāyatha maṃ, yācāmaṃ patimāhaṃ ajeyam’ [ajjiyam (sī.)].
- 1138: ‘Taṃ sutvā amanusso, ayokūṭaṃ paribbhametvāna;  
Bhayamassa janayanto, rājānaṃ idamavoca.
- 1139: ‘Bujjhassu kho rājakali, mā tāhaṃ [mā tehaṃ (syā.)] matthakaṃ nitālesim [nitālemi (sī. pī.), nipphālesim (ka.)];  
Mā jeṭṭhaputtamavadhi, adūsakaṃ sīhasaṅkāsaṃ.
- 1140: ‘Ko te ditṭho rājakali, puttabhariyāyo haññamānāyo [haññamānā (ka.)];  
Seṭṭhi ca gahapatayo, adūsakā saggakāmā hi.
- 1141: ‘Taṃ sutvā khaṇḍahālo, rājā ca abbhutamidaṃ disvāna;  
Sabbesaṃ bandhanāni mocesaṃ, yathā taṃ anupaghātaṃ [apāpānaṃ (sī. pī.)].
- 1142: ‘Sabbesu vippamuttesu, ye tattha samāgatā tadā āsuṃ;  
Sabbe ekekaledḍḍukamaḍḍu, esa vadho khaṇḍahālassa’.
- 1143: ‘Sabbe pavitṭhā [patimsu (sī.), patitvā (pī.)] nirayaṃ, yathā taṃ pāpakaṃ karitvāna;  
Na hi pāpakammaṃ katvā, labbhā sugatiṃ ito gantuṃ’.
- 1144: ‘Sabbesu vippamuttesu, ye tattha samāgatā tadā āsuṃ;  
Candaṃ abhisiñciṃsu, samāgatā rājaparisā [rājapurisā (syā.)] ca.
- 1145: ‘Sabbesu vippamuttesu, ye [yā (syā.)] tattha samāgatā tadā āsuṃ;  
Candaṃ abhisiñciṃsu, samāgatā rājakaññāyo ca.
- 1146: ‘Sabbesu vippamuttesu, ye tattha samāgatā tadā āsuṃ;  
Candaṃ abhisiñciṃsu, samāgatā devaparisā [devapurisā (syā.)] ca.
- 1147: ‘Sabbesu vippamuttesu, ye [yā (syā.)] tattha samāgatā tadā āsuṃ;  
Candaṃ abhisiñciṃsu, samāgatā devakaññāyo ca.
- 1148: ‘Sabbesu vippamuttesu, ye tattha samāgatā tadā āsuṃ;  
Celukkhepamakarūṃ, samāgatā rājaparisā [rājapurisā (syā.)] ca.
- 1149: ‘Sabbesu vippamuttesu, ye [yā (syā.)] tattha samāgatā tadā āsuṃ;

Celukkhepamakarum, samāgatā rājakaññāyo ca.

**1150:**“Sabbesu vippamuttesu, ye tattha samāgatā tadā āsum;  
Celukkhepamakarum, samāgatā devaparisā [devapurisā (syā.)] ca.

**1151:**“Sabbesu vippamuttesu, ye [yā (syā.)] tattha samāgatā tadā āsum;  
Celukkhepamakarum, samāgatā devakaññāyo ca.

**1152:**“Sabbesu vippamuttesu, bahū ānanditā ahuṃ [bahu ānandano ahu vaṃso (sī.), bahu ānandito ahu vaṃso (pī.)];  
Nandiṃ pavesi nagaram [vādiṃsu nandipavesanagaram (syā.), nandiṃ pavesi nagare (ka.)],  
bandhanā mokkho aghosithā”ti.

Candakumārajātakam [khaṇḍahārajātakam (sī. pī.)] sattamaṃ.

### 545. Mahānāradakassapajātakam (8)

**1153:**“Ahu rājā videhānam, aṅgati [aṅgāti (sī.) evamuparipi] nāma khattiyo;  
Pahūtayoggo dhanimā, anantabalaporiso.

**1154:**So ca pannarasim [pannarase (syā. ka.)] rattim, purimayāme anāgate;  
Cātumāsā [cātumassa (sī. pī.)] komudiyā, amacce sannipātayi.

**1155:**“Paṇḍite sutasampanne, mitapubbe [mihitapubbe (sī. pī.)] vicakkhaṇe;  
Vijayañca sunāmañca, senāpatim alātakam.

**1156:**“Tamanupucchi vedeho, “paccekam brūtha sam rucim;  
Cātumāsā komudajja, juṇham byapahatam [byapagatam (sī. pī.)] tamam;  
Kāyajja ratiyā rattim, viharemu imam utum”.

**1157:**“Tato senāpati rañño, alāto etadabravi;  
“Haṭṭham yoggam balam sabbam, senam sannāhayāmase.

**1158:**“Niyyāma deva yuddhāya, anantabalaporisā;  
Ye te vasaṃ na āyanti, vasaṃ upanayāmase [upaniyyāmase (ka.)];  
Esā mayham sakā diṭṭhi, ajitam ojināmase.

**1159:**Alātassa vaco sutvā, sunāmo etadabravi;  
“Sabbe tuyham mahārāja, amittā vasamāgatā.

**1160:**“Nikkhittasatthā paccatthā, nivātamanuvattare;  
Uttamo ussavo ajja, na yuddham mama ruccati.

**1161:**“Annapānañca khajjañca, khippam abhiharantu te;  
Ramassu deva kāmehi, naccagīte suvādite”.

**1162:**Sunāmassa vaco sutvā, vijayo etadabravi;  
“Sabbe kāmā mahārāja, niccam tava mupaṭṭhitā.

**1163:**“Na hete dullabhā deva, tava kāmehi moditum;  
Sadāpi kāmā sulabhā, netam cittamatam [cittam matī (ka.)] mama.

- 1164: ‘Samaṇaṃ brāhmaṇaṃ vāpi, upāsemu bahussutaṃ;  
Yo najja vinaye kaṅkhaṃ, atthadhammavidū ise’.
- 1165: Vijayassa vaco sutvā, rājā aṅgati mabravi;  
‘‘Yathā vijayo bhaṇāti, mayhampetaṃva ruccati.
- 1166: ‘Samaṇaṃ brāhmaṇaṃ vāpi, upāsemu bahussutaṃ;  
Yo najja vinaye kaṅkhaṃ, atthadhammavidū ise.
- 1167: ‘Sabbeva santā karotha matiṃ, kaṃ upāsemu paṇḍitaṃ;  
Yo [ko (sī. pī.)] najja vinaye kaṅkhaṃ, atthadhammavidū ise’.
- 1168: ‘Vedehassa vaco sutvā, alāto etadabravi;  
‘‘Atthāyaṃ migadāyasmīṃ, acelo dhīrasammato.
- 1169: ‘Guṇo kassapagottāyaṃ, suto citrakathī gaṇī;  
Taṃ deva [tadeva (ka.)] payīrupāsemu [payīrupāsaya (sī. pī.)], so no kaṅkhaṃ vinessati’.
- 1170: ‘Alātassa vaco sutvā, rājā codesi sārathiṃ;  
‘‘Migadāyaṃ gamissāma, yuttaṃ yānaṃ idhānaya’.
- 1171: Tassa yānaṃ ayojesuṃ, dantaṃ rūpiyapakkharaṃ [rūpiyupakkharaṃ (ka.)];  
Sukkamaṭṭhaparivāraṃ, paṇḍaraṃ dosināmukhaṃ.
- 1172: ‘Tatrāsuṃ kumudāyuttā, cattāro sindhavā hayā;  
Anilūpamasamuppātā [anilūpamasamuppādā (ka.)], sudantā soṇṇamālino.
- 1173: ‘Setacchattaṃ setaratho, setassā setabījanī;  
Vedeho sahamaccehi, niyyaṃ candova sobhati.
- 1174: ‘Tamanuyāyimsu bahavo, indikhaggadharā [indakhaggadharā (sī.), iṭṭhikhaggadharā (pī.)]  
balī;  
Assapiṭṭhigatā vīrā, narā naravarādhipaṃ.
- 1175: So muhuttaṃva yāyivā, yānā oruyha khattiyo;  
Vedeho sahamaccehi, pattī guṇamupāgami.
- 1176: Yepi tattha tadā āsuṃ, brāhmaṇibbhā samāgatā;  
Na te apanayī rājā, akataṃ bhūmimāgate.
- 1177: ‘Tato so mudukā bhisiyā, muducittakasanthate [muducittakaḷandake (sī. pī.)];  
Mudupaccatthate rājā, ekamantaṃ upāvisi.
- 1178: ‘Nisajja rājā sammodi, kathaṃ sāraṇiyaṃ tato;  
‘‘Kacci yāpaniyaṃ bhante, vātānamaviyaggatā [vātānamavisaggatā (sī. pī.), vātānamaviyattatā (syā.)].
- 1179: ‘Kacci akasirā vutti, labhasi [labbhati (sī. pī.)] piṇḍayāpanaṃ [piṇḍiyāpanaṃ (syā. ka.)];  
Apābādho casi kacci, cakkhuṃ na parihāyati’.
- 1180: Taṃ guṇo paṭisaṃmodi, vedehaṃ vinaye rataṃ;  
‘‘Yāpaniyaṃ mahārāja, sabbametaṃ tadūbhayaṃ.

- 1181: ‘Kacci tuyhampi vedeha, paccantā na balīyare;  
Kacci arogaṃ yoggaṃ te, kacci vahati vāhanaṃ;  
Kacci te byādhayo natthi, sarīrassupatāpiyā’ [sarīrassupatāpikā (sī. pī.), sarīrassupatāpanā (?)].
- 1182: Paṭisammodito rājā, tato pucchi anantarā;  
Atthaṃ dhammañca ñāyañca, dhammakāmo rathesabho.
- 1183: ‘Kathaṃ dhammaṃ care macco, mātāpitūsu kassapa;  
Kathaṃ care ācariye, puttadāre kathaṃ care.
- 1184: ‘Kathaṃ careyya vuḍḍhesu, kathaṃ samaṇabrāhmaṇe;  
Kathañca balakāyasmim, kathaṃ janapade care.
- 1185: ‘Kathaṃ dhammaṃ caritvāna, maccā gacchanti [pecca gacchati (sī. syā. pī.)] suggatiṃ;  
Kathañceke adhammaṭṭhā, patanti nirayaṃ atho’.
- 1186: ‘Vedehassa vaco sutvā, kassapo etadabravi;  
‘‘Suṇohi me mahārāja, saccaṃ avitathaṃ padaṃ.
- 1187: ‘‘Natthi dhammacaritassa [dhammassa ciñṇassa (sī.)], phalaṃ kalyāṇapāpakam;  
Natthi deva paro loko, ko tato hi idhāgato.
- 1188: ‘‘Natthi deva pitaro vā, kuto mātā kuto pitā;  
Natthi ācariyo nāma, adantaṃ ko damessati.
- 1189: ‘‘Samatulyāni bhūtāni, natthi jeṭṭhāpacāyikā;  
Natthi balaṃ vīriyaṃ vā, kuto uṭṭhānaporisaṃ;  
Niyatāni hi bhūtāni, yathā goṭaviso tathā.
- 1190: ‘‘Laddheyyaṃ labhate macco, tattha dānaphalaṃ kuto;  
Natthi dānaphalaṃ deva, avaso devavīriyo.
- 1191: ‘‘Bālehi dānaṃ paññattaṃ, paṇḍitehi paṭicchitaṃ;  
Avasā denti dhīrānaṃ, bālā paṇḍitamānino.
- 1192: ‘‘Sattime sassatā kāyā, acchejjā avikopino;  
Tejo pathavī āpo ca, vāyo sukhaṃ dukhañcime;  
Jīve ca sattime kāyā, yesaṃ chettā na vijjati.
- 1193: ‘‘Natthi hantā va chettā vā, haññe yevāpi [haññare vāpi (sī. syā. pī.)] koci naṃ;  
Antareneva kāyānaṃ, satthāni vītivattare.
- 1194: ‘‘Yo cāpi [yopāyaṃ (sī. pī.), yo cāyaṃ (syā. ka.)] siramādāya, paresaṃ nisitāsina;  
Na so chindati te kāye, tattha pāpaphalaṃ kuto.
- 1195: ‘‘Cullāsītimahākappe, sabbe sujjhanti saṃsaram;  
Anāgate tamhi kāle, saññatopi na sujjhati.
- 1196: ‘‘Caritvāpi bahuṃ bhadrāṃ, neva sujjhantināgate;  
Pāpañcepi bahuṃ katvā, taṃ khaṇaṃ nātivattare.

- 1197: “Anupubbenā no suddhi, kappānaṃ cullasītiyā;  
Niyatiṃ nātivattāma, velantamiva sāgaro”.
- 1198: Kassapassa vaco sutvā, alāto etadabravi;  
“Yathā bhadanto bhaṇati, mayhampetaṃva rucati.
- 1199: “Ahampi purimaṃ jātiṃ, sare saṃsaritattano;  
Piṅgalo nāmahaṃ āsiṃ, luddo goghātako pure.
- 1200: “Bārāṇasiyaṃ phītāyaṃ, bahuṃ pāpaṃ kataṃ mayā;  
Bahū mayā hatā paṇā, mahimsā sūkarā ajā.
- 1201: “Tato cuto idha jāto, iddhe senāpatīkule;  
Natthi nūna phalaṃ pāpaṃ, yohaṃ [pāpe sohaṃ (sī. pī.)] na nirayaṃ gato.
- 1202: Athettha bījako nāma, dāso āsi paṭaccarī [paḷaccarī (sī. pī.), paṭajjarī (ka.)];  
Uposathaṃ upavasanto, guṇasantikupāgami.
- 1203: Kassapassa vaco sutvā, alātassa ca bhāsitaṃ;  
Passasanto muhuṃ uṇhaṃ, rudaṃ assūni vattayi.
- 1204: Tamaṇupucchi vedeho, “kimatthaṃ samma rodasi;  
Kiṃ te suttaṃ vā dīṭṭhaṃ vā, kiṃ maṃ vedesi vedanaṃ”.
- 1205: Vedehassa vaco sutvā, bījako etadabravi;  
“Natthi me vedanā dukkhā, mahārāja suṇohi me.
- 1206: “Ahampi purimaṃ jātiṃ, sarāmi sukhamattano;  
Sāketāhaṃ pure āsiṃ, bhāvasetṭhi guṇe rato.
- 1207: “Sammato brāhmaṇibbhānaṃ, saṃvibhāgarato suci;  
Na cāpi pāpakaṃ kammaṃ, sarāmi katamattano.
- 1208: “Tato cutāhaṃ vedeha, idha jāto duritthiyā;  
Gabbhamhi kumbhadāsīyā, yato jāto suduggato.
- 1209: “Evampi duggato santo, samacariyaṃ adhiṭṭhito;  
Upaḍḍhabhāgaṃ bhattassa, dadāmi yo me icchati.
- 1210: “Cātuddasiṃ pañcadasiṃ, sadā upavasāmahaṃ;  
Na cāpi [na ahaṃ (ka.)] bhūte hiṃsāmi, theyyañcāpi vivajjayiṃ.
- 1211: “Sabbameva hi nūnettaṃ, suciṇṇaṃ bhavati nipphalaṃ;  
Niratthaṃ maññidaṃ sīlaṃ, alāto bhāsati yathā.
- 1212: “Kalimeva nūna gaṇhāmi, asippo dhuttako yathā;  
Kaṭaṃ alāto gaṇhāti, kitavosikkhito yathā.
- 1213: “Dvāraṃ nappaṭipassāmi, yena gacchāmi suggatiṃ;  
Tasmā rāja parodāmi, sutvā kassapabhāsitaṃ”.
- 1214: Bījakassa vaco sutvā, rājā aṅgati mabravi;

- “Natthi dvāraṃ sugatīyā, niyatim̄ [niyatam̄ (syā.)] kaṅkha bījaka.
- 1215**“Sukhaṃ vā yadi vā dukkhaṃ, niyatīyā kira labbhati;  
Saṃsārasuddhi sabbesaṃ, mā turittho [turito (syā.)] anāgate.
- 1216**“Ahampi pubbe kalyāṇo, brāhmaṇibbhesu byāvaṭo [vāvaṭo (ka.)];  
Vohāramanusāsanto, ratihīno tadantarā”.
- 1217**“Punapi bhante dakkhemu, saṅgati ce bhavissati”;  
Idaṃ vatvāna vedeho, paccagā sanivesanaṃ.
- 1218**Tato ratyā vivasāne, upaṭṭhānamhi aṅgati;  
Amacce sannipātetvā, idaṃ vacanamabravi.
- 1219**“Candake me vimānasmim̄, sadā kāme vidhentu me;  
Mā upagacchuṃ atthesu, guyhappakāsiyesu ca.
- 1220**“Vijayo ca sunāmo ca, senāpati alātako;  
Ete atthe nisīdantu, vohārakusalā tayo”.
- 1221**Idaṃ vatvāna vedeho, kāmeva bahumaññātha;  
Na cāpi brāhmaṇibbhesu, atthe kismiñci byāvaṭo.
- 1222**Tato dvesattarattassa, vedehassatrajā piyā;  
Rājakaññā rucā [rujā (sī. pī.) evamuparipi] nāma, dhātimātaramabravi.
- 1223**“Alaṅkarotha maṃ khippaṃ, sakhiyo cālaṅkarontu [ca karontu (sī. pī.)] me;  
Suve pannaraso dibyo, gacchaṃ issarasantike’ [pitussa santike (syā.)].
- 1224**Tassā mālyāṃ abhiharim̄su, candanañca mahārahaṃ;  
Maṇisaṅkhamuttāratanaṃ, nānāratte ca ambare.
- 1225**Taṅca sovaṇṇaye [soṇṇamaye (ka.)] pīṭhe, nisinnaṃ bahukitthiyo;  
Parikiriya pasobhim̄su [asobhim̄su (sī. syā. pī.)], rucāṃ ruciravaṇṇinim̄.
- 1226**Sā ca sakhimajjhagatā, sabbābharaṇabhūsitā;  
Sateratā abbhamaiva, candakaṃ pāvīsī rucā.
- 1227**Upasaṅkamitvā vedehaṃ, vanditvā vinaye rataṃ;  
Suvaṇṇakhacite [suvaṇṇavikate (sī. pī.)] pīṭhe, ekamantaṃ upāvīsī”.
- 1228**Taṅca disvāna vedeho, accharānaṃva saṅgamaṃ;  
Rucāṃ sakhimajjhagataṃ, idaṃ vacanamabravi.
- 1229**“Kacci ramasi pāsāde, antopokkharāṇim̄ pati;  
Kacci bahavidhaṃ khajjaṃ, sadā abhiharanti te.
- 1230**“Kacci bahavidhaṃ mālyāṃ, ocinitvā kumāriyo;  
Gharake karotha paccekaṃ, khiḍḍāratiratā muhuṃ [ahu (syā. ka.)].
- 1231**“Kena vā vikalaṃ tuyhaṃ, kiṃ khippaṃ āharantu te;  
Manokarassu kuḍḍamukhī [kuṭṭamukhī (sī. pī.)], api candasamamhipi” [api candasamampi te

(ka.)].

- 1232** Vedeḥassa vaco sutvā, rucā pitaramabravi;  
“Sabbametam mahārāja, labbhatissarasantike.
- 1233** “Suve pannaraso dībyo, saḥassaṃ āharantu me;  
Yathādinnañca dassāmi, dānaṃ sabbavaṇīsvahaṃ” [sabbavaṇīsvahaṃ (syā. ka.)].
- 1234** Rucāya vacanaṃ sutvā, rājā aṅgati mabravi;  
“Bahum vināsitaṃ vittaṃ, niratthaṃ aphalaṃ tayā.
- 1235** “Uposathe vasaṃ niccaṃ, annapānaṃ na bhuñjasi;  
Niyatetaṃ abhuttappaṃ, natthi puññaṃ abhuñjato”.
- 1236** “Bījakopi hi sutvāna, tadā kassapabhāsitaṃ;  
Passasanto muhuṃ uṇhaṃ, rudaṃ assūni vattayī.
- 1237** “Yāva ruce jīvamānā [jīvasino (sī. pī.)], mā bhattamapanāmayi;  
Natthi bhaddo paro loko, kiṃ niratthaṃ vihaññasi”.
- 1238** Vedeḥassa vaco sutvā, rucā ruciravaṇṇinī;  
Jānaṃ pubbāparaṃ dhammaṃ, pitaraṃ etadabravi.
- 1239** “Sutameva pure āsi, sakkhi [paccakkhaṃ (ka.)] diṭṭhamidaṃ mayā;  
Bālūpasevī yo hoti, bālova samapajjatha.
- 1240** “Mūlho hi mūlhamāgama, bhīyyo moḥaṃ nigacchati;  
Patirūpaṃ alātena, bījakena ca muyhituṃ.
- 1241** “Tvañca devāsi sappañño, dhīro atthassa kovido;  
Kathaṃ bālehi sadisaṃ, hīnadiṭṭhiṃ upāgami.
- 1242** “Sacepi saṃsārapathena sujjhati, niratthiyā pabbajjā guṇassa;  
Kīṭova aggiṃ jalitaṃ apāpataṃ, upapajjati mohamūlho [momuho (sī. pī.)] naggabhāvaṃ.
- 1243** “Saṃsārasuddhīti pure nivīṭhā, kammaṃ vidūsentī bahū ajānaṃ [bahū pajā (ka.)];  
Pubbe kalī duggahitovaatthā [attho (ka.), duggahitova’natthā (?)], dummo ca yā balisā  
ambujova.
- 1244** “Upamaṃ te karissāmi, mahārāja tavatthiyā;  
Upamāya midhekacce, atthaṃ jānanti paṇḍitā.
- 1245** “Vāṇijānaṃ yathā nāvā, appamāṇabharā [appamāṇaharā (pī.)] garu;  
Atibhāraṃ samādāya, aṇṇave avasīdati.
- 1246** “Evameva naro pāpaṃ, thokaṃ thokampi ācinaṃ;  
Atibhāraṃ samādāya, niraye avasīdati.
- 1247** “Na tāva bhāro paripūro, alātassa mahīpati;  
Ācināti ca taṃ pāpaṃ, yena gacchati duggatiṃ.
- 1248** “Pubbevassa kataṃ puññaṃ, alātassa mahīpati;

Tasseva deva nissando, yañceso labhate sukhaṃ.

- 1249:**“Khīyate cassa taṃ puññaṃ, tathā hi aguṇe rato;  
Ujumaggaṃ avahāya [apāhāya (sī.)], kummaggamanudhāvati.
- 1250:**“Tulā yathā paggaḥitā, ohite tulamaṇḍale;  
Unnameti tulāsīsaṃ, bhāre oropite sati.
- 1251:**“Evameva naro puññaṃ, thokaṃ thokampi ācinaṃ;  
Saggātimāno dāsova, bījako sātave [sādhave (ka.)] rato.
- 1252:**“Yamajja bījako dāso, dukkhaṃ passati attani;  
Pubbevassa [pubbe tassa (sī. pī.)] kataṃ pāpaṃ, tameso paṭisevati.
- 1253:**“Khīyate cassa taṃ pāpaṃ, tathā hi vinaye rato;  
Kassapañca samāpajja, mā hevuppathamāgamā.
- 1254:**“Yaṃ yañhi rāja bhajati, santaṃ vā yadi vā asaṃ;  
Sīlavantaṃ visīlaṃ vā, vasaṃ tasseva gacchati.
- 1255:**“Yādisaṃ kurute mittaṃ, yādisaṃ cūpasevati;  
Sopi tādisako hoti, sahavāso hi [sahavāsopi (ka.)] tādiso.
- 1256:**“Sevamāno sevamānaṃ, samphuṭṭho samphusaṃ paraṃ;  
Saro diddho kalāpaṃva, alittamupalimpati;  
Upalepabhayā [upalimpabhayā (ka.)] dhīro, neva pāpasakhā siyā.
- 1257:**“Pūtimacchaṃ kusaggena, yo naro upanayhati;  
Kusāpi pūti vāyanti, evaṃ bālūpasevanā.
- 1258:**“Tagarañca palāsenā, yo naro upanayhati;  
Pattāpi surabhi vāyanti, evaṃ dhīrūpasevanā.
- 1259:**“Tasmā pattapuṭasseva [phalapuṭasseva (sī. pī.)], ñatvā sampākamattano;  
Asante nopaseveyya, sante seveyya paṇḍito;  
Asanto nirayaṃ nentī, santo pāpentī suggaṭiṃ”.
- 1260:** Ahampi jātiyo satta, sare saṃsaritattano;  
Anāgatāpi satteva, yā gamissaṃ ito cutā.
- 1261:**“Yā me sā sattaṃ jāti, ahu pubbe janādhīpa;  
Kammāraputto magadhesu, ahuṃ rājagahe pure.
- 1262:**“Pāpaṃ sahāyamāgamma, bahuṃ pāpaṃ kataṃ mayā;  
Paradārassa heṭhento, carimhā amarā viya.
- 1263:**“Taṃ kammaṃ nihitaṃ aṭṭhā, bhasmacchannova pāvako;  
Atha aññehi kammehi, ajāyīṃ vaṃsabhūmiyaṃ.
- 1264:**“Kosambiyaṃ seṭṭhikule, iddhe phīte mahaddhane;  
Ekaputto mahārāja, niccaṃ sakkatapūjito.



- 1265: ‘Tattha mittam asevissam, sahāyam sātave ratam;  
Paṇḍitam sutasampannam, so maṃ atthe nivesayi.
- 1266: ‘Cātuddasiṃ pañcadasiṃ, bahum rattim upāvasiṃ;  
Taṃ kammaṃ nihitam aṭṭhā, nidhīva udakantike.
- 1267: ‘Atha pāpāna kammānaṃ, yametam magadhe kataṃ;  
Phalam pariyāga maṃ [pariyāga taṃ (sī.), pariyāgataṃ (syā. pī.)] pacchā, bhutvā duṭṭhavisam  
yathā.
- 1268: ‘Tato cutāhaṃ vedeha, roruve niraye ciraṃ;  
Sakammunā apaccissaṃ, taṃ saraṃ na sukhaṃ labhe.
- 1269: ‘Bahuvassagaṇe tattha, khepayitvā bahum dukhaṃ;  
Bhinnāgate [bheṇṇākaṇe (sī. pī.)] ahum rāja, chagalo uddhatapphalo [chakalo uddhitapphalo  
(sī. pī.)].
- 1270: ‘Sātaputtā mayā vūḷhā, piṭṭhiyā ca rathena ca;  
Tassa kamma nissando, paradāragamanassa me.
- 1271: ‘Tato cutāhaṃ vedeha, kapi āsiṃ brahāvane;  
Niluñcitaphalo [nilicchitaphalo (sī. pī.)] yeva, yūthapena pagabbhinā;  
Tassa kamma nissando, paradāragamanassa me.
- 1272: ‘Tato cutāhaṃ vedeha, dassanesu [dasaṇṇesu (sī. pī.), dasannesu (syā.)] pasū ahum;  
Niluñcito javo bhadro, yoggaṃ vūḷhaṃ ciraṃ mayā;  
Tassa kamma nissando, paradāragamanassa me.
- 1273: ‘Tato cutāhaṃ vedeha, vajjīsu kulamāgamā;  
Nevitthī na pumā āsiṃ, manussatte sudullabhe;  
Tassa kamma nissando, paradāragamanassa me.
- 1274: ‘Tato cutāhaṃ vedeha, ajāyim nandane vane;  
Bhavane tāvatimsāhaṃ, accharā kāmavaṇṇinī [varavaṇṇinī (ka.)].
- 1275: ‘Vicittavatthābharaṇā, āmuttamaṇikuṇḍalā;  
Kusalā naccagītassa, sakkassa paricārikā.
- 1276: ‘Tattha thitāhaṃ vedeha, sarāmi jātiyo imā;  
Anāgatāpi satteva, yā gamissaṃ ito cutā.
- 1277: ‘Pariyāgataṃ taṃ kusalam, yaṃ me kosambiyam kataṃ;  
Deve ceva manusse ca, sandhāvissaṃ ito cutā.
- 1278: ‘Satta jacco [jaccā (syā. pī.)] mahārāja, niccam sakkatapūjitā;  
Thībhāvāpi na muccissaṃ, chaṭṭhā nigatiyo [chaṭṭhā gatiyo (syā.)] imā.
- 1279: ‘Sattamī ca gati deva, devaputto mahiddhiko;  
Pumā devo bhavissāmi [bhavissati (ka.)], devakāyasmimuttamo.
- 1280: ‘Ajjāpi santānamayaṃ, mālam ganthenti nandane;  
Devaputto javo nāma, yo me mālam paṭicchati.

- 1281: ‘Muhutto viya so dibyo, idha vassāni soḷasa;  
Rattindivo ca so dibyo, mānusiṃ saradosataṃ.
- 1282: ‘Iti kammāni anventi, asaṅkheyyāpi jātiyo;  
Kalyāṇaṃ yadi vā pāpaṃ, na hi kammaṃ vinassati [panassati (sī. pī.)].
- 1283: ‘Yo icche puriso hotuṃ, jātiṃ jātiṃ [jātijātiṃ (sī. pī.)] punappunaṃ;  
Paradāraṃ vivajjeyya, dhotapādova kaddamaṃ.
- 1284: ‘Yā icche puriso hotuṃ, jātiṃ jātiṃ punappunaṃ;  
Sāmikaṃ apacāyeyya, indaṃva paricārikā.
- 1285: ‘Yo icche dibyabhogañca, dibbamāyuṃ yasaṃ sukhaṃ;  
Pāpāni parivajjetvā [parivajjeyya (ka.)], tividhaṃ dhammamācare.
- 1286: ‘Kāyena vācā manasā, appamatto vicakkhaṇo;  
Attano hoti atthāya, itthī vā yadi vā pumā.
- 1287: ‘Ye kecime mānujā jīvaloke, yasassino sabbasamantabhogā;  
Asaṃsayāṃ tehi pure suciṇṇaṃ, kammassakāse puthu sabbasattā.
- 1288: ‘Inghānucintesi sayampi deva, kutonidānā te imā janinda;  
Yā te imā accharāsannikāsā, alaṅkatā kañcanajalachannā’.
- 1289: Iccevaṃ pitaraṃ kaññā, rucā tosesi aṅgatiṃ;  
Mūḷhassa maggamācikkhi, dhammamakkhāsi subbatā.
- 1290: Athāgamā brahmalokā, nārado mānusiṃ pajaṃ;  
Jambudīpaṃ avekkhanto, addā rājānamaṅgatiṃ.
- 1291: ‘Tato patiṭṭhā pāsāde, vedehassa puratthato [purakkhato (syā. ka.)];  
Tañca disvānānupattaṃ, rucā isimavandatha.
- 1292: ‘Athāsanamhā oruyha, rājā byathitamānaso [byamhitamānaso (sī. syā. pī.)];  
Nāradaṃ paripucchanto, idaṃ vacanamabravi.
- 1293: ‘Kuto nu āgacchasi devavaṇṇi, obhāsayaṃ sabbadisā [saṃvarim (sī. pī.)] candimāva;  
Akkhāhi me pucchito nāmagottaṃ, kathaṃ taṃ jānanti manussaloke’.
- 1294: ‘Ahañhi devato idāni emi, obhāsayaṃ sabbadisā [saṃvarim (sī. pī.)] candimāva;  
Akkhāmi te pucchito nāmagottaṃ, jānanti maṃ nārado kassapo ca’.
- 1295: ‘Accherarūpaṃ tava [vata (sī. pī.)] yādisañca, vehāyasaṃ gacchasi tiṭṭhasī ca;  
Pucchāmi taṃ nārada etamatthaṃ, atha kena vaṇṇena tavāyamiddhi’.
- 1296: ‘Saccañca dhammo ca damo ca cāgo, guṇā mamete pakatā purāṇā;  
Teheva dhammehi susevitehi, manojavo yena kāmāṃ gatosmi’.
- 1297: ‘Accheramācikkhasi puññasiddhiṃ, sace hi etehi [ete tvam (sī. pī.)] yathā vadesi;  
Pucchāmi taṃ nārada etamatthaṃ, puṭṭho ca me sādhu viyākarohi’.
- 1298: ‘Pucchassu maṃ rāja tavesa attho, yaṃ saṃsayāṃ kuruse bhūmipāla;

Ahaṃ taṃ nissaṃsayataṃ gamemi, nayeḥi ñāyehi ca hetubhī ca’’.

**1299:**‘‘Pucchāmi taṃ nārada etamatthaṃ, puṭṭho ca me nārada mā musā bhaṇi;  
Atthi nu devā pitaro nu atthi, loko paro atthi jano yamāhu’’.

**1300:**‘‘Attheva devā pitaro ca atthi, loko paro atthi jano yamāhu;  
Kāmesu giddhā ca narā pamūḷhā, lokaṃ paraṃ na vidū mohayuttā’’.

**1301:**‘‘Atthīti ce nārada saddahāsi, nivesanaṃ paraloke matānaṃ;  
Idheva me pañca satāni dehi, dassāmi te paraloke sahaṣsaṃ’’.

**1302:**‘‘Dajjemu kho pañca satāni bhoto, jaññāmu ce sīlavantaṃ vadaññuṃ [[vataññuṃ \(ka.\)](#)];  
Luddaṃ taṃ bhontaṃ niraye vasantaṃ, ko codaye paraloke sahaṣsaṃ.

**1303:**‘‘Idheva yo hoti adhammasīlo [[akammasīlo \(pī.\)](#)], pāpācāro alaso luddakammo;  
Na paṇḍitā tasmim̐ iṇaṃ dadanti, na hi āgamo hoti tathāvidhamhā.

**1304:**‘‘Dakkhañca posaṃ manujā viditvā, uṭṭhānakaṃ [[uṭṭhāhakaṃ \(sī.\)](#)] sīlavantaṃ vadaññuṃ;  
Sayameva bhogehi nimantayanti, kammaṃ karitvā puna māharesi’’.

**1305:**‘‘Ito cuto [[gato \(sī. pī.\)](#)] dakkhasi tattha rāja, kākolasāṅghehi vikassamānaṃ [[kākoḷasaṅghehipi kaḍḍhamānaṃ \(sī. pī.\)](#)];  
Taṃ khajjamānaṃ niraye vasantaṃ, kākehi gijjhehi ca senakehi [[soṇakehi \(syā. ka.\)](#)];  
Sañchinnagattaṃ ruhiraṃ savantaṃ, ko codaye paraloke sahaṣsaṃ.

**1306:**‘‘Andhaṃtaṃ taṃ tattha na candasūriyā, nirayo sadā tumulo ghorarūpo;  
Sā neva rattī na divā paññāyati, tathāvidhe ko vicare dhanatthiko.

**1307:**‘‘Sabalo ca sāmo ca duve suvānā, pavaddhakāyā balino mahantā;  
Khādanti dantehi ayomayehi, ito paṇunnaṃ paralokapattaṃ [[paraloke patantaṃ \(ka.\)](#)].

**1308:**‘‘Taṃ khajjamānaṃ niraye vasantaṃ, luddehi vāḷehi aghammigehi ca;  
Sañchinnagattaṃ ruhiraṃ savantaṃ, ko codaye paraloke sahaṣsaṃ.

**1309:**‘‘Usūhi sattīhi ca sunisitāhi, hananti vijjhanti ca paccamittā [[pothayanti \(ka.\)](#)];  
Kālūpakālā nirayamhi ghore, pubbe naraṃ dukkaṭakammakāriṃ.

**1310:**‘‘Taṃ haññamānaṃ niraye vajantaṃ, kucchismiṃ passasmiṃ vipphālītūdaraṃ;  
Sañchinnagattaṃ ruhiraṃ savantaṃ, ko codaye paraloke sahaṣsaṃ.

**1311:**‘‘Sattī usū tomarabhiṇḍivālā, vividhāvudhā vassanti tattha devā;  
Patanti āṅgāramivaccimanto, silāsanī vassati luddakamme.

**1312:**‘‘Uṇho ca vāto nirayamhi dussaho, na tamhi sukhaṃ labbhati [[seti \(ka.\)](#)] ittarampi;  
Taṃ taṃ vidhāvantaṃ malenamāturaṃ, ko codaye paraloke sahaṣsaṃ.

**1313:**‘‘Sandhāvamānampi [[sandhāvamānaṃ taṃ \(sī. pī.\)](#)] rathesu yuttaṃ, sajotibhūtaṃ pathaviṃ  
kamantaṃ;  
Patodalatṭhīhi sucodayantaṃ [[sucodiyantaṃ \(sī. pī.\)](#)], ko codaye paraloke sahaṣsaṃ.

**1314:**‘‘Tamāruhantaṃ khurasañcītaṃ giriṃ, vibhimsanaṃ pajjalitaṃ bhayānakaṃ;  
Sañchinnagattaṃ ruhiraṃ savantaṃ, ko codaye paraloke sahaṣsaṃ.

- 1315: ‘Tamāruhantaṃ pabbatasannikāsaṃ, aṅgāraraṣiṃ jalitaṃ bhayānakaṃ;  
Sudaḍḍhagattaṃ kapaṇaṃ rudantaṃ, ko codaye paraloke sahassaṃ.
- 1316: ‘Abbhakūṭasaṃā uccā, kaṅṭakanicitā [kaṅṭakāpacitā (sī. pī.), kaṅṭakāhicitā (syā.)] dumā;  
Ayomayehi tikkhehi, naralohitapāyibhi.
- 1317: ‘Tamāruhanti nāriyo, narā ca paradāragū;  
Coditā sattihatthehi, yamaniddesakāribhi.
- 1318: ‘Tamāruhantaṃ nirayaṃ, simbaliṃ ruharimakkhitaṃ;  
Vidaḍḍhakāyaṃ [viduṭṭhakāyaṃ (pī.)] vitacaṃ, āturaṃ gāḷhavedanaṃ.
- 1319: ‘Passasantaṃ muhuṃ uṇhaṃ, pubbakammāparādhikaṃ;  
Dumagge vitacaṃ gattaṃ [dumaggaviṭapaggataṃ (sī.)], ko taṃ yāceyya taṃ dhanam.
- 1320: ‘Abbhakūṭasaṃā uccā, asipattācitā dumā;  
Ayomayehi tikkhehi, naralohitapāyibhi.
- 1321: ‘Tamāruhantaṃ asipattapādapaṃ, asīhi tikkhehi ca chijjamānaṃ [pabhijjamānaṃ (ka.)];  
Sañchinnagattaṃ ruhiraṃ savantaṃ, ko codaye paraloke sahassaṃ.
- 1322: ‘Tato nikkhantaṃ taṃ, asipattācitā dumā [asipattanirayā dukhā (sī. pī.)];  
Sampatitaṃ vetaraṇiṃ, ko taṃ yāceyya taṃ dhanam.
- 1323: ‘Kharā kharodakā [khārodikā (sī.), kharodikā (pī.)] tattā, duggā vetaraṇī nadī;  
Ayopokkharasañchannā, tikkhā pattehi sandati.
- 1324: ‘Tattha sañchinnagattaṃ taṃ, vuyhantaṃ ruhiraṃ makkhitaṃ;  
Vetaraṇiṃ anālambe, ko taṃ yāceyya taṃ dhanam’.
- 1325: ‘Vedhāmi rukkho viya chijjamāno, disaṃ na jānāmi pamūḷhasañño;  
Bhayānutappāmi mahā ca me bhayā, sutvāna kathā [gāthā (sī. syā. pī.)] tava bhāsitaṃ ise.
- 1326: ‘Āditte vārimajjhaṃva, dīpaṃvoghe mahaṇṇave;  
Andhakāreva pajjoto, tvaṃ nosi saraṇaṃ ise.
- 1327: ‘Atthañca dhammaṃ anusāsa maṃ ise, atītamaddhā aparādhitaṃ mayā;  
Ācikkha me nārada suddhimaggaṃ, yathā ahaṃ no nirayaṃ pateyyaṃ’.
- 1328: ‘Yathā ahu dhataratṭho ( ) [ettha kiñci ūnaṃ viya dissati], vessāmitto atṭhako yāmataggi;  
Usindaro cāpi sivī ca rājā, paricārakā samaṇabrāhmaṇānaṃ.
- 1329: ‘Ete caññe ca rājāno, ye saggavisayaṃ [sakkavisayaṃ (sī. pī.)] gatā;  
Adhammaṃ parivajjetvā, dhammaṃ cara mahīpati.
- 1330: ‘Annahatthā ca te byamhe, ghosayantu pure tava;  
Ko chāto ko ca tasito, ko mālaṃ ko vilepanaṃ;  
Nānāratānaṃ vatthānaṃ, ko naggo paridahissati.
- 1331: ‘Ko panthe chattamāneti [chatta’ mādeti (sī. syā. pī.)], pādukā ca mudū subhā;  
Iti sāyañca pāto ca, ghosayantu pure tava.

- 1332: ‘Jiṇṇaṃ posaṃ gavassañca, māssu yuñja yathā pure;  
Parihārañca dajjāsi, adhikārakato balī.
- 1333: ‘Kāyo te rathasaññāto, manosārathiko lahu;  
Avihimsāsāritakkho, saṃvibhāgapaṭicchado.
- 1334: ‘Pādasaññamanemiyo, hatthasaññamapakkharo;  
Kucchisaññamanabbhanto, vācāsaññamakūjano.
- 1335: ‘Saccavākyasamattaṅgo, apesuññasusaññāto;  
Girāsakhilanelaṅgo, mitabhāṇisilesīto.
- 1336: ‘Saddhālobhasusañkhāro, nivātañjalikubbaro;  
Athaddhatānātīsāko [athaddhatānātīsāko (sī. pī.)], sīlasaṃvaranandhano.
- 1337: ‘Akkodhanamanugghātī, dhammapaṇḍarachattako;  
Bāhusaccamapālambo, ṭhitacittamupādhiyo [dhiticittamupādhiyo (ka.)].
- 1338: ‘Kālaññūtācittasāro, vesārajjatidaṇḍako;  
Nivātavuttiyottako [nivātavuttiyottaṅgo (ka.)], anati mānayo ugo lahu.
- 1339: ‘Alīnacittasanthāro, vuddhisevī rajohato;  
Sati patodo dhīrassa, dhiti yogo ca rasmiyo.
- 1340: ‘Mano dantaṃ pathaṃ neti [patha’nveti (sī. pī.)], samadantehi vāhibhi;  
Icchā lobho ca kummaggo, ujumaggo ca saṃyamo.
- 1341: ‘Rūpe sadde rase gandhe, vāhanassa padhāvato;  
Paññā ākoṭanī rāja, tattha attāva sārathi.
- 1342: ‘Sace etena yānena, samacariyā dalhā dhiti;  
Sabbakāmaduho rāja, na jātu nīrayaṃ vaje’.
- 1343: ‘Alāto devadattosi, sunāmo āsi bhaddaji;  
Vijayo sārīputtosi, moggallānosi bījako.
- 1344: ‘Sunakkhatto licchaviputto, guṇo āsi acelako;  
Ānando sā rucā āsi, yā rājānaṃ pasādayi.
- 1345: ‘Ūruveḷakassapo rājā, pāpadiṭṭhi tadā ahu;  
Mahābrahmā bodhisatto, evaṃ dhāretha jātaka’nti.

Mahānārada-kassapa-jātakaṃ aṭṭhamam.

## 546. Vidhura-jātakaṃ (9)

### Doha-kaṇḍam

- 1346: ‘Paṇḍu kisiyāsi dubbalā, vaṇṇarūpaṃ [vaṇṇarūpe (ka.)] natavedisaṃ pure;  
Vimale akkhāhi pucchitā, kīdisī tuyhaṃ sarīravedanā’.

- 1347: ‘Dhammo manuḥesu mātīnaṃ [mātīnaṃ (sī. pī.)], dohaḷo nāma janinda vuccati;  
Dhammāhataṃ nāgakuñjara, vidhurassa hadayābhipatthaye’’.
- 1348: ‘Candaṃ kho tvaṃ dohaḷāyasi, sūriyaṃ vā atha vāpi mālutam;  
Dullabhañhi [dullabhe (sī. pī.)] vidhurassa dassanaṃ [dassane (sī. pī.)], ko vidhuramidha mānāyissati’’.
- 1349: ‘Kinnu tāta tvaṃ pajjhāyasi, padumaṃ hatthagataṃva te mukhaṃ;  
Kinnu dummanarūposi issara, mā tvaṃ soci amittatāpana’’.
- 1350: ‘Mātā hi tava irandhati [irandati (sī. syā. pī.)], vidhurassa hadayaṃ dhaniyati;  
Dullabhañhi vidhurassa dassanaṃ, ko vidhuramidha mānāyissati’’.
- 1351: ‘Tassa bhattupariyesanaṃ [bhattupariyesanaṃ (sī. pī.)] cara, yo vidhuramidha mānāyissati’’;  
‘‘Pituno ca sā sutvāna vākyam, rattiṃ nikkhamma avassutiṃ cari’’.
- 1352: ‘Ke gandhabbe rakkhase ca nāge, ke kimpurise cāpi mānuse;  
Ke paṇḍite sabbakāmadade [sabbakāmade (sī. pī.)], dīgharattaṃ bhattā me bhavissati’’.
- 1353: ‘Assāsa hessāmi te pati, bhattā te hessāmi anindalocane;  
Paññā hi mamaṃ tathāvidhā, assāsa hessasi bhariyā mama.
- 1354: ‘Avacāsi puṇṇakaṃ irandhatī [irandatī (sī. pī.)], pubbapathānugatena cetasā;  
Ehi gacchāma pitu mamantike [pitu mama santikaṃ (ka.)], esova te etamatthaṃ pavakkhati.
- 1355: ‘Alaṅkatā suvasanā, mālinī candanussadā;  
Yakkhaṃ hatthe gahetvāna, pitusantikupāgami’’.
- 1356: ‘Nāgavara vaco suṇohi me, patirūpaṃ paṭipajja sunkiyaṃ;  
Patthemī ahaṃ irandhatiṃ, tāya samaṅgiṃ karohi maṃ tvaṃ.
- 1357: ‘Sataṃ hatthī sataṃ assā, sataṃ assatarīrathā;  
Sataṃ valabhiyo puṇṇā, nānāratnassa kevalā;  
Te nāga paṭipajjassu, dhītaraṃ dehirandhatiṃ’’.
- 1358: ‘Yāva āmantaye ñātī, mitte ca suhadajjane [suhadaṃjanaṃ (sī. pī.)];  
Anāmanta kataṃ kammaṃ, taṃ pacchā anutappati’’.
- 1359: Tato so varuṇo nāgo, pavisitvā nivesanaṃ;  
Bhariyaṃ āmantayitvāna, idaṃ vacanamabravi.
- 1360: ‘Ayaṃ so puṇṇako yakkho, yācatī maṃ irandhatiṃ;  
Bahunā vittalābhena, tassa dema piyaṃ mamaṃ’’.
- 1361: ‘Na dhanena na vittena, labbhā amhaṃ irandhatī;  
Sace ca kho hadayaṃ paṇḍitassa, dhammena laddhā idha māhareyya;  
Etena vittena kumāri labbhā, nāññaṃ dhanam uttari patthayāma’’.
- 1362: Tato so varuṇo nāgo, nikkhamitvā nivesanā;  
Puṇṇakāmantayitvāna, idaṃ vacanamabravi.
- 1363: ‘Na dhanena na vittena, labbhā amhaṃ irandhatī;

Sace tuvaṃ hadayaṃ paṇḍitassa, dhammena laddhā idha māharesi;  
Etena vittena kumāri labbhā, nāññaṃ dhanam uttari patthayāma”.

- 1364:**“Yaṃ paṇḍitoye ke vadanti loke, tameva bāloti punāhu aññe;  
Akkhāhi me vippavadanti ettha, kaṃ paṇḍitaṃ nāga tuvaṃ vadesi”.
- 1365:**“Korabyarājassa dhanañcayassa [dhanañjayassa (sī. syā. pī.)], yadi te suto vidhuro nāma kattā;  
Ānehi taṃ paṇḍitaṃ dhammaladdhā, irandhatī padacarā [paddhacarā (sī. pī.), paṭṭhacarā (syā. ka.)] te hotu.
- 1366:**“Idaṅca sutvā varuṇassa vākyam, uṭṭhāya yakkho paramappatīto;  
Tattheva santo purisaṃ asaṃsi, ānehi ājaññamidheva yuttaṃ.
- 1367:**“Jātarūpamayā kaṇṇā, kācamhicamayā [kācamhamayā (sī.), kācambhamayā (pī.)] khurā;  
Jambonadassa pākassa, suvaṇṇassa uracchado”.
- 1368:**“Devavāhavaṃ yānaṃ, assamāruya puṇṇako;  
Alaṅkato kappitakesamassu, pakkāmi vehāyasamantalikkhe [antalikkhaṃ (ka.)].
- 1369:**“So puṇṇako kāmarāgena [kāmavegena (sī. pī.)] giddho, irandhatiṃ nāgakaññaṃ jigīsaṃ [jigīsaṃ (sī. syā. pī.)];  
Gantvāna taṃ bhūtapatiṃ yasassiṃ, iccabravī vessavaṇaṃ kuveraṃ.
- 1370:**“Bhogavatī nāma mandire, vāsā hiraññavatīti vuccati;  
Nagare nimmite kañcanamaye, maṇḍalassa uragassa niṭṭhitam.
- 1371:**“Aṭṭālakā oṭṭhagīviyo, lohitaṅkassa masāragallino;  
Pāsādettha silāmayā, sovaṇṇaratanehi chādītā.
- 1372:**“Ambā tilakā ca jambuyo, sattapaṇṇā mucalindaketakā;  
Piyaṅgu [piyakā (sī. pī.), piyaṅgukā (syā.)] uddālakā sahā, uparibhaddakā sinduvārakā [bhinduvāritā (syā. pī.), bhindhavāritā (ka.)].
- 1373:**“Campeyyakā nāgamallikā, bhaginīmālā atha mettha koliyā;  
Ete dumā pariṇāmītā, sobhayanti uragassa mandiraṃ [mandire (syā. ka.)].
- 1374:**“Khajjurettha silāmayā, sovaṇṇadhuvapupphitā bahū;  
Yattha vasato papātiko, nāgarājā varuṇo mahiddhiko.
- 1375:**“Tassa komārikā bhariyā, vimalā kañcanavelliviggahā;  
Kālā taruṇāva uggatā, pucimandatthanī cārudassanā.
- 1376:**“Lākhārasarattasucchavī, kaṇikārāva nivātapupphitā [kaṇikārova nivātapupphito (sī. pī.)];  
Tidivokacarāva accharā, vijjuvabbhaghanā vinissaṭā.
- 1377:**“Sā dohaḷiṇī suvimhitā, vidhurassa hadayaṃ dhaniyati;  
Taṃ tesam demi issara, tena te denti irandhatiṃ mamaṃ”.
- 1378:**“So puṇṇako bhūtapatiṃ yasassiṃ, āmantaya vessavaṇaṃ kuveraṃ;  
Tattheva santo [santaṃ (pī.)] purisaṃ asaṃsi, ānehi ājaññamidheva yuttaṃ.

- 1379: ‘Jātarūpamayā kaṇṇā, kācamhicamayā khurā;  
Jambonadassa pākassa, suvaṇṇassa uracchado.
- 1380: ‘Devavāhavahaṃ yānaṃ, assamāruyha puṇṇako;  
Alaṅkato kappitakesamassu, pakkāmi vehāyasamantalikkhe’’.
- 1381: ‘So aggamā rājagahaṃ surammaṃ, aṅgassa rañño nagaraṃ durāyutaṃ [durāsadaṃ (syā.)];  
Pahūtabhakkhaṃ bahuannaṇānaṃ, masakkasāraṃ viya vāsavassa.
- 1382: ‘Mayūraṅcāgaṇasampaghuṭṭhaṃ, dijābhigghuṭṭhaṃ dijasaṅghasevitaṃ;  
Nānāsakuntābhirudaṃ suvaṅgaṇaṃ [subhaṅgaṇaṃ (sī. pī.)], pupphābhikiṇṇaṃ himavaṃva  
pabbataṃ.
- 1383: ‘So puṇṇako vepulamābhirūhi [vepullamābhirucchi (sī. pī.)], siluccayaṃ kimpurisānuciṇṇaṃ;  
Anvesamāno maṇirataṇaṃ uḷāraṃ, tamaddasā pabbatakūṭamaṃjhe.
- 1384: ‘Disvā maṇiṃ pabhassaraṃ jātimantaṃ [jātivantaṃ (sī. syā.)], manoharaṃ [dhanāharaṃ (sī.  
pī. ka.)] maṇirataṇaṃ uḷāraṃ;  
Daddallamānaṃ yasasā yasassinaṃ, obhāsati vijjurivantalikkhe.
- 1385: ‘Tamaggahī veḷuriyaṃ mahagghaṃ, manoharaṃ nāma mahānubhāvaṃ;  
Ājaññaṃāruyha manomavaṇṇo, pakkāmi vehāyasamantalikkhe.
- 1386: ‘So aggamā [agamā (syā. pī. ka.)] nagaramindapatthaṃ, oruyhupāgacchi sabhaṃ kurūnaṃ;  
Samāgate ekasataṃ samagge, avhettha yakkho avikampamāno.
- 1387: ‘Ko nīdha raññaṃ varamābhijeti, kamābhijeyyāma varaddhanaṃ [varamdhanena (sī. pī.)];  
Kamanuttaraṃ ratanavaraṃ jināma, ko vāpi no jeti varaddhanaṃ’’.
- 1388: ‘Kuhiṃ nu raṭṭhe tava jātibhūmi, na korabyasseva vaco tavedaṃ;  
Abhītosī [abhibhosi (sī. pī.)] no vaṇṇanibhāya sabbe, akkhāhi me nāmañca bandhave ca’’.
- 1389: ‘Kaccāyano māṇavakosmi rāja, anūnanāmo iti mavhayanti;  
Aṅgesu me ñātayo bandhavā ca, akkhena devasmi idhānupatto’’.
- 1390: ‘Kiṃ māṇavassa ratanāni atthi, ye taṃ jinanto hare akkhadhutto;  
Bahūni rañño ratanāni atthi, te tvaṃ daliddo kathamavhayesi’’.
- 1391: ‘Manoharo nāma maṇī mamāyaṃ, manoharaṃ maṇirataṇaṃ uḷāraṃ;  
Imaṅca ājaññaṃamittatāpanaṃ, etaṃ me jinitvā hare akkhadhutto’’.
- 1392: ‘Eko maṇī māṇava kiṃ karissati, ājāniyeko pana kiṃ karissati;  
Bahūni rañño maṇiratanāni atthi, ājāniyā vātajavā anappakā’’.

Dohaḷakaṇḍaṃ nāma.

### Maṇikaṇḍaṃ

- 1393: ‘Idaṅca me maṇirataṇaṃ, passa tvaṃ dvipaduttama;  
Itthīnaṃ viggahā cettha, purisānaṅca viggahā.
- 1394: ‘Migānaṃ viggahā cettha, sakuṇānaṅca viggahā;



Nāgarājā supañṇā ca [nāgarāje supañṇe ca (sī. syā. pī.)], maṇimhi passa nimmitaṃ.

- 1395: ‘Hatthānīkaṃ rathānīkaṃ, asse pattī ca vammīne [dhajāni ca (pī.)];  
Caturaṅginimaṃ senaṃ, maṇimhi passa nimmitaṃ.
- 1396: ‘Hatthārohe anīkaṭṭhe, rathike pattikārake;  
Balaggāni viyūḥāni [vīyūhāni (syā. ka.)], maṇimhi passa nimmitaṃ.
- 1397: ‘Puraṃ uddhāpasampannaṃ [uddāpasampannaṃ (sī. pī.), aṭṭālasampannaṃ (syā.)],  
bahupākāraṇaṃ;  
Siṅghāṭakesu bhūmiyo, maṇimhi passa nimmitaṃ.
- 1398: ‘Esikā parikhāyo ca, palikhaṃ aggaḷāni ca;  
Aṭṭālake ca dvāre ca, maṇimhi passa nimmitaṃ.
- 1399: ‘Passa toraṇamaggesu, nānādijā gaṇā bahū;  
Haṃsā koṅcā mayūrā ca, cakkavākā ca kukkuhā.
- 1400: ‘Kuṇālakā bahū citrā, sikhaṇḍī jīvajīvakā;  
Nānādijagaṇākiṇṇaṃ, maṇimhi passa nimmitaṃ.
- 1401: ‘Passa nagaraṃ supākāraṃ, abbhutaṃ lomahaṃsaṇaṃ;  
Samussitadhajaṃ rammaṃ, soṇṇavālukasanthataṃ.
- 1402: ‘Passettha [passa tvam (sī. pī.)] paṇṇasālāyo, vibhattā bhāgasō mitā;  
Nivesane niveṣe ca, sandhibyūhe pathaddhiyo.
- 1403: ‘Pānāgāre ca soṇḍe ca, sūnā [sūṇā (sī. pī.), suddā (syā. ka.)] odaniyā gharā;  
Vesī ca gaṇikāyo ca, maṇimhi passa nimmitaṃ.
- 1404: ‘Mālākāre ca rajake, gandhike atha dussike;  
Suvaṇṇakāre maṇikāre, maṇimhi passa nimmitaṃ.
- 1405: ‘Āḷārike ca sūde ca, naṭanāṭakagāyino;  
Pāṇissare kumbhathūnike, maṇimhi passa nimmitaṃ.
- 1406: ‘Passa bherī mudīṅgā ca, saṅkhā paṇavadindimā;  
Sabbāṇca tāḷāvacaraṃ, maṇimhi passa nimmitaṃ.
- 1407: ‘Sammatālaṇca vīṇaṇca, naccagītaṃ suvāditaṃ;  
Tūriyatāḷitasanḡhuṭṭhaṃ, maṇimhi passa nimmitaṃ.
- 1408: ‘Laṅghikā muṭṭhikā cettha, māyākārā ca sobhiyā;  
Vetālike [vettalike (ka.)] ca jalle ca, maṇimhi passa nimmitaṃ.
- 1409: ‘Samajjā cettha vattanti, ākiṇṇā naraṇāribhi;  
Mañcātimaṇce bhūmiyo, maṇimhi passa nimmitaṃ.
- 1410: ‘Passa malle samajjasmīṃ, phoṭente [pāṭhente (sī. syā. pī.)] diguṇaṃ bhujam;  
Nihate nihataṃāne ca, maṇimhi passa nimmitaṃ.
- 1411: ‘Passa pabbatapādesu, nānāmiḡagaṇā bahū;

Sīhā byagghā varāhā ca, acchakokataracchayo.

- 1412:** ‘Palāsādā gavajā ca, mahiṃsā rohitā rurū;  
Eṇeyyā ca varāhā [sarabhā (syā.)] ca, gaṇino nīka [niṅka (sī. syā. pī.)] sūkarā.
- 1413:** ‘Kadalimigā bahū citrā, bilārā sasakaṇṭakā;  
Nānāmigagaṇākiṇṇaṃ, maṇimhi passa nimmitaṃ.
- 1414:** ‘Najjāyo supatitthāyo, soṇṇavālukasanthatā;  
Acchā savanti ambūni, macchagumbanisevitā.
- 1415:** ‘Kumbhīlā makarā cettha, susumārā ca kacchapā;  
Pāṭhīnā pāvusā macchā, balajā [valajā (sī.), vāljā (pī.)] muñjarohitā.
- 1416:** ‘Nānādiḷagaṇākiṇṇā, nānādumagaṇāyutā;  
Veḷuriyaka-rodāyo [veḷuriyaphalakarodāyo (sī.)], maṇimhi passa nimmitaṃ.
- 1417:** ‘Passettha pokkharāṇiyo, suvibhattā catuddisā;  
Nānādiḷagaṇākiṇṇā, puthulomanisevitā.
- 1418:** ‘Samantodakasampannaṃ, mahiṃ sāgarakuṇḍalaṃ;  
Upetaṃ vanarājehi, maṇimhi passa nimmitaṃ.
- 1419:** ‘Purato videhe passa, goyāniye ca pacchato;  
Kuruyo jambudīpaṇca, maṇimhi passa nimmitaṃ.
- 1420:** ‘Passa candaṃ sūriyaṇca, obhāsante catuddisā;  
Sineruṃ anupariyante, maṇimhi passa nimmitaṃ.
- 1421:** ‘Sineruṃ himavantaṇca, sāgaraṇca mahītaṃ [mahiddhikaṃ (sī. pī.), mahiddhiyaṃ (syā.)];  
Cattāro ca mahārāje, maṇimhi passa nimmitaṃ.
- 1422:** ‘Ārāme vanagumbe ca, pāṭiye [piṭṭhiye (ka.)] ca siluccaye;  
Ramme kimpurisākiṇṇe, maṇimhi passa nimmitaṃ.
- 1423:** ‘Phārusakaṃ cittalataṃ, missakaṃ nandanaṃ vanaṃ;  
Veḷayantaṇca pāsādaṃ, maṇimhi passa nimmitaṃ.
- 1424:** ‘Sudhammaṃ tāvatiṃsaṇca, pārīchattaṇca pupphitaṃ;  
Erāvaṇaṃ nāgarājaṃ, maṇimhi passa nimmitaṃ.
- 1425:** ‘Passettha devakaṇṇāyo, nabhā vijjurivuggatā;  
Nandane vicarantiyo, maṇimhi passa nimmitaṃ.
- 1426:** ‘Passettha devakaṇṇāyo, devaputtapalobhinī;  
Devaputte ramamāne [caramāne (sī. pī.)], maṇimhi passa nimmitaṃ.
- 1427:** ‘Parosahassapāsāde, veḷuriyaphalasanthate;  
Pajjalante ca [pajjalantena (sī. syā. pī.)] vaṇṇena, maṇimhi passa nimmitaṃ.
- 1428:** ‘Tāvatiṃse ca yāme ca, tusite cāpi nimmite;  
Paranimmitavasavattino [paranimmitābhiratino (sī. pī.)], maṇimhi passa nimmitaṃ.

- 1429: ‘Passettha pokkharāṇiyo, vippasannodikā sucī;  
Mandālakehi sañchannā, padumuppalakehi ca.
- 1430: ‘Dasettha rājiyo setā, dasanīlā [dassanīyā (ka.)] manoramā;  
Cha piṅgalā pannarasa, haliddā ca catuddasa.
- 1431: ‘Vīsati tattha sovaṇṇā, vīsati rajatāmayā;  
Indagopakavaṇṇābhā, tāva dissanti tiṃsati.
- 1432: ‘Dasettha kāḷiyo chacca, mañjeṭṭhā pannavīsati;  
Missā bandhukapupphehi, nīluppalavicittikā.
- 1433: ‘Evaṃ sabbaṅgasampannaṃ, accimantaṃ pabhassaraṃ;  
Odhisunkaṃ mahārāja, passa tvaṃ dvipaduttama’’.

Maṇikaṇḍaṃ nāma.

### Akkhakaṇḍaṃ

- 1434: ‘Upāgataṃ rāja mupehi lakkhaṃ, netādisaṃ maṇirataṇaṃ tavatthi;  
Dhammena jissāma [jiyyāma (sī. syā. pī.)] asāhasena, jito ca no khippamavākarohi.
- 1435: ‘Pañcāla -paccuggata-sūrasena, macchā [majjhā (ka.)] ca maddā saha kekakebhi;  
Passantu note asaṭṭhena yuddhaṃ, na no sabhāyaṃ na karonti kiñci’’.
- 1436: ‘Te pāvisuṃ akkhamadena mattā, rājā kurūnaṃ puṇṇako cāpi yakkho;  
Rājā kaliṃ viccinamaggahesi, kaṭaṃ aggahī puṇṇako nāma yakkho.
- 1437: ‘Te tattha jūte ubhaye samāgate, raññaṃ sakāse sakhīnañca majjhe;  
Ajesi yakkho naravīraseṭṭhaṃ, tathappaṇādo tumulo babhūva’’.
- 1438: ‘Jayo mahārāja parājayo ca, āyūhataṃ aññatarassa hoti;  
Janinda jīnosi [jinnosi (syā.), jitosi (pī.) jinomhi (ka.)] varaddhanaena, jito ca me khippamavākarohi’’.
- 1439: ‘Hatthī gavassā maṇikuṇḍalā ca, yañcāpi mayhaṃ [aññaṃ (ka.)] ratanaṃ pathabyā;  
Gaṇhāhi kaccāna varaṃ dhanānaṃ, ādāya yenicchasi tena gaccha’’.
- 1440: ‘Hatthī gavassā maṇikuṇḍalā ca, yañcāpi tuyhaṃ ratanaṃ pathabyā;  
Tesaṃ varo vidhuro nāma kattā, so me jito taṃ me avākarohi’’.
- 1441: ‘Attā ca me so saraṇaṃ gatī ca, dīpo ca leṇo ca parāyaṇo ca;  
Asantuleyyo mama so dhanena, paṇena me sādiso esa kattā’’.
- 1442: ‘Ciraṃ vivādo mama tuyhañcassa, kāmañca pucchāma tameva gantvā;  
Esova no vivaratu etamatthaṃ, yaṃ vakkhatī hotu kathā [tathā (syā. ka.)] ubhinnaṃ’’.
- 1443: ‘Addhā hi saccaṃ bhaṇasi, na ca māṇava sāhasaṃ;  
Tameva gantvā pucchāma, tena tussāmubho janā’’.
- 1444: ‘Saccaṃ nu devā vidahū kurūnaṃ, dhamme ṭhitaṃ vidhuraṃ nāmamaccaṃ;  
Dāsosi rañño uda vāsī ñāti, vidhuroti sañkhā katamāsi loke’’.

- 1445: ‘Āmāyadāsāpi bhavanti heke, dhanena kītāpi bhavanti dāsā;  
Sayampi heke upayanti dāsā, bhayā paṇunnāpi bhavanti dāsā.
- 1446: ‘Ete narānaṃ caturova dāsā, addhā hi yonito ahampi jāto;  
Bhavo ca rañño abhavo ca rañño, dāsāhaṃ devassa parampi gantvā;  
Dhammena maṃ māṇava tuyha dajjā’.
- 1447: ‘Ayaṃ [ayampi (syā. ka.)] dutīyo vijayo mamajja, puṭṭho hi kattā vivarettha [vivarittha (sī. syā. ka.)] pañhaṃ;  
Adhammarūpo vata rājaseṭṭho, subhāsitaṃ nānujānāsi mayhaṃ’.
- 1448: ‘Evaṃ ce no so vivarettha pañhaṃ, dāsohamasmi na ca khosmi ñāti;  
Gaṇhāhi kaccāna vamaṃ dhanānaṃ, ādāya yenicchasi tena gaccha’.  
Akkhakaṇḍaṃ nāma.

### Gharāvāsapañhā

- 1449: ‘Vidhura vasamānāssa, gahaṭṭhassa sakaṃ ghamaṃ;  
Khemā vutti kathaṃ assa, kathanna assa saṅgaho.
- 1450: ‘Abyābajjhaṃ [abyāpajjhaṃ (sī. syā. pī.)] kathaṃ assa, saccavādī ca māṇavo;  
Asmā lokā paraṃ lokaṃ, kathaṃ pecca na socatī’.
- 1451: Taṃ tattha gatimā dhitimā, matimā atthadassimā;  
Saṅkhātā [saṅkhāto (ka.)] sabbadhammānaṃ, vidhuro etadabravi.
- 1452: ‘Na sādharmaṇadārassa, na bhuñje sādumekako;  
Na seve lokāyatikaṃ, netamaṃ paññāya vaḍḍhanaṃ.
- 1453: ‘Sīlavā vattasampanno, appamatto vicakkhaṇo;  
Nivātavutti atthaddho, surato sakhilo mudu.
- 1454: ‘Saṅgahetā ca mittānaṃ, saṃvibhāgī vidhānavā;  
Tappeyya annapānena, sadā samaṇabrāhmaṇe.
- 1455: ‘Dhammakāmo sutādhāro, bhavēyya paripucchako;  
Sakkaccaṃ payirupāseyya, sīlavante bahussute.
- 1456: ‘Ghamaṃavasamānassa, gahaṭṭhassa sakaṃ ghamaṃ;  
Khemā vutti siyā evaṃ, evaṃ nu assa saṅgaho.
- 1457: ‘Abyābajjhaṃ siyā evaṃ, saccavādī ca māṇavo;  
Asmā lokā paraṃ lokaṃ, evaṃ pecca na socatī’.

Gharāvāsapañhā nāma.

### Lakkhaṇakaṇḍaṃ

- 1458: ‘Ehi dāni gamissāma, dinno no issarena me;  
Mamevatthaṃ [tamevatthaṃ (pī.)] paṭipajja, esa dhammo sanantano’.

- 1459: ‘Jānāmi māṇava tayāhamasmi, dinnohamasmi tava issarena;  
Tīhañca taṃ vāsayemu agāre, yenaddhunā anusāsemu putte’’.
- 1460: ‘Taṃ me tathā hotu vasemu tīhaṃ, kurutaṃ bhavajja gharesu kiccaṃ;  
Anusāsataṃ puttadāre bhavajja, yathā tayī pecca [pacchā (sī. pī.)] sukhi bhaveyya’’.
- 1461: ‘Sādhūti vatvāna pahūtakāmo, pakkāmi yakkho vidhurena saddhiṃ;  
Taṃ kuñjarājaññahayānuciñṇaṃ, pāvekkhi antepuramariyasettho’’.
- 1462: ‘Koñcaṃ mayūrañca piyañca ketam, upāgami tattha surammarūpaṃ;  
Pahūtabhakkhaṃ bahuannaṇānaṃ, masakkasāraṃ viya vāsavassa’’.
- 1463: ‘Tattha naccanti gāyanti, avhāyanti varāvaram;  
Accharā viya devesu, nāriyo samalaṅkatā.
- 1464: ‘Samaṅgikatvā pamadāhi yakkhaṃ, annena pānena ca dhammapālo;  
Atthattha [aggattha (syā. aṭṭha.)] mevānuvicintayanto, pāvekkhi bhariyāya tadā sakāse.
- 1465: ‘Taṃ candanagandharasānulittaṃ, suvaṇṇajambonadanikkhasādisaṃ;  
Bhariaṃvacā ehi suṇohi bhoti, puttāni āmantaya tambanette.
- 1466: ‘Sutvāna vākyam patino anujjā [anojā (syā. ka.)], suṇisaṃvacā tambanakhim sunettaṃ;  
Āmantaya vammadharāni cete, puttāni indīvarapupphasāme’’.
- 1467: ‘Te āgate muddhani dhammapālo, cumbitvā putte avikampamāno;  
Āmantayitvāna avoca vākyam, dinnāhaṃ raññā idha māṇavassa.
- 1468: ‘Tassajjahaṃ attasukhī vidheyyo, ādāya yenicchati tena gacchati;  
Ahañca vo sāsītumāgatosmi [anusāsītum āgatosmi (syā. ka.)], kathaṃ ahaṃ aparittāya gacche.
- 1469: ‘Sace vo rājā kururaṭṭhavāsī [kurukhettavāsī (sī. pī.)], janasandho puccheyya pahūtakāmo;  
Kimābhijānātha pure purāṇaṃ, kiṃ vo pitā anusāse puratthā.
- 1470: ‘Samāsana hotha mayāva sabbe, konīdha rañño abbhatico manusso;  
Tamañjaliṃ kariya vadetha evaṃ, mā hevaṃ deva na hi esa dhammo;  
Viyaggharājassa nihīnajacco, samāsano deva kathaṃ bhaveyya’’.

Lakkhaṇakaṇḍaṃ [pekkhaṇakaṇḍaṃ (sī. ka.)] nāma.

### Rājavasati

- 1471: ‘So ca putte [mitte (sī. pī.)] amacce ca, ñātayo suhadajjane;  
Alīnamanasaṅkappo, vidhuro etadabravi.
- 1472: ‘Ethayyo [ethayyā (syā.)] rājavasatiṃ, nisīditvā suṇātha me;  
Yathā rājakulaṃ patto, yasaṃ poso nigacchati.
- 1473: ‘Na hi rājakulaṃ patto, aññāto labhate yasaṃ;  
Nāsūro nāpi dummedho, nappamatto kudācanaṃ.
- 1474: ‘Yadāssa sīlaṃ paññañca, soceyyaṃ cādhiyacchati;  
Atha vissasate tyamhi, guyhañcassa na rakkhati.

- 1475: ‘Tulā yathā paggahitā, samadaṇḍā sudhāritā;  
Ajjhiṭṭho na vikampeyya, sa rājavasatiṃ vase.
- 1476: ‘Tulā yathā paggahitā, samadaṇḍā sudhāritā;  
Sabbāni abhisambhonto, sa rājavasatiṃ vase.
- 1477: ‘Divā vā yadi vā rattim, rājakiccesu paṇḍito;  
Ajjhiṭṭho na vikampeyya, sa rājavasatiṃ vase.
- 1478: ‘Divā vā yadi vā rattim, rājakiccesu paṇḍito;  
Sabbāni abhisambhonto, sa rājavasatiṃ vase.
- 1479: ‘Yo cassa sukato maggo, rañño suppaṭiyādito;  
Na tena vutto gaccheyya, sa rājavasatiṃ vase.
- 1480: ‘Na rañño sadisaṃ [samakaṃ (sī. syā. pī.)] bhuñje, kāmabhoge kudācanaṃ;  
Sabbattha pacchato gacche, sa rājavasatiṃ vase.
- 1481: ‘Na rañño sadisaṃ vatthaṃ, na mālaṃ na vilepanaṃ;  
Ākappaṃ sarakuttiṃ vā, na rañño sadisaṃācare;  
Aññaṃ kareyya ākappaṃ, sa rājavasatiṃ vase.
- 1482: ‘Kīḷe rājā amaccehi, bhariyāhi parivārito;  
Nāmacco rājabharyāsu, bhāvaṃ kubbetha paṇḍito.
- 1483: ‘Anuddhato acapalo, nipako saṃvutindriyo;  
Manopaṇidhisampanno, sa rājavasatiṃ vase.
- 1484: ‘Nāssa bhariyāhi kīḷeyya, na manteyya rahogato;  
Nāssa kosā dhanam gaṇhe, sa rājavasatiṃ vase.
- 1485: ‘Na niddaṃ bahu maññeyya [na niddannaṃ bahum maññe (sī. pī.)], na madāya suraṃ pive;  
Nāssa dāye mige haññe, sa rājavasatiṃ vase.
- 1486: ‘Nāssa pīṭhaṃ na pallaṅkaṃ, na kocchaṃ na nāvaṃ [nāgaṃ (sī. pī.)] rathaṃ;  
Sammatomhīti ārūhe, sa rājavasatiṃ vase.
- 1487: ‘Nātidūre bhaje [bhave (sī. pī.)] rañño, nāccāsanne vicakkhaṇo;  
Sammukhañcassa tiṭṭheyya, sandissanto sabhattuno.
- 1488: ‘Na ve [me (syā. ka.)] rājā sakhā hoti, na rājā hoti methuno;  
Khippaṃ kujjhanti rājāno, sūkena’kkhīva ghaṭṭitaṃ.
- 1489: ‘Na pūjito maññaṃāno, medhāvī paṇḍito naro;  
Pharusam patimanteyya, rājānaṃ parisamgataṃ.
- 1490: ‘Laddhadvāro labhe dvāraṃ [laddhavārolabhe vāraṃ (pī.)], neva rājūsu vissase;  
Aggīva saṃyato tiṭṭhe [aggīva yato tiṭṭheyya (sī. pī.)], sa rājavasatiṃ vase.
- 1491: ‘Puttaṃ vā bhātaraṃ vā saṃ, sampaggaṇhāti khattiyo;  
Gāmehi nigamehi vā, raṭṭhehi janapadehi vā;  
Tuṇhībhūto upekkheyya, na bhaṇe chekapāpakaṃ.

- 1492:** ‘Hatthārohe anīkaṭṭhe, rathike pattikārake;  
Tesaṃ kammāvadānena [[kammāpavādena \(syā.\)](#)], rājā vaḍḍheti vetanaṃ;  
Na tesāṃ antarā gacche, sa rājavasatiṃ vase.
- 1493:** ‘Cāpovūnudarō dhīro [[cāpova oname dhīro \(syā.\)](#)], vaṃsovāpi pakampaye;  
Paṭilomaṃ na vatteyya, sa rājavasatiṃ vase.
- 1494:** ‘Cāpovūnudarō assa, macchovassa ajivhavā [[ajivhatā \(syā. ka.\)](#)];  
Appāsī nipako sūro, sa rājavasatiṃ vase.
- 1495:** ‘Na bālhaṃ itthiṃ gaccheyya, sampassaṃ tejasāṅkhayaṃ;  
Kāsaṃ sasaṃ daraṃ balyaṃ, khīṇamedho nigacchati.
- 1496:** ‘Nātivelāṃ pabhāseyya, na tuṅhī sabbadā siyā;  
Avikiṇṇaṃ mitaṃ vācaṃ, patte kāle udīraye.
- 1497:** ‘Akkodhano asaṅghaṭṭo, sacco saṅho apesuṇo;  
Samphaṃ giraṃ na bhāseyya, sa rājavasatiṃ vase.
- 1498**[[ayaṃ gāthā natthi pī. potthake](#)] ‘‘Mātāpettibharo assa, kule jetṭhāpacāyiko;  
Saṅho sakhilasambhāso [[hiriottappasampanno \(sī. ka.\)](#)], sa rājavasatiṃ vase [[ayaṃ gāthā natthi pī. potthake](#)].
- 1499:** ‘Vinīto sippavā danto, katatto niyato mudu;  
Appamatto suci dakkho, sa rājavasatiṃ vase.
- 1500:** ‘Nivātavutti vuddhesu, sappatisso sagāravo;  
Surato sukhasaṃvāso, sa rājavasatiṃ vase.
- 1501:** ‘Ārakā parivajjeyya, sahituṃ pahitaṃ janaṃ;  
Bhattāraññevudikkheyya, na ca aññassa rājino.
- 1502:** ‘Samaṇe brāhmaṇe cāpi, sīlavante bahussute;  
Sakkaccaṃ payirupāseyya, sa rājavasatiṃ vase.
- 1503:** ‘Samaṇe brāhmaṇe cāpi, sīlavante bahussute;  
Sakkaccaṃ anuvāseyya, sa rājavasatiṃ vase.
- 1504:** ‘Samaṇe brāhmaṇe cāpi, sīlavante bahussute;  
Tappeyya annapānena, sa rājavasatiṃ vase.
- 1505:** ‘Samaṇe brāhmaṇe cāpi, sīlavante bahussute;  
Āsajja paññe sevetha, ākaṅkhaṃ vuddhimattano.
- 1506:** ‘Dinnapubbaṃ na hāpeyya, dānaṃ samaṇabrāhmaṇe;  
Na ca kiñci nivāreyya, dānakāle vaṇibbake.
- 1507:** ‘Paññavā buddhisampanno, vidhānavidhikovidō;  
Kālaññū samayaññū ca, sa rājavasatiṃ vase.
- 1508:** ‘Uṭṭhātā kammadheyyesu, appamatto vicakkhaṇo;  
Susaṃvihītakammanto, sa rājavasatiṃ vase.

- 1509: ‘Khalam sālam pasuṃ khettaṃ, gantā cassa abhikkhaṇaṃ;  
Mitaṃ dhaññaṃ nidhāpeyya, mitaṃva pācaye ghare.
- 1510: ‘Puttaṃ vā bhātaraṃ vā saṃ, sīlesu asamāhitaṃ;  
Anaṅgavā hi te bālā, yathā petā tatheva te;  
Coḷaṅca nesaṃ piṇḍaṅca, āsīnānaṃ padāpaye.
- 1511: ‘Dāse kammakare pesse, sīlesu susamāhite;  
Dakkhe utṭhānasampanne, ādhipaccamhi ṭhāpaye.
- 1512: ‘Sīlavā ca alolo [alobho (syā. ka.)] ca, anurakkho [anuratto (sī. pī.)] ca rājino;  
Āvī raho hito tassa, sa rājavasaṭiṃ vase.
- 1513: ‘Chandaññū rājino cassa, cittaṭṭho assa rājino;  
Asaṅkusakavutti’ssa, sa rājavasaṭiṃ vase.
- 1514: ‘Ucchādaye ca nhāpaye [acchādane ca nhāpe ca (syā. ka.)], dhove pāde adhosiraṃ;  
Āhatopi na kuppeyya, sa rājavasaṭiṃ vase.
- 1515: ‘Kumbhampañjaliṃ kariyā [kuriyā (sī.)], cātañcāpi [vāyasaṃ vā (sī. pī.)] padakkhiṇaṃ;  
Kimeva sabbakāmānaṃ, dātāraṃ dhīramuttamaṃ.
- 1516: ‘Yo deti sayanaṃ vatthaṃ, yānaṃ āvasathaṃ gharaṃ;  
Pajjunnoriva bhūtāni, bhogehi abhivassati.
- 1517: ‘Esayyo rājavasati, vattamāno yathā naro;  
Ārādhayati rājānaṃ, pūjaṃ labhati bhattusu’.

Rājavasati nāma.

### Antarapeyyālaṃ

- 1518: ‘Evaṃ samanūsāsivā, ñātisaṅghaṃ vicakkhaṇo;  
Parikiṇṇo suhadehi, rājānamupasaṅkami.
- 1519: ‘Vanditvā sirasā pāde, katvā ca naṃ padakkhiṇaṃ;  
Vidhuro avaca rājānaṃ, paggahetvāna añjaliṃ.
- 1520: ‘Ayaṃ maṃ māṇavo neti, kattukāmo [gantukāmo (ka.)] yathāmati;  
Ñātīnatthaṃ pavakkhāmi, taṃ suṇohi arindama.
- 1521: ‘Putte ca me udikkhesi, yaṅca maññaṃ ghare dhanam;  
Yathā pecca [pacchā (syā. ka.)] na hāyetha, ñātisaṅgho mayī gate.
- 1522: ‘Yatheva khalatī bhūmyā, bhūmyāyeva patiṭṭhati;  
Evetam khalitaṃ mayhaṃ, etaṃ passāmi accayaṃ’.
- 1523: ‘Sakkā na gantuṃ iti mayha hoti, chetvā [jhatvā (sī. pī.)] vadhitvā idha kātiyānaṃ;  
Idheva hohī iti mayha ruccati, mā tvaṃ agā uttamabhūripaṅña’.
- 1524: ‘Mā hevadhammesu manaṃ paṇḍahi, atthe ca dhamme ca yutto bhavassu;  
Dhiratthu kammaṃ akusalaṃ anariyaṃ, yaṃ katvā pacchā nirayaṃ vajeyya.



- 1525: ‘Nevesa dhammo na puneta [puneti (syā. ka.)] kiccaṃ, ayiro hi dāsassa janinda issaro;  
Ghātetuṃ jhāpetuṃ athopi hantuṃ, na ca mayha kodhatthi vajāmi cāhaṃ’’.
- 1526: ‘Jeṭṭhaputtaṃ upaguyha, vineyya hadaye daraṃ;  
Assuṇṇehi nettehi, pāvisi so mahāgharaṃ’’.
- 1527: ‘Sālāva sammapatitā [sampamathitā (sī. pī.)], mālutena pamadditā;  
Senti puttā ca dārā ca, vidhurassa nivesane.
- 1528: ‘Itthisahassaṃ bhariyānaṃ, dāsisattasatāni ca;  
Bāhā paggayha pakkanduṃ, vidhurassa nivesane.
- 1529: ‘Orodhā ca kumārā ca, vesiyānā ca brāhmaṇā;  
Bāhā paggayha pakkanduṃ, vidhurassa nivesane.
- 1530: ‘Hatthārohā anīkaṭṭhā, rathikā pattikārakā;  
Bāhā paggayha pakkanduṃ, vidhurassa nivesane.
- 1531: ‘Samāgatā jānapadā, negamā ca samāgatā;  
Bāhā paggayha pakkanduṃ, vidhurassa nivesane.
- 1532: ‘Itthisahassaṃ bhariyānaṃ, dāsisattasatāni ca;  
Bāhā paggayha pakkanduṃ, kasmā no vijahissasi.
- 1533: ‘Orodhā ca kumārā ca, dāsisattasatāni ca;  
Bāhā paggayha pakkanduṃ, kasmā no vijahissasi.
- 1534: ‘Hatthārohā anīkaṭṭhā, dāsisattasatāni ca;  
Bāhā paggayha pakkanduṃ, kasmā no vijahissasi.
- 1535: ‘Samāgatā jānapadā, dāsisattasatāni ca;  
Bāhā paggayha pakkanduṃ, kasmā no vijahissasi’’.
- 1536: ‘Katvā gharesu kiccāni, anusāsivā sakaṃ janaṃ;  
Mittāmacce ca bhacce ca [suhajje (pī. ka.)], puttadāre ca bandhave.
- 1537: ‘Kammantaṃ saṃvidhetvāna, ācikkhitvā ghare dhanāṃ;  
Nidhiṇca iṇadānaṇca, puṇṇakaṃ etadabravi.
- 1538: ‘Avasi tuvaṃ mayha tīhaṃ agāre, katāni kiccāni gharesu mayhaṃ;  
Anusāsitā puttadārā mayā ca, karoma kaccāna [kiccāni (syā. ka.)] yathāmatim te’’.
- 1539: ‘Sace hi katte anusāsitā te, puttā ca dārā anujivino ca;  
Handehi dānī taramānarūpo, dīgho hi addhāpi ayaṃ puratthā.
- 1540: ‘Achambhitova [ayambhitova (sī. pī.)] gaṇhāhi, ājāneyyassa vāladhiṃ;  
Idaṃ pacchimakaṃ tuyhaṃ, jīvalokassa dassanaṃ’’.
- 1541: ‘Sohaṃ kissa nu bhāyissaṃ, yassa me natthi dukkaṭaṃ;  
Kāyena vācā manasā, yena gaccheyya duggaṭim’’.
- 1542: ‘So assarājā vidhuraṃ vahanto, pakkāmi vehāyasamantalikkhe;

Sākhāsu selesu asajjamāno, kālāgiriṃ khippamupāgamāsi’’.

- 1543:**‘‘Itthisahassaṃ bhariyānaṃ, dāsisattasatāni ca;  
Bāhā paggayha pakkandūṃ, yakkho brāhmaṇavaṇṇena;  
Vidhuraṃ ādāya gacchati.
- 1544:**‘‘Samāgatā jānapadā, negamā ca samāgatā;  
Bāhā paggayha pakkandūṃ, yakkho brāhmaṇavaṇṇena;  
Vidhuraṃ ādāya gacchati.
- 1545:**‘‘Itthisahassaṃ bhariyānaṃ, dāsisattasatāni ca;  
Bāhā paggayha pakkandūṃ, paṇḍito so kuhiṃ gato.
- 1546:**‘‘Samāgatā jānapadā, negamā ca samāgatā;  
Bāhā paggayha pakkandūṃ, paṇḍito so kuhiṃ gato’’.
- 1547:**‘‘Sace so sattarattena, nāgacchissati paṇḍito;  
Sabbe aggiṃ pavekkhāma [pavissāma (syā.)], natthattho jīvitena no’’.
- 1548:**‘‘Paṇḍito ca viyatto ca, vibhāvī ca vicakkhaṇo;  
Khippaṃ mociya attānaṃ, mā bhāyitthāgamissati’’ [khippaṃ mocessata’ttānaṃ, mā bhātha  
āgamissati (sī. pī.)].

Antarapeyyālaṃ nāma.

### Sādhunaradhammaṇḍaṃ

- 1549:**‘‘So tattha gantvāna vicintayanto, uccāvacā cetanakā [cetanatā (ka.)] bhavanti;  
Nayimassa jīvena mamatthi kiñci, hantvānimaṃ hadayamānayaissaṃ’’ [ādiyissaṃ (sī. pī.)].
- 1550:**‘‘So tattha gantvā pabbatantarasmim [pabbatapādasmim (ka.)], anto pavisitvāna paduṭṭhacitto;  
Asaṃvutasmim jagatippadese, adhosiraṃ dhārayi kātiyāno.
- 1551:**‘‘So lambamāno narake papāte, mahabbhaye lomahaṃse vidugge;  
Asantasanto kurūnaṃ kattuseṭṭho, iccabravi puṇṇakaṃ nāma yakkhaṃ.
- 1552:**‘‘Ariyāvakaśosi anariyarūpo, asaññato saññatasannikāso;  
Accāhitaṃ kammaṃ karosi ludraṃ, bhāve ca te kusalaṃ natthi kiñci.
- 1553:**‘‘Yaṃ maṃ papātasmiṃ papātumicchasi, ko nu tavattho maraṇena mayhaṃ;  
Amānussasseva tavajja vaṇṇo, ācikkha me tvaṃ katamāsi devatā’’.
- 1554:**‘‘Yadi te suto puṇṇako nāma yakkho, rañño kuverassa hi so sajjibbo [sajīvo (sī. pī.)];  
Bhūmindharo varuṇo nāma nāgo, brahā sucī vaṇṇabalūpapanno.
- 1555:**‘‘Tassānujaṃ dhītaraṃ kāmayāmi, irandhatī nāma sā nāgakaññā;  
Tassā sumajjhāya piyāya hetu, patārayiṃ tuyha vadhāya dhīra’’.
- 1556:**‘‘Mā heva tvaṃ [te (syā. ka.)] yakkha ahosi mūlho, natṭhā bahū duggahītena loke [lokā (sī.  
syā. ka.)];  
Kiṃ te sumajjhāya piyāya kiccaṃ, maraṇena me iṅgha suṇomi [suṇoma (sī. pī.)] sabbhaṃ’’.

- 1557: ‘Mahānubhāvassa mahoraḡassa, dhītukāmo ñātibhato [ñātigato (pī.)] hamasmi;  
Taṃ yācamānaṃ sasuro avoca, yathā mamaññiṃsu sukāmanītaṃ.
- 1558: ‘Dajjemo kho te sutanaṃ sunettaṃ, sucimhitaṃ candanalittagattaṃ;  
Sace tuvaṃ hadayaṃ paṇḍitassa, dhammena laddhā idha māharesi;  
Etena vittena kumāri labbhā, naññaṃ dhanaṃ uttari patthayāma.
- 1559: ‘Evaṃ na mūlhosmi suṇohi katte, na cāpi me duggahitatti kiñci;  
Hadayena te dhammaladdhena nāgā, irandhatiṃ nāgakaññaṃ dadanti.
- 1560: ‘Tasmā ahaṃ tuyhaṃ vadhāya yutto, evaṃ mamattho maraṇena tuyhaṃ;  
Idheva taṃ narake pātayitvā, hantvāna taṃ hadayamānayaissaṃ’.
- 1561: ‘Khippaṃ mamaṃ uddhara kātiyāna, hadayena me yadi te atthi kiccaṃ;  
Ye kecime sādhanarassa dhammā, sabbeva te pātukaromi ajja’.
- 1562: ‘So puṇṇako kurūnaṃ kattuseṭṭhaṃ, nagamuddhani khippaṃ patiṭṭhapetvā;  
Assatthamāsīnaṃ samekkhiyāna, paripucchi kattāramanomaṇñaṃ.
- 1563: ‘Samuddhato mesi tuvaṃ papātā, hadayena te ajja mamatthi kiccaṃ;  
Ye kecime sādhanarassa dhammā, sabbeva me pātukarohi ajja’.
- 1564: ‘Samuddhato tyasmi ahaṃ papātā, hadayena me yadi te atthi kiccaṃ;  
Ye kecime sādhanarassa dhammā, sabbeva te pātukaromi ajja’.
- 1565: ‘Yātānuyāyī ca bhavāhi māṇava, allañca [addaṇca (sī. pī.)] pāṇiṃ parivajjayassu;  
Mā cassu mittesu kadāci dubbhī, mā ca vasaṃ asaṭīnaṃ nigacche’.
- 1566: ‘Kathaṃ nu yātaṃ anuyāyī hoti, allañca pāṇiṃ dahate kathaṃ so;  
Asatī ca kā ko pana mittadubbho, akkhāhi me pucchito etamatthaṃ’.
- 1567: ‘Asanthutaṃ [asandhavaṃ (syā. ka.)] nopi ca diṭṭhapubbaṃ, yo āsanenāpi nimantayeyya;  
Tasseva atthaṃ puriso kareyya, yātānuyāyīti tamāhu paṇḍitā.
- 1568: ‘Yassekarattampi ghare vaseyya, yatthannaṇānaṃ puriso labheyya;  
Na tassa pāpaṃ manasāpi cintaye, adubbhī pāṇiṃ dahate mittadubbho.
- 1569: ‘Yassa rukkhassa chāyāya, nisīdeyya sayeyya vā;  
Na tassa sākhaṃ bhañjeyya, mittadubbho hi pāpako.
- 1570: ‘Puṇṇampi cemaṃ pathaviṃ dhanena, dajjitthiyā puriso sammatāya;  
Laddhā khaṇaṃ atimaññeyya tampi, tāsaṃ vasaṃ asaṭīnaṃ na gacche.
- 1571: ‘Evaṃ kho yātaṃ anuyāyī hoti, allañca pāṇiṃ dahate punevaṃ;  
Asatī ca sā so pana mittadubbho, so dhammiko hoti jahassu adhammaṃ’.

Sādhunaradhammaṇḍaṃ nāma.

### Kālāgiriṇḍaṃ

- 1572: ‘Avasiṃ ahaṃ tuyhaṃ tīhaṃ agāre, annena pānena upaṭṭhitosmi;  
Mitto mamāsī visajjāmaṃ taṃ, kāmaṃ gharaṃ uttamapañña gaccha.

- 1573: ‘‘Api hāyatu nāgakulā [nāgakulassa (sī. syā. pī.)] attho, alampi me nāgakañña hotu;  
So tvam sakeneva subhāsitena, muttosi me ajja vadhāya pañña’’.
- 1574: ‘‘Handa tuvaṃ yakkha mamampi nehi, sasuraṃ te [sassuraṃ nu te (sī. syā. pī. ka.)] atthaṃ  
mayi carassu;  
Mayaṅca nāgādhīpatiṃ vimānaṃ, dakkhemu nāgassa adiṭṭhapubbaṃ’’.
- 1575: ‘‘Yaṃ ve narassa ahitāya assa, na taṃ pañño arahati dassanāya;  
Atha kena vaṇṇena amittagāmaṃ, tuvamicchasi uttamapañña gantum’’.
- 1576: ‘‘Addhā pajānāmi ahampi etaṃ, na taṃ pañño arahati dassanāya;  
Pāpaṅca me natthi kataṃ kuhiñci, tasmā na saṅke maraṇāgamāya’’.
- 1577: ‘‘Handa ca ṭhānaṃ atulānubhāvaṃ, mayā saha dakkhasi ehi katte;  
Yatthacchati naccagītehi nāgo, rājā yathā vessavaṇo naḷiññaṃ [niḷiññaṃ (syā.), niḷaṅñaṃ  
(ka.)].
- 1578: ‘‘Taṃ nāgakañña caritaṃ gaṇena, nikīḷitaṃ niccamaho ca rattim;  
Pahūtamālyaṃ [bahuttamallaṃ (ka.)] bahupupphachannaṃ [bahupupphasañchannaṃ (ka.)],  
obhāsati vijjurivantalikkhe.
- 1579: ‘‘Annena pānena upetarūpaṃ, naccehi gītehi ca vāditehi;  
Paripūraṃ kaññaḥi alaṅkatāhi, upasobhati vatthapilandhanena [vatthapilandhanehi (ka.)].
- 1580: ‘‘So puṇṇako kurūnaṃ kattuseṭṭhaṃ, nisīdayī pacchato āsanasmim;  
Ādāya kattāramanomaṅgaṃ, upānayī bhavanaṃ nāgarañña’’.
- 1581: ‘‘Patvāna ṭhānaṃ atulānubhāvaṃ, aṭṭhāsi kattā pacchato puṇṇakassa;  
Sāmaggi pekkhamāno [sāmaggipekkhī pana (sī. syā. pī.)] nāgarājā, pubbeva  
jāmātaramajjhabhāsatha’’.
- 1582: ‘‘Yannu tuvaṃ agamā maccalokaṃ, anvesamāno hadayaṃ paṇḍitassa;  
Kacci samiddhena idhānupatto, ādāya kattāramanomaṅgaṃ’’.
- 1583: ‘‘Ayañhi so āgato yaṃ tvamicchasi, dhammena laddho mama dhammapālo;  
Taṃ passatha sammukhā [taṃ passa dhammaṃ samukhā (ka.)] bhāsamaṇaṃ, sukho have  
[bhava (pī.)] sappurisehi saṅgamo’’.

Kālāgiriṅgaṇḍaṃ nāma.

- 1584: ‘‘Adiṭṭhapubbaṃ disvāna, macco maccubhayaṭṭito [bhayaddito (sī. pī.)];  
Byamhito nābhivādesi, nayidaṃ paññavatāmiva’’.
- 1585: ‘‘Na camhi byamhito nāga, na ca maccubhayaṭṭito;  
Na vajjho abhivādeyya, vajjhaṃ vā nābhivādaye.
- 1586: ‘‘Kathaṃ no abhivādeyya, abhivādāpayetha ve;  
Yaṃ naro hantumiccheyya, taṃ kammaṃ nupapajjati’’.
- 1587: ‘‘Evametam yathā brūsi, saccaṃ bhāsasi paṇḍita;  
Na vajjho abhivādeyya, vajjhaṃ vā nābhivādaye.

- 1588: ‘Kathaṃ no abhivādeyya, abhivādāpayetha ve;  
Yaṃ naro hantumiccheyya, taṃ kammaṃ nupapajjati’’.
- 1589: ‘Asassataṃ sassataṃ nu tavayidaṃ, iddhijūtibalavīriyūpapatti [[iddhiṃ jutim balam vīriyūpapatti \(ka.\)](#)];  
Pucchāmi taṃ nāgarājetamatthaṃ, kathaṃ nu te laddhamidaṃ vimānaṃ.
- 1590: ‘Adhiccāladdhaṃ pariṇāmajaṃ te, sayamkataṃ udāhu devehi dinnam;  
Akkhāhi me nāgarājetamatthaṃ, yatheva te laddhamidaṃ vimānaṃ.
- 1591: ‘Nādhiccāladdhaṃ na pariṇāmajaṃ me, na sayamkataṃ nāpi devehi dinnam;  
Sakehi kammehi apāpakehi, puññehi me laddhamidaṃ vimānaṃ’’.
- 1592: ‘Kiṃ te vataṃ kiṃ pana brahmacariyaṃ, kissa suciṇṇassa ayaṃ vipāko;  
Iddhijūtibalavīriyūpapatti, idaṅca te nāga mahāvimaṇaṃ’’.
- 1593: ‘Ahaṅca bhariyā ca manussaloke, saddhā ubho dānapatī ahumhā;  
Opānabhūtaṃ me gharaṃ tadāsi, santappitā samaṇabrāhmaṇā ca.
- 1594: ‘Mālaṅca gandhaṅca vilepanaṅca, padīpiyaṃ seyyamupassayaṅca;  
Acchādanaṃ sāyanamannaṇaṃ, sakkacca dānāni adamha tattha.
- 1595: ‘Taṃ me vataṃ taṃ pana brahmacariyaṃ, tassa suciṇṇassa ayaṃ vipāko;  
Iddhijūtibalavīriyūpapatti, idaṅca me dhīra mahāvimaṇaṃ’.
- 1596: ‘Evaṃ ce te laddhamidaṃ vimānaṃ, jānāsi puññānaṃ phalūpapattiṃ;  
Tasmā hi dhammaṃ cara appamatto, yathā vimānaṃ puna māvasesi’.
- 1597: ‘Nayidha santi samaṇabrāhmaṇā ca, yesannaṇānāni dademu katte;  
Akkhāhi me pucchito etamatthaṃ, yathā vimānaṃ puna māvasema’’.
- 1598: ‘Bhogī hi te santi idhūpapannā, puttā ca dārā anujīvino ca;  
Tesu tuvaṃ vacasā kammunā ca, asampaduṭṭho ca bhavāhi niccaṃ.
- 1599: ‘Evaṃ tuvaṃ nāga asampadosaṃ, anupālaya vacasā kammunā ca;  
Ṭhatvā idha yāvataṅkamaṃ vimāne, uddhaṃ ito gacchasi devalokaṃ’’.
- 1600: ‘Addhā hi so socati rājasetṭho, tayā vinā yassa tuvaṃ sajjibbo;  
Dukkūpanītopi tayā samecca, vindeyya poso sukhamāturopi’’.
- 1601: ‘Addhā sataṃ bhāsasi nāga dhammaṃ, anuttaraṃ atthapadaṃ suciṇṇam;  
Etādisiyāsu hi āpadāsu, paññāyate mādisānaṃ viseso’’.
- 1602: ‘Akkhāhi no tāyaṃ mudhā nu laddho, akkhehi no tāyaṃ ajesi jūte;  
Dhammena laddho iti tāyamāha [[mā’ya’ māha \(syā.\)](#)], kathaṃ nu tvaṃ hatthamimassa māgato’’.
- 1603: ‘Yo missaro tattha ahosi rājā, tamāyamakkhehi ajesi jūte;  
So maṃ jito rājā imassadāsi, dhammena laddhosmi asāhasena.
- 1604: ‘Mahorago attamano udaggo, sutvāna dhīrassa subhāsītāni;  
Hatthe gahetvāna anomapaññaṃ, pāvekkhi bhariyāya tadā sakāse.

- 1605:** ‘Yena tvaṃ vimale paṇḍu, yena bhattaṃ na ruccati;  
Na ca me tādiso vaṇṇo, ayameso tamonudo.
- 1606:** ‘Yassa te hadayenattho, āgatāyaṃ pabhaṅkaro;  
Tassa vākyāṃ nisāmehi, dullabhaṃ dassanaṃ puna.
- 1607:** ‘Disvāna taṃ vimalā bhūripaññaṃ, dasaṅgulī añjalim paggahevā;  
Haṭṭhena bhāvena patītarūpā, iccabravi kurūnaṃ kattuseṭṭhaṃ.
- 1608:** ‘Adiṭṭhapubbaṃ disvāna, macco maccubhayaṭṭito;  
Byamhito nābhivādesi, nayidaṃ paññavatāmiva’.
- 1609:** ‘Na camhi byamhito nāgi, na ca maccubhayaṭṭito;  
Na vajjho abhivādeyya, vajjhaṃ vā nābhivādaye.
- 1610:** ‘Kathaṃ no abhivādeyya, abhivādāpayetha ve;  
Yaṃ naro hantumiccheyya, taṃ kammaṃ nupapajjati’.
- 1611:** ‘Evametaṃ yathā brūsi, saccaṃ bhāsasi paṇḍita;  
Na vajjho abhivādeyya, vajjhaṃ vā nābhivādaye.
- 1612:** ‘Kathaṃ no abhivādeyya, abhivādāpayetha ve;  
Yaṃ naro hantumiccheyya, taṃ kammaṃ nupapajjati’.
- 1613:** ‘Asassataṃ sassataṃ nu tavayidaṃ, iddhījutībalavīriyūpapatti;  
Pucchāmi taṃ nāgakaññetamatthaṃ, kathaṃ nu te laddhamidaṃ vimānaṃ.
- 1614:** ‘Adhicaladdhaṃ pariṇāmajaṃ te, sayamkataṃ udāhu devehi dinnam;  
Akkhāhi me nāgakaññetamatthaṃ, yatheva te laddhamidaṃ vimānaṃ’.
- 1615:** ‘Nādhicaladdhaṃ na pariṇāmajaṃ me, na sayam kataṃ nāpi devehi dinnam;  
Sakehi kammehi apāpakehi, puññehi me laddhamidaṃ vimānaṃ’.
- 1616:** ‘Kiṃ te vataṃ kiṃ pana brahmacariyaṃ, kissa suciṇṇassa ayaṃ vipāko;  
Iddhījutībalavīriyūpapatti, idaṅca te nāgi mahāvīmānaṃ’.
- 1617:** ‘Ahaṅca kho sāmiko cāpi mayhaṃ, saddhā ubho dānapatī ahumhā;  
Opānabhūtaṃ me gharaṃ tadāsi, santappitā samaṇabrāhmaṇā ca.
- 1618:** ‘Mālaṅca gandhaṅca vilepanaṅca, padīpiyaṃ seyyamupassayaṅca;  
Acchādanaṃ sāyanamannaṇānaṃ, sakkaccaṃ dānāni adamha tattha.
- 1619:** ‘Taṃ me vataṃ taṃ pana brahmacariyaṃ, tassa suciṇṇassa ayaṃ vipāko;  
Iddhījutībalavīriyūpapatti, idaṅca me dhīra mahāvīmānaṃ’.
- 1620:** ‘Evaṃ ce te laddhamidaṃ vimānaṃ, jānāsi puññānaṃ phalūpapattim;  
Tasmā hi dhammaṃ cara appamattā, yathā vimānaṃ puna māvasesi’.
- 1621:** ‘Nayidha santi samaṇabrāhmaṇā ca, yesannaṇānāni dademu katte;  
Akkhāhi me pucchito etamatthaṃ, yathā vimānaṃ puna māvasema’.
- 1622:** ‘Bhogī hi te santi idhūpapannā, puttā ca dārā anujīvino ca;

Tesu tuvaṃ vacasā kammunā ca, asampaduṭṭhā ca bhavāhi niccaṃ.

**1623:**“Evaṃ tuvaṃ nāgi asampadosaṃ, anupālaya vacasā kammunā ca;  
Ṭhatvā idha yāvataṃyukaṃ vimāne, uddhaṃ ito gacchasi devalokaṃ”.

**1624:**“Addhā hi so socati rājasetṭho, tayā vinā yassa tuvaṃ sajjibbo;  
Dukkūpanītopi tayā samecca, vindeyya poso sukhamāturōpi”.

**1625:**“Addhā sataṃ bhāsasi nāgi dhammaṃ, anuttaraṃ atthapadaṃ suciṇṇaṃ;  
Etādisiyāsu hi āpadaṃsu, paññāyate mādisānaṃ viseso”.

**1626:**“Akkhāhi no tāyaṃ mudhā nu laddho, akkhehi no tāyaṃ ajesi jūte;  
Dhammena laddho iti tāyamāha, kathaṃ nu tvaṃ hatthamimassa māgato”.

**1627:**“Yo missaro tattha ahosi rājā, tamāyamakkhehi ajesi jūte;  
So maṃ jito rājā imassadāsi, dhammena laddhosmi asāhasena.

**1628:**“Yatheva varuṇo nāgo, pañhaṃ pucchittha paṇḍitaṃ;  
Tatheva nāgakaññāpi, pañhaṃ pucchittha paṇḍitaṃ.

**1629:**“Yatheva varuṇaṃ nāgaṃ, dhīro tosesi pucchito;  
Tatheva nāgakaññāmpi, dhīro tosesi pucchito.

**1630:**“Ubhopi te attamane viditvā, mahoragaṃ nāgakaññāñca dhīro [[vidhūro \(ka.\)](#)];  
Achambhī abhīto alomahaṭṭho, iccabravi varuṇaṃ nāgarājānaṃ.

**1631:**“Mā rodhayi [[mā heṭṭhayi \(pī.\)](#)] nāga āyāhamasmi, yena tavattho idaṃ sarīraṃ;  
Hadayena maṃsena karohi kiccaṃ, sayaṃ karissāmi yathāmati te”.

**1632:**“Paññā have hadayaṃ paṇḍitānaṃ, te tyamha paññāya mayaṃ sutuṭṭhā;  
Anūnanāmo labhatajja dāraṃ, ajjeva taṃ kuruyo pāpayātu”.

**1633:**“Sa puṇṇako attamano udaggo, irandhatiṃ nāgakaññaṃ labhitvā;  
Haṭṭhena bhāvena patītarūpo, iccabravi kurūnaṃ kattuseṭṭhaṃ.

**1634:**“Bhariyāya maṃ tvaṃ akari samaṅgiṃ, ahañca te vidhura karomi kiccaṃ;  
Idañca te maṇirataṃ dadāmi, ajjeva taṃ kuruyo pāpayāmi”.

**1635:**“Ajeyyamesā tava hotu metti, bhariyāya kaccāna piyāya saddhiṃ;  
Ānandi vitto [[ānandacitto \(syā. pī.\)](#)] sumano patīto, datvā maṇiṃ mañca nayindapatthaṃ.

**1636:**“Sa puṇṇako kurūnaṃ kattuseṭṭhaṃ, nisīdayī purato āsanasmīṃ;  
Ādāya kattāramanomaññaṃ, upānayī nagaraṃ indapatthaṃ.

**1637:**“Mano manussassa yathāpi gacche, tatopissa khippataraṃ [[tatopi samkhippataraṃ \(sī. pī.\)](#)]  
ahosi;  
Sa puṇṇako kurūnaṃ kattuseṭṭhaṃ, upānayī nagaraṃ indapatthaṃ”.

**1638:**“Etindapatthaṃ nagaraṃ padissati, rammāni ca ambavanāni bhāgaso;  
Ahañca bhariyāya samaṅgibhūto, tuvañca pattosi sakaṃ nicketaṃ”.

**1639:**“Sa puṇṇako kurūnaṃ kattuseṭṭhaṃ, oropiya dhammasabhāya majjhe;

Ājaññamāruyha anomavaṇṇo, pakkāmi vehāyasamantalikkhe.

1640: ‘Taṃ disvā rājā paramappatīto, uṭṭhāya bāhāhi palissajitvā;  
Avikampayaṃ dhammasabhāya majjhe, nisīdayī pamukhamāsanasmim’.

1641: ‘Tvayaṃ no vinetāsi rathava naddhaṃ, nandanti taṃ kuruyo dassanena;  
Akkhāhi me pucchito etamatthaṃ, kathaṃ pamokkho ahu māṇavassa’.

1642: ‘Yaṃ māṇavotyābhivadī janinda, na so manusso naravīraseṭṭha;  
Yadi te suto puṇṇako nāma yakkho, rañño kuverassa hi so sajjibbo.

1643: ‘Bhūmindharo varuṇo nāma nāgo, brahā sucī vaṇṇabalūpapanno;  
Tassānujaṃ dhītaraṃ kāmayāno, irandhatī nāma sā nāgakaññā.

1644: ‘Tassā sumajjhāya piyāya hetu, patārayittha maraṇāya mayhaṃ;  
So ceva bhariyāya samaṅgibhūto, ahañca anuññāto maṇi ca laddho’.

1645: ‘Rukkho hi mayhaṃ paddhāre [gharadvāre (syā.)] sujāto, paññākkhandho sīlamayassa sākḥā;  
Atthe ca dhamme ca ṭhito nipāko, gavapphalo hatthigavassachanno.

1646: ‘Naccagītātūriyābhinādite, ucchijja senaṃ [menaṃ (sī. pī.)] puriso ahāsi;  
So no ayaṃ āgato sanniketam, rukkhassimassāpacitiṃ karotha.

1647: ‘Ye keci vittā mama paccayena, sabbeva te pātukarontu ajja;  
Tibbāni katvāna upāyanāni, rukkhassimassāpacitiṃ karotha.

1648: ‘Ye keci baddhā mama atthi raṭṭhe, sabbeva te bandhanā mocayantu;  
Yatheva yaṃ bandhanasmā pamutto, evamete muñcare bandhanasmā.

1649: ‘Unnaṅgalā māsamimaṃ karontu, maṃsodanaṃ brāhmaṇā bhakkhayantu;  
Amajjapā majjarahā pivantu, puṇṇāhi thālāhi palissutāhi.

1650: ‘Mahāpathaṃ nicca samavhayantu, tibbañca rakkhaṃ vidahantu raṭṭhe;  
Yathāññamaññam na viheṭṭhayeyyūṃ, rukkhassimassāpacitiṃ karotha’.

1651: Orodhā ca kumārā ca, vesiyānā ca brāhmaṇā;  
Bahūṃ annaṃca pānañca, paṇḍitassābhihārayuṃ.

1652: Hatthārohā anīkaṭṭhā, rathikā pattikārakā;  
Bahūṃ annaṃca pānañca, paṇḍitassābhihārayuṃ.

1653: Samāgatā jānapadā, negamā ca samāgatā;  
Bahūṃ annaṃca pānañca, paṇḍitassābhihārayuṃ.

1654: Bahujano pasannosi, disvā paṇḍitamāgate;  
Paṇḍitamhi anuppatte, celukkhepo pavattathāti.

Vidhurajātakaṃ navamaṃ.

#### 547. Vessantarajātakaṃ (10)



### Dasavarakathā

- 1655: ‘Phussatī [phusati (sī. pī.)] varavaṇṇābhe, varassu dasadhā vare;  
Pathabyā cārupubbaṅgi, yaṃ tuyhaṃ manaso piyaṃ’.
- 1656: ‘Devarāja namo tyatthu, kiṃ pāpaṃ pakataṃ mayā;  
Rammā cāvesi maṃ ṭhānā, vātova dharaṇīruhaṃ’.
- 1657: ‘Na ceva te kataṃ pāpaṃ, na ca me tvamasi appiyā;  
Puññañca te parikkhīṇaṃ, yena tevaṃ vadāmahaṃ.
- 1658: ‘Santike maraṇaṃ tuyhaṃ, vinābhāvo bhavissati;  
Paṭigaṇhāhi me ete, vare dasa paveccato’.
- 1659: ‘Vamaṃ ce me ado sakka, sabbabhūtānamissara;  
Sivirājassa bhaddante, tattha assaṃ nivesane.
- 1660: ‘Nīlanettā nīlabhamu, nilakkhī ca yathā migī;  
Phussatī nāma nāmena, tatthapassaṃ purindada.
- 1661: ‘Puttaṃ labhetha varadaṃ, yācayogaṃ [yācayogim (ka.)] amaccharim;  
Pūjitaṃ paṭirājūhi, kittimantaṃ yasassināṃ.
- 1662: ‘Gabbhaṃ me dhārayantiyā, majjhimaṅgaṃ anunnataṃ;  
Kucchi anunnato assa, cāpaṃva likhitaṃ samaṃ.
- 1663: ‘Thanā me nappapateyyuṃ, palitā na santu vāsava;  
Kāye rajo na limpetha, vajjhañcāpi pamocaye.
- 1664: ‘Mayūraakoñcābhirude, nārivaragaṇāyute;  
Khujjacelāpakākiṇṇe, sūdamāgadhavaṇṇite.
- 1665: ‘Citraggaḷerughusite, surāmaṃsapabodhane;  
Sivirājassa bhaddante, tatthassaṃ mahesī piyā’.
- 1666: ‘Ye te dasa varā dinnā, mayā sabbaṅgasobhane;  
Sivirājassa vijite, sabbe te lacchasī vare.
- 1667: ‘Idaṃ vatvāna maghavā, devarājā sujampati;  
Phussatiyā vamaṃ datvā, anumodittha vāsavo.

Dasavarakathā nāma.

### Hemavantaṃ

- 1668: ‘Parūḷhakacchanakhalomā, paṅkadantā rajassirā;  
Paggayha dakkhiṇaṃ bāhuṃ, kiṃ maṃ yācanti brāhmaṇā’.
- 1669: ‘Ratanaṃ deva yācāma, sivīnaṃ ratṭhavaḍḍhanaṃ;  
Dadāhi pavaraṃ nāgaṃ, īsādantaṃ urūḷhavaṃ’.

- 1670: ‘Dadāmi na vikampāmi, yaṃ maṃ yācanti brāhmaṇā;  
Pabhinnaṃ kuñjaraṃ dantiṃ, opavayaṃ gajuttamaṃ’.
- 1671: ‘Hatthikkhandhato oruyha, rājā cāgādhimānaso;  
Brāhmaṇānaṃ adā dānaṃ, sivīnaṃ raṭṭhavaḍḍhanaṃ’.
- 1672: ‘Tadāsi yaṃ bhimsanakaṃ, tadāsi lomahaṃsanam;  
Hatthināge padinnamhi, medanī sampakampatha.
- 1673: ‘Tadāsi yaṃ bhimsanakaṃ, tadāsi lomahaṃsanam;  
Hatthināge padinnamhi, khubbhittha nagaraṃ tadā.
- 1674: ‘Samākulaṃ puraṃ āsi, ghoso ca vipulo mahā;  
Hatthināge padinnamhi, sivīnaṃ raṭṭhavaḍḍhanaṃ’.
- 1675: ‘Uggā ca rājaputtā ca, vesiyānā ca brāhmaṇā;  
Hatthārohā anīkaṭṭhā, rathikā pattikārakā.
- 1676: ‘Kevalo cāpi nigamo, sivayo ca samāgatā;  
Disvā nāgaṃ nīyamānaṃ, te rañño paṭivedayaṃ.
- 1677: ‘Vidhamaṃ deva te raṭṭhaṃ, putto vessantaro tava;  
Kathaṃ no hatthinam dajjā, nāgaṃ raṭṭhassa pūjitaṃ.
- 1678: ‘Kathaṃ no kuñjaraṃ dajjā, īsādantaṃ urūlhavaṃ;  
Khettaññuṃ sabbayuddhānaṃ, sabbasetam gajuttamaṃ.
- 1679: ‘Paṇḍukambalasañchannaṃ, pabhinnaṃ sattumaddanaṃ;  
Dantiṃ savāḷabījanim, setam kelāsasādisam.
- 1680: ‘Sasetacchattaṃ saupādheyyam, sāthabbanam sahatthipam;  
Aggayānaṃ rājavāhim, brāhmaṇānaṃ adā gajaṃ [dhanam (sī. pī.), dānam (syā.)].
- 1681: ‘Annaṃ pānañca yo [so (sī. syā. ka.)] dajjā, vatthasenāsanāni ca;  
Etaṃ kho dānam patirūpaṃ, etaṃ kho brāhmaṇārahaṃ.
- 1682: ‘Ayaṃ te vaṃsarājā no, sivīnaṃ raṭṭhavaḍḍhanaṃ [raṭṭhavaḍḍhanam (sī.), raṭṭhavaḍḍhana  
(pī.)];  
Kathaṃ vessantaro putto, gajaṃ bhājeti sañjaya.
- 1683: ‘Sace tvaṃ na karissasi, sivīnaṃ vacanaṃ idaṃ;  
Maññe taṃ saha puttana, sivī hatthe karissare’.
- 1684: ‘Kāmaṃ janapado māsi, raṭṭhañcāpi vinassatu;  
Nāhaṃ sivīnaṃ vacanā, rājaputtaṃ adūsakaṃ;  
Pabbājeyyaṃ sakā raṭṭhā, putto hi mama oraso.
- 1685: ‘Kāmaṃ janapado māsi, raṭṭhañcāpi vinassatu;  
Nāhaṃ sivīnaṃ vacanā, rājaputtaṃ adūsakaṃ;  
Pabbājeyyaṃ sakā raṭṭhā, putto hi mama atrajo.
- 1686: ‘Na cāhaṃ tasmim dubbheyyam, ariyasīlavato hi so;

Asilokopi me assa, pāpañca pasave bahum;  
Katham vessantaram puttam, satthena ghātayāmase’’.

1687: ‘Mā nam daṇḍena satthena, na hi so bandhanāraho;  
Pabbājehi ca nam raṭṭhā, vañke vasatu pabbate’’.

1688: ‘Eso ce sivīnaṃ chando, chandaṃ na panudāmase;  
Imaṃ so vasatu rattim, kāme ca paribhuñjatu.

1689: ‘Tato ratyā vivasāne, sūriyassuggamaṃ pati [sūriyuggamane sati (ka.)];  
Samaggā sivayo hutvā, raṭṭhā pabbājayantu nam’’.

1690: ‘Uṭṭhehi katte taramāno, gantvā vessantaram vada;  
Sivayo deva te kuddhā, negamā ca samāgatā.

1691: ‘Uggā ca rājaṃ puttā ca, vesiyānā ca brāhmaṇā;  
Hatthārohā anīkaṭṭhā, rathikā pattikā rakā;  
Kevalo cāpi nigamo, sivayo ca samāgatā.

1692: ‘Asmā ratyā vivasāne, sūriyassuggamaṃ pati;  
Samaggā sivayo hutvā, raṭṭhā pabbājayanti taṃ.

1693: ‘Sa kattā taramānova, sivrājena pesito;  
Āmuttataṭṭhā bharaṇā, suvattho candanabhūsito.

1694: ‘Sīsaṃ nhāto udake so, āmuttamaṇikuṇḍalo;  
Upāgami puram rammaṃ, vessantaranivesanaṃ.

1695: ‘Tatthaddasa kumāraṃ so, ramamānaṃ sake pure;  
Parikiṇṇaṃ amaccehi, tidasānaṃ va vāsavaṃ.

1696: ‘So tattha gantvā taramāno, kattā vessantaram bravi;  
Dukkhaṃ te vedayissāmi, mā me kujjhi rathesabha.

1697: ‘Vanditvā rodamāno so, kattā rājānam bravi;  
Bhattā mesi mahārāja, sabbakāmarasāharo.

1698: ‘Dukkhaṃ te vedayissāmi, tattha assāsayantu maṃ;  
Sivayo deva te kuddhā, negamā ca samāgatā.

1699: ‘Uggā ca rājaṃ puttā ca, vesiyānā ca brāhmaṇā;  
Hatthārohā anīkaṭṭhā, rathikā pattikā rakā;  
Kevalo cāpi nigamo, sivayo ca samāgatā.

1700: ‘Asmā ratyā vivasāne, sūriyassuggamaṃ pati;  
Samaggā sivayo hutvā, raṭṭhā pabbājayanti taṃ’’.

1701: ‘Kismiṃ me sivayo kuddhā, nāhaṃ passāmi dukkaṭaṃ;  
Taṃ me katte viyācikkha, kasmā pabbājayanti maṃ’’.

1702: ‘Uggā ca rājaṃ puttā ca, vesiyānā ca brāhmaṇā;  
Hatthārohā anīkaṭṭhā, rathikā pattikā rakā;

Nāgadānena khiyyanti, tasmā pabbājayanti taṃ”.

**1703:**“Hadaṃ cakkhupahaṃ dajjaṃ, kiṃ me bāhirakaṃ dhaṇaṃ;  
Hiraññaṃ vā suvaṇṇaṃ vā, muttā veḷuriyā maṇi.

**1704:**“Dakkhiṇaṃ vāpahaṃ bāhuṃ, disvā yācakamāgate;  
Dadeyyaṃ na vikampeyyaṃ, dāne me ramate mano.

**1705:**“Kāmaṃ maṃ sivayo sabbe, pabbājentu hanantu vā;  
Neva dānā viraṃsaṃ, kāmaṃ chindantu sattadhā”.

**1706:**“Evaṃ taṃ sivayo āhu, negamā ca samāgatā;  
Kontimārāya tīrena, girimārañjaraṃ pati;  
Yena pabbājitā yanti, tena gacchatu subbato”.

**1707:**“Sohaṃ tena gamissāmi, yena gacchanti dūsakā;  
Rattindivaṃ me khamatha, yāva dānaṃ dadāmaṃ”.

**1708:**“Āmantayittha rājānaṃ, maddiṃ sabbaṅgasobhanaṃ;  
Yaṃ te kiñci mayā dīnaṃ, dhaṇaṃ dhaññaṃca vijjati.

**1709:**“Hiraññaṃ vā suvaṇṇaṃ vā, muttā veḷuriyā bahū;  
Sabbāṃ taṃ nidaheyyāsi, yañca te pettikaṃ dhaṇaṃ.

**1710:**“Tamabravi rājaputtī, maddī sabbaṅgasobhanā;  
Kuiṃ deva nidahāmi, taṃ me akkhāhi pucchito”.

**1711:**“Sīlavantesu dajjāsi, dānaṃ maddi yathārahaṃ;  
Na hi dānā paraṃ atthi, patiṭṭhā sabbapāṇinaṃ.

**1712:**“Puttesu maddi dayesi, sassuyā sasuramhi ca;  
Yo ca taṃ bhattā maññeyya, sakkaccaṃ taṃ upaṭṭhahe.

**1713:**“No ce taṃ bhattā maññeyya, mayā vipavasena te;  
Aññaṃ bhattāraṃ pariyesa, mā kisittho [mā kilittha (sī. pī.)] mayā vinā”.

**1714:**“Ahañhi vanaṃ gacchāmi, ghoraṃ vālamigāyutaṃ;  
Saṃsayo jīvitaṃ mayhaṃ, ekakassa brahāvane”.

**1715:**“Tamabravi rājaputtī, maddī sabbaṅgasobhanā;  
“Abhumme kathaṃ nu bhaṇasi, pāpakaṃ vata bhāsasi.

**1716:**“Nesa dhammo mahārāja, yaṃ tvaṃ gaccheyya ekako;  
Ahampi tena gacchāmi, yena gacchasi khattiya.

**1717:**“Maraṇaṃ vā tayā saddhiṃ, jīvitaṃ vā tayā vinā;  
Tadeva maraṇaṃ seyyo, yaṃ ce jīve tayā vinā.

**1718:**“Aggiṃ ujālayitvāna [nijjālayitvāna (sī. pī.)], ekajālasamāhitāṃ;  
Tattha me [tattheva (syā. ka.)] maraṇaṃ seyyo, yaṃ ce jīve tayā vinā.

**1719:**“Yathā āraññaṃ nāgaṃ, dantiṃ anveti hatthinī;

Jessantam giriduggesu, samesu visamesu ca.

**1720:**“Evaṃ taṃ anugacchāmi, putte ādāya pacchato;  
Subharā te bhavissāmi, na te hessāmi dubbharā.

**1721:**“Ime kumāre passanto, mañjūke piyabhāṇine;  
Āsīne [āsane (ka.)] vanagumbasmiṃ, na rajjassa sarissasi.

**1722:**“Ime kumāre passanto, mañjūke piyabhāṇine;  
Kīlante vanagumbasmiṃ, na rajjassa sarissasi.

**1723:**“Ime kumāre passanto, mañjūke piyabhāṇine;  
Assame ramaṇīyamhi, na rajjassa sarissasi.

**1724:**“Ime kumāre passanto, mañjūke piyabhāṇine;  
Kīlante assame ramme, na rajjassa sarissasi.

**1725:**“Ime kumāre passanto, māladhārī alaṅkate;  
Assame ramaṇīyamhi, na rajjassa sarissasi.

**1726:**“Ime kumāre passanto, māladhārī alaṅkate;  
Kīlante assame ramme, na rajjassa sarissasi.

**1727:**“Yadā dakkhisi naccante, kumāre māladhārīne;  
Assame ramaṇīyamhi, na rajjassa sarissasi.

**1728:**“Yadā dakkhisi naccante, kumāre māladhārīne;  
Kīlante assame ramme, na rajjassa sarissasi.

**1729:**“Yadā dakkhisi mātaṅgaṃ, kuñjaraṃ saṭṭhihāyanaṃ;  
Ekaṃ araṇṇe carantaṃ, na rajjassa sarissasi.

**1730:**“Yadā dakkhisi mātaṅgaṃ, kuñjaraṃ saṭṭhihāyanaṃ;  
Sāyaṃ pāto vicarantaṃ, na rajjassa sarissasi.

**1731:**“Yadā kareṇusaṅghassa, yūthassa purato vajaṃ;  
Koṅcaṃ kāhati mātaṅgo, kuñjaro saṭṭhihāyano;  
Tassa taṃ nadato sutvā, na rajjassa sarissasi.

**1732:**“Dubhato vanavikāse, yadā dakkhisi kāmado;  
Vane vāḷamigākiṇṇe, na rajjassa sarissasi.

**1733:**“Migaṃ disvāna sāyanhaṃ, pañcamālinamāgataṃ;  
Kimpurise ca naccante, na rajjassa sarissasi.

**1734:**“Yadā sossasi nigghosaṃ, sandamānāya sindhuyā;  
Gītaṃ kimpurisānañca, na rajjassa sarissasi.

**1735:**“Yadā sossasi nigghosaṃ, girigabbharacārino;  
Vassamānassulūkassa, na rajjassa sarissasi.

**1736:**“Yadā sīhassa byagghassa, khaggassa gavayassa ca;

Vane sossasi vāḷānaṃ, na rajjassa sarissasi.

1737: ‘Yadā morīhi parikiṇṇaṃ, barihīnaṃ matthakāsinaṃ;  
Morāṃ dakkhisi naccantaṃ, na rajjassa sarissasi.

1738: ‘Yadā morīhi parikiṇṇaṃ, aṇḍajaṃ citrapakkhinaṃ;  
Morāṃ dakkhisi naccantaṃ, na rajjassa sarissasi.

1739: ‘Yadā morīhi parikiṇṇaṃ, nīlagīvaṃ sikhaṇḍinaṃ;  
Morāṃ dakkhisi naccantaṃ, na rajjassa sarissasi.

1740: ‘Yadā dakkhisi hemante, pupphite dharaṇīruhe;  
Surabhiṃ sampavāyante, na rajjassa sarissasi.

1741: ‘Yadā hemantike māse, haritaṃ dakkhisi medaniṃ [mediniṃ (sī. pī.)];  
Indagopakasañchannaṃ, na rajjassa sarissasi.

1742: ‘Yadā dakkhisi hemante, pupphite dharaṇīruhe;  
Kuṭajaṃ bimbajālañca, pupphitaṃ loddapadmakaṃ [lomapaddhakaṃ (sī. pī.)];  
Surabhiṃ sampavāyante, na rajjassa sarissasi.

1743: ‘Yadā hemantike māse, vanaṃ dakkhisi pupphitaṃ;  
Opupphāni ca padmāni, na rajjassa sarissasi’.

Hemavantaṃ nāma.

### Dānakaṇḍaṃ

1744: ‘Tesaṃ lālappitaṃ sutvā, puttassa suṇisāya ca;  
Kalunaṃ [karuṇaṃ (sī. pī.), kalūnaṃ (syā. ka.)] paridevesi, rājaputtī yasassinī.

1745: ‘Seyyo viṣaṃ me khāyitaṃ, papātā papateyyahaṃ;  
Rajjuyā bajjha miyyāhaṃ, kasmā vessantaraṃ puttaṃ;  
Pabbājenti adūsakaṃ.

1746: ‘Ajjhāyakaṃ dānapatiṃ, yācayogaṃ amacchariṃ;  
Pūjitaṃ paṭirājūhi, kittimantaṃ yasassinaṃ;  
Kasmā vessantaraṃ puttaṃ, pabbājenti adūsakaṃ.

1747: ‘Mātāpettibharaṃ jantaṃ, kule jeṭṭhāpacāyikaṃ;  
Kasmā vessantaraṃ puttaṃ, pabbājenti adūsakaṃ.

1748: ‘Rañño hitaṃ devihitaṃ, ñātīnaṃ sakhinaṃ hitaṃ;  
Hitāṃ sabbassa raṭṭhassa, kasmā vessantaraṃ puttaṃ;  
Pabbājenti adūsakaṃ.

1749: ‘Madhūniva palātāni, ambāva patitā chamā;  
Evaṃ hessati te raṭṭhaṃ, pabbājenti adūsakaṃ.

1750: ‘Haṃso nikhīṇapattova, pallalasmaṃ anūdake;  
Apaviṭṭho amaccehi, eko rājā vihiyyasi.

- 1751: ‘Taṃ taṃ brūmi mahārāja, attho te mā upaccagā;  
Mā naṃ sivīnaṃ vacanā, pabbājesi adūsakaṃ’.
- 1752: ‘Dhammassāpacitiṃ kummi, sivīnaṃ vinayaṃ dhajaṃ;  
Pabbājemi sakaṃ puttaṃ, pāṇā piyataro hi me’.
- 1753: ‘Yassa pubbe dhajaggāni, kaṇikārāva pupphitā;  
Yāyantamanuyāyanti, svajjekova gamissati.
- 1754: ‘Yassa pubbe dhajaggāni, kaṇikāraṇāniva;  
Yāyantamanuyāyanti, svajjekova gamissati.
- 1755: ‘Yassa pubbe anīkāni, kaṇikārāva pupphitā;  
Yāyantamanuyāyanti, svajjekova gamissati.
- 1756: ‘Yassa pubbe anīkāni, kaṇikāraṇāniva;  
Yāyantamanuyāyanti, svajjekova gamissati.
- 1757: ‘Indagopakavaṇṇābhā, gandhārā paṇḍukambalā;  
Yāyantamanuyāyanti, svajjekova gamissati.
- 1758: ‘Yo pubbe hatthinā yāti, sivikāya rathena ca;  
Svajja vessantaro rājā, kathaṃ gacchati pattiko.
- 1759: ‘Kathaṃ candanalittaṅgo, naccagītappabodhano;  
Khurājinaṃ pharasuṅca, khārikājaṅca hāhiti [[hāriti \(syā. ka.\)](#)].
- 1760: ‘Kasmā nābhiharissanti, kāsāva ajināni ca;  
Pavisantaṃ brahāraṇṇaṃ, kasmā cīraṃ na bajjhare.
- 1761: ‘Kathaṃ nu cīraṃ dhārenti, rājapabbājītā janā;  
Kathaṃ kusamayaṃ cīraṃ, maddī paridahissati.
- 1762: ‘Kāsiyāni ca dhāretvā, khomakoṭumbarāni ca;  
Kusacīrāni dhārentī, kathaṃ maddī karissati.
- 1763: ‘Vayhāhi pariyāyitvā, sivikāya rathena ca;  
Sā kathajja anujjhaṅgī, pathaṃ gacchati pattikā.
- 1764: ‘Yassā mudutalā hatthā, caraṇā ca sukhedhitā;  
Sā kathajja anujjhaṅgī, pathaṃ gacchati pattikā.
- 1765: ‘Yassā mudutalā pādā, caraṇā ca sukhedhitā;  
Pādukāhi suvaṇṇāhi, pīlamānāva gacchati;  
Sā kathajja anujjhaṅgī, pathaṃ gacchati pattikā.
- 1766: ‘Yāssu itthisahassānaṃ, purato gacchati mālinī;  
Sā kathajja anujjhaṅgī, vanaṃ gacchati ekikā.
- 1767: ‘Yāssu sivāya sutvāna, muhuṃ uttasate pure;  
Sā kathajja anujjhaṅgī, vanaṃ gacchati bhīrukā.

- 1768: ‘Yāssu indasagottassa, ulūkassa pavassato;  
Sutvāna nadato bhītā, vāruṇīva pavedhati;  
Sā kathajja anujjhaṅgī, vanaṃ gacchati bhīrukā.
- 1769: ‘Sakuṇī hataputtāva, suññaṃ disvā kulāvakaṃ;  
Ciraṃ dukkhena jhāyissaṃ, suññaṃ āgammimaṃ puraṃ.
- 1770: ‘Sakuṇī hataputtāva, suññaṃ disvā kulāvakaṃ;  
Kisā paṇḍu bhavissāmi, piye putte apassatī.
- 1771: ‘Sakuṇī hataputtāva, suññaṃ disvā kulāvakaṃ;  
Tena tena padhāvissaṃ, piye putte apassatī.
- 1772: ‘Kurarī [kururī (syā. ka.)] hatachāpāva, suññaṃ disvā kulāvakaṃ;  
Ciraṃ dukkhena jhāyissaṃ, suññaṃ āgammimaṃ puraṃ.
- 1773: ‘Kurarī hatachāpāva, suññaṃ disvā kulāvakaṃ;  
Kisā paṇḍu bhavissāmi, piye putte apassatī.
- 1774: ‘Kurarī hatachāpāva, suññaṃ disvā kulāvakaṃ;  
Tena tena padhāvissaṃ, piye putte apassatī.
- 1775: ‘Sā nūna cakkavākīva, pallalasmaṃ anūdake;  
Ciraṃ dukkhena jhāyissaṃ, suññaṃ āgammimaṃ puraṃ.
- 1776: ‘Sā nūna cakkavākīva, pallalasmaṃ anūdake;  
Kisā paṇḍu bhavissāmi, piye putte apassatī.
- 1777: ‘Sā nūna cakkavākīva, pallalasmaṃ anūdake;  
Tena tena padhāvissaṃ, piye putte apassatī.
- 1778: ‘Evaṃ me vilapantiyā, rājā puttaṃ adūsakaṃ;  
Pabbājesī vanaṃ raṭṭhā, maññe hissāmi jīvitaṃ’.
- 1779: ‘Tassā lālappitaṃ sutvā, sabbā antepure bahū [ahu (syā. ka.)];  
Bāhā paggayha pakkandūṃ, sivikaññā samāgatā.
- 1780: ‘Sālāva sampamathitā, mālutena pamadditā;  
Senti puttā ca dārā ca, vessantaranivesane.
- 1781: ‘Orodhā ca kumārā ca, vesiyānā ca brāhmaṇā;  
Bāhā paggayha pakkandūṃ, vessantaranivesane.
- 1782: ‘Hatthārohā anīkaṭṭhā, rathikā pattikārakā;  
Bāhā paggayha pakkandūṃ, vessantaranivesane.
- 1783: ‘Tato ratyā vivasāne, sūriyassuggamaṃ pati;  
Atha vessantaro rājā, dānaṃ dātuṃ upāgami.
- 1784: ‘Vatthāni vatthakāmānaṃ, soṇḍānaṃ detha vāruṇiṃ;  
Bhojanaṃ bhojanatthīnaṃ, sammadeva paveccatha.



- 1785: ‘Mā ca kiñci vanibbake, heṭṭhayittha idhāgate;  
Tappetha annapānena, gacchantu paṭipūjītā.
- 1786: ‘Atheṭṭha vattatī saddo, tumulo bheravo mahā;  
Dānena taṃ nīharanti, puna dānaṃ adā tuvaṃ [ayaṃ gāthā sī. syā. pī. potthakesu na dissati].
- 1787: ‘Tesu mattā kilantāva, sampatanti vanibbakā;  
Nikkhamante mahārāje, sivīnaṃ raṭṭhavaḍḍhane.
- 1788: ‘Acceccchuṃ vata bho rukkhaṃ, nānāphaladharaṃ dumaṃ;  
Yathā vessantaraṃ raṭṭhā, pabbājenti adūsakaṃ.
- 1789: ‘Acceccchuṃ vata bho rukkhaṃ, sabbakāmadadaṃ dumaṃ;  
Yathā vessantaraṃ raṭṭhā, pabbājenti adūsakaṃ.
- 1790: ‘Acceccchuṃ vata bho rukkhaṃ, sabbakāmarasāharaṃ;  
Yathā vessantaraṃ raṭṭhā, pabbājenti adūsakaṃ.
- 1791: ‘Ye vuḍḍhā ye ca daharā, ye ca majjhimaporisā;  
Bāhā paggayha pakkandūṃ, nikkhamante mahārāje;  
Sivīnaṃ raṭṭhavaḍḍhane.
- 1792: ‘Atiyakkhā vassavarā, itthāgārā ca rājino;  
Bāhā paggayha pakkandūṃ, nikkhamante mahārāje;  
Sivīnaṃ raṭṭhavaḍḍhane.
- 1793: ‘Thiyopi tattha pakkandūṃ, yā tamhi nagare ahu;  
Nikkhamante mahārāje, sivīnaṃ raṭṭhavaḍḍhane.
- 1794: ‘Ye brāhmaṇā ye ca samaṇā, aññe vāpi vanibbakā;  
Bāhā paggayha pakkandūṃ, adhammo kira bho iti.
- 1795: ‘Yathā vessantaro rājā, yajamāno sake pure;  
Sivīnaṃ vacanatthena, samhā raṭṭhā nirajjati.
- 1796: ‘Satta hatthisate datvā, sabbālaṅkārahūsīte;  
Suvaṇṇakacche mātaṅge, hemakappanavāsase.
- 1797: ‘Ārūḷhe gāmaṇīyehi, tomaraṅkusapāṇibhi;  
Esa vessantaro rājā, samhā raṭṭhā nirajjati.
- 1798: ‘Satta assasate datvā, sabbālaṅkārahūsīte;  
Ājānīyeva jātiyā, sindhave sīghavāhane.
- 1799: ‘Ārūḷhe gāmaṇīyehi, illiyācāpadhāribhi;  
Esa vessantaro rājā, samhā raṭṭhā nirajjati.
- 1800: ‘Satta rathasate datvā, sannaddhe ussitaddhaje;  
Dīpe athopi veyagghe, sabbālaṅkārahūsīte.
- 1801: ‘Ārūḷhe gāmaṇīyehi, cāpahatthehi vammibhi;  
Esa vessantaro rājā, samhā raṭṭhā nirajjati.

- 1802:** ‘Satta itthisate datvā, ekamekā rathe ʘhitā;  
Sannaddhā nikkharajjūhi, suvaṇṇehi alaṅkatā.
- 1803:** ‘Pītālāṅkāṛā pītavasanā, pītābharaṇavibhūsitā;  
Aḷārapamhā hasulā, susaṅṅā tanumajjhimā;  
Esa vessantaro rājā, samhā raṭṭhā nirajjati.
- 1804:** ‘Satta dhenusate datvā, sabbā kaṃsupadhāraṇā [kusumadhārine (ka.)];  
Esa vessantaro rājā, samhā raṭṭhā nirajjati.
- 1805:** ‘Satta dāsisate datvā, satta dāsatāni ca;  
Esa vessantaro rājā, samhā raṭṭhā nirajjati.
- 1806:** ‘Hatthī assarathe [asse rathe (syā.)] datvā, nāriyo ca alaṅkatā;  
Esa vessantaro rājā, samhā raṭṭhā nirajjati.
- 1807:** ‘Tadāsi yaṃ bhīṃsanakaṃ, tadāsi lomahaṃsanam;  
Mahādāne padinnamhi, medanī sampakampatha.
- 1808:** ‘Tadāsi yaṃ bhīṃsanakaṃ, tadāsi lomahaṃsanam;  
Yaṃ pañjalikato rājā, samhā raṭṭhā nirajjati.
- 1809:** ‘Athettha vattatī saddo, tumulo bheravo mahā;  
Dānena taṃ nīharanti, puna dānaṃ adā tuvaṃ.
- 1810:** ‘Tesu mattā kilantāva, sampatanti vanibbakā;  
Nikkhamante mahārāje, sivīnaṃ raṭṭhavaḍḍhane’.
- 1811:** ‘Āmantayittha rājānaṃ, saṅjayam dhamminam varam [dhammikamvaram (syā. ka.)];  
Avaruddhasi maṃ deva, vaṅkaṃ gacchāmi pabbataṃ.
- 1812:** ‘Ye hi keci mahārāja, bhūtā ye ca bhavissare;  
Atittāyeva kāmehi, gacchanti yamasādhanam.
- 1813:** ‘Svāham sake abhissasiṃ, yajamāno sake pure;  
Sivīnaṃ vacanatthena, samhā raṭṭhā nirajjati.
- 1814:** ‘Agham taṃ paṭisevissam, vane vāḷamigākiṇṇe;  
Khaggadīpinisevite, aham puñṅāni karomi;  
Tumhe paṅkamhi sīdatha’.
- 1815:** ‘Anujānāhi maṃ amma, pabbajjā mama ruccati;  
Svāham sake abhissasiṃ, yajamāno sake pure;  
Sivīnaṃ vacanatthena, samhā raṭṭhā nirajjati.
- 1816:** ‘Agham taṃ paṭisevissam, vane vāḷamigākiṇṇe;  
Khaggadīpinisevite, aham puñṅāni karomi;  
  
Tumhe paṅkamhi sīdatha [vaṅkaṃ gacchāmi pabbataṃ (ka.)].
- 1817:** ‘Anujānāmi taṃ putta, pabbajjā te samijjhatu;  
Ayaṅca maddī kalyāṇī, susaṅṅā tanumajjhimā;

Acchatam saha puttehi, kiṃ araññe karissati”.

**1818:**“Nāhaṃ akāmā dāsimpi, araññaṃ netumussahe;  
Sace icchati anvetu, sace nicchati acchatu”.

**1819:**“Tato suṇhaṃ mahārājā, yācituṃ paṭipajjatha;  
Mā candanasamācāre, rajojallaṃ adhārayi.

**1820:**“Mā kāsiyāni dhāretvā [[kāsiyāni ca dhāretvā \(ka.\)](#)], kusacīraṃ adhārayi;  
Dukkho vāso araññaṃhi, mā hi tvaṃ lakkhaṇe gami.

**1821:**“Tamabravi rājaputtī, maddī sabbaṅgasobhanā;  
Nāhaṃ taṃ sukhamiccheyyaṃ, yaṃ me vessantaraṃ vinā”.

**1822:**“Tamabravi mahārājā, sivīnaṃ raṭṭhavaḍḍhano;  
Iṅgha maddī nisāmeti, vane ye honti dussahā.

**1823:**“Bahū kīṭā paṭaṅgā ca, makasā madhumakkhikā;  
Tepi taṃ tattha himseyyūṃ, taṃ te dukkhataṃ siyā.

**1824:**“Apare passa santāpe, nadīnupanisevite;  
Sappā aḷaḷā nāma, avisā te mahabbalā.

**1825:**“Te manussaṃ migaṃ vāpi, api māsannamāgatam;  
Parikkhipivā bhogehi, vasamānenti attano.

**1826:**“Aññepi kaṇhajaṭṭino [[kaṇhajaṭṭilā \(ka.\)](#)], acchā nāma aghammigā;  
Na tehi puriso diṭṭho, rukkhamaṇṇya muccati.

**1827:**“Saṅghaṭṭayantā siṅgāni, tikkhaggātipphārinā [[tikkhaggāni pahārinā \(sī. syā.\)](#)];  
Mahimsā vicarantettha, nadiṃ sotumbaram pati.

**1828:**“Disvā migānaṃ yūthānaṃ, gavaṃ sañcaratam vane;  
Dhenuva vacchagiddhāva, kathaṃ maddi karissasi.

**1829:**“Disvā sampatite ghore, dumaggesu plavaṅgame;  
Akhetaññāya te maddi, bhavissate mahabbhayaṃ.

**1830:**“Yā tvaṃ sivāya sutvāna, muhuṃ uttasayī [[uttasase \(sī. syā. ka.\)](#)] pure;  
Sā tvaṃ vaṅkamanuppattā, kathaṃ maddi karissasi.

**1831:**“Ṭhite majjhanhike [[majjhantike \(sī. syā. pī.\)](#)] kāle, sannisnesu pakkhisu;  
Saṇateva brahāraññaṃ, tattha kiṃ gantumicchasi”.

**1832:**“Tamabravi rājaputtī, maddī sabbaṅgasobhanā;  
Yāni etāni akkhāsi, vane paṭibhayaṃ me;  
Sabbāni abhisambhossam, gacchaññeva rathesabha.

**1833:**“Kāsaṃ kusaṃ poṭakilaṃ, usiraṃ muñjapabbajam [[muñjababbajam \(sī.\)](#)];  
Urasā panudahissāmi, nassa hessāmi dunnayā.

**1834:**“Bahūhi vata cariyāhi, kumārī vindate paṭiṃ;

Udarassuparodhena, gohanuvethanena ca.

- 1835:** ‘Aggissa pāricariyāya, udakummuñjanena ca;  
Vedhabyaṃ [vedhabbaṃ (sī. pī.)] kaṭukaṃ loke, gacchaññeva rathesabha.
- 1836:** ‘Apissā hoti appatto, ucchiṭṭhamapi bhuñjituṃ;  
Yo naṃ hatthe gahetvāna, akāmaṃ parikaḍḍhati;  
Vedhabyaṃ kaṭukaṃ loke, gacchaññeva rathesabha.
- 1837:** ‘Kesaggahaṇamukkhepā, bhūmyā ca parisumbhanā;  
Datvā ca nopakkamati, bahudukkhaṃ anappakaṃ;  
Vedhabyaṃ kaṭukaṃ loke, gacchaññeva rathesabha.
- 1838:** ‘Sukacchavī vedhaverā, datvā subhagamānino;  
Akāmaṃ parikaḍḍhanti, ulūkaññeva vāyasā;  
Vedhabyaṃ kaṭukaṃ loke, gacchaññeva rathesabha.
- 1839:** ‘Api ñātikule phīte, kaṃsapajjotane vasaṃ;  
Nevābhivākyāṃ na labhe, bhātūhi sakhinīhi [sakhikāhi ca (sī. pī.)];  
Vedhabyaṃ kaṭukaṃ loke, gacchaññeva rathesabha.
- 1840:** ‘Naggā nadī anūdakā, naggāṃ raṭṭhaṃ arājakaṃ;  
Itthīpi vidhavā naggā, yassāpi dasa bhātaro;  
Vedhabyaṃ kaṭukaṃ loke, gacchaññeva rathesabha.
- 1841:** ‘Dhajo rathassa paññāṇaṃ, dhūmo paññāṇamaggino;  
Rājā rathassa paññāṇaṃ, bhattā paññāṇamitthiyā;  
Vedhabyaṃ kaṭukaṃ loke, gacchaññeva rathesabha.
- 1842:** ‘Yā daliddī daliddassa, aḍḍhā aḍḍhassa kittimaṃ;  
Taṃ ve devā pasamsanti, dukkarañhi karoti sā.
- 1843:** ‘Sāmikaṃ anubandhissaṃ, sadā kāsāyavāsini;  
Pathabyāpi abhijjantyā [abhejjantyā (sī. pī.)], vedhabyaṃ kaṭukitthiyā.
- 1844:** ‘Api sāgarapariyantaṃ, bahuvittadharaṃ mahiṃ;  
Nānāratanaṃ paripūraṃ, nicche vessantaraṃ vinā.
- 1845:** ‘Kathaṃ nu tāsāṃ hadayaṃ, sukharā vata itthiyo;  
Yā sāmike dukkhitamhi, sukhamicchanti attano.
- 1846:** ‘Nikkhamante mahārāje, sivīnaṃ raṭṭhavaḍḍhane;  
Tamahaṃ anubandhissaṃ, sabbakāmadado hi me’’.
- 1847:** ‘Tamabravi mahārājā, maddiṃ sabbaṅgasobhanaṃ;  
Ime te daharā puttā, jālī kaṇhājīnā cubho;  
Nikkhippa lakkhaṇe gaccha, mayaṃ te posayāmasa’’ [posiyāmase (sī. pī. ka.)].
- 1848:** ‘Tamabravi rājaputtī, maddī sabbaṅgasobhanā;  
Piyā me puttakā deva, jālī kaṇhājīnā cubho;  
Tyamaṃ tattha ramessanti, araññe jīvasokinaṃ’’.

- 1849: ‘Tamabravi mahārājā, sivīnaṃ raṭṭhavaḍḍhano;  
Sālīnaṃ odanaṃ bhutvā, suciṃ maṃsūpasecanaṃ;  
Rukkhaphalāni bhuñjantā, kathaṃ kāhanti dārakā.
- 1850: ‘Bhutvā satapale kaṃse, sovaṇṇe satarājike;  
Rukkhapattesu bhuñjantā, kathaṃ kāhanti dārakā.
- 1851: ‘Kāsiyāni ca dhāretvā, khomakoṭumbarāni ca;  
Kusacīrāni dhārentā, kathaṃ kāhanti dārakā.
- 1852: ‘Vayhāhi pariyāyivā, siviḱāya rathena ca;  
Pattikā paridhāvanta, kathaṃ kāhanti dārakā.
- 1853: ‘Kūṭāgāre sayitvāna, nivāte phusitaggale;  
Sayantā rukkhāmūlasmim, kathaṃ kāhanti dārakā.
- 1854: ‘Pallaṅkesu sayitvāna, gonake cittasanthate;  
Sayantā tiṇasanthāre, kathaṃ kāhanti dārakā.
- 1855: ‘Gandhakena vilimpitvā, agarucandanena ca;  
Rajojallāni dhārentā, kathaṃ kāhanti dārakā.
- 1856: ‘Cāmaramorahatthehi, bījitaṅgā sukhedhitā [sukhe thitā (syā. pī.)];  
Phuṭṭhā ḍaṃsehi makasehi, kathaṃ kāhanti dārakā’.
- 1857: ‘Tamabravi rājaputtī, maddī sabbaṅgasobhanā;  
Mā deva paridevesi, mā ca tvaṃ vimano ahu;  
Yathā mayaṃ bhavissāma, tathā hessanti dārakā.
- 1858: ‘Idaṃ vatvāna pakkāmi, maddī sabbaṅgasobhanā;  
Sivimaggena anvesi, putte ādāya lakkhaṇā’.
- 1859: Tāto vessantaro rājā, dānaṃ datvāna khattiyō;  
Pitu mātu ca vanditvā, katvā ca naṃ padakkhiṇaṃ.
- 1860: Catuvāhiṃ rathaṃ yuttaṃ, sīghamāruyha sandanaṃ;  
Ādāya puttadāraṇca, vaṅkaṃ pāyāsi pabbataṃ.
- 1861: Tāto vessantaro rājā, yenāsi bahuko jano;  
‘Āmanta kho taṃ gacchāma, arogā hontu ñātayo’.
- 1862: ‘Ingha maddi nisāmehi, rammarūpaṃva dissati;  
Āvāsaṃ siviseṭṭhassa, pettikaṃ bhavanaṃ mama’.
- 1863: ‘Taṃ brāhmaṇā anvagamū, te naṃ asse ayācisū;  
Yācito paṭipādesi, catunnaṃ caturo haye’.
- 1864: ‘Ingha maddi nisāmehi, cittarūpaṃva dissati;  
Migarohiccavaṇṇena, dakkhiṇassā vahanti maṃ’.
- 1865: ‘Athettha pañcama āgā, so taṃ rathamayācatha;  
Tassa taṃ yācitodāsi, na cassupahato mano.

**1866:** ‘‘Tato vessantaro rājā, oropetvā [otāretvā (ka.)] sakam janam;  
Assāsayi assaratham, brāhmaṇassa dhanesino’’.

**1867:** ‘‘Tvaṃ maddi kaṇham gaṇhāhi, lahu esā kaniṭṭhikā;  
Aham jāliṃ gahessāmi, garuko bhātiko hi so’’.

**1868:** ‘‘Rājā kumāramādāya, rājaputtī ca dārikam;  
Sammōdamānā pakkāmuṃ, aññaṃaññaṃ piyaṃvadā’’.

Dānakaṇḍam nāma.

### Vanapavesanam

**1869:** ‘‘Yadi keci manujā enti, anumagge paṭipathe;  
Maggam te paṭipucchāma, kuhiṃ vaṅkatapabbato.

**1870:** ‘‘Te tattha amhe passitvā, kalunam paridevayum;  
Dukkham te paṭivedenti, dūre vaṅkatapabbato’’.

**1871:** ‘‘Yadi passanti pavane, dārakā phaline [phalite (sī. syā. pī.)] dume;  
Tesaṃ phalānam hetumhi, uparodanti dārakā.

**1872:** ‘‘Rodante dārake disvā, ubbidhā [ubbiggā (sī. syā. pī.)] vipulā dumā;  
Sayamevonamitvāna, upagacchanti dārake.

**1873:** ‘‘Idam accherakam disvā, abbhutam lomahaṃsanam;  
Sādhukāram pavattesi, maddī sabbaṅgasobhanā.

**1874:** ‘‘Accheram vata lokasmiṃ, abbhutam lomahaṃsanam;  
Vessantarassa tejena, sayamevonatā dumā’’.

**1875:** ‘‘Saṅkhipiṃsu patham yakkhā, anukampāya dārake;  
Nikkhantadivaseneva, cetaṛaṭṭham upāgamum’’.

**1876:** ‘‘Te gantvā dīghamaddhānam, cetaṛaṭṭham upāgamum;  
Iddham phītam janapadam, bahumaṃsasurodanam’’.

**1877:** ‘‘Cetiyo parivāriṃsu, disvā lakkhaṇamāgatam;  
Sukhumālī vata ayyā, pattikā paridhāvati.

**1878:** ‘‘Vayhāhi pariyāyitvā, siviḱāya rathena ca;  
Sājja maddī araṇṇasmiṃ, pattikā paridhāvati’’.

**1879:** ‘‘Tam disvā cetaṇāpāmoḱkhā, rodamānā upāgamum;  
Kacci nu deva kusalam, kacci deva anāmayam;  
Kacci pitā arogo te, siviṇaṇca anāmayam.

**1880:** ‘‘Ko te balam mahārāja, ko nu te rathamaṇḍalam;  
Anassako arathako, dīghamaddhānamāgato;  
Kaccāmittehi pakato, anuppattosimam disam’’.

**1881:** ‘‘Kusalañceva me samma, atho samma anāmayam;

Atho pitā arogo me, sivīnañca anāmayam.

- 1882:** ‘Ahañhi kuñjaram dajjam, īsādantaṃ urūlhavaṃ;  
Khettaññiṃ sabbayuddhānaṃ, sabbasetam gajuttamaṃ.
- 1883:** ‘Paṇḍukambalasañchannaṃ, pabhinnaṃ sattumaddanaṃ;  
Dantiṃ savāḷabījanim, setam kelāsasādisaṃ.
- 1884:** ‘Sasetacchattaṃ saupādheyyaṃ, sāthappanaṃ sahatthipaṃ;  
Aggayānaṃ rājavāhiṃ, brāhmaṇānaṃ adāsahaṃ.
- 1885:** ‘Tasmiṃ me sivayo kuddhā, pitā cupahatomano;  
Avaruddhasi maṃ rājā, vaṅkaṃ gacchāmi pabbataṃ;  
Okāsaṃ sammā jānātha, vane yattha vasāmase’.
- 1886:** ‘Svāgataṃ te mahārāja, atho te adurāgataṃ;  
Issarosi anuppatto, yaṃ idhatthi pavedaya.
- 1887:** ‘Sākaṃ bhisam madhuṃ maṃsaṃ, suddham sālinamodanaṃ;  
Paribhuñja mahārāja, pāhuno nosi āgato’.
- 1888:** ‘Paṭiggahitaṃ yaṃ dinnam, sabbassa agghiyam kataṃ;  
Avaruddhasi maṃ rājā, vaṅkaṃ gacchāmi pabbataṃ;  
Okāsaṃ sammā jānātha, vane yattha vasāmase’.
- 1889:** ‘Idheva tāva acchassu, cetaṃ rathesabha;  
Yāva cetā gamissanti, rañño santika yācituṃ.
- 1890:** ‘Nijjhāpetuṃ mahārājaṃ, sivīnaṃ raṭṭhavaḍḍhanaṃ;  
Taṃ taṃ cetā purakkhatvā, paṭītā laddhapaccayā;  
Parivāretvāna gacchanti, evaṃ jānāhi khattiya’.
- 1891:** ‘Mā vo ruccittha gamanaṃ, rañño santika yācituṃ;  
Nijjhāpetuṃ mahārājaṃ, rājāpi tattha nissaro.
- 1892:** ‘Accuggatā hi sivayo, balaggā negamā ca ye;  
Te vidhamsetumicchanti, rājānaṃ mama kāraṇā’.
- 1893:** ‘Sace esā pavattettha, raṭṭhasmiṃ raṭṭhavaḍḍhana;  
Idheva rajjaṃ kārehi, cetehi parivārīto.
- 1894:** ‘Iddham phītañcidaṃ raṭṭhaṃ, iddho janapado mahā;  
Matim karohi tvaṃ deva, rajjassa manusāsituṃ’.
- 1895:** ‘Na me chando mati atthi, rajjassa anusāsituṃ;  
Pabbājitassa raṭṭhasmā, cetaputtā suṇātha me.
- 1896:** ‘Atuṭṭhā sivayo āsuṃ, balaggā negamā ca ye;  
Pabbājitassa raṭṭhasmā, cetā rajjebhisecayum.
- 1897:** ‘Asammodiyampi vo assa, accantaṃ mama kāraṇā;  
Sivīhi bhaṇḍanañcāpi, viggaho me na ruccati.

- 1898:** ‘Athassa bhaṇḍanaṃ ghoram, sampahāro anappako;  
Ekassa kāraṇā mayham, hiṃseyya bahuko jano.
- 1899:** ‘Paṭiggahitaṃ yaṃ dinnam, sabbassa agghiyam kataṃ;  
Avaruddhasi maṃ rājā, vaṅkaṃ gacchāmi pabbataṃ;  
Okāsam sammā jānātha, vane yattha vasāmasē’.
- 1900:** ‘Taggha te mayamakkhāma, yathāpi kusalā tathā;  
Rājīsī yattha sammanti, āhutaggī samāhitā.
- 1901:** ‘Esa selo mahārāja, pabbato gandhamādano;  
Yattha tvaṃ saha puttehi, saha bhariyāya cacchasi.
- 1902:** ‘Taṃ cetā anusāsimsu, assunettā rudaṃmukhā;  
Ito gaccha mahārāja, ujum yenuttarā mukho.
- 1903:** ‘Atha dakkhisi bhaddante, vepullaṃ nāma pabbataṃ;  
Nānādumagaṇākiṇṇam, sītacchāyaṃ manoramaṃ.
- 1904:** ‘Tamatikkamma bhaddante, atha dakkhisi āpagaṃ;  
Nadiṃ ketumatiṃ nāma, gambhīraṃ girigabbharaṃ.
- 1905:** ‘Puthulomamacchākiṇṇam, supatitthaṃ mahodakaṃ;  
Tattha nhatvā pivitvā ca, assāsetvā saputtake.
- 1906:** ‘Atha dakkhisi bhaddante, nigrodham madhupipphalaṃ;  
Rammake sikhare jātaṃ, sītacchāyaṃ manoramaṃ.
- 1907:** ‘Atha dakkhisi bhaddante, nāḷikaṃ nāma pabbataṃ;  
Nānādiḷḷagaṇākiṇṇam, selaṃ kimpurisāyutaṃ.
- 1908:** ‘Tassa uttarapubbena, mucalīndo nāma so saro;  
Puṇḍarīkehi sañchanno, setasogandhikehi ca.
- 1909:** ‘So vanaṃ meghasaṅkāsaṃ, dhuvaṃ haritasaddalaṃ;  
Sīhovāmisapekkhīva vanasaṇḍaṃ vigāhaya;  
Puppharukkhehi sañchannaṃ, phalarukkhehi cūbhayaṃ.
- 1910:** ‘Tattha bindussarā vaggū, nānāvaṇṇā bahū dijā;  
Kūjantamupakūjanti, utusaṃpupphite dume.
- 1911:** ‘Gantvā girividuggānaṃ, nadīnaṃ pabhavāni ca;  
So addasa [dakkhasi (sī. pī.)] pokkharaniṃ, karaṇjakakudhāyutaṃ.
- 1912:** ‘Puthulomamacchākiṇṇam, supatitthaṃ mahodakaṃ;  
Samañca caturaṃsañca, sādum appaṭigandhiyaṃ.
- 1913:** ‘Tassā uttarapubbena, paṇṇasālaṃ amāpaya;  
Paṇṇasālaṃ amāpetvā, uñchācariyāya ṭhatha’.

Vanapavesanaṃ nāma.



## Jūjakapabbam

- 1914:** ‘Ahu vāsī kalīngesu, jūjako nāma brāhmaṇo;  
Tassāsi daharā bhariyā, nāmenāmittatāpanā.
- 1915:** ‘Tā naṃ tattha gatāvocaṃ, nadiṃ udakahāriyā;  
Thiyo naṃ paribhāsiṃsu, samāgantvā kutūhalā.
- 1916:** ‘Amitā nūna te mātā, amitto nūna te pitā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1917:** ‘Ahitā vata te ñātī, mantayīṃsu rahogaṭā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1918:** ‘Amitā vata te ñātī, mantayīṃsu rahogaṭā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1919:** ‘Dukkaṭaṃ vata te ñātī, mantayīṃsu rahogaṭā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1920:** ‘Pāpakaṃ vata te ñātī, mantayīṃsu rahogaṭā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1921:** ‘Amanāpaṃ vata te ñātī, mantayīṃsu rahogaṭā;  
Ye taṃ jīṇṇassa pādaṃsu, evaṃ dahariyaṃ satīṃ.
- 1922:** ‘Amanāpavāsaṃ vasi, jīṇṇena patinā saha [[evaṃ dahariyā satī \(sī. pī.\)](#)];  
Yā tvaṃ vasasi jīṇṇassa, mataṃ te jīvitā varam.
- 1923:** ‘Na hi nūna tuyhaṃ kalyāṇi, pitā mātā ca sobhane;  
Aññaṃ bhattāraṃ vindiṃsu, ye taṃ jīṇṇassa pādaṃsu;  
Evaṃ dahariyaṃ satīṃ.
- 1924:** ‘Duyiṭṭhaṃ te navamiyaṃ, akataṃ aggihuttakaṃ;  
Ye taṃ jīṇṇassa pādaṃsu, evaṃ dahariyaṃ satīṃ.
- 1925:** ‘Samaṇe brāhmaṇe nūna, brāhmaṇacariyaparāyaṇe;  
Sā tvaṃ loke abhisapi, sīlavante bahussute;  
Yā tvaṃ vasasi jīṇṇassa, evaṃ dahariyā satī.
- 1926:** ‘Na dukkhaṃ ahinā daṭṭhaṃ, na dukkhaṃ sattiyā hatāṃ;  
Taṅca dukkhaṅca tibbaṅca, yaṃ passe jīṇṇakaṃ patīṃ.
- 1927:** ‘Natthi khiḍḍā natthi rati, jīṇṇena patinā saha;  
Natthi allāpasallāpo, jagghitumpi [[jagghitampi \(sī. pī.\)](#)] na sobhati.
- 1928:** ‘Yadā ca daharo daharā, mantayanti [[mantayīṃsu \(syā. ka.\)](#)] rahogaṭā;  
Sabbesaṃ sokā nassanti, ye keci hadayassitā.
- 1929:** ‘Daharā tvaṃ rūpavatī, purisānaṃbhipatthitā;  
Gaccha ñātikule accha, kiṃ jīṇṇo ramayissati’”.

- 1930: ‘Na te brāhmaṇa gacchāmi, nadiṃ udakahāriyā;  
Thiyo maṃ paribhāsanti, tayā jiṇṇena brāhmaṇa’.
- 1931: ‘Mā me tvaṃ akarā kammaṃ, mā me udakamāhari;  
Ahaṃ udakamāhissaṃ, mā bhoti kupitā ahu’.
- 1932: ‘Nāhaṃ tamhi kule jātā, yaṃ tvaṃ udakamāhare;  
Evaṃ brāhmaṇa jānāhi, na te vacchāmahaṃ ghare.
- 1933: ‘Sace me dāsaṃ dāsiṃ vā, nānayissasi brāhmaṇa;  
Evaṃ brāhmaṇa jānāhi, na te vacchāmi santike’.
- 1934: ‘Natthi me sippaṭṭhānaṃ vā, dhanaṃ dhaññaṅca brāhmaṇi;  
Kutohaṃ dāsaṃ dāsiṃ vā, ānayissāmi bhotiyā;  
Ahaṃ bhotiṃ upaṭṭhissaṃ, mā bhoti kupitā ahu’.
- 1935: ‘Ehi te ahamakkhissaṃ, yathā me vacanaṃ sutama;  
Esa vessantaro rājā, vaṅke vasati pabbate.
- 1936: ‘Taṃ tvaṃ gantvāna yācassu, dāsaṃ dāsiṅca brāhmaṇa;  
So te dassati yācito, dāsaṃ dāsiṅca khattiyo’.
- 1937: ‘Jiṇṇohamasmi dubbalo [abalo (sī. pī. ka.)], dīgho caddhā suduggamo;  
Mā bhoti paṭidevesi, mā ca tvaṃ [mā bhoti (syā. ka.)] vimanā ahu;  
Ahaṃ bhotiṃ upaṭṭhissaṃ, mā bhoti kupitā ahu’.
- 1938: ‘Yathā agantvā saṅgāmaṃ, ayuddhova parājito;  
Evameva tvaṃ brahme, agantvāva parājito.
- 1939: ‘Sace me dāsaṃ dāsiṃ vā, nānayissasi brāhmaṇa;  
Evaṃ brāhmaṇa jānāhi, na te vacchāmahaṃ ghare;  
Amanāpaṃ te karissāmi, taṃ te dukkhaṃ bhavissati.
- 1940: ‘Nakkhatte utupubbesu, yadā maṃ dakkhisilaṅkataṃ;  
Aññehi saddhiṃ ramamānaṃ, taṃ te dukkhaṃ bhavissati.
- 1941: ‘Adassanena mayhaṃ te, jiṇṇassa paridevato;  
Bhiyyo vaṅkā ca palitā, bahū hessanti brāhmaṇa’.
- 1942: ‘Tato so brāhmaṇo bhīto, brāhmaṇiyā vasānugo;  
Aṭṭito kāmarāgena, brāhmaṇiṃ etadabravi’.
- 1943: ‘Pātheyyaṃ me karohi tvaṃ, saṃkulyā saguḷāni ca [saṅkulā saṅguḷāni ca (syā.), aṅguḷā  
sakalāni ca (ka.)];  
Madhupiṇḍikā ca sukatāyo, sattubhattaṅca brāhmaṇi.
- 1944: ‘Ānayissaṃ methunake, ubho dāsakumārake;  
Te taṃ paricarissanti, rattindivamatanditā’.
- 1945: ‘Idaṃ vatvā brahmabandhu, paṭimuñci upāhanā;  
Tato so mantayitvāna, bhariyaṃ katvā padakkhiṇaṃ.

- 1946: ‘Pakkāmi so ruṇṇamukho, brāhmaṇo sahitabbato;  
Sivīnaṃ nagaraṃ phītaṃ, dāsapariyesanaṃ caraṃ’.
- 1947: ‘So tatha gantvā avaca [avacāsi (syā. ka.)], ye tathāsuṃ samāgatā;  
Kuhīṃ vessantaro rājā, kattha passemu khattiyaṃ’.
- 1948: ‘Te janā taṃ avaciṃsu, ye tathāsuṃ samāgatā;  
Tumhehi brahme pakato, atidānena khattiyo;  
Pabbājito sakā raṭṭhā, vaṅke vasati pabbate.
- 1949: ‘Tumhehi brahme pakato, atidānena khattiyo;  
Ādāya puttadāraṅca, vaṅke vasati pabbate’.
- 1950: ‘So codito brāhmaṇiyā, brāhmaṇo kāmaggiddhimā;  
Aghaṃ taṃ paṭisevittha, vane vālamigākīṇṇe;  
Khaggadīpinisevite.
- 1951: ‘Ādāya beḷuvaṃ daṇḍaṃ, aggihuttaṃ kamaṇḍalaṃ;  
So pāvīsi brahāraṅṇaṃ, yattha assosi kāmadaṃ.
- 1952: ‘Taṃ pavīṭṭhaṃ brahāraṅṇaṃ, kokā naṃ parivārayuṃ;  
Vikkandi so vippanaṭṭho, dūre panthā apakkami.
- 1953: ‘Tato so brāhmaṇo gantvā, bhogaluddho asaṅṅato;  
Vaṅkassorohaṇe naṭṭhe, imā gāthā abhāsatha’.
- 1954: ‘Ko rājaputtaṃ nisabhaṃ, jayantamaparājitaṃ;  
Bhaye khemassa dātāraṃ, ko me vessantaraṃ vidū.
- 1955: ‘Yo yācataṃ patiṭṭhāsi, bhūtānaṃ dharaṇīriva;  
Dharaṇūpamaṃ mahārājaṃ, ko me vessantaraṃ vidū.
- 1956: ‘Yo yācataṃ gatī āsi, savantīnaṃva sāgaro;  
Sāgarūpamaṃ [udadhūpamaṃ (sī. syā. pī.), tathūpamaṃ (ka.)] mahārājaṃ, ko me vessantaraṃ  
vidū.
- 1957: ‘Kalyāṇatitthaṃ sucimaṃ, sītūdaṃ manoramaṃ;  
Puṇḍarīkehi saṅchannaṃ, yuttaṃ kiṅjakkhareṇunā;  
Rahadūpamaṃ [sarūpamaṃ (ka.)] mahārājaṃ, ko me vessantaraṃ vidū.
- 1958: ‘Assatthaṃva pathe jātaṃ, sītacchāyaṃ manoramaṃ;  
Santānaṃ visametāraṃ, kilantānaṃ paṭiggahaṃ;  
Tathūpamaṃ mahārājaṃ, ko me vessantaraṃ vidū.
- 1959: ‘Nigrodhaṃva pathe jātaṃ, sītacchāyaṃ manoramaṃ;  
Santānaṃ visametāraṃ, kilantānaṃ paṭiggahaṃ;  
Tathūpamaṃ mahārājaṃ, ko me vessantaraṃ vidū.
- 1960: ‘Ambaṃ iva pathe jātaṃ, sītacchāyaṃ manoramaṃ;  
Santānaṃ visametāraṃ, kilantānaṃ paṭiggahaṃ;  
Tathūpamaṃ mahārājaṃ, ko me vessantaraṃ vidū.

- 1961: ‘Sālaṃ iva pathe jātaṃ, sītacchāyaṃ manoramaṃ;  
Santānaṃ visametāraṃ, kilantānaṃ paṭiggahaṃ;  
Tathūpamaṃ mahārājaṃ, ko me vessantaraṃ vidū.
- 1962: ‘Dumaṃ iva pathe jātaṃ, sītacchāyaṃ manoramaṃ;  
Santānaṃ visametāraṃ, kilantānaṃ paṭiggahaṃ;  
Tathūpamaṃ mahārājaṃ, ko me vessantaraṃ vidū.
- 1963: ‘Evañca me vilapato, paviṭṭhassa brahāvane;  
Ahaṃ jānanti yo vajjā, nandiṃ so janaye mama.
- 1964: ‘Evañca me vilapato, paviṭṭhassa brahāvane;  
Ahaṃ jānanti yo vajjā, tāya so ekavācāya;  
Pasave puññaṃ anappakaṃ’.
- 1965: ‘Tassa ceto paṭissosi, araññe luddako caraṃ;  
Tumhehi brahme pakato, atidānena khattiyo;  
Pabbājito sakā raṭṭhā, vaṅke vasati pabbate.
- 1966: ‘Tumhehi brahme pakato, atidānena khattiyo;  
Ādāya puttadārañca, vaṅke vasati pabbate.
- 1967: ‘Akiccakārī dummedho, raṭṭhā pavanamāgato;  
Rājaputtaṃ gavesanto, bako macchamivodake.
- 1968: ‘Tassa tyāhaṃ na dassāmi, jīvitaṃ idha brāhmaṇa;  
Ayañhi te mayā nunno [mayā ruḷho (ka.)], saro pissati lohitaṃ.
- 1969: ‘Siro te vajjhayitvāna, hadayaṃ chetvā sabandhanaṃ;  
Panthasakuṇaṃ [bandhasakuṇaṃ (ka.)] yajissāmi, tuyhaṃ maṃsena brāhmaṇa.
- 1970: ‘Tuyhaṃ maṃsena medena, matthakena ca brāhmaṇa;  
Āhutiṃ paggahessāmi, chetvāna hadayaṃ tava.
- 1971: ‘Taṃ me suyitthaṃ suhutaṃ, tuyhaṃ maṃsena brāhmaṇa;  
Na ca tvaṃ rājaputtassa, bhariyaṃ putte ca nessasi’.
- 1972: ‘Avajjho brāhmaṇo dūto, cetaputta suṇohi me;  
Tasmā hi dūtaṃ na hanti, esa dhammo sanantano.
- 1973: ‘Nijjhataṃ sivayo sabbe, pitā naṃ daṭṭhumicchati;  
Mātā ca dubbalā tassa, acirā cakkhūni jīyare.
- 1974: ‘Tesāhaṃ pahito dūto, cetaputta suṇohi me;  
Rājaputtaṃ nayissāmi, yadi jānāsi saṃsa me.  
‘‘Piyassa me piyo dūto, puṇṇapattaṃ dadāmi te’’;
- 1975: ‘Imañca madhuno tumbaṃ, migasatthiñca brāhmaṇa;  
Tañca te desamakkhissaṃ, yattha sammata kāmado’’.

Jūjakapabbaṃ nāma.

### Cūḷavanavaṇṇanā

- 1976: ‘Esa selo mahābrahme, pabbato gandhamādano;  
Yattha vessantaro rājā, saha puttehi sammati.
- 1977: ‘Dhārento brāhmaṇavaṇṇaṃ, āsadañca [āsaṭaṅca (ka.)] masaṃ jaṭaṃ;  
Cammavāsī chamā seti, jātavedaṃ namassati.
- 1978: ‘Ete nīlā padissanti, nānāphaladharā dumā;  
Uggatā abbhakūṭāva, nīlā añjanapabbatā.
- 1979: ‘Dhavassakaṇṇā khadirā, sālā phandanamāluvā;  
Sampavedhanti vātena, sakiṃ pītāva māṇavā.
- 1980: ‘Upari dumapariyāyesu, saṅgītiyova suyare;  
Najjuhā kokilasaṅghā [kokilā siṅghā (ka.)], sampatanti dumā dumaṃ.
- 1981: ‘Avhayanteva gacchantaṃ, sākhāpattasamīritā;  
Ramayanteva āgantaṃ, modayanti nivāsinaṃ;  
Yattha vessantaro rājā, saha puttehi sammati.
- 1982: ‘Dhārento brāhmaṇavaṇṇaṃ, āsadañca masaṃ jaṭaṃ;  
Cammavāsī chamā seti, jātavedaṃ namassati.
- 1983: ‘Ambā kapitthā panasā, sālā jambū vibhītakā;  
Harītakī āmalakā, assatthā badarāni ca.
- 1984: ‘Cārutimbarukkhā cettha, nigrodhā ca kapitthanā;  
Madhumadhukā thevanti, nīce pakkā cudumbarā.
- 1985: ‘Pārevatā bhavyeyā ca, muddikā ca madhutthikā;  
Madhuṃ anelakaṃ tattha, sakamādāya bhuñjare.
- 1986: ‘Aññettha pupphitā ambā, aññe tiṭṭhanti dovilā;  
Aññe āmā ca pakkā ca, bhekavaṇṇā tadūbhayaṃ.
- 1987: ‘Atheṭṭha heṭṭhā puriso, ambapakkāni gaṇhati;  
Āmāni ceva pakkāni, vaṇṇagandharasuttame.
- 1988: ‘Ateva me acchariyaṃ, hiṅkāro paṭibhāti maṃ;  
Devānamiva āvāso, sobhati nandanūpamo.
- 1989: ‘Vibhedikā nāḷikerā, khajjurīnaṃ brahāvane;  
Mālāva ganthitā ṭhanti, dhajaggāneva dissare;  
Nānāvaṇṇehi puppheti, nabhaṃ tārācitāmiva.
- 1990: ‘Kuṭajī kuṭṭhatagarā, pāṭaliyo ca pupphitā;  
Punnāgā giripunnāgā, koviḷārā ca pupphitā.
- 1991: ‘Uddālakā somarukkhā, agaruphalliyā [agarubhalliyā (sī. syā. pī.)] bahū;  
Puttajīvā [puṭajīvā (ka.)] ca kakudhā, asanā cettha pupphitā.

- 1992:** ‘Kuṭajā salaḷā nīpā [[nimbā \(ka.\)](#)], kosambā labujā dhavā;  
Sālā ca pupphitā tattha, palālakhalasannibhā.
- 1993:** ‘Tassāvidūre pokkharāṇī, bhūmibhāge manorame;  
Padumuppalasañchannā, devānamiva nandane.
- 1994:** ‘Athettha puppharasamattā, kokilā mañjubhāṇikā;  
Abhinādenti pavanam, utusampupphite dume.
- 1995:** ‘Bhassanti makarandehi, pokkhare pokkhare madhū;  
Athettha vātā vāyanti, dakkhiṇā atha pacchimā;  
Padumakiñjakkhareṇūhi, okiṇṇo hoti assamo.
- 1996:** ‘Thulā singhāṭakā cettha, saṃsādiyā pasādiyā [[saṃsāriyā pasāriyā \(ka.\)](#)];  
Macchakacchapabyāviddhā, bahū cettha mupayānakā;  
Madhum bhisehi savati, khirasappimuḷālibhi.
- 1997:** ‘Surabhī taṃ vanam vāti, nānāgandhasamoditam [[nānāgandhasameritam \(sī. syā. pī.\)](#)];  
Sammaddateva [[samodateva \(ka.\)](#)] gandhena, pupphasākhāhi taṃ vanam;  
Bhamarā pupphagandhena, samantā mabhināditā.
- 1998:** ‘Athettha sakuṇā santi, nānāvaṇṇā bahū dijā;  
Modanti saha bhariyāhi, aññamaññaṃ pakūjino.
- 1999:** ‘Nandikā jīvaputtā ca, jīvaputtā piyā ca no;  
Piyā puttā piyā nandā, dijā pokkharāṇigharā.
- 2000:** ‘Mālāva ganthitā ṭhanti, dhajaggāneva dissare;  
Nānāvaṇṇehi pupphehi, kusaleheva suganthitā [[suganthikā \(sī. pī.\)](#)];  
Yattha vessantaro rājā, saha puttehi sammati.
- 2001:** ‘Dhārento brāhmaṇavaṇṇam, āsadañca masaṃ jaṭam;  
Cammavāsī chamā seti, jātavedam namassati’’.
- 2002:** ‘Idaṅca me sattubhattam, madhunā paṭisaṃyutam;  
Madhupiṇḍikā ca sukatāyo, sattubhattam dadāmi te’’.
- 2003:** ‘Tuyheva sambalam hotu, nāham icchāmi sambalam;  
Itopi brahme gaṇhāhi, gaccha brahme yathāsukham.
- 2004:** ‘Ayaṃ ekapadī eti, ujuṃ gacchati assamam;  
Isīpi accuto tattha, paṅkadanto rajassiro;  
Dhārento brāhmaṇavaṇṇam, āsadañca masaṃ jaṭam.
- 2005:** ‘Cammavāsī chamā seti, jātavedam namassati;  
Tam tvam gantvāna pucchassu, so te maggam pavakkhati’’.
- 2006:** Idam sutvā brahmabandhu, cetam katvā padakkhiṇam;  
Udaggacitto pakkāmi, yenāsi accuto isi.

Cūḷavanavaṇṇanā.

### Mahāvanavaṇṇanā

- 2007** Gacchanto so bhāradvājo, addassa accutaṃ isiṃ;  
Disvāna taṃ bhāradvājo, sammodi isinā saha.
- 2008** ‘Kacci nu bhoto kusalaṃ, kacci bhoto anāmayam;  
Kacci uñchena yāpesi, kacci mūlaphalā bahū.
- 2009** ‘Kacci ḍaṃsā makasā ca, appameva sarīsapā;  
Vane vālamigākiṇṇe, kacci hiṃsā na vijjati’.
- 2010** ‘Kusalañceva me brahme, atho brahme anāmayam;  
Atho uñchena yāpemi, atho mūlaphalā bahū.
- 2011** ‘Atho ḍaṃsā makasā ca, appameva sarīsapā;  
Vane vālamigākiṇṇe, hiṃsā mayhaṃ na vijjati.
- 2012** ‘Bahūni vassapūgāni, assame vasato mama;  
Nābhijānāmi uppannaṃ, ābādhaṃ amanoramaṃ.
- 2013** ‘Svāgataṃ te mahābrahme, atho te adurāgataṃ;  
Anto pavisa bhaddante, pāde pakkhālayassu te.
- 2014** ‘Tindukāni piyālāni, madhuke kāsūmāriyo;  
Phalāni khuddakappāni, bhuñja brahme varam varam.
- 2015** ‘Idampi pānīyaṃ sītaṃ, ābhatam girigabbharā;  
Tato piva mahābrahme, sace tvaṃ abhikaṅkhasi’.
- 2016** ‘Paṭiggahitaṃ yaṃ dinnam, sabbassa agghiyaṃ kataṃ;  
Saṅjayassa sakaṃ puttaṃ, sivīhi vippavāsitaṃ;  
Tamaḥam dassanamāgato, yadi jānāsi saṃsa me’.
- 2017** ‘Na bhavaṃ eti puññatthaṃ, sivrājassa dassanam;  
Maññe bhavaṃ patthayati, rañño bhariyaṃ patibbataṃ;  
Maññe kaṇhājīnaṃ dāsīṃ, jāliṃ dāsañca icchasi.
- 2018** ‘Atha vā tayo mātāputte, araññā netumāgato;  
Na tassa bhogā vijjanti, dhanam dhaññañca brāhmaṇa’.
- 2019** ‘Akuddharūpoḥam bhoto [bhoto (sī. pī.)], nāhaṃ yāciturāgato;  
Sādhu dassanamariyānaṃ, sannivāso sadā sukho.
- 2020** ‘Adiṭṭhapubbo sivrājā, sivīhi vippavāsito;  
Tamaḥam dassanamāgato, yadi jānāsi saṃsa me’.
- 2021** ‘Esa selo mahābrahme, pabbato gandhamādano;  
Yattha vessantaro rājā, saha puttehi sammati.
- 2022** ‘Dhārento brāhmaṇavaṇṇam, āsadañca masaṃ jaṭam;  
Cammavāsī chamā seti, jātavedaṃ namassati.

- 2023:** ‘Ete nīlā padissanti, nānāphaladharā dumā;  
Uggatā abbhakūṭāva nīlā añjanapabbatā.
- 2024:** ‘Dhavassakaṇṇā khadirā, sālā phandanamāluvā;  
Sampavedhanti vātena, sakim̐ pītāva māṇavā.
- 2025:** ‘Upari dumapariyāyesu, saṅgītiyova suyyare;  
Najjuhā kokilasaṅghā, sampatanti dumā dumaṃ.
- 2026:** ‘Avhayanteva gacchantam̐, sākḥāpattasamīritā;  
Ramayanteva āgantam̐, modayanti nivāsinaṃ;  
Yattha vessantaro rājā, saha puttehi sammati.
- 2027:** ‘Dhārento brāhmaṇavaṇṇam̐, āsadañca masaṃ jaṭam̐;  
Cammavāsī chamā seti, jātavedam̐ namassati.
- 2028:** ‘Karerimālā vitatā, bhūmibhāge manorame;  
Saddalāharitā bhūmi, na tatthuddham̐sate rajo.
- 2029:** ‘Mayūragīvasaṅkāsā, tūlaphassasamūpamā;  
Tiṇāni nātivattanti, samantā caturaṅgulā.
- 2030:** ‘Ambā jambū kapitthā ca, nīce pakkā cudumbarā;  
Paribhogeḥi rukkhehi, vanaṃ taṃ rativaḍḍhanaṃ.
- 2031:** ‘Veḷuriyavaṇṇasannibham̐, macchagumbanisevitaṃ;  
Sucim̐ sugandham̐ salilaṃ, āpo tatthapi sandati.
- 2032:** ‘Tassāvidūre pokkharāṇī, bhūmibhāge manorame;  
Padumuppalasañchannā, devānamiva nandane.
- 2033:** ‘Tīṇi uppalaḷātāni, tasmim̐ sarasi brāhmaṇa;  
Vicittam̐ nīlānekāni, setā lohitaḷkāni ca.
- 2034:** ‘Khomāva tattha padumā, setasogandhikehi ca;  
Kalambakehi sañchanno, mucalindo nāma so saro.
- 2035:** ‘Atheṭṭha padumā phullā, apariyantāva dissare;  
Gimhā hemantikā phullā, jaṇṇutaḷghā upattharā.
- 2036:** ‘Surabhī sampavāyanti, vicittapupphasanthatā;  
Bhamarā pupphagandhena, samantā mabhināditā.
- 2037:** ‘Atheṭṭha udakantasmim̐, rukkhā tiṭṭhanti brāhmaṇa;  
Kadambā pāṭalī phullā, koviḷārā ca pupphitā.
- 2038:** ‘Ankolā kacchikārā ca, pārijaññā ca pupphitā;  
Vāraṇā vayanā [sāyanā (sī. pī.), vuyhanā (syā.)] rukkhā, mucalindamubhato  
[mucalindamabhito (sī. pī.)] saraṃ.
- 2039:** ‘Sirīsā setapārisā [setavārisā (sī. pī.)], sādhu vāyanti padmakā;  
Nigguṇḍī sirīnigguṇḍī [saranigguṇḍī (ka.)], asanā cettha pupphitā.



- 2040: ‘Paṅgurā [paṅkurā (syā.), paṅgulā (ka.)] bahulā selā, sobhañjanā ca pupphitā;  
Ketakā kaṇikārā ca, kanaverā ca pupphitā.
- 2041: ‘Ajjunā ajjukanṇā ca, mahānāmā ca pupphitā;  
Supupphitagā tiṭṭhanti, pajjalanteva kiṃsukā.
- 2042: ‘Setapaṇṇī sattapaṇṇā, kadaliyo kusumbharā;  
Dhanutakkārī pupphehi, sīsapāvaraṇāni ca.
- 2043: ‘Acchivā sallavā [sabalā (sī.), simalā (pī.)] rukkhā, sallakiyo ca pupphitā;  
Setageru ca tagarā, maṃsikuṭṭhā kulāvarā.
- 2044: ‘Daharā rukkhā ca vuddhā ca, akuṭṭilā cettha pupphitā;  
Assamaṃ ubhato ṭhanti, agyāgāraṃ samantato.
- 2045: ‘Atheṭṭha udakantasmim, bahujāto phaṇijjako;  
Muggatiyo karatiyo, sevālasāsakā bahū.
- 2046: ‘Uddāpavattaṃ [uddhāpavattaṃ (syā. pī.)] ulluḷitaṃ, makkhikā hinguḷālikā;  
Dāsimaṅjako [dāsīmā koṅjako (ka.)] cettha, bahū nīcekaḷambakā.
- 2047: ‘Elamphurakasañchannā [elambarakasañchannā (sī. pī.), eḷambakehi sañchannā (syā.)],  
rukkhā tiṭṭhanti brāhmaṇa;  
Sattāhaṃ dhāriyamānānaṃ, gandho tesam na chijjati.
- 2048: ‘Ubhato saraṃ mucalindaṃ, pupphā tiṭṭhanti sobhanā;  
Indīvarehi sañchannaṃ, vanaṃ taṃ upasobhati.
- 2049: ‘Aḍḍhamāsaṃ dhāriyamānānaṃ, gandho tesam na chijjati;  
Nīlapupphī setavārī, pupphitā girikaṇṇikā;  
Kalerukkhehi [kaṭerukehi (sī.), kaṭerukkhehi (pī.)] sañchannaṃ, vanaṃ taṃ tulasīhi ca.
- 2050: ‘Sammaddateva gandhena, pupphasākhāhi taṃ vanaṃ;  
Bhamarā pupphagandhena, samantā mabhinādītā.
- 2051: ‘Tīṇi kakkārujātāni, tasmim sarasi brāhmaṇa;  
Kumbhamattāni cekāni, murajamattāni tā ubho.
- 2052: ‘Atheṭṭha sāsapo bahuko, nādiyo [nāriyo (ka.)] haritāyuto;  
Asī tālāva tiṭṭhanti, chejjā indīvarā bahū.
- 2053: ‘Apphoṭā suriyavallī ca, kāḷiyā [koḷiyā (ka.)] madhugandhiyā;  
Asokā mudayantī ca, vallibho khuddapupphiyo.
- 2054: ‘Koraṇḍakā anojā ca, pupphitā nāgamallikā [nāgavallikā (sī. pī.)];  
Rukkhamaṇḍalya tiṭṭhanti, phullā kiṃsukavalliyo.
- 2055: ‘Kaṭeruhā ca vāsantī, yūthikā madhugandhiyā;  
Niliyā sumanā bhaṇḍī, sobhati padumuttaro.
- 2056: ‘Pāṭalī samuddakappāsī, kaṇikārā ca pupphitā;  
Hemajālāva dissanti, ruciraggi sikhūpamā.

- 2057: ‘Yāni tāni ca pupphāni, thalaḷānudaḷāni ca;  
Sabbāni tattha dissanti, evaṃ rammo mahodadhi.
- 2058: ‘Athassā pokkharāṇiyā, bahukā vārigocarā;  
Rohitā naḷapī [naḷape (ka.)] siṅgū, kumbhilā makarā susū.
- 2059: ‘Madhu ca madhulaṭṭhi ca, tālisā ca piyaṅgukā;  
Kuṭandajā bhaddamuttā [unnakā bhaddamuṭṭhā ca (ka.)], setapupphā ca lolupā.
- 2060: ‘Surabhī ca rukkhā tagarā, bahukā tuṅgavaṇṭakā [tuṅgavallikā (ka.)];  
Padmakā naradā kuṭṭhā, jhāmakā ca hareṇukā.
- 2061: ‘Haliddakā gandhasilā, hiriverā ca guggulā;  
Vibhedikā corakā kuṭṭhā, kappurā ca kaliṅgukā.
- 2062: ‘Athettha sīhabyagghā ca, purisālū ca hatthiyo;  
Eṇeyyā pasadā ceva, rohiccā sarabhā migā.
- 2063: ‘Koṭṭhasuṇā suṇopi ca, tulyiā naḷasannibhā;  
Cāmarī calanī laṅghī, jhāpitā makkaṭṭā picu.
- 2064: ‘Kakkaṭṭā kaṭamāyā ca, ikkā goṇasirā bahū;  
Khaggā varāhā nakulā, kāḷakettha bahūtasā.
- 2065: ‘Mahimsā soṇasiṅgālā, pampakā ca samantato;  
Ākucchā pacalākā ca, citrakā cāpi dīpiyo.
- 2066: ‘Pelakā ca vighāsādā, sīhā gogaṇisādakā;  
Aṭṭhapādā ca morā ca, bhassarā ca kukutthakā.
- 2067: ‘Caṅkorā kukkuṭṭā nāgā, aññamaññaṃ pakūjino;  
Bakā balākā najjuhā, dindibhā kuṅjavājitā [kuṅjavādikā (sī. pī.)].
- 2068: ‘Byagghinasā lohapiṭṭhā, pammakā [pampakā (sī. pī.), cappakā (syā.), pabbakā (ka.)]  
jīvajīvākā;  
Kapiṅjarā tittirāyo, kulā ca paṭikutthakā.
- 2069: ‘Mandālakā celakeṭṭu, bhaṇḍutittiranāmakā;  
Celāvakā piṅgalāyo [piṅgulāyo (sī. pī.)], goṭakā aṅgahetukā.
- 2070: ‘Karaviyā ca saggā ca, uhuṅkārā ca kukkuhā;  
Nānādiḷagaṇākiṅṇaṃ, nānāsaranikūjitaṃ.
- 2071: ‘Athettha sakuṇā santi, nīlakā [sāḷikā (ka.)] maṅjubhāṇikā;  
Modanti saha bhariyāhi, aññamaññaṃ pakūjino.
- 2072: ‘Athettha sakuṇā santi, diḷā maṅjussarā sitā;  
Setacchikuṭṭā bhadrakkhā, aṇḍajā citrapekhuṇā.
- 2073: ‘Athettha sakuṇā santi, diḷā maṅjussarā sitā;  
Sikhaṇḍī nīlagīvāhi, aññamaññaṃ pakūjino.

- 2074: ‘Kukutthakā kuḷīrakā, koṭṭhā pokkharasātakā;  
Kālameyyā baliyakkhā, kadambā suvasālikā.
- 2075: ‘Haliddā lohitā setā, athettha nalakā bahū;  
Vāraṇā bhiṅgarājā ca, kadambā suvakokilā.
- 2076: ‘Ukkusā kurarā haṃsā, āṭṭā parivadantikā;  
Pākahaṃsā atibalā, najjuhā jīvajīvākā.
- 2077: ‘Pārevatā ravihaṃsā, cakkavākā nadīcarā;  
Vāraṇābhirudā rammā, ubho kālūpakūjino.
- 2078: ‘Athettha sakuṇā santi, nānāvaṇṇā bahū dijā;  
Modanti saha bhariyāhi, aññamaññaṃ pakūjino.
- 2079: ‘Athettha sakuṇā santi, nānāvaṇṇā bahū dijā;  
Sabbe mañjū nikūjanti, mucalindamubhatosaraṃ.
- 2080: ‘Athettha sakuṇā santi, karaviyā nāma te dijā [[karavī nāma te dijā \(sī. pī.\)](#)];  
Modanti saha bhariyāhi, aññamaññaṃ pakūjino.
- 2081: ‘Athettha sakuṇā santi, karaviyā nāma te dijā;  
Sabbe mañjū nikūjanti, mucalindamubhatosaraṃ.
- 2082: ‘Eṇeyyapasadākiṇṇaṃ, nāgasamsevitaṃ vanam;  
Nānālatāhi sañchannaṃ, kadalīmigasevitaṃ.
- 2083: ‘Athettha sāsapo bahuko [[sāmā bahukā \(syā. ka.\)](#)], nīvāro varako bahu;  
Sāli akaṭṭhapāko ca, ucchu tattha anappako.
- 2084: ‘Ayaṃ ekapadī eti, ujum gacchati assamaṃ;  
Khudaṃ [[khuddaṃ \(syā. ka.\)](#)] pipāsaṃ aratiṃ, tattha patto na vindati;  
Yattha vessantaro rājā, saha puttehi sammati.
- 2085: ‘Dhārento brāhmaṇavaṇṇaṃ, āsadañca masaṃ jaṭaṃ;  
Cammavāsī chamā seti, jātavedaṃ namassati’’.
- 2086: Idam sutvā brahmabandhu, isiṃ katvā padakkhiṇaṃ;  
Udaggacitto pakkāmi, yattha vessantaro ahu’’.

Mahāvanavaṇṇanā.

### Dārapabbam

- 2087: ‘Uṭṭhehi jāli patitṭha, porāṇaṃ viya dissati;  
Brāhmaṇaṃ viya passāmi, nandiyo mābhikīrare’’.
- 2088: ‘Ahampi tāta passāmi, yo so brahmāva dissati;  
Addhiko viya [[atthiko viya \(sī. pī.\)](#)] āyāti, atithī no bhavissati’’.
- 2089: ‘Kacci nu bhoto kusalaṃ, kacci bhoto anāmayam;  
Kacci uñchena yāpetha, kacci mūlaphalā bahū.

- 2090: ‘Kacci ḍaṃsā makasā ca, appameva sarīsapā;  
Vane vāḷamigākiṇṇe, kacci hiṃsā na vijjati’.
- 2091: ‘Kusalañceva no brahme, atho brahme anāmayam;  
Atho uñchena yāpema, atho mūlaphalā bahū.
- 2092: ‘Atho ḍaṃsā makasā ca, appameva sarīsapā;  
Vane vāḷamigākiṇṇe, hiṃsā amham [mayham (syā. ka.)] na vijjati’.
- 2093: ‘Satta no māse vasataṃ, araññe jīvasokinaṃ [jīvisokinaṃ (syā.)];  
Idampi paṭhamam passāma, brāhmaṇam devavaṇṇinaṃ;  
Ādāya veḷuvam daṇḍam, aggihuttaṃ kamaṇḍalum.
- 2094: ‘Svāgataṃ te mahābrahme, atho te adurāgataṃ;  
Anto pavisa bhaddante, pāde pakkhālayassu te.
- 2095: ‘Tindukāni piyālāni, madhuke kāsūmāriyo;  
Phalāni khuddakappāni, bhuñja brahme varam varam.
- 2096: ‘Idampi pānīyam sītam, ābhataṃ girigabbharā;  
Tato piva mahābrahme, sace tvaṃ abhikaṅkhasi.
- 2097: ‘Atha tvaṃ kena vaṇṇena, kena vā pana hetunā;  
Anuppatto brahāraññaṃ, taṃ me akkhāhi pucchito’.
- 2098: ‘Yathā vārivaho pūro, sabbakālam na khīyati;  
Evaṃ taṃ yācitāgacchiṃ, putte me dehi yācito’.
- 2099: ‘Dadāmi na vikampāmi, issaro naya brāhmaṇa;  
Pāto gatā rājaputtī, sāyam uñchāto ehiti.
- 2100: ‘Ekarattiṃ vasitvāna, pāto gacchasi brāhmaṇa;  
Tassā nhāte upaghāte, atha ne māladhārine.
- 2101: ‘Ekarattiṃ vasitvāna, pāto gacchasi brāhmaṇa;  
Nānāpupphehi sañchanne, nānāgandhehi bhūsite;  
Nānāmūlaphalākiṇṇe, gaccha svādāya brāhmaṇa’.
- 2102: ‘Na vāsamabhirocāmi, gamanaṃ mayha rucati;  
Antarāyopi me assa, gacchaññeva rathesabha.
- 2103: ‘Na hetā yācayogī naṃ, antarāyassa kāriyā;  
Itthiyo mantaṃ [itthikāmantam (ka.)] jānanti, sabbaṃ gaṇhanti vāmato.
- 2104: ‘Saddhāya dānaṃ dadato, māsaṃ adakkhi mātaram;  
Antarāyampi sā kayirā, gacchaññeva rathesabha.
- 2105: ‘Āmantayassu te putte, mā te mātaramaddasum;  
Saddhāya dānaṃ dadato, evaṃ puññaṃ pavaḍḍhati.
- 2106: ‘Āmantayassu te putte, mā te mātaramaddasum;  
Mādisassa dhanam datvā, rāja saggam gamissasi’.

- 2107: ‘Sace tvam nicchase daṭṭhum, mama bhariyaṃ patibbatam;  
Ayyakassapi dassehi, jāliṃ kaṇhājinaṃ cubho.
- 2108: ‘Ime kumāre disvāna, mañjuka piyabhāṇine;  
Paṭīto sumano vitto, bahum dassati te dhanam’.
- 2109: ‘Acchedanassa bhāyāmi, rājaputta suṇohi me;  
Rājadaṇḍāya maṃ dajjā, vikkiṇeyya haneyya vā;  
Jino dhanañca dāse ca, gārayhassa brahmabandhuyā’.
- 2110: ‘Ime kumāre disvāna, mañjuka piyabhāṇine;  
Dhamme ṭhito mahārājā, sivīnaṃ raṭṭhavaḍḍhano;  
Laddhā pītisomanassaṃ, bahum dassati te dhanam’.
- 2111: ‘Nāham tampi karissāmi, yaṃ maṃ tvam anusāsasi;  
Dārakeva aham nesaṃ, brāhmaṇyā paricārake’.
- 2112: ‘Tato kumāre byathitā [[byadhita \(sī. pī. ka.\)](#)], sutvā luddassa bhāsitaṃ;  
Tena tena padhāviṃsu, jāliṃ kaṇhājinaṃ cubho’.
- 2113: ‘Ehi tāta piyaputta, pūretha mama pāramiṃ;  
Hodayaṃ mebhisiñcetha, karoṭha vacanaṃ mama.
- 2114: ‘Yānā nāvā ca me hotha, acalā bhavasāgare;  
Jātipāraṃ tarissāmi, santāressaṃ sadevakaṃ’.
- 2115: ‘Ehi amma piyadhīti, pūretha mama pāramiṃ [[piyā me dānapāramī \(syā. ka.\)](#)];  
Hodayaṃ mebhisiñcetha, karoṭha vacanaṃ mama.
- 2116: ‘Yānā nāvā ca me hotha, acalā bhavasāgare;  
Jātipāraṃ tarissāmi, uddharissaṃ sadevakaṃ’.
- 2117: ‘Tato kumāre ādāya, jāliṃ kaṇhājinaṃ cubho;  
Brāhmaṇassa adā dānaṃ, sivīnaṃ raṭṭhavaḍḍhano.
- 2118: ‘Tato kumāre ādāya, jāliṃ kaṇhājinaṃ cubho;  
Brāhmaṇassa adā vitto, puttake dānamuttamaṃ.
- 2119: ‘Tadāsi yaṃ bhīṃsanakaṃ, tadāsi lomahaṃsanaṃ;  
Yaṃ kumāre padinnamhi, medanī sampakampatha.
- 2120: ‘Tadāsi yaṃ bhīṃsanakaṃ, tadāsi lomahaṃsanaṃ;  
Yaṃ pañjalikato rājā, kumāre sukhavacchite;  
Brāhmaṇassa adā dānaṃ, sivīnaṃ raṭṭhavaḍḍhano’.
- 2121: ‘Tato so brāhmaṇo luddo, lataṃ dantehi chindiya;  
Latāya hatthe bandhitvā, latāya anumajjatha [[anupajjatha \(ka.\)](#)].
- 2122: ‘Tato so rajjumādāya, daṇḍañcādāya brāhmaṇo;  
Ākoṭayanto te neti, sivrājassa pekkhato’.
- 2123: ‘Tato kumāre pakkāmuṃ, brāhmaṇassa pamuñciya;

Assupunṇehi nettehi, pītaṃ so udikkhati.

**2124:** ‘Vedhamassatthapattamva, pitu pādāni vandati;  
Pitu pādāni vanditvā, idaṃ vacanamabravi.

**2125:** ‘Ammā ca tāta nikkhantā, tvañca no tāta dassasi;  
Yāva ammampi passemu, atha no tāta dassasi.

**2126:** ‘Ammā ca tāta nikkhantā, tvañca no tāta dassasi;  
Mā no tvaṃ tāta adadā, yāva ammāpi etu no;  
Tadāyaṃ brāhmaṇo kāmaṃ, vikkiṇātu hanātu vā.

**2127:** ‘Balāṅkapādo [[bilāṅkapādo \(ka.\)](#)] andhanakho [[addhanakho \(sī. syā. pī.\)](#)], atho  
ovaddhapiṇḍiko [[obandhapiṇḍiko \(ka.\)](#)];  
Dīghuttaroṭṭho capalo, kaḷāro bhaggaṅāsako.

**2128:** ‘Kumbhodaro bhaggapiṭṭhi, atho visamacakkhuko;  
Lohamassu haritakeso, valīnaṃ tilakāhato.

**2129:** ‘Piṅgalo ca vinato ca, vikaṭo ca brahā kharo;  
Ajināni ca sannaddho, amanusso bhayānako.

**2130:** ‘Manusso udāhu yakkho, maṃsalohitabhojano;  
Gāmā arañṇamāgama, dhaṇaṃ taṃ tāta yācati.

**2131:** ‘Nīyamāne piśācena, kiṃ nu tāta udikkhasi;  
Asmā nūna te hadayaṃ, āyasaṃ daḷhabandhanaṃ.

**2132:** ‘Yo no baddhe na jānāsi, brāhmaṇena dhanesinā;  
Accāyikena luddena, yo no gāvova sumbhati.

**2133:** ‘Idheva acchataṃ kaṇhā, na sā jānāti kismiñci;  
Migīva khīrasammattā, yūthā hīnā pakandati.

**2134:** ‘Na me idaṃ tathā dukkhaṃ, labbhā hi pumunā idaṃ;  
Yañca ammaṃ na passāmi, taṃ me dukkhataraṃ ito.

**2135:** ‘Na me idaṃ tathā dukkhaṃ, labbhā hi pumunā idaṃ;  
Yañca tātaṃ na passāmi, taṃ me dukkhataraṃ ito.

**2136:** ‘Sā nūna kapaṇā ammā, cirarattāya rucchati [[rujjati \(syā. ka.\)](#)];  
Kaṇhājinaṃ apassantī, kumāriṃ cārudassaniṃ.

**2137:** ‘So nūna kapaṇo tāto, cirarattāya rucchati;  
Kaṇhājinaṃ apassanto, kumāriṃ cārudassaniṃ.

**2138:** ‘Sā nūna kapaṇā ammā, ciraṃ rucchati assame;  
Kaṇhājinaṃ apassantī, kumāriṃ cārudassaniṃ.

**2139:** ‘So nūna kapaṇo tāto, ciraṃ rucchati assame;  
Kaṇhājinaṃ apassanto, kumāriṃ cārudassaniṃ.

- 2140: ‘Sā nūna kapaṇā ammā, cirarattāya rucchati;  
Aḍḍharatte va ratte vā, nadīva avasucchati.
- 2141: ‘So nūna kapaṇo tāto, cirarattāya rucchati;  
Aḍḍharatte va ratte vā, nadīva avasucchati.
- 2142: ‘Ime te jambukā rukkhā, vedisā sinduvārakā [[sindhuvāritā \(bahūsu\)](#)];  
Vividhāni rukkhajātāni, tāni ajja jahāmase.
- 2143: ‘Assathā panasā ceme, nigrodhā ca kapitthanā;  
Vividhāni phalajātāni, tāni ajja jahāmase.
- 2144: ‘Ime tiṭṭhanti āramā, ayaṃ sītūdakā [[sītodikā \(sī. pī.\)](#)] nadī;  
Yatthassu pubbe kīlāma, tāni ajja jahāmase.
- 2145: ‘Vividhāni pupphajātāni, asmim̐ uparipabbate;  
Yānassu pubbe dhārema, tāni ajja jahāmase.
- 2146: ‘Vividhāni phalajātāni, asmim̐ uparipabbate;  
Yānassu pubbe bhujjāma, tāni ajja jahāmase.
- 2147: ‘Ime no hatthikā assā, balibaddā ca no ime;  
Yehissu pubbe kīlāma, tāni ajja jahāmase’’.
- 2148: ‘Nīyamānā kumārā te, pitaraṃ etadabravaṃ;  
Amaṃ ārogyaṃ vajjāsī, tvañca tāta sukhī bhava.
- 2149: ‘Ime no hatthikā assā, balibaddā ca no ime;  
Tāni ammāya dajjesi, sokaṃ tehi vinessati.
- 2150: ‘Ime no hatthikā assā, balibaddā ca no ime;  
Tāni ammā udikkhantī, sokaṃ paṭivinessati.
- 2151: ‘Tato vessantaro rājā, dānaṃ datvāna khattiyo;  
Paṇṇasālaṃ pavisitvā, kalunaṃ paridevayi’’.
- 2152: ‘Kaṃ nvajja chātā tasitā, uparucchanti dārakā;  
Sāyaṃ saṃvesanākāle, ko ne dassati bhojanaṃ.
- 2153: ‘Kaṃ nvajja chātā tasitā, uparucchanti dārakā;  
Sāyaṃ saṃvesanākāle, ammā chātamha detha no.
- 2154: ‘Kathaṃ nu pathaṃ gacchanti, pattikā anupāhanā;  
Santā sūnehi pādehi, ko ne hatthe gahessati.
- 2155: ‘Kathaṃ nu so na lajjeyya, sammukhā paharaṃ mama;  
Adūsakānaṃ puttānaṃ, alajjī vata brāhmaṇo.
- 2156: ‘Yopi me dāsīdāsassa, añño vā pana pesiyo;  
Tassāpi suvihīnassa, ko lajjī paharissati.
- 2157: ‘Vārijasseva me sato, baddhassa kumināmukhe;

Akkosati paharati, piye putte apassato.

- 2158:** ‘Adu cāpaṃ gahetvāna, khaggaṃ bandhiya vāmato;  
Ānessāmi sake putte, puttānañhi vadho dukho.
- 2159:** ‘Aṭṭhānametaṃ [addhā hi metaṃ (pī.)] dukkharūpaṃ, yaṃ kumārā vihaññare;  
Satañca dhammamaññāya, ko datvā anutappati’.
- 2160:** ‘Saccaṃ kirevamāhaṃsu, narā ekacciyā idha;  
Yassa natthi sakā mātā, yathā natthi [pitā atthi (ka.)] tatheva so.
- 2161:** ‘Ehi kaṇhe marissāma, natthattho jīvitena no;  
Dinnamhāti [dinnamhāpi (sī. syā.), dinnamāsi (ka.)] janindena, brāhmaṇassa dhanesino;  
Accāyikassa luddassa, yo no gāvova sumbhāti.
- 2162:** ‘Ime te jambukā rukkhā, vedisā sinduvārakā;  
Vividhāni rukkhajātāni, tāni kaṇhe jahāmase.
- 2163:** ‘Assatthā panasā ceme, nigrodhā ca kapitthanā;  
Vividhāni phalajātāni, tāni kaṇhe jahāmase.
- 2164:** ‘Ime tiṭṭhanti āramā, ayaṃ sītūdakā nadī;  
Yatthassu pubbe kīlāma, tāni kaṇhe jahāmase.
- 2165:** ‘Vividhāni pupphajātāni, asmim̐ uparipabbate;  
Yānassu pubbe dhārema, tāni kaṇhe jahāmase.
- 2166:** ‘Vividhāni phalajātāni, asmim̐ uparipabbate;  
Yānassu pubbe bhujjāma, tāni kaṇhe jahāmase.
- 2167:** ‘Ime no hatthikā assā, balibaddā ca no ime;  
Yehissu pubbe kīlāma, tāni kaṇhe jahāmase’.
- 2168:** ‘Nīyamānā kumārā te, brāhmaṇassa pamuñciya;  
Tena tena padhāvimsu, jālī kaṇhājina cubho’.
- 2169:** ‘Tato so rajjumādāya, daṇḍañcādāya brāhmaṇo;  
Ākoṭayanto te neti, sivrājassa pekkhato’.
- 2170:** ‘Taṃ taṃ kaṇhājina voca, ayaṃ maṃ tāta brāhmaṇo;  
Laṭṭhiyā paṭikoṭeti, ghare jātaṃva dāsiyaṃ.
- 2171:** ‘Na cāyaṃ brāhmaṇo tāta, dhammikā honti brāhmaṇā;  
Yakkho brāhmaṇavaṇṇena, khādituṃ tāta neti no;  
Nīyamāne pisācena, kiṃ nu tāta udikkhasi’.
- 2172:** ‘Ime no pādakā dukkhā, dīgho caddhā suduggamo;  
Nīce colambate sūriyo, brāhmaṇo ca dhāreti [taretī (sī. syā. pī.)] no.
- 2173:** ‘Okandāmase [okantāmasi (ka.)] bhūtāni, pabbatāni vanāni ca;  
Sarassa sirasā vandāma, supatitthe ca āpake [āvake (ka.)].



- 2174: ‘Tiṇalatāni osadhyo, pabbatāni vanāni ca;  
Ammam ārogyam vajjātha, ayam no neti brāhmaṇo.
- 2175: ‘Vajjantu bhonto ammañca, maddim asmāka mātaram;  
Sace anupatitukāmāsi, khippam anupatiyāsi no.
- 2176: ‘Ayam ekapadī eti, ujum gacchati assamam;  
Tamevānupateyyāsi, api passesi ne lahum.
- 2177: ‘Aho vata re jaṭinī, vanamūlaphalahārike [hāriyā (syā. ka.)];  
Suññam disvāna assamam, tam te dukkham bhavissati.
- 2178: ‘Ativelaṃ nu ammāya, uñchā laddho anappako [uñchāladdham anappakam (syā.)];  
Yā no baddhe na jānāsi, brāhmaṇena dhanesinā.
- 2179: ‘Accāyikena luddena, yo no gāvova sumbhati;  
Apajja ammaṃ passemu, sāyam uñchāto āgataṃ.
- 2180: ‘Dajjā ammā brāhmaṇassa, phalaṃ khuddena missitaṃ;  
Tadāyam asito dhāto, na bālham dhārayeyya [tarayeyya (sī. syā. pī.)] no.
- 2181: ‘Sūnā ca vata no pādā, bālham dhāreti brāhmaṇo;  
Iti tattha vilapiṃsu, kumārā mātugiddhino’.

Dārapabbam nāma.

### Maddīpabbam

- 2182: ‘Tesaṃ lālapitaṃ sutvā, tayo vālā vane migā;  
Sīho byaggho ca dīpi ca, idaṃ vacanamabravum.
- 2183: ‘Mā heva no rājaputtī, sāyam uñchāto āgamā;  
Mā hevamhāka nibbhoge, heṭhayittha vane migā.
- 2184: ‘Sīho ca naṃ viheṭheyya, byaggho dīpi ca lakkhaṇam;  
Neva jālikumārassa, kuto kaṇhājīnā siyā;  
Ubhayeneva jīyetha, patim putte ca lakkhaṇā’.
- 2185: ‘Khaṇittikaṃ me patitaṃ, dakkhiṇakkhi ca phandati;  
Aphalā phalino rukkhā, sabbā muyhanti me disā.
- 2186: ‘Tassā sāyanhakālasmiṃ, assamāgamaṇam pati;  
Atthaṅgataṃhi sūriye, vālā panthe upaṭṭhahum.
- 2187: ‘Nīce colambate sūriyo, dūre ca vata assamo;  
Yañca nesam ito hassam [hissam (ka.)], tam te bhuñjeyyu bhojanaṃ.
- 2188: ‘So nūna khattiyo eko, paṇṇasālāya acchati;  
Tosento dārake chāte, mamaṃ disvā anāyatim.
- 2189: ‘Te nūna puttakā mayham, kapaṇāya varākiyā;  
Sāyam saṃvesanākāle, khīrapītāva acchare.

- 2190: ‘Te nūna puttakā mayhaṃ, kapaṇāya varākiyā;  
Sāyaṃ saṃvesanākāle, vāripītāva acchare.
- 2191: ‘Te nūna puttakā mayhaṃ, kapaṇāya varākiyā;  
Paccuggatā maṃ tiṭṭhanti, vacchā bālāva mātaraṃ.
- 2192: ‘Te nūna puttakā mayhaṃ, kapaṇāya varākiyā;  
Paccuggatā maṃ tiṭṭhanti, haṃsāvuparipallale.
- 2193: ‘Te nūna puttakā mayhaṃ, kapaṇāya varākiyā;  
Paccuggatā maṃ tiṭṭhanti, assamassāvidūrato.
- 2194: ‘Ekāyano ekapatho, sarā sobbhā ca passato;  
Aññaṃ maggaṃ na passāmi, yena gaccheyya assamaṃ.
- 2195: ‘Migā namatthu rājāno, kānasmim mahabbalā;  
Dhammena bhātaro hotha, maggaṃ me detha yācitā.
- 2196: ‘Avaruddhassāhaṃ bhariyā, rājaputtassa sirīmato;  
Taṃ cāhaṃ nātimaññaṃ, rāmaṃ sītāvanubbatā.
- 2197: ‘Tumhe ca putte passatha, sāyaṃ saṃvesanaṃ pati;  
Ahañca putte passeyyaṃ, jāliṃ kaṇhājinaṃ cubho.
- 2198: ‘Bahaṃ cidam mūlaphalaṃ, bhakkho cāyaṃ anappako;  
Tato upaḍḍhaṃ dassāmi, maggaṃ me detha yācitā.
- 2199: ‘Rājaputtī ca no mātā, rājaputto ca no pitā;  
Dhammena bhātaro hotha, maggaṃ me detha yācitā’.
- 2200: ‘Tassā lālapamānāya, bahaṃ kāruññaṃsañhitam;  
Sutvā nelapatiṃ vācam, vāḷa panthā apakkamuṃ’.
- 2201: ‘Imamhi naṃ padesamhi, puttakā paṃsukuṇṭhitā;  
Paccuggatā maṃ tiṭṭhanti, vacchā bālāva mātaraṃ.
- 2202: ‘Imamhi naṃ padesamhi, puttakā paṃsukuṇṭhitā;  
Paccuggatā maṃ tiṭṭhanti, haṃsāvuparipallale.
- 2203: ‘Imamhi naṃ padesamhi, puttakā paṃsukuṇṭhitā;  
Paccuggatā maṃ tiṭṭhanti, assamassāvidūrato.
- 2204: ‘Dve migā viya [te migāviya (sī. syā. pī.)] ukkaṇṇā [okkaṇṇā (ka.)], samantā mabhidhāvino;  
Ānandino pamuditā, vaggamānāva kampare;  
Tyajja putte na passāmi, jāliṃ kaṇhājinaṃ cubho.
- 2205: ‘Chakalīva migī chāpaṃ, pakkhī muttāva pañjarā;  
Ohāya putte nikkhamiṃ, sīhīvāmisagiddhinī;  
Tyajja putte na passāmi, jāliṃ kaṇhājinaṃ cubho.
- 2206: ‘Idaṃ nesam padakkantaṃ, nāgānamiva pabbate;  
Citakā parikiṇṇāyo, assamassāvidūrato;

Tyajja putte na passāmi, jāliṃ kaṇhājinam cubho.

2207: ‘Vālikāyapi okiṇṇā, puttakā paṃsukuṇṭhitā;  
Samantā mabhidhāvanti, te na passāmi dārake.

2208: ‘Ye maṃ pure paccuṭṭhenti [**paccudenti (sī. syā. pī.)**], araṇṇā dūramāyatim;  
Tyajja putte na passāmi, jāliṃ kaṇhājinam cubho.

2209: ‘Chakaliṃva miḡiṃ chāpā, paccuggantuna mātaram;  
Dūre maṃ pavilokenti [**apalokenti (ka.), paṭivilokenti (syā.)**], te na passāmi dārake.

2210: ‘Idaṃ nesam kīlānakam, patitam paṇḍubeḷuvam;  
Tyajja putte na passāmi, jāliṃ kaṇhājinam cubho.

2211: ‘Thanā ca mayhime pūrā, uro ca sampadālati;  
Tyajja putte na passāmi, jāliṃ kaṇhājinam cubho.

2212: ‘Ucchaṅgeko vicināti, thanamekāvalambati;  
Tyajja putte na passāmi, jāliṃ kaṇhājinam cubho.

2213: ‘Yassu sāyanhasamayam, puttakā paṃsukuṇṭhitā;  
Ucchaṅge me vivattanti, te na passāmi dārake.

2214: ‘Ayaṃ so assamo pubbe, samajjo paṭibhāti maṃ;  
Tyajja putte apassantyā, bhamate viya assamo.

2215: ‘Kimidaṃ appasaddova, assamo paṭibhāti maṃ;  
Kākolāpi na vassanti, matā me nūna dārakā.

2216: ‘Kimidaṃ appasaddova, assamo paṭibhāti maṃ;  
Sakuṇāpi na vassanti, matā me nūna dārakā.

2217: ‘Kimidaṃ tuṇhibhūtosī, api ratteva me mano;  
Kākolāpi na vassanti, matā me nūna dārakā.

2218: ‘Kimidaṃ tuṇhibhūtosī, api ratteva me mano;  
Sakuṇāpi na vassanti, matā me nūna dārakā.

2219: ‘Kacci nu me ayyaputta, miḡā khādiṃsu dārake;  
Araṇṇe iriṇe vivane, kena nītā me dārakā.

2220: ‘Adu te pahitā dūtā, adu suttā piyaṃvadā;  
Adu bahi no nikkhantā, khiḍḍāsu pasutā nu te.

2221: ‘Nevāsam kesā dissanti, hatthapādā ca jālino;  
Sakuṇānaṅca opāto, kena nītā me dārakā.

2222: ‘Idaṃ tato dukkhataram, sallaviddho yathā vaṇo;  
Tyajja putte na passāmi, jāliṃ kaṇhājinam cubho.

2223: ‘Idampi dutiyam sallam, kampeti hadayam mama;  
Yaṅca putte na passāmi, tvaṅca maṃ nābhibhāsasi.

- 2224: ‘Ajjeva [ajja ce (syā.)] me imaṃ rattim, rājaputta na saṃsasi;  
Maññe okkantasantam [ukkantasattam (sī. pī.)] maṃ, pāto dakkhisi no matam’’.
- 2225: ‘Nūna maddī varārohā, rājaputtī yasassinī;  
Pāto gatāsi uñchāya, kimidaṃ sāyamāgatā’’.
- 2226: ‘Nanu tvam saddamassosi, ye saram pātumāgatā;  
Sīhassapi nadantassa, byagghassa ca nikujjitam.
- 2227: ‘Ahu pubbanimittam me, vicarantya brahāvane;  
Khaṇitto me hatthā patito, uggīvañcāpi [uñgīvañcāpi (ka.)] amsato.
- 2228: ‘Tadāham byathitā bhītā, puthu katvāna pañjalim;  
Sabbadisā namassissam, api sotthi ito siyā.
- 2229: ‘Mā heva no rājaputto, hato sīhena dīpinā;  
Dārakā vā parāmatthā, acchakokataracchihi.
- 2230: ‘Sīho byaggho ca dīpi ca, tayo vālā vane migā;  
Te maṃ pariyāvarum maggam, tena sāyamhi āgatā.
- 2231: ‘Aham patiñca putte ca, āceramiva māṇavo;  
Anuṭṭhitā divārattim, jaṭinī brahmacārinī.
- 2232: ‘Ajināni paridahitvā, vanamūlaphalahāriyā;  
Vicarāmi divārattim, tumham kāmā hi puttakā.
- 2233: ‘Aham suvaṇṇahaliddim, ābhatam paṇḍubeḷuvam;  
Rukkhapakkāni cāhāsim, ime vo putta kīlanā.
- 2234: ‘Imam mūlālivattakam, sālukam ciñcabhedakam;  
Bhuñja khuddehi saṃyuttam, saha puttehi khattiya.
- 2235: ‘Padumam jālino dehi, kumudañca kumāriyā;  
Māline passa naccante, sivi puttāni avhaya.
- 2236: ‘Tato kaṇhājīnāyapi, nisāmehi rathesabha;  
Mañjussarāya vagguyā, assamam upayantiyā [upaganthiyā (syā. ka.)].
- 2237: ‘Samānasukhadukkhahā, raṭṭhā pabbājitā ubho;  
Api sivi putte passesi, jālim kaṇhājīnam cubho.
- 2238: ‘Samaṇe brāhmaṇe nūna, brahmacariyaparāyaṇe;  
Aham loke abhissapim, sīlavante bahussute;  
Tyajja putte na passāmi, jālim kaṇhājīnam cubho’’.
- 2239: ‘Ime te jambukā rukkhā, vedisā sinduvārakā;  
Vividhāni rukkhajātāni, te kumārā na dissare.
- 2240: ‘Assatthā panasā ceme, nigrodhā ca kapitthanā;  
Vividhāni phalajātāni, te kumārā na dissare.

- 2241: ‘Ime tiṭṭhanti ārāmā, ayaṃ sītūdakā nadī;  
Yatthassu pubbe kīḷiṃsu, te kumārā na dissare.
- 2242: ‘Vividhāni pupphajātāni, asmim̐ uparipabbate;  
Yānassu pubbe dhāriṃsu, te kumārā na dissare.
- 2243: ‘Vividhāni phalajātāni, asmim̐ uparipabbate;  
Yānassu pubbe bhujjīṃsu, te kumārā na dissare.
- 2244: ‘Ime te hatthikā assā, balibaddā ca te ime;  
Yehissu pubbe kīḷiṃsu, te kumārā na dissare’.
- 2245: ‘Ime sāmā sasolūkā, bahukā kadalīmigā;  
Yehissu pubbe kīḷiṃsu, te kumārā na dissare.
- 2246: ‘Ime haṃsā ca koṅcā ca, mayūrā citrapekhuṇā;  
Yehissu pubbe kīḷiṃsu, te kumārā na dissare’.
- 2247: ‘Imā tā vanagumbāyo, pupphitā sabbakālikā;  
Yatthassu pubbe kīḷiṃsu, te kumārā na dissare.
- 2248: ‘Imā tā pokkharanī rammā, cakkavākūpakūjitā;  
Mandālakehi sañchannā, padumuppalakehi ca;  
Yatthassu pubbe kīḷiṃsu, te kumārā na dissare.
- 2249: ‘Na te kaṭṭhāni bhinnāni, na te udakamāhatam̐;  
Aggipi te na hāpito, kiṃ nu mandova jhāyasi.
- 2250: ‘Piyo piyena saṅgama, samo me [samohaṃ (syā.), sammohaṃ (ka.)] byapahaññati;  
Tyajja putte na passāmi, jāliṃ kaṇhājinaṃ cubho’.
- 2251: ‘Na kho no deva passāmi, yena te nīhatā matā;  
Kākolāpi na vassanti, matā me nūna dārakā.
- 2252: ‘Na kho no deva passāmi, yena te nīhatā matā;  
Sakuṇāpi na vassanti, matā me nūna dārakā’.
- 2253: ‘Sā tattha paridevitvā, pabbatāni vanāni ca;  
Punadevassamaṃ gantvā, rodi sāmikasantike [sāmikasantike rodi (sī. syā. pī.)].
- 2254: ‘Na kho no deva passāmi, yena te nīhatā matā;  
Kākolāpi na vassanti, matā me nūna dārakā.
- 2255: ‘Na kho no deva passāmi, yena te nīhatā matā;  
Sakuṇāpi na vassanti, matā me nūna dārakā.
- 2256: ‘Na kho no deva passāmi, yena te nīhatā matā;  
Vicaranti rukkhāmūlesu, pabbatesu guhāsu ca’.
- 2257: ‘Iti maddī varārohā, rājaputtī yasassinī;  
Bāhā paggayha kanditvā, tattheva patitā chamā’.

- 2258:** ‘Tamajjhapattaṃ rājaputtiṃ, udakenābhisiñcatha;  
Assatthaṃ naṃ viditvāna, atha naṃ etadabravi’.
- 2259:** ‘Ādiyeneva te maddi, dukkhaṃ nakkhātumicchisaṃ;  
Daliddo yācako vuḍḍho, brāhmaṇo gharamāgato.
- 2260:** ‘Tassa dinnā mayā puttā, maddi mā bhāyi assasa;  
Maṃ passa maddi mā putte, mā bālhaṃ paridevasi;  
Lacchāma putte jīvantā, arogā ca bhavāmase.
- 2261:** ‘Putte pasuñca dhaññañca, yañca aññaṃ ghare dhanam;  
Dajjā sappuriso dānaṃ, disvā yācakamāgataṃ;  
Anumodāhi me maddi, puttake dānamuttamaṃ’.
- 2262:** ‘Anumodāmi te deva, puttake dānamuttamaṃ;  
Datvā cittaṃ pasādehi, bhiyyo dānaṃ dado bhava.
- 2263:** ‘Yo tvaṃ maccherabhūtesu, manussesu janādhipa;  
Brāhmaṇassa adā dānaṃ, sivīnaṃ raṭṭhavaḍḍhano’.
- 2264:** ‘Ninnādītā te pathavī, saddo te tidivaṅgato;  
Samantā vijjutā āguṃ, girīnaṃva patissutā.
- 2265:** ‘Tassa te anumodanti, ubho nāradapabbatā;  
Indo ca brahmā pajāpati, somo yamo vessavaṇo;  
Sabbe devānumodanti, tāvatimsā saindakā.
- 2266:** ‘Iti maddī varārohā, rājaputtī yasassinī;  
Vessantarassa anumodi, puttake dānamuttamaṃ’.

Maddīpabbaṃ nāma.

### Sakkapabbaṃ

- 2267:** Tato ratyā vivasāne, sūriyassuggamaṃ pati;  
Sakko brāhmaṇavaṇṇena, pāto tesam adissatha.
- 2268:** ‘Kacci nu bhoto kusalaṃ, kacci bhoto anāmayam;  
Kacci uñchena yāpetha, kacci mūlaphalā bahū.
- 2269:** ‘Kacci ḍaṃsā makasā ca, appameva sarīsapā;  
Vane vāḷamigākiṇṇe, kacci hiṃsā na vijjati’.
- 2270:** ‘Kusalañceva no brahme, atho brahme anāmayam;  
Atho uñchena yāpema, atho mūlaphalā bahū.
- 2271:** ‘Atho ḍaṃsā makasā ca, appameva sarīsapā;  
Vane vāḷamigākiṇṇe, hiṃsā mayham na vijjati.
- 2272:** ‘Satta no māse vasataṃ, araññe jīvasokinaṃ;  
Idaṃ dutiyaṃ passāma, brāhmaṇam devavaṇṇinaṃ;  
Ādāya veḷuvam daṇḍam, dhārentam ajinakkhipam.

- 2273: ‘Svāgataṃ te mahābrahme, atho me adurāgataṃ;  
Anto pavisa bhaddante, pāde pakkhālayassu te.
- 2274: ‘Tindukāni piyālāni, madhuke kāsūmāriyo;  
Phalāni khuddakappāni, bhuñja brahme varam varam.
- 2275: ‘Idampi pānīyaṃ sītaṃ, ābhatam girigabbharā;  
Tato piva mahābrahme, sace tvaṃ abhikaṅkhasi.
- 2276: ‘Atha tvaṃ kena vaṇṇena, kena vā pana hetunā;  
Anupatto brahāraññaṃ, taṃ me akkhāhi pucchito’.
- 2277: ‘Yathā vārivaho pūro, sabbakālaṃ na khīyati;  
Evaṃ taṃ yācitāgacchim, bhariyaṃ me dehi yācito’.
- 2278: ‘Dadāmi na vikampāmi, yaṃ maṃ yācasi brāhmaṇa;  
Santam nappaṭiguyhāmi, dāne me ramatī mano’.
- 2279: ‘Maddim hatthe gahetvāna, udakassa kamaṇḍalaṃ;  
Brāhmaṇassa adā dānaṃ, sivīnaṃ raṭṭhavaḍḍhano.
- 2280: ‘Tadāsi yaṃ bhimsanakaṃ, tadāsi lomahaṃsanaṃ;  
Maddim paricajantassa, medanī sampakampatha.
- 2281: ‘Neva sā maddī bhākuṭi, na sandhīyati na rodati;  
Pekkhatevassa tuṅhī sā, eso jānāti yaṃ varam’.
- 2282: ‘Komārī yassāhaṃ bhariyā, sāmiko mama issaro;  
Yassicche tassa maṃ dajjā, vikkiṇeyya haneyya vā’.
- 2283: ‘Tesaṃ saṅkappamaññāya, devindo etadabravi;  
Sabbe jitā te paccūhā, ye dībā ye ca mānūsā.
- 2284: ‘Ninnādītā te pathavī, saddo te tidivaṅgato;  
Samantā vijjutā āguṃ, girīnaṃva patissutā.
- 2285: ‘Tassa te anumodanti, ubho nāradapabbatā;  
Indo ca brahmā pajāpati, somo yamo vessavaṇo;  
Sabbe devānumodanti, dukkarañhi karoti so.
- 2286: ‘Duddadaṃ dadamānānaṃ, dukkaram kamma kubbatam;  
Asanto nānukubbanti, sataṃ dhammo durannayo.
- 2287: ‘Tasmā sataṅca asataṃ, nānā hoti ito gati;  
Asanto nirayaṃ yanti, santo saggaparāyaṇā.
- 2288: ‘Yametaṃ kumāre adā, bhariyaṃ adā vane vasam;  
Brahmayānamanokkamma, sagge te taṃ vipaccatu’.
- 2289: ‘Dadāmi bhoto bhariyaṃ, maddim sabbaṅgasobhanaṃ;  
Tvañceva maddiyā channo, maddī ca patinā saha.

- 2290:** ‘Yathā payo ca saṅkho ca, ubho samānavañṇino;  
Evaṃ tuvaṅca maddī ca, samānamanacetasā.
- 2291:** ‘Avaruddhettha araṅṅasmim, ubho sammatha assame;  
Khattiyā gottasampannā, sujātā mātupettito;  
Yathā puṅṅāni kayirātha, dadantā aparāparaṃ’.
- 2292:** ‘Sakkohamasmi devindo, āgatosmi tavantike;  
Varaṃ varassu rājisi, vare aṭṭha dadāmi te’.
- 2293:** ‘Varaṃ ce me ado sakka, sabbabhūtānamissara;  
Pitā maṃ anumodeyya, ito pattaṃ sakaṃ gharaṃ;  
Āsanena nimanteyya, paṭhametaṃ varaṃ vare.
- 2294:** ‘Purisassa vadhaṃ na roceyyaṃ, api kibbisakārakaṃ;  
Vajjhaṃ vadhamhā moceyyaṃ, dutiyetaṃ varaṃ vare.
- 2295:** ‘Ye vuḍḍhā ye ca daharā, ye ca majjhimaporisā;  
Mameva upajīveyyūṃ, tatiyetaṃ varaṃ vare.
- 2296:** ‘Paradāraṃ na gaccheyyaṃ, sadārapasuto siyaṃ;  
Thīnaṃ vasaṃ na gaccheyyaṃ, catutthetaṃ varaṃ vare.
- 2297:** ‘Putto me sakka jāyetha, so ca dīghāyuko siyā;  
Dhammena jine pathaviṃ, pañcametaṃ varaṃ vare.
- 2298:** ‘Tato ratyā vivasāne, sūriyassuggamaṃ pati;  
Dibbā bhakkhā pātubhaveyyūṃ, chaṭṭhametaṃ varaṃ vare.
- 2299:** ‘Dadato me na khīyetha, datvā nānutapeyyahaṃ;  
Dadaṃ cittaṃ pasādeyyaṃ, sattametaṃ varaṃ vare.
- 2300:** ‘Ito vimuccamānāhaṃ, saggagāmī visesagū;  
Anivatti tato assaṃ, aṭṭhametaṃ varaṃ vare’.
- 2301:** ‘Tassa taṃ vacanaṃ sutvā, devindo etadabravi;  
Aciraṃ vata te tato, pitā taṃ daṭṭhumessati’.
- 2302:** ‘Idaṃ vatvāna maghavā, devarājā sujampati;  
Vessantare varaṃ datvā, saggakāyaṃ apakkami’.

Sakkapabbaṃ nāma.

### **Mahārājapabbaṃ**

- 2303:** ‘Kassettaṃ mukhamābhāti, hemaṃ vuttattamagginā;  
Nikkhaṃva jātarūpassa, ukkā mukhapahaṃsitaṃ.
- 2304:** ‘Ubho sadisapaccaṅgā, ubho sadisalakkhaṇā;  
Jālissa sadiso eko, ekā kaṇhājinā yathā.
- 2305:** ‘Sīhā bilāva nikkhantā, ubho sampatirūpakā;



Jātarūpamayāyeva, ime dissanti dārakā’’.

- 2306:**‘Kuto nu bhavaṃ bhāradvāja, ime ānesi dārake;  
Ajjā raṭṭhaṃ anuppatto, kuhiṃ gacchasi brāhmaṇa’’ [idaṃ gāthaddhaṃ pī potthake natthi].
- 2307:**‘Mayhaṃ te dārakā deva, dinnā vittena sañjaya;  
Ajjā pannarasā ratti, yato laddhā [dinnā (sī. pī.)] me dārakā’’.
- 2308:**‘Kena vā vācapeyyena, sammāñāyena saddahe;  
Ko tettaṃ dānamadadā, puttake dānamuttamaṃ’’.
- 2309:**‘Yo yācataṃ patiṭṭhāsi, bhūtānaṃ dharaṇīriva;  
So me vessantaro rājā, puttedāsi vane vasaṃ.
- 2310:**‘Yo yācataṃ gatī āsi, savantīnaṃva sāgaro;  
So me vessantaro rājā, puttedāsi vane vasaṃ’’.
- 2311:**‘Dukkaṭaṃ vata bho raññā, saddhena gharamesinā;  
Kathaṃ nu puttake dajjā, araññe avaruddhako.
- 2312:**‘Imaṃ bhonto nisāmetha, yāvantettha samāgatā;  
Kathaṃ vessantaro rājā, puttedāsi vane vasaṃ.
- 2313:**‘Dāsiṃ dāsaṃ ca [dāsaṃ dāsi ca (sī. pī.)] so dajjā, assaṃ cassatarīrathaṃ;  
Hatthiṅca kuñjaraṃ dajja, kathaṃ so dajja dārake’’.
- 2314:**‘Yassa nassa [natthi (sī. pī.)] ghare dāso, asso cassatarīratho;  
Hatthī ca kuñjaro nāgo, kiṃ so dajjā pitāmaha’’.
- 2315:**‘Dānamassa pasaṃsāma, na ca nindāma puttakā;  
Kathaṃ nu hadayaṃ āsi, tumhe datvā vanibbake’’.
- 2316:**‘Dukkhaṃ hadayaṃ āsi, atho uṇhampi passasi;  
Rohiṇīheva tambakkhī, pitā assūni vattayi’’.
- 2317:**‘Yaṃ taṃ kaṇhājīnāvoca, ayaṃ maṃ tāta brāhmaṇo;  
Laṭṭhiyā paṭikoṭeti, ghare jātaṃva dāsiyaṃ.
- 2318:**‘Na cāyaṃ brāhmaṇo tāta, dhammikā honti brāhmaṇā;  
Yakkho brāhmaṇavaṇṇena, khādituṃ tāta neti no;  
Nīyamāne pisācena, kinnu tāta udikkhasi’’.
- 2319:**‘Rājaputtī ca vo mātā, rājaputto ca vo pitā;  
Pubbe me aṅgamāruyha, kiṃ nu tiṭṭhatha ārakā’’.
- 2320:**‘Rājaputtī ca no mātā, rājaputto ca no pitā;  
Dāsā mayaṃ brāhmaṇassa, tasmā tiṭṭhāma ārakā’’.
- 2321:**‘Mā sammevaṃ avacuttha, ḍayhate hadayaṃ mama;  
Citakāyaṃva me kāyo, āsane na sukhaṃ labhe.
- 2322:**‘Mā sammevaṃ avacuttha, bhiyyo sokaṃ janetha maṃ;

Nikkiṇissāmi dabbena, na vo dāsā bhavissatha.

**2323:** ‘Kimagghiyañhi vo tāta, brāhmaṇassa pitā adā;  
Yathābhūtaṃ me akkhātha, paṭipādentu brāhmaṇaṃ’.

**2324:** ‘Sahassagghañhi maṃ tāta, brāhmaṇassa pitā adā;  
Atha [acchaṃ (sī. syā. ka.)] kaṇhājinaṃ kaññaṃ, hatthinā ca satena ca’ [hatthiādisatena ca (syā.), hatthinādisatena ca (ka.)].

**2325:** ‘Uṭṭhehi katte taramāno, brāhmaṇassa avākara;  
Dāsīsatamaṃ dāsīsatamaṃ, gavaṃ hatthusabhaṃ satamaṃ;  
Jātarūpasahassañca, puttānaṃ dehi nikkayaṃ.

**2326:** ‘Tato kattā taramāno, brāhmaṇassa avākari;  
Dāsīsatamaṃ dāsīsatamaṃ, gavaṃ hatthusabhaṃ satamaṃ;  
Jātarūpasahassañca, puttānaṃdāsī nikkayaṃ’.

**2327:** ‘Nikkiṇitvā nahāpetvā, bhojayitvāna dārake;  
Samalaṅkaritvā bhaṇḍena, ucchaṅge upavesayumaṃ.

**2328:** ‘Sīsaṃ nhāte sucivatthe, sabbābharaṇabhūsite;  
Rājā aṅke karitvāna, ayyako pariṇucchatha.

**2329:** ‘Kuṇḍale ghusite māle, sabbābharaṇabhūsite;  
Rājā aṅke karitvāna, idaṃ vacanamabravi.

**2330:** ‘Kacci ubho arogā te, jāli mātāpitā tava;  
Kacci uñchena yāpetha, kacci mūlaphalā bahū.

**2331:** ‘Kacci ḍaṃsā makasā ca, appameva sarīsapā;  
Vane vāḷamigākiṇṇe, kacci hiṃsā na vijjati’.

**2332:** ‘Atho ubho arogā me, deva mātāpitā mama;  
Atho uñchena yāpenti, atho mūlaphalā bahū.

**2333:** ‘Atho ḍaṃsā makasā ca, appameva sarīsapā;  
Vane vāḷamigākiṇṇe, hiṃsā nesamaṃ na vijjati.

**2334:** ‘Khaṇantālukalambāni, bilāni takkalāni ca;  
Kolaṃ bhallātakamaṃ bellaṃ, sā no āhatva posati.

**2335:** ‘Yañceva sā āharati, vanamūlaphalahāriyā;  
Tamaṃ no sabbe samāgantvā, rattimaṃ bhuñjāma no divā.

**2336:** ‘Ammāva no kisā paṇḍu, āharantī dumapphalaṃ;  
Vātātapena sukhumālī, padumaṃ hatthagatāmiva.

**2337:** ‘Ammāya patanūkesā, vicarantīyā brahāvane;  
Vane vāḷamigākiṇṇe, khaggadīpinisevite.

**2338:** ‘Kesesu jaṭamaṃ bandhitvā, kacche jallamadhārayi;  
Cammavāsī chamā seti, jātavedamaṃ namassati.

- 2339: ‘Puttā piyā manussānaṃ, lokasmiṃ udapajjisuṃ;  
Na hi nūnamhākaṃ ayyassa, putte sneho ajāyatha’.
- 2340: ‘Dukkaṭaṇca hi no putta, bhūnahaccaṃ kataṃ mayā;  
Yohaṃ sivīnaṃ vacanā, pabbājesimadūsakaṃ.
- 2341: ‘Yaṃ me kiñci idha atthi, dhanaṃ dhaññaṇca vijjati;  
Etu vessantaro rājā, sivrattṭhe pasāsatu’.
- 2342: ‘Na deva mayhaṃ vacanā, ehiti sivismuttamo;  
Sayameva devo gantvā, siñca bhogehi atrajaṃ’.
- 2343: ‘Tato senāpatiṃ rājā, sajjayo ajjhabhāsatha;  
Hatthī assā rathā pattī, senā sannāhayantu naṃ;  
Negamā ca maṃ anventu, brāhmaṇā ca purohitā.
- 2344: ‘Tato saṭṭhisahassāni, yodhino [yuthino (ka.)] cārudassanā;  
Khippamāyantu sannaddhā, nānāvaṇṇehilaṅkatā.
- 2345: ‘Nīlavatthadharā neke [nīlavaṇṇadharāneke (sī. pī.), nīlavatthadharā eke (?)], pītāneke  
nivāsitā;  
Aññe lohitaṇḥīsā, suddhāneke nivāsitā;  
Khippamāyantu sannaddhā, nānāvaṇṇehilaṅkatā.
- 2346: ‘Himavā yathā gandhadharo, pabbato gandhamādano;  
Nānārukkhehi sañchanno, mahābhūtagaṇālayo.
- 2347: ‘Osadhehi ca dibbehi, disā bhāti pavāti ca;  
Khippamāyantu sannaddhā, disā bhantu pavantu ca.
- 2348: ‘Tato nāgasahassāni, yojayantu catuddasa;  
Suvaṇṇakacchā mātaṅgā, hemakappanavāsasā.
- 2349: ‘Ārūḷhā gāmaṇīyehi, tomaraṅkusapāṇibhi;  
Khippamāyantu sannaddhā, hatthikkhandhehi dassitā.
- 2350: ‘Tato assasahassāni, yojayantu catuddasa;  
Ājānīyāva jātiyā, sindhavā sīghavāhanā.
- 2351: ‘Ārūḷhā gāmaṇīyehi, illiyācāpadhāribhi;  
Khippamāyantu sannaddhā, assapiṭṭhe alaṅkatā.
- 2352: ‘Tato rathasahassāni, yojayantu catuddasa;  
Ayosukatanemiyo, suvaṇṇacitapakkhare.
- 2353: ‘Āropentu dhaje tattha, cammāni kavacāni ca;  
Vippārentu [vipphārentu (sī. syā. pī.)] ca cāpāni, daḷhadhammā pahārino;  
Khippamāyantu sannaddhā, rathesu rathajīvino’.
- 2354: ‘Lājāolopiya [lājā olokirā (ka.)] pupphā, mālāgandhavilepanā;  
Agghiyāni ca tiṭṭhantu, yena maggena ehiti.

- 2355: ‘Gāme gāme satam kumbhā, merayassa surāya ca;  
Maggamhi patitiṭṭhantu [patitā ṭhantu (syā. ka.)], yena maggena ehiti.
- 2356: ‘Maṃsā pūvā saṅkuliyo, kummāsā macchasaṃyutā;  
Maggamhi patitiṭṭhantu, yena maggena ehiti.
- 2357: ‘Sappi telam dadhi khīram, kaṅgubījā [kaṅguvīhi (sī. pī.), kaṅgupiṭṭhā (syā.)] bahū surā;  
Maggamhi patitiṭṭhantu, yena maggena ehiti.
- 2358: ‘Āḷārikā ca sūdā ca, naṭanaṭṭakagāyino;  
Paṇissarā kumbhathūṇiyo, mandakā sokajjhāyikā [sokacchāyikā (ka.)].
- 2359: ‘Āhaññantu sabbavīṇā, bheriyo dindimāni ca;  
Kharamukhāni dhamantu [vadantu (sī. pī.)], nadantu ekapokkharā.
- 2360: ‘Mudiṅgā paṇavā saṅkhā, godhā parivadentikā;  
Dindimāni ca haññantu, kutumpa [kuṭumbā (sī. syā. pī.)] dindimāni ca’.
- 2361: ‘Sā senā mahatī āsi, uyyuttā sivivāhinī;  
Jālinā magganāyena, vaṅkaṃ pāyāsi pabbataṃ.
- 2362: ‘Koṅcaṃ nadati mātaṅgo, kuṅjaro saṭṭhihāyano;  
Kacchāya baddhamānāya, koṅcaṃ nadati vāraṇo.
- 2363: ‘Ājānīyā hasiyanti [hasissimṣu (sī. pī.)], nemighoso ajāyatha;  
Abbhaṃ rajo acchādesi, uyyuttā sivivāhinī.
- 2364: ‘Sā senā mahatī āsi, uyyuttā hārahārinī;  
Jālinā magganāyena, vaṅkaṃ pāyāsi pabbataṃ.
- 2365: ‘Te pāvimsu brahāraññaṃ, bahusākhāṃ mahodakaṃ [bahudijam (pī.)];  
Puppharukkhehi sañchannaṃ, phalarukkhehi cūbhayaṃ.
- 2366: ‘Tattha bindussarā vaggū, nānavaṇṇā bahū dijā;  
Kūjantamupakūjanti, utusampupphite dume.
- 2367: ‘Te gantvā dīghamaddhānaṃ, ahorrattānamaccaye;  
Padesaṃ taṃ upāgacchuṃ, yattha vessantaro ahu’.

Mahārājapabbam nāma.

### Chakhattiyakammaṃ

- 2368: ‘Tesaṃ sutvāna nigghosaṃ, bhīto vessantaro ahu;  
Pabbataṃ abhiruhitvā, bhīto senaṃ udikkhati.
- 2369: ‘Ingha maddi nisāmehi, nigghoso yādiso vane;  
Ājānīyā hasiyanti, dhajaggāni ca dissare.
- 2370: ‘Ime nūna araññasmiṃ, migasaṅghāni luddakā;  
Vāgurāhi parikkhippa, sobbhaṃ pātetvā tāvade;  
Vikkosamānā tibbāhi, hanti nesaṃ varaṃ varaṃ.

- 2371: ‘Yathā mayam adūsakā, araññe avaruddhakā;  
Amittahatthattam gatā, passa dubbalaghātakam’.
- 2372: ‘Amittā nappasāheyyum, aggīva udakaṇṇave;  
Tadeva tvaṃ vicintehi, api sotthi ito siyā’.
- 2373: ‘Tato vessantaro rājā, orohitvāna pabbatā;  
Nisīdi paṇṇasālāyam, dalham katvāna mānasam’.
- 2374: ‘Nivattayitvāna ratham, vuṭṭhapetvāna seniyo;  
Ekam araññe viharantam, pitā puttam upāgami.
- 2375: ‘Hatthikkhandhato oruyha, ekamso pañjalīkato;  
Parikiṇṇo [parikkhitto (sī. pī.)] amaccehi, puttam siñciturāgami.
- 2376: ‘Tatthaddasa kumāram so, rammarūpaṃ samāhitam;  
Nisinnam paṇṇasālāyam, jhāyantam akutobhayaṃ.
- 2377: ‘Tañca disvāna āyantam, pitaram puttāgiddhinam;  
Vessantaro ca maddī ca, paccuggantvā avandisum.
- 2378: ‘Maddī ca sirasā pāde, sasurassābhivādayi;  
‘Maddī ahañhi te deva, pāde vandāmi te suṇhā’ [husā (sī. syā. pī.)];  
Tesu tattha palisajja, pañinā parimajjatha’.
- 2379: ‘Kacci vo kusalam putta, kacci putta anāmayam;  
Kacci uñchena yāpetha, kacci mūlaphalā bahū.
- 2380: ‘Kacci daṃsā makasā ca, appameva sarīsapā;  
Vane vālamigākiṇṇe, kacci hiṃsā na vijjati’.
- 2381: ‘Atthi no jīvikā deva, sā ca yādisakīdisā;  
Kasirā jīvikā homa [ahosi (?)], uñchācariyāya jīvitam.
- 2382: ‘Aniddhinam mahārāja, dametassamva sārathi;  
Tyamhā aniddhikā dantā, asamiddhi dameti no.
- 2383: ‘Api no kisāni maṃsāni, pitu mātu adassanā;  
Avaruddhānam mahārāja, araññe jīvasokinaṃ’.
- 2384: ‘Yepi te siviseṭṭhassa, dāyādāpattamānasā;  
Jālī kaṇhājīnā cubho, brāhmaṇassa vasānugā;  
Accāyikassa luddassa, yo ne gāvova sumbhati.
- 2385: ‘Te rājaputtīyā putte, yadi jānātha saṃsatha;  
Pariyāpuṇātha no khippam, sappadaṭṭhamva māṇavam’.
- 2386: ‘Ubho kumārā nikkītā, jālī kaṇhājīnā cubho;  
Brāhmaṇassa dhanam datvā, putta mā bhāyi assasa’.
- 2387: ‘Kacci nu tāta kusalam, kacci tāta anāmayam;  
Kacci nu tāta me mātu, cakkhu na parihāyati’.

2388: ‘Kusalañceva me putta, atho putta anāmayam;  
Atho ca putta te mātu, cakkhu na parihāyati’’.

2389: ‘Kacci arogam yoggam te, kacci vahati vāhanam;  
Kacci phīto janapado, kacci vuṭṭhi na chijjati’’.

2390: ‘Atho arogam yoggam me, atho vahati vāhanam;  
Atho phīto janapado, atho vuṭṭhi na chijjati’’.

2391: ‘Icevam mantayantānam, mātā nesam adissatha;  
Rājaputtī giridvāre, pattikā anupāhanā.

2392: ‘Tañca disvāna āyantam, mātaram puttagiddhinim;  
Vessantaro ca maddī ca, paccuggantvā avandisum.

2393: ‘Maddī ca sirasā pāde, sassuyā abhivādayi;  
Maddī ahañhi te ayye, pāde vandāmi te suṇhā’’.

2394: ‘Maddiñca puttakā disvā, dūrato sotthimāgatā;  
Kandantā mabhidhāvimsu, vacchabālāva mātaram.

2395: ‘Maddī ca puttake disvā, dūrato sotthimāgate;  
Vāruṇīva pavedhentī, thanadhārābhisiñcatha’’.

2396: ‘Samāgatānam ñātīnam, mahāghoso ajāyatha;  
Pabbatā samanādiṃsu, mahī pakampitā ahu.

2397: ‘Vuṭṭhidhāram pavattento, devo pāvassi tāvade;  
Atha vessantaro rājā, ñātīhi samagacchatha.

2398: ‘Nattāro suṇisā putto, rājā devī ca ekato;  
Yadā samāgatā āsum, tadāsi lomahaṃsanam.

2399: ‘Pañjalikā tassa yācanti, rodantā bherave vane;  
Vessantarañca maddiñca, sabbe raṭṭhā samāgatā;  
Tvam nosi issaro rājā, rajjam kāretha no ubho’’.

Chakhattiyakammaṃ nāma.

2400: ‘Dhammena rajjam kārentam, raṭṭhā pabbājayittha maṃ;  
Tvañca jānapadā ceva, negamā ca samāgatā’’.

2401: ‘Dukkatañca hi no putta, bhūnahaccam kataṃ mayā;  
Yohaṃ sivīnam vacanā, pabbājesimadūsakam’’.

2402: ‘Yena kenaci vaṇṇena, pitu dukkham udabbahe;  
Mātu bhaginiyā cāpi, apī pāṇehi attano’’.

2403: ‘Tato vessantaro rājā, rajojallam pavāhayi;  
Rajojallam pavāhetvā, saṅkhavaṇṇam [saccavaṇṇam (sī. syā.)] adhārayi’’.

2404: ‘Sīsam nhāto sucivattho, sabbābharaṇabhūsito;

Paccayaṃ nāgamāruyha, khaggaṃ bandhi parantapaṃ.

- 2405:** ‘Tato saṅghisahassāni, yodhino cārudassanā;  
Sahajāta pakiriṃsu, nandayantā rathesabhaṃ.
- 2406:** ‘Tato maddimpi nhāpesuṃ, sivikaññā samāgatā;  
Vessantaro taṃ pāletu, jālī kaṇhājīnā cubho;  
Athopi taṃ mahārājā, sañjayo abhirakkhatu’.
- 2407:** ‘Idaṅca paccayaṃ laddhā, pubbe saṃklesamattano;  
Ānandiyāṃ ācariṃsu, ramaṇīye giribbaje.
- 2408:** ‘Idaṅca paccayaṃ laddhā, pubbe saṃklesamattano;  
Ānandi vittā sumanā, putte saṅgamma lakkhaṇā.
- 2409:** ‘Idaṅca paccayaṃ laddhā, pubbe saṃklesamattano;  
Ānandi vittā patītā, saha puttehi lakkhaṇā’.
- 2410:** ‘Ekabhata pure āsiṃ, niccaṃ thaṇḍilasāyini;  
Iti metaṃ vataṃ āsi, tumhaṃ kāmā hi puttakā.
- 2411:** ‘Taṃ me vataṃ samiddhaja, tumhe saṅgamma puttakā;  
Mātujaṃpi taṃ pāletu, pitujaṃpi ca puttaka;  
Athopi taṃ mahārājā, sañjayo abhirakkhatu.
- 2412:** ‘Yaṃ kiñcitthi kataṃ puññaṃ, mayhañceva pitucca te;  
Sabbena tena kusalena, ajaro amaro bhava’.
- 2413:** ‘Kappāsikaṅca koseyyaṃ, khomakoṭumbarāni ca;  
Sassu suṇhāya pāhesi, yehi maddī asobhatha.
- 2414:** ‘Tato hemaṅca kāyūraṃ, gīveyyaṃ ratanāmayāṃ;  
Sassu suṇhāya pāhesi, yehi maddī asobhatha.
- 2415:** ‘Tato hemaṅca kāyūraṃ, aṅgadaṃ maṇimekhalāṃ;  
Sassu suṇhāya pāhesi, yehi maddī asobhatha.
- 2416:** ‘Uṇṇataṃ mukhaphullaṅca, nānāratte ca māṇike [[māṇīye \(sī. pī.\)](#)];  
Sassu suṇhāya pāhesi, yehi maddī asobhatha.
- 2417:** ‘Uggaṭṭhanaṃ giṅgamaṃ, mekhalaṃ pāṭipādaṃ [[paṭipādukaṃ \(sī. syā.\), pālipādaṃ \(pī.\)](#)];  
Sassu suṇhāya pāhesi, yehi maddī asobhatha.
- 2418:** ‘Suttaṅca suttavajjaṅca, upanijjhāya seyyasi;  
Asobhatha rājaṃputtī, devakaññāva nandane.
- 2419:** ‘Sīsaṃ nhātā sucivatthā, sabbālankārahūsitā;  
Asobhatha rājaṃputtī, tāvatimseva accharā.
- 2420:** ‘Kadalīva vātacchupitā, jātā cittalatāvane;  
Dantāvaraṇasampannā, rājaṃputtī asobhatha.

- 2421: ‘Sakuṇī mānusinīva, jātā cittaṭṭā patī;  
Nigrodhapakkabimboṭṭhī, rājaṭṭā asobhatha.
- 2422: ‘Tassā ca nāgamānesuṃ, nātibaddhaṃva kuṅjaraṃ;  
Sattikkhamaṃ sarakkhamaṃ, īsādantaṃ urūḷhavaṃ.
- 2423: ‘Sā maddī nāgamāruhi, nātibaddhaṃva kuṅjaraṃ;  
Sattikkhamaṃ sarakkhamaṃ, īsādantaṃ urūḷhavaṃ’.
- 2424: ‘Sabbamhi taṃaraññaṃhi, yāvantaṭṭā migā ahuṃ;  
Vessantaṭṭā teṇa, naññaṃaṃ viheṭṭhaṃ.
- 2425: ‘Sabbamhi taṃaraññaṃhi, yāvantaṭṭā dijā ahuṃ;  
Vessantaṭṭā teṇa, naññaṃaṃ viheṭṭhaṃ.
- 2426: ‘Sabbamhi taṃaraññaṃhi, yāvantaṭṭā migā ahuṃ;  
Ekajjhaṃ sannipāṭiṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2427: ‘Sabbamhi taṃaraññaṃhi, yāvantaṭṭā dijā ahuṃ;  
Ekajjhaṃ sannipāṭiṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2428: ‘Sabbamhi taṃaraññaṃhi, yāvantaṭṭā migā ahuṃ;  
Nāssu mañjū nikūjiṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2429: ‘Sabbamhi taṃaraññaṃhi, yāvantaṭṭā dijā ahuṃ;  
Nāssu mañjū nikūjiṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2430: ‘Paṭiyatto rājamaggo, vicitto pupphasanthato;  
Vasi vessantaṭṭā yattha, yāvataṭṭā jetuttarā.
- 2431: ‘Tato saṭṭhisahassāni, yodhino cārudassanā;  
Samantā parikirīṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2432: ‘Orodhā ca kumārā ca, vesiyānā ca brāhmaṇā;  
Samantā parikirīṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2433: ‘Hatthārohā anīkaṭṭhā, rathikā pattikāṭṭā;  
Samantā parikirīṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2434: ‘Samāgatā jānapadā, negamā ca samāgatā;  
Samantā parikirīṃsu, vessantaṭṭā payāṭamhi;  
Sivīnaṃ raṭṭhavaḍḍhane.
- 2435: ‘Karoṭiyā cammadharā, illīhatthā [indihatthā (syā. ka.), khaggahatthā (sī. pī.)] suvammino;  
Purato paṭipajjīṃsu, vessantaṭṭā payāṭamhi;



Sivīnaṃ raṭṭhavaḍḍhane.

**2436:**“Te pāvisuṃ puraṃ rammaṃ, mahāpākāratoraññaṃ;  
Upetaṃ annapānehi, naccagītehi cūbhayaṃ.

**2437:**“Vittā jānapadā āsuṃ, negamā ca samāgatā;  
Anuppatte kumāramhi, sivīnaṃ raṭṭhavaḍḍhane.

**2438:**“Celukkhepo avattittha, āgate dhanadāyake;  
Nandiṃ pavesi [[nandi-ppavesi \(sī. syā. pī.\)](#)] nagare, bandhanā mokkho aghosatha.

**2439:**“Jātarūpamayaṃ vassaṃ, devo pāvassi tāvade;  
Vessantare pavitṭhamhi, sivīnaṃ raṭṭhavaḍḍhane.

**2440:**“Tato vessantaro rājā, dānaṃ datvāna khattiyo;  
Kāyassa bheda sappañño, saggamaṃ so upapajjathā’’ti.

Vessantarajātakaṃ dasamaṃ.

Mahānipāta niṭṭhitā.

Jātakapāḷi niṭṭhitā.